



UNIVERSITY OF TORONTO




3 1761 01622439 6



336

16/84



دوره کمال

صحیفه

باقی .	۳۰۹
لطیفی .	۳۱۷
روحی بغدادی .	۳۱۸
خاقانی .	۳۲۴
مورخ‌الر : سعدالدین ، پچوی ، عالی .	۳۲۷
نفعی : شخصی و آثاری .	۳۳۰
صبری .	۳۳۷
یحیی .	۳۳۸
بو دورک هیئت عمومیه سنه بر نظر : اجمال سیاسی	۳۴۱
و اجتماعی ، ترقیات فکریه ، معماری ، شیوه و ذوق	
حقننده فی تکاملات ، لسان .	

دور فکری

دور فکری : فهم .	۳۱۷
نائلی قدیم .	۳۶۹
نظیم .	۳۷۱
نابی .	۳۷۴
ثابت .	۳۷۹
قوچی بك .	۳۸۱
نعیم .	۳۸۳
بو دورک هیئت عمومیه سنه بر نظر : اجمال سیاسی	۳۸۵
و اجتماعی ، ترقیات فکریه و مدنیه ، لسان .	

دور نصوف

صحیفہ	
۱۳۱	حکومت عثمانیہ نك تشكلی و تصوفك تأثیراتی، دینی شعر لره.
۱۳۳	عاشق پاشا : غریب نامہ .
۱۴۲	سلیمان پاشا و مولد .
۱۵۰	شیخی .
۱۵۹	احمدی .
۱۶۹	قاضی برهان الدین .
۱۷۴	اجمال سیاسی و اجتماعی، نظم و شعر ، ترقیات فکریہ .

سرای دوری

۱۹۰	احمد داعی .
۱۹۳	مراد ثانی .
۱۹۵	فاتح سلطان محمد .
۱۹۷	احمد پاشا .
۲۰۱	سنان پاشا .
۲۱۱	نظامی .
۲۱۳	زینب خاتون .
۲۱۵	بایزید ثانی .
۲۱۷	حمدی .
۲۲۲	سلطان جم .
۲۴۳	نجاتی .
۲۴۸	مہری خاتون .
۲۵۴	ذاتی .
۲۵۸	ابن کمال .
۲۶۱	سلطان سلیمان قانونی .
۲۶۳	فضولی و آثاری .
۲۷۵	بو دورك هیئت عمومیه سنہ بر نظر ، اجمال سیاسی و اجتماعی ، عجم ادبیاتك تأثیری ، ترقیات فکریہ و مدنیہ ، ترقیات معماریه ، لسانك تکاملی .

﴿ فهرست ﴾

مقدمه

صفحه

تاریخ ادبیات ؛ تاریخ ادبیات تاریخ مدنیتک برجزیدر .	۳
آثار ادبیه نك ظهوری ، افسانه لر ، شرقیلر ، ماصالیر ، خماسیات .	۱۰
آثار ادبیه نك آثار صنعتله مناسبتی .	۱۸
تاریخ ادبیات و داستان .	۲۹
بر دور ادبیه نك حدودی ناصل تعیین ایدیلیر ؟	۳۱
بر اثر ادبیه نك تحلیل داخلی و خارجیی ، اثر و محرر .	۴۲
بر اثر ادبیه نك وجوده کتیردیکی تأثیراتک تدقیق .	۵۰
محیط جغرافی و اجتماعی ؛ شرائط اقتصادی ، حیات عائله و کبارانه ، حیات سیاسیه ، اعتقادات ، اخلاق ، صنایع سائرۂ نفیسه .	۵۶

مرفل

ترکلر .	۶۵۰
لسانلری .	۶۸
مدنیتلری .	۷۱
ترك ادبیات قدیمه سی .	۷۷
مولانا جلال الدین رومی .	۸۱
سلطان ولد .	۹۷
یونس امره .	۱۰۳
حکومت عثمانیه نك تشککندن اول آناتولی ترکلری :	۱۱۲
سلجوقیلر ، مدنیت و لسانلری .	

ماخذلر

فرانسجه لر:

فلسفه صنعت : تن . — معنای صنعت : غولتیه . — مبادی صنعت : غروس . — حیات اجتماعی نقطه نظرندن صنعت : کیو . صنعتده دها . — غابریهل سه ئای . — ترك ادبیاتنده عشق : عبدالحلیم ممدوح ، موسیو فازی . — ترك تاریخنه مدخل : له ئون قائون . — جم سلطانك سرگذشت و حیات : موسیو توائن . — تاریخ ادبیاتده اصول : لانسون

ترکجه لر :

معلومات ادبیه ؛ ایکنجی قسم . — کوپرلی زاده فؤاد شهاب الدین سلیمان . — کپک تاریخ ادبیات عثمانیه سنک آلتنجی جلدی . — شقائق النعمانیه ترجمه سی و ذیلی . — هانمهر تاریخی ترجمه سی : عطا بك . — تاج التواریخ : سعدالدین افندی . . — تاریخ ابوالفاروق : مراد بك . — عثمانلی تاریخی : احمد راسم بك . — واقعات سلطان جم . — تذکره لطیفی . — عاشق چلبی تذکره سی . — تذکره رضا . — تذکره سالم . — مجموعه معلم : معلم ناجی . — تاریخ ادبیات : فائق رشاد . — احمد رفیق بک کلیات تاریخیه سی . — اولیا چلبی سیاحتنامه سی : آلتی جلد . — ضیابک معمارى اوزرینه مقالاتی . — ثروت فنون ، معلومات ، رباب ، بویوک دوغو رساله لری . — پیام ادبی . — تاریخ ادبیات عثمانیه : شهاب الدین سلیمان . — سجل عثمانی : درت تاریخ نعیا : آلتی جلد . — مختلف دیوانلر . — تضرعات سنان پاشا : ابوالضیا توفیق بك . ترك یوردنده بروسه لی طاهر بك افندینك مقالاتی . — کاتب چلبی : بروسه لی طاهر بك افندینك بررساله سی . — سر آمدان سخن : حسین دانش . — شیخ محمد المصری نیازی . — رضا توفیق بک تصوف اوزرینه مقالاتی .

مص دخان ، شرب قهوه ، بلع آفیونه دأثر رساله ، حساب ، تجیم ،
جبردن الصولة الهزبریة ، فذلکة الحساب ، دیوان ، آداب مناظره دن
سید شریفک رساله سنه شرح .

فضلا دن قره خلیل ، بوستان صالح ، مستحی زاده عبدالله ،
مطولجی عبدالرحیم زاده یحیی اقدیلری ده اونو تماملیدر .

بوتشوشدن آز چوق لسان ده متأثر اولمش ، نثر اکثر آثار ده
آکلا شلمه یه جق قدر مغلق بر شکل کسب ایتمشدر . بودورده یتیشن
معمارلردن معمار قابیم آغایی ذکر ایدم بیلیرز ، آغا پک چوق سنه لر
معمار اولمش ، کوپرلینک مقام صدارته کتیرلمسی ایچون چالشمش ،
شوصورتله سیاست ده قارشمشدر .

یکی جامع بودورک بزه بر اقدینی انافس آتاردندر .

برنجی جلدک ختامی



انجق فکری، آنجق دینی، اخلاقی اوله بیلیردی، نته کیم اوصورتله تجلی ایتمشدر. شاعر لر معین بر جمعیتک معین بر آن تاریخنک محصول لریدر. اوندن آیر یله مازلر.

علمانک حالنی کوردک، آکلادق. مع مافیله بوراده خدمت کورمش بر قاچ سیمایی ذکر ایتمکدن کچه مه یه جکزر. سلطان محمد رابع دورنده یتیشن علمادن بری هزارفن حسن افندید، کندیسسی استانبولیدر، تحصیلنی اوراده یاپمش. استانبولده اکمال ایتمش، ۱۰۸۵ تاریخنده استانبولده وفات ایتمشدر. آثارنی تنفیج الواریخ نامنده بر تاریخ عمومی، تاریخ دولت رومیه، طبی بر اثر اولان «تحفة الادیب النافعه»، تصوفی بر اثر اولان محاسن الکلام والحکم فی شرح اسم الله الاعظم، لسان الاطبا فی لغة الادویه، فهرس الاروام، رساله حکمیله در.

علم احوالک تراجم الاحوال شعبه سنده مشهور اولان ابراهیم وحیدی افندی شمنی نک حاجی اوغلی بازارنده تولد ایتمشدر. استانبولده «۱۱۱۶» سنه سنده وفات ایتمشدر. آثارنی: حاشیه علی الیضاوی، المعسول، التفیص، الاعتصام، السامی که بوتون بونلر شر حلدن عبارتدر، اختصار وفيات ابن خلیکان، تذکرة الشعرا عرب، مرزور قات و سائر آثارنی وارددر.

۱۰۸۵ تاریخنده جایی زاده مصطفی افندی صلبندن استانبولده دنیایه کلن فائض افندی ده علم اعتباریله ذکره شایانی بر سیمادر. شعرله، ریاضیه تحصیلده مشغول اولوب موفقیت کوسترمشدر. «۱۱۳۴» ده سوداغلتنه اوغرایه رق منتحر آوفات ایله مشدر، آثارنی سورة یونس تفسیری، تلخیص شرحی، قواعد فارسیه شرحی،

ایله قسامی سعید افندی شیخ الاسلام دائره سنده بوغاز بوغازه ککشلردی .
شیخ الاسلام فیض الله افندی ده حرص و طمع او قدر فضله ایدی ، که
وفاتنده اوغلنک شیخ الاسلام اولمه سی ، مقام مشیختک توارث طریقله
انتقالی ایچون فرمان بیله آمشدی .

شو احوال داخلنده بولنان بر مملکت خلقنک بدین اولمه سی ،
حیاتدن بیقمه سی ، عمرینی معبدلرده امرار ایتمه سی غایت طبعیدر ،
فی الحقیقه او یلده اولدی . بر زمان کلدی ، که استانبولده فجیع
برسالت حکمفرما اولمه یه ، اهالی معبدلره طولوب آقشامه قدر مسکینه
امرار حیات ایتمه یه باشلادی . حقوق بشریه سی ادعا ایده بیله جک
قابلیت کیمسه ده قالمامشدی . « اهالی ده حکومت قارشو ازلی بر توحش
حاصل اولیور ، حکومتدن ظلمدن باشقه بر شی بکله مه یوردی .
جامعلره بیله طولپلانسه ضابطلرک ورودلری اوزرینه درحال هیجانه
دوچار اولیور ، مالی ، حیاتی وطنک رجانه امنیت ایده مه یوردی .
ینه بر دفعه اهالی فاتح جامعنه طولپلانمش ، استانبول قائم مقامنک
ورودی اوزرینه طارما طاغین اولمشدی . « احتراز وانفعال رجالی
کورن نسوان و اطفال استیلا دهشت ایله پریشان . حال اولوب
جامع نردبانلرندن بر برینی پامال ایده رک فراره استعجال ایتلریله کمال
زحامدن زیر اقدام انامده هلاک اولان ایکی معصومک آنالری وسائر
نسوان آغاز ناله و این و نیجه حوامل خوف تعزیر ایله اسقاط جنین
ایله مشدی . » [۱]

طبعیدر ، که بواحوال داخلنده بولنان بر مملکتده ادبیات

بو ائناده قاضی زاده افندی نامنده بری ظهور ایتمش، بر طاقم مسائل احداث ایتمش، خانه سنده هر نوع رذائلی ارتکاب ایتدیکی حالده کموش، ایپک کبی شیرک منعه قالمش، اهل تصوف علیه اهالی بی تشویق ایتمش، مملکتده عصیان چیقارمش، فقط کوپرلی محمد پاشا عصیانه مانع اولمش، شیخ الاسلام وانی افندی ایسه سفیه، راشی، مرتشی، ریاکار بر ذات اوله رق یاشامش ایدی. بر چوق شیرلی منع ایتدیکی حالده کنديسنگ اونلری نیچین یاپدینی حقنده سؤال ایدن بر ذاته ویردیکی جواب خارقه در :

« بهی نادان دنیا کندو بعینها قبیح و مذموم دکلدر . جمله نك مطلوبی و مرغوبی بر نعمت جلیله در . ذم اولنان حجت تحصیلی و کیفیت تناولیدر . اخذ تناولده سن بکا مشابه و مماثل دکلک . بر لقمه تناولی سکا حرام ایکن قوت علمیه و تصرفات عقلیه ایله بکا حلال اولور » دیمش . حریف بر تمثیل طلب ایتمش . وانی افندی « مثلاً طعام یرکن دیشلری آره سینه کیرن لحم پاره سنی خلال وزور ایله طشره چیقاروب یودارسین سکا مکروه اولور . بن نازکانه تحریک لسان ایله قورتاروب یودارم . بکا حلال اولور، بر مثال دخی سز مال حرام ایله ما کولات آلوب حرام یرسز . بز ایسه ما کولاتی و ملبوساتی دین ایله آلورز . آی باشنده شبهلی مالزدن ادا ایده رز . بو حیله ایله خلال ایده رز . ایشته مال دنیایی اخذ و تناول خصوصنده دخی نیجه عالمانه تصرفاتمز واردر که بزه جائزدر . » [۱]

آرتق عدم انتظام اودرجه بی بولمشدی، که مفتی ابوسعود افندی

مقصودنده موفق اوله‌مادن عزل ایدلمش، استانبولده اغتشاش اولمش،
عسکر، اهالی ادرنه اوزرینه یورومش، پادشاه خلع ایدلمش، فیض‌الله
افندی قتل ایدلمش در .

سیاست خارجییه، کلنجه شرق مسئله‌سی ابتدا بودورده باش
کوسترمش، انکلتزه سفیری، فرانسه سفیری، ونیدیک سفیری، روس
سفیرلری حبس ایدلمش، طایان یمیشلر، عهد قدیمه تجدیداً
امضالانمشدر .

حیات اجتماعییه کلنجه اغتشاش آنارشی، مغلوبیت دورلرینک
کوسترمش اولدینی بوتون امراض و اعراضی کوسترمشدر. احتراض
بوتون قوتیه اجرای احکام ایتکه باشلامش، ظلم، ارتشامور جاریه
حکمنه کیرمش، حق واردات دولتی تأمین ایچین آنتان رشوتلرک
خزینیه قیدی قاعده اتخاذ اولنمش، شقاوت موقع اقباله کچه‌بیلیمک
ایچون یکانه یول و اصول اولمش، عرض و ناموسه تجاوز ایتکم
چوغلنش، بو آنارشی‌یی ظلم و قان تعقیب ایتمش، خلاصه مملکتده
آدم قالماش، اسلاملر آره‌سند خرسیتیانلرک، موسویلرک رنکلی
چوقه، اعلا لباس، سمور قالپاق، صاری مست ویاپوش کیمه‌لری
منع ایدلمش، سیاه لباس، قرمزی و سیاه مست ویاپرش کیمه‌لری،
سوقاقده آیاقلرینه چنغراق طاقلری امر اولنمش، اسلام و خرسیتیانلره
متفاوت ویرکولر طرح اولنمشدر .

علمایه کلنجه اولنرده آرتق برر غریبه حالنده ایدی . مفتی
به‌الدین افندی بورتنی کورمز حمقاند، عبدالعزیز چلبی ایسه
اهل اغتشاشدن، حریصلردن، فنا فنا اعتیاداته مالک اولانلردن ایدی .

طرفدن ضبط اولمش، سلطان محمد رابع قرق سکز سنه سلطنتدن
صوکره خلع ایدلمشدر .

یرینه کلن برادری سلطان سلیمان زماننده ایسه عدم انضباط
عسکری بوتون وضوحیه کورلمش، یکیکچریلر، سپاهییلر اتفاق
ایتمشلر، ایسته مدکاری عزل ایتدیرمشلر، خلق یکیکچریلره قارشو
عصیان ایتمش، یکن عثمان پاشا کبی شقاوتدن کلن بری وزیر اعظم
اولمش، بلغراد، سمندره آوستریالیلرک ائنه دوشمش، آوستریالیلر
نیش و سائر برچوق قلعهلری ضبط ایتمشلر، مجدد اول مملکت فاضل
مصطفی پاشا صدر اعظم اولمش، مملکتدن بر عدالت هواسی کچمش،
آوستریالیلری مغلوب ایتمش، نیش، بلغراد، سمندره، ویدین
استرداد اولمش، بو ائنده سلطان سلیمان وفات ایتمش، یرینه ایکنجی
سلطان احمد کچمشدر .

بوزمانده آوستریالیلر بوزولمش، سالانقیمین محاربه سنده صدر اعظم
شهید دوشمش، حدودده کی رعایای خرسیتیانیه شقاوته باشلامش،
سالانقیمین بوزغونلغی بوتون شامتیه دولتک اوزرینه چوکمش، آوستریا
سفری دوام ایدرکن پادشاه وفات ایتمشدر .

ایکنجی سلطان مصطفی زمانه کلنجه قبودان دریا عموجه زاده
حسین پاشا ساقری استرداد ایتمش، پادشاه بالذات سفره کیتمش،
جنرال وه ترا مغلوب اولمش، لپوه ضبط ایدلمش، روسلر آزاق
قلعه سنی آلمش، قارلوفجه معاهده مشئومه سی امضالامش (۱۱۱۰)،
کوپریلی عموجه زاده حسین پاشا صدر اعظم اولمش، برسیاست
معقوله داخلیه تعقیب ایدرکن شیخ الاسلام فیض الله افندینک انتریقهلری ایله

کریده عسکر مغلوب اولمش ، قپودان دریاونیق احمد پاشا فوچده بوزغونلق ویرمش ، کرچی عبدالنبی اون بش بیك کشیلک بر اردو ایله استانبوله یورومش ، حکومت بکطاش آغالر ، قره مرادلر ایله کوسم سلطان آنده قالمش ، بوزجه اطه ، لیمنی وندیکیلرک آله دوشمش ، « ۱۰۶۶ » سنه سنده کوسم سلطان بر عصیان واختلالده آغالرله برابر قتل ایدلمش ، بشیر پاشا ، ابازه حسن پاشا وقعه لر ایله اوغراشلمش در . جلوسندن کوپر یلینک صدارتنه قدر کچن سنه لر ظرفنده یالکیز اون صدر اعظم دکشدر یلییور ، قتل اولینیوردی . بودورده برسیاست مقبوله تعقیب ایدیلهمه مش ، داخلآ تشوش اداره ، تشوش مالی دوام ایتمش ، بی مغنا ، یرینه مصروف اولمایان بر شدت ویا بر لاقیدی مملکتی خراب ایله مشدر .

کوپر یلی محمد پاشا ترهیب وشدت پولتیقه سنی قورمش ، آز زمان ظرفنده دولتی توره دیلردن قورتارمش ، بوزجه آطه یی ، لیمنی یی استرداد ایله مش ، آناطولیده عصیان ایدن والیرلی تنکیل ایتمش ، اردل سفرنده اردوی عثمانی غالب کلش ، بو اختیار وزیر بش سنه لک زمان صدارتنده تمام اوتوز بیك کشی یی اعدام ایله مش ، وفاتنده اوغلی فاضل احمد پاشا مقام صدارتی احراز ایله مشدر . بوده پدری کبی ترهیب وشدت پولتیقه سنی استعمال ایتمش ، او یواری ضبط ایله مش ، سن غوتار محاربه سنده مغلوب اولمش قنده یی فتح ایتمش ، له سفرینی آچمش ، وفات ایدر ایتیز قره مصطفی پاشا مهر صدارته مالک اولمش ، ویانه اوکنده کی محاربه ده مغلوب اولمش بعده اعدام ایدلمش ، و بو محاربه تام « ۱۱۱۰ » سنه سنده قدر ممالک عثمانیه نك حیاتی اتمش ، « بودین » آلدن چیقمش ، اردل آوستریالیلر

سلطان مصطفای ثانی خلع ایدلدیکی زمان ۹۸۲ دن « ۱۰۶۵ »
 قدر اولان وقایعی اتمام ایتیش بولینیوردی . داماد حسین پاشانک
 توصیه سی اوزرینه تاریخنه دوام ایدیور، ادرنه وقعه سنی قید ایتدکن
 صوکره تاریخنه تکرار باشلایور ، « ۱۱۱۰ » . قدر یازیور .
 نعما تاریخنی باشقه بر نظرله کورمش اولاندردن در ، اوهر وقعه
 حقنده رأینی بیاندن ، زمانک اُک متفسخ نقاطنی کوسترمکدن ، حتی
 مکالمه لری قید ایله مکدن واز کچه مز . باخصوص زمانک نه درجه ده
 قورقونج اولدیغنی کوسترن ، حفظ لسانی توصیه ایدن تفلسفری
 واردر، که جدآ تدقیقات تاریخیه اعتباریله حائر اهمیتدر . دنیه بیلورکه
 نعما تاریخنی قدر هیچ بر تاریخ زمانی طوغری کوسترمه مشدر .
 لساننده کی قدرت تصویر اعتباریله ماضیده کی محرر لر آره سنده نعمایی
 برنجی درجه ده اولاندردن عد ایتک اقتضا ایدر . نعما ۱۱۲۸ سنه سی
 موراده وفات ایتیش ، و جنازه سی اوراده قالمشدر .

۸

بودورک قبیئت عمومی نه بر نظر: اجمال سیاسی و اجتماعی، رفیات
 فکریه و مدنیه ، لسانه . — سلطان محمد رابع یدی یاشنده تحت
 جلوس ایتیش، بوکوچک چوجق خزینه بی بوم بوش ، ملکی اختلال
 واغتشاش ایچنده بولمشدی . سلطان ابراهیمی کیمنک قتل ایتدیکی
 خصوصنک آکلاشله سی ایچون سپاهیلر آیاقلانمش ، یکیچر یلرله
 آره لرینه منافرت القا ایدلمش ، سلطان احمد جامعنده ایکی عسکر
 بر برینی قیرمش ، آناطولیده رذالت ، شقاوت دوام ایتمکده بولمش،

تحصیل علم و معرفتہ بذل مساعی ایلہ مش ، نہایت سرایدن چیقہ رق دیوان ہایون قلمنہ کیرمش ، اوزمان نعما مخلصنی آتش ، بعدہ دکاسیلہ ، وسعت معلوماتیہ قلایلی قوز احمد پاشانک نظر دقتی جلب ایتمکلہ دیوان کتابتہ تعین ایدلمش ، سلطان مصطفای ثانی دورندہ بارتبہ خواجکانی آناطولی محاسبہ جیلکنہ ارتقا ایتمش ، تاریخہ پک زیادہ مراقلی اولان عموجہ زادہ حسین پاشانک دلاتیلہ بیک یوز یکرمی بر سنہ سندنہ تشریفاتجلیق ووقعہ نویسلک مأموریتلرینہ نائل اولمش ، داماد حسین پاشانک صدارتندہ عینی مأموریتی محافظہ ایتمش ، سلحدار علی پاشا زمانندہ دفتر امانتہ ، محاسبہ خواجہ لکنہ صعود ایلہ مشدر . سلحدار علی پاشانک کتخداسی ابراہیم آغا بوذکائی چککہ مکملہ فتنہ القایدیور ، پاشانعمائی آناطولی محاسبہ جیلکنہ ایندیریبور ، ومورہ دہ سرعسکر معیتندہ دفتر امانتی وظیفہ سیلہ بر اقیور .

نعما کینجیلکنندہ اک زیادہ تاریخلہ و علم نجوملہ اشتغال ایتمشدر ، بر زمانلر ایشی زائجہ جیلکہ دوکش ، جلب شہرتہ بو وسیلہ اولمشدر . زائجہ لرینک طوغریلغی ہر کسک نظر دقتی جلب ایتمکدہ ایدی ، بوکا بناء بر چوق کبارلرہ چاتمشد .

اصل تاریخنی یازمہ یہ سبب اولان عموجہ زادہ حسین پاشادر . سلطان احمد اول زمانندہ یاشامش اولان محمد افندی زادہ احمد افدینک کو پرلیلر زماننہ قدر یازمش اولدینی تاریخ او صرہ لردہ حسین پاشایہ تقدیم اولمش ، بونی نعما یہ تودیع ایلہ یکیدن بر تاریخ یازمہ سنی امر بو یورمشدی . بونی اتمام واکال ایلہ « روضۃ الحسین فی خلاصۃ الاخبار الحافقین » نامیلہ توسیم ایتمش ، عموجہ زادہ حسین پاشایہ اتحاف ایلہ مشدر .

انخطاطی اسبابی حقنده کی اثری ده بونک ایچون تورک «مونتسکیوسی»
عنوانه کسب استحقاق ایتدیرمشدر. [۱]
سوزلرینی سویله یور.

قوچی بکک اُک زیاده شایان دقت اولان بر مزیتی ده لسانیدر.
تجدداته مقدمه عد اولنه جق ساده، لطیف عبارده لره اودورده آنجق
اونک قلمنده تصادف اولنور. جمله سی حقیقته آز چوق موافقدر.
سلطان مراد رابع مومی الیهک بغداد سفرنده زرهله بر
تصویری چیقارتمشدر، «بورسمه باقیدینی زمان کوچک آز چوق
بیضی بر چهره، کسبیک بیقلر، قیرمتراق بر صقال، جدی،
خشین، ذکی کوزلر کورلمکده در.» [۲] کندیسسی کوریمچیلی اولوب
اندرون هایوندن یتشمش، پک چوق سنه لر معمر اولمشدر. سلطان
محمد رابعک بدایت سلطنتده دیار آخرته انتقال ایتمشدر [۳].

۷

نعمما. — بودورک اُک ممتاز سیالرندن بری ده تاریخ نویس نعمما
افندیدر. کندیسسی «۱۰۶۵» تاریخنده حلبده طوغمشدر. اصل
اسمی مصطفی در، پک کوچک یاششده استانبوله گلش، سرای
عتیق بالطه جیلری زمره سنه داخل اولمش، بایزید جامعشریفنده ده

[۱] هانمدر ترجمه سی: جلد ۶، صفیحه ۱۷۹

[۲] تاریخ ادبیات عثمانیه: شهاب الدین سلیمان

[۳] اوغللرندن خرم بک روسیه یه هجرت ایتمکله بوکون اوراده قوچی
بک عائله سی نامیله معروف اولان عائله بوندن کلشدر.

ایکینچی رساله‌نک تام نسخه‌سی آلدہ موجود دکلدر .

بورسالہ‌لردہ قوللانیدینی لسان سادہ‌در ، تصنعدن عاریدر ، بر عالمہ ، بر منقده یا قیسه‌جق صورتده متین وشدیددر . قطعیت افادہ‌سیلہ سادکی لسانی بیلنه‌مز فصل بر حسنی ، بر حسن جاذبی محتویدر .

قوچی بک بورسالہ‌ده اسباب سقوطی ، سقوط اخلاقی واجتماعی تدقیق ایدر ، یالکیز کندی زماننده قالماز ، ماضی‌یه طوغری چیقار ، سلطان سلیمان قانونینک اواخر سلطنتنده کچن وقایع ایله اضمحلال دولتک مناسبتنی تحری ایدر ، دولتک اوزمانده کی میخانیکیت اداره‌سنہ کوره تقسیمات وتصنیفاتده بولنه‌رق هر بری حقنده آیری آیری حکم‌لر ویریر ، هر بری ایچین لازم کلن اصلاحاتی سویلر . وبونلرک دواسنی‌ده اکثریا ماضی‌ده آرار ، بونک ایچیندر ، که قوچی بک آز چوق محافظه‌کار بر آدمدر . او ، حالک اسباب تعالیسنی ماضینک قوانین ونظاماتنده کورمکله بر ذوق مخصوص بولانلردن بریدر .

شانی زاده تارینخنده « کورینجه‌لی قوچی بک جستمکان سلطان مراد خان رابع حضر تلزینہ مزایای انتظامی پیرانه بر ادا ایله‌بی محابا انہا ایتمشدر ، که الحق ابوالنجیب رساله‌سنہ فائق دیمکه لایقدر . » دییور . هائمہر مومی ایله حقنده « عثمانی دولتک اسباب انحطاطی غرب مورحلری طرفدن اکثریا حقیقی اوزره اراٹہ اولنمشدر ، آنجق اونلرک هیچ بری بومسئله‌بی مراد رابع معاصر لرندن قوچی بک قدر حکیمانه ، و اونک قدر واقفانه بر صورتده بیان‌ایده‌مه‌مشدر . ابن خلدونک مقدمه تارینخه‌سی اونک ایچون عرب « مونتسکیوسی » عنوانہ صلاحیت بخش اولدینی کبی قوچی بکک دولت عثمانیه‌نک

معراجیه سندن شو پارچه بی المقله اکتفا ایده جکیز :

« خوشا فرخنده اختر لیلۀ ممتاز و مستثنا

« که عنوان برات قدریدر سرسورۀ اسرا

« شفق روی عروس مهره بر کلکون تنق آصدی

« کواکب صاجدیردی بی نهایت کوهر یکتا

« دکل جرم قر پر جوش اولوب بحر سیاه شام

« بر آلتون پوللی ماهی طشره آتدی موجۀ دریا

« زمانه کیدی نارنجی قبا ی زرنکار اوزره

« جواهر تکمه لرله بر چیچکلی عنبرین خارا

« ید تسخیره آکش کشور کیخسرو روزی

« ایدر موم شلکنن افراسیاب لیلۀ ظلما .»

« ۱۱۲۴ » سنه سنده وفات ایتمشدر .

۶

قومی بك . — بودورك مباديسنده ياشامش اولوب تفسخات
اجتماعيه بي بوتون وضوحيله كورمش بولنانلردن بري ده قوچی بك در.
قوچی بك نه بر شاعر ، نه ده بر اديبدر . اونك يالكز نفوذ
نظري واردر ، اودولتك ، ملتك سسوروكنديكي كريبونهك نه قدر
درين اولديغني حس ايتمش ، ايكي رساله جك يازمش ، بونلردن بري
سلطان مراد رابعه ، بري ده سلطان ابراهيمه قدیم ايتمشدر . مع التأسف

« حضرت نابیؑ استاده نظیره دیمکه
« ثابت آسا حلبك مرده سخندانمی وار . »

سویله یکی کبی نابی ده اونك حقنده :

« ضرب مثل ایرادینه بو عصرده نابی
« کیسه اوله ماز ثابت افندی به رسیده . »

دیمشدر . مع مافیه بعضاً آره لری آچقدر :

« قاش نوظهور معرفتده شمدیلک ثابت
« بولمازسه حلب تمغاسی استانبولده رغبت یوق . »

کبی سوزلر بو کبی دقیقه لرک محصولیدر . ثابت طوغری ،
دوزگون سوز سویله یه مزمش ، دیلنده رکاکت وارمش ، بناءً علیه
شعره هوسکار اوله سیله شوقصور طبعیسنه مقابل تسلی بولورمش .
ثابت زیاده سیله ضرب مثل ایرادینه دوشگون ، نعت وتوحیده میالدر .
دوری نابی ، نظیم ایله برابر اُك زیاده اظهار ایدن سیالردن بری ده
بودر . حکمتفروشلفك ، توحیدك خارجه چیقدینی زمان نه عاجز ،
نه سفیل بر قلمدر :

« ثقلی آشکاردر کمرک
« چوزلم سکا بارددر کمرک

« قدح شیر نافکه تشنه
« سرفرو برده مارددر کمرک . »

کبی .

ادهم نامه ، بربر نامه ، دیوان شعر ، خمسه ، ظفر نامه آتارندن در .

شونقل ایدیلن ایات ناینک نصل بر دورک محصولی اولدیغنی،
فلسفه سنک ، صنعتک نه ایدوکنی بزه واضحاً کوسترمکده در .
نابی اویله بر ید شاعریتدر ، که اشکال قدیمه نظمک هربرنده
آیری ایری تجربه لر یامش ، پک چوق آثار وجوده کتیرمشدر .
آثاری : تحفة الحرمین ، خیر آباد ، منشآت ، ودیواندن عبارتدر .
زماننده کنیدیسنی چکمدکاری ایچون :

« نابی نابی ایدن حسن نظر
اورفه کردنده ظرافت نه کزر . »

دیمشدر . « ۱۱۲۴ » تاریخنده وفات ایدوب ارتحاله عینی سنه
انتقال ایله یین شاعر ثابت :

« زلیخای جهانندن چکدی دامن یوسف نابی »

سوزلرینی تاریخ دوشورمشدر .

۵

ثابت . — ناینک روحنده ، اونک کی زمانک تأثیرینه چوق
تابع ، بعضاً نابییه دوست ، بعضاً دشمن بر شاعردر . بوسنه نک
اوزیجه قصبه سنده تولد ایتمش اولوب اصل اسمی « علاءالدین » در .
مملکتنده تحصیل علم ومعرفت ایتدکن صوکره سیدی زاده محمد
پاشایه انتساب ایله طریق علمیده قطع مراتب ایلهمش ، قونیه ،
بوسنه ، دیار بکر مولویتلرینه نائل اولمشدر . نابی ایله روحا مشترک
اولدیغنی جهتله حقنده :

« بزم کفرانمز چوق اولدیغنده شبهه یوق آنجق

« آنی سن جنبش اقلام غفرانکله قیل الغا

« غفورا بندکانک لایقی تقصیردر عفوایت

« ایدرسکده بیله تقصیری بیط حرف استغنا

« اودرگاهک که هربر خاکی احسان خیز رحمتدر

« نه قادردر عمل مستوجب عفو اولغه حاشا

« نهیز بز یا بزم اعمالمز نولسه کرک یارب»

« آکاده مکتفی سنسن ویرن ای موجد اشیا

خیریه سندن :

« منصب وجاهه هوسکار اوله

« طلب عزت ایچون خوار اوله

« اهل منصبده بولتمز راحت

« حال بی عزلهده در امنیت

« ذلت عزلنه دکمز نصبی

« صوفنه سر برسر اولمز غصبی

« اوله پاشالق ایچون آواره

« طبل و سرنا ایله کیرمه ناره

« بغلمه طنطنه طبله کوکل

« دوردن خوش کلور آواز دهل

« پاشالق عمره سورر محنتدر

« حاصلی درد و غم وقسوتدر»

« بو پرده نك دروننه باق اضطرابی قو
« هر محنتك وراسی مسرت دكلیدر

بذل حیات راه محبتده عاشقه
« تنكلیف اولنجه جائنه منت دكلیدر

« یوق کرچه صدمه ستمکدن کریرمن
« اماکه دست نازکه زحمت دكلیدر

« هپ سنی کامیاب اوله جقسك زمانه دن
« ای تنك چشم کار بنوبت دكلیدر

« محتاج رزق خالق ایکن سربسر جهان
« مخلوقدن نیاز مذلت دكلیدر

« نابی زبان نطقم ایدن خامه مجاز
« مشاطه عروس حقیقت دكلیدر . »

تو حیدندن :

« دکل لطفی خداوند کریمك قابل انکار
« مکر انکار ایدن مجنون اوله یاطفل یا اعمی

« ا کرکیم اسم ستارک مددکار اولسه لطفی
« ایدردی اقتضا اول قدمده اولفی رسوا

« عصات بندکانک اولسه ده شایسته تعذیب
« ینه ایله الهی شانکه شایانی اجرا

« کریمنا جاهلان نعمت ممکنمیدر بزدن
« بودکلو نعمتک ایتک حقوق شکرینی ایفا

« دوشمز لب شیرینه یارک سخن تلخ
« حلواجی دکانده پیازک یری یوقدر . »

نابی کوزل بر قاچ کله یله بر قاچ حکمت فروشانه فکر قونیلدیغی
زمان شرک وجوده کله جکنه قانع اولمه سنه بناء آئارنده نفیس پارچه لر
طاغینیق، واکثریا بر چوق غزل لر آره سنده بولنان بر غزلک بریتنده در.
مرحوم اکرم بک بونک ایچوندر، که نابینک آئارنده کوزلی بولمه یی
بالدیرانلر ایچنده چیچک طوپلامه یه بکزه تیور .

نابی نظم کبی نعتلرنده ، مناجاتلرنده ، توحیدلرنده بک چوق
موفق اولمشدر . نابینک او بویوک دیوانی آنجق بونلرله تزیین
ایتمکده در . دور ذاتاً دور رفاه ، دور سعادت دکلدی ، بو دور
انسانلری نعت ، مناجاته ، تصوفه سوق ایدیوردی . بناء علیه
او دور معین تاریخنک محصللری اولملری طولایسیله شاعرلرده
بو قسملرده خاصیتلری ، موجودیتلری کوستره بیلیورلردی .

نابینک «خیره» سی هر نه قدر اوغلنه یازلمش ، اتحاف ایدلمشده
زمانک تنقیدندن ، زمانک ویردیکی بدبینی طولایسیله هر شیئی
سیاه کورمه دن باشقه بر شی دکلدر . فی الحقیقه اونلر برر نصیحتدر ،
فقط آلتنده اوزمانک بوتون روحی ، بوتون حیاتی مدفوندر .
نه بدبین ، نه سفلیت پرور ، نه مسکین بر اخلاق دوشونمش ، بو صورتله
دورینک اوزرنده کی تأثیرینی کوسترمشدر :

« آدم اسیر دست مشیت دکلیدر
« عالم زبون پنجه قدرت دکلیدر

آلديغی کي زمانک تأثیراتيله، کندندن اولکیلرک تأثیريله دینه مربوطیت
شدیده بی، حکمتفر و شلغی ده اخذ ایله مشدر .

نابی حلب ولایتی داخلنده اورفه شهرنده تقریباً ۱۰۳۶ تاریخلرنده
تولد ایتمش، اوراده تحصیل علم و معرفت ایتمش، سلطان محمد رابع
زماننده استانبوله کله رک مصاحب مصطفی پاشانک التفاتنه مظهر
اولمش، کتخذالغنی ألنه کچیره رک اکتساب قدر و اعتبار ایتمشدی .
مشار الیهک و فاتی متعاقب حجه کیتمش، عودتنده استانبوله
کله یه رک حلبده اختیار اقامت ایله مشدر .

نابی ترکیه ده، عربجه ده، فارسی ده موجود انافس آناری
مطالعه ایتمش بر ذات اولوب کلفتدن اجتناب ایدر، لطیفه لره
دوشکون، سبکروح، آبی سویلر، قونوشیر بولمغله کندینه تماس
ایدنلر همان مجلوبی اولورلردی . بالطه جی محمد پاشا حلبده والی
ایکن ناینک شومزایاسنه مفتون اوله رق نزدندن آیرماز اولمش،
صدر اعظم اولدیغی زمان استانبوله برابرجه کتیرمش، « بارتبه
خواجکانی آناتولی محاسبه جیسی» بعده سواری مقابله جیسی یامیشدر .
نابی حکمتفر و شلغه باشلادیغی زمان اکثریا موفق اولدیغی حالده
یالکیز بونی غایه شعر تلقی ایتمه سنه بناء سوء استعمالته بولمیش،
بوسبيله بعضاً پک صوئوق حکمتلره پک صوئوق منظمه لر وجوده
کتیرمشدر :

« نظر عواقب احواله اولدیغندن در

« که نظم لرده قوافیه اعتبار اولنور . »

« بنم اول ماشطه روی عروسان بیان

« کلک اندیشم اولوب صورت معنا پیرا

« اولدی بر مکحل هر سطر سیاه نظم

« صفحه شعر لطیفم آکا خرات صفا

« »

بر غزلندن مفرز :

« جمال با کمالک چشمه تصویر ایدر مهتاب

« نندندر رؤیت دیدار کی تبشیر ایدر مهتاب

« دکل انجم دبستان فلک اطفالنه هر شب

« مطالع درسینی مشعل یاقوب تفسیر ایدر مهتاب

« سواد لوح حسنی قیل تماشا کلک عبرتله

« دمامدم سرگذشت عالمی تحریر ایدر مهتاب

« نظم آفاق طوتدک کون کی آثار طبعکله

« فروغ طلعتک حقا که عالمگیر ایدر مهتاب . »

نظم « ۱۱۳۹ » تاریخنده سکسان یاشنده اولدینی حالدہ وفات

ایتمشدر .

۴

نابی . — فہیمک ، نائی قدیملک تعقیب ایتدکلری غایہ شعریہ

نابینک الئدہ کمالی بولور . نابی نفعیدن بوتون معاصر لری کی کلمہ جیلکی

- « بنده اولسك آرزو ايلرسك آزاد اولغه
 « بر افنديك اولوب شام وسحرده چاكري
 « منزوی اولسك كچلمز لقمه ايله كسوده دن
 « عاقل وديوانه ده اولمز او سودادن بری
 « احتیاجك اولسه آب رویی ریزان ایدوب
 « بر غنی پولسك اولورسك سایه خاكدری
 « اکتساب ایتسك كباره عرض ایدنجه حالکی
 « سین بزمسك دیر اوقومك هر مسلم داوری
 « عادتك اولسه تواضع اهل کبر ونخوتك
 « بزمه وارسك اولورسك هر نظرده احقری
 « بی نیاز اولسك ایدرلر مضطرب اهل نیاز
 « سكا عرض ایتدکجه احوال دل غم پروری
 « »

دیگر بر نعتندن مفرز :

- « مریم فکرم اولوب حامیه فیض خدا
 « طوغدی کهواره طبعده مسیح معنا
 « بنم اول مجمره کردان شبستان هنر
 « کام عالم نفحات سختمله کویا
 « بنم اول بلبل کلزار بیان کم کلشن
 « کل کی شاهد معنا دوتار اولسم کویا

شوتربیه سی نظر دفته آلنه رق کیلار خاصه مأموری اولمش [۱]،
 نهایت نوبتجی باشی کدیکنی احراز ایتمش ، وبونظیمک خلق نزدنده
 صاحب اعتبار اولمه سنی مؤدی بولنمشدر . نظیم یالکز شاعر دکل ،
 عینی زماندهده موسیقی شناس ایدی ، شومزیتلری طولایسیله سلطان
 محمد رابعک توجه شاهانه لرینه نائلتله قوری یمشجی باشیلنی احسان
 بویورلمش ، ونهایت یازمقده اولدیننی نعتلرینه دوام ایده بیلیمک اوزره
 استعفا ایتمش ، یاشایه بیله جک قدر بر مبلغه چراغ ایدلمش ، بعض
 اشارت معنویه ایله حج شریفه کیتمش ، روضه مطهره نبوی ده نعوتنه
 دوام ایتمشدر .

عصرک تصوفه ، دینه دوشکونلکنی بونک آناری تمامیه ارانه
 ایتمکده اولوب ائردن مؤثره انتقال قاعده سیله کندیسنکده نه قدر
 زاهد اولدیننی استخراج ایدیلیر . عرضی محمد افقیدن اخذ انابتله
 مولوی اولمشدر .

آتیده کی پارچه لری اوقونیلدیننی زمان نه قدر بدین ، نه قدر پیغمبره ،
 اصحاب کرامه ، خصوصیه آل رسوله عاشق اولدیننی کوریلیر . .
 ائرلرنده یاکله ویا فکر واردر ، دنیایی نیکیین بر نظرله کوردیکی
 زمان منظوماتی قیمت بدیمه لرینی غائب ایدرلر .

بر نعتدن مخرج اولان شوپارچه لر بدینینسی ، فکره دوشکونلکنی
 کوستر مکده در :

« پادشاه اولسک چکرسک عالمک غوغاسنی

« قبضه تسخیره ده آلسک اکر بحر وبری

[۱] بو کیلار خاصه مأموریتلری قابلیت صاحبی اولانلره ویریلردی .

« بوکهن دار شفانك نظر دانایه
 « چرخ اطلس دیدوكك كهنه فراشی کورینور
 « نائلی ناخن چنكال مه عید اوزره
 « عارفك لحت دل سینه خراشی کورینور . »

*
 * *

« بولعبتگاهده ای نائلی بیلمکده در حکمت
 « نه زیر خرقة دندر هفت طاس سرنکون پیدا . »

زمانده یازیلان بر تذکره ، حقنده « زمره تازه کویان بلغای
 اهل عرفاندن در . شاعر مخترع و واصل نتیجه اصل وفرع در . »
 دیور . « ۱۰۷۷ » سنه هجریه سنده وفات ایتمشدر .

۳

نظیم . — زمانك دینه شدت تمایلی آثاریه اظهار ایدنلردن
 بری ، بلکه سرافرازی نظیم اقدیدر .

سلطان محمد خان رابعك بدایت جلوسنده ، « ۱۰۵۹ » سنه
 هجریه سنده استانبولده تولد ایتمشدر . کندیبی قاسم پاشالی در ، پك
 کنج یاشنده سرایه داخل اولمش ، اولور اولماز تحصیل علم ومعرفته
 قوت ویرمش ، سرایده کی لالاسنك یعنی مرپیسنك تشویقی شعره تمایلی
 موجب اولمشدر . علوم عربیه دن اخذ اجازت ایتدیکی کبی فارسی
 تحصیلده زمانك تربیه فکریه سندن حصه مند اولمشدر .

ایله چیقار ، اونک معلول ، المکار بر روحی واردر ، آچیق سویلهیه-
مدیکی ایچون ، فغانینک ، وجدینک عاقبتیه اوغرامق احتمالنه بناءً یاطریق
تفلسفه ، ویا طریق عشقه کیدر :

« بلبل آغلار غنچه نك چاك كریبانك كورك

« كل شكفته بلبلك بیوده افغانك كورك

« هر نفس غرقاب خون ایلر بومینا حجره یی

« چشم یعقوب ابتلا نك بیت احزانك كورك . »

*
* *

« نائلی نه فلنكك آینه سن سیر ایتسون

« ناوك آه دل عاشقی ناجسته كورن »

*
* *

« امید ویمدن بکا یارب فراغ ویر

« جان وجهانی ترك ایده جك بر دماغ ویر

« شب زنده دار عشقه بو وحشت سرایده

« ظلمت زدای حیرت اولور بر چراغ ویر

« یوق جام مهره رغبتیم ای ساقی فلك

« کوکلم کبی شکسته بکا بر ایاغ ویر

« ذوق آشنای محنت ایوب ایدوب دلی

« جان صبورده حوصله درد وداغ ویر

« سلطان چار بالاش عشق اولدی نائلی

« ای آه درد پر شرر کدن اتاغ ویر . »

*
* *

« ایدرلر شوق شعرکله فهیما
« حریم آسمانده قدسیان رقص

۲

نائلی قریم . — بو دورک کوزلره طاقدینی بدیین، مع مافیہ
ریاکار بر کوزلکه کائناتی، حیاتی کورنلردن بری ده نائلی افندیذر.
نائلی افندی استانبولده طوغمش، سلطان مراد رابعک شدت و آتش
فیشقیران دورینه یتشمش، سلطان ابراهیمک سرعوی حیات اداره سنی
ادراک ایتمش، کوسم سلطانک، بکطاش و قره مراد آغالرک بی معنا
تسلطنده بولنمش، صاحب خروج نامیله بین المنجمین یاد ایدلمکده
اولان اختیار کوپرلی نیک تصفیہ عملیاتنه شاهد اولمش، اوغلی فاضل
احمد پاشانک چلبی مع مافیہ شدید صدارتنده دیار آخرته انتقال
ایله مشدر.

اصل اسمی مصطفی اولوب پیری زاده دینمکه مشهوردر. تحصیل
علم و معرفتن صوکره دیوان هایونه کیرمش، علی الدرجات ترفیع
ایدهرک معدن خلیفه سی اولمشدر. کندیسکی ضعیف، قورو، نازک
بدن بر ذات اولمغله اکثر اوقاتی اضطراباتله کچیرمش، دورک ماهیت
اجتماعیه سنک روحی اوزرنده کی تأثیر بدینیسنه وجودینک بوضعفی ده
از چوق یارديم ایتمشدر. قصیده لرنده نفعینک لسان طنائی کورمک
ممکن اولدینی کبی مبالغه اعتباریله ده همان اوکا یقیندر؛ نائلی بو عصرک
أک ممتاز شاعر لرندن اولوب غزل لرنده بر شخصیت بارزه، بر شخصیت
بدینی کوستیر. دوردن شکایتلری اکثریا بو اثرلردن مبهم بر قوروقو

اوزمان تصوف، دینه تمایل زیاده له شیر . حتی کرک دور سابقک صوک زمانلرینک ، و کرک بودورک هیئت عمومیه سنک تأثیریه احمد ثالث بدایت سلطنتده جمالی طریقت صوفیه سی ظهور ایتمش ، انکشافی ایچون بر زمین مساعد بولمشدر .

بودوری شاعر فهم افندی ایله آچه جغز، بوذاتک اسمی مصطفی چلبی در ، سلطان مراد رابع ، سلطان ابراهیم ، سلطان محمد رابع دورلرینی ادراک ایتمشدر، نفعی نک اونک طولانیسیله باقینک عادی بر مقلیدر ، دنیه بیلیر . مع مافیه عصر اوکا پک بویوک بر اهمیت ویرمش ، اوزمانلرده تذکره یازانلردن بر ذات « بو عصر فرخنده لقاده تازه کو اولوب شعرای ذوی الاعتبارک شهرت شعارندن در . کلک تازه پرداز سخن آفرینی اوج بالای مضمون ومعانی به قرین و طرز اشعار دلپذیری سمند طبع شعرايه زمیندر « دییور . فهم نادراً ساحه شاعریته کزینه بیلیر بر ناظمدر، اک بویوک مزیتی دورک حالت روحیه سی، حالت اجتماعیه سی واضحاً کوستره بیلمه سیدر . شوغزلیله اکتفا ایده جکزر :

- « ایدرسه اوبت شیرین دهان رقص »
- « کف عاشقده ایلر دین و جان رقص »
- « نه رقص آفت دور قیامت »
- « که رقص ایتسه ایدر کون و مکان رقص »
- « زهی جلاد چابک دست کایلر »
- « بنانی اوزره تیغ جانستان رقص »
- « اولدن جلوه کاه لفظ نامک »
- « ایدر دائم بیان رقص و زبان رقص »

دور فکری

دور فکری : فهم . — نائلیٔ قدیم . — نظیم . — نابی . —
ثابت . — قوچی بك . — نعما . — بودورك هیئت عمومیه سنه برنظر :
اجمال سیاسی و اجتماعی ، ترقیات فکریه و مدنیه ، لسان .

۱

دور فکری : فریم . — حیات اجتماعی ده کی تفسیحات و انحلالات ،
سیاست خارجی و اداریه ده کی تشوشات و فوضاویت — ادبیاتك
مشوش زمانلرده مشوش ، یابس ، دینی ، فکری بر شکل اخذ
ایده جکی قاعده سنی اثبات ایتمك اوزره — بودورده حسدن عاری ،
فكرك مالامال ، دینه مربوط بر شکل و صورت کسب ایتمشدر .

اساساً نفعی ، باقی ، روحی ، یحیی کبی استادلرك اطرافنده
دونن فكر تقدیر و شاپاشك تأثیراته بودورك بدینلکنی علاوه
ایده جك اولورسه کز آز چوق استعداد صاحبی اولانلرك اولکی
استادلری ، قانون معیشت ، حیاته اتباعاً ، تقلید ایده جکلری نظر کرده
جانلانیر ، تقلید ایسه ادبیاتك منابع الهام و ابداعدن ، حساسیتدن
اوزاقلاشمه سی دیمکدر . بونك ایچوندر ، که بودورده فکر و حس
تقلید ایجاد و ابداعه غالبدر . ایشته بو تشوش سببیله دینی شعرلر ده
زیاده رواج بولدی . میخانیکیت اجتماعی حال طبیعی ده کیتمز ، چرخلرك
دیشلری بری برینی آزره ، قیرار ، ظلم مملکتده بر قرار اولورسه

چنیلری ، قابولرنده کی نقشلر ، دیوارلرنده کی یازیلر معماری عثمانینک او دورده نه قدر رونق کسب ایتدیکنی کوسترجهک بر ماهیتده در . منارهلرنده کی شرفه لر اون درت دانه اولوب پادشاه زمانک خاندان آل عثمانک اون دردنجیسی اولدیغنی کوسترهمکده در . آلتی مناره سی وارد در . محمد و احمد پاشالرك سرایلری اوزرینه آت میداننده انشا اولمشدر . معماری « محمد » نامنده بر ذاتدر . بودورک یتشدریدیکی معمارلردن بری ده ۱۰۳۲ تاریخنده معمارباشی اولان قاسم آغادر، که کوپرلی بی مقام صدارته کتیرمک ایچون چالشانلردن بریدر .

بو دورده ده لسان مدنیت عثمانیه نک کمالیه متناسب بر شکل آلمش ، سنان پاشا لساننه ده ا زیاده بر قطعیت ، ده ا زیاده بر رونق ، بر علویت ویرلمشدر . نثر عثمانی آرتق تمامیه ایرانک تحت تأثیرنده بولینیور، ایران نثرنده کی بوتون سوسلرله پارلدا یوردی . بودورده علی واسع ، لامعی ، ناشانجی جلال زاده مصطفی ، رمضان زاده محمد ، لطیفی نثرده پک مهم ذوات در . لامعی نک « شرف الانسان » ترجمه سی بر بر خارقه نثریه در ، علی واسع بیدپایک حیوانات لسانندن یازدیغنی حکایاتی ترجمه ایتمشدر . نثرده تکلفدن آز چوق آزاده قالان کاتب چلیدر .

خلاصه بودر و بز دور انکشاف و کمال اولمغله بر چوق بویوک سیالر یتشدریمشدر .

نامی المشر . یوز اون یاشنه قدر یاشامش ، معمار اولق سلیمان قانونی یه ، سلیم ثانی یه ، مراد ثالث خدمت ایتمشر . بر چوق پاره قازانمش ایسه ده افراط درجه ده سخی اولمه سینه بناء اولدیکی زمان بش پاره سی چیمه مشدر . سکسان یاشندن صوکره قوجه سنان نامیله تلقیب اولنمشدر ، بر چوق شا کرد یتشدر مش اولوب بونلرک بعضیلری هندستانه دعوت اولنمش ، ترکاک نامنه بر چوق آبدلر بر اقمشدر . بونلردن معمار یوسف مغول پادشاهلرینک نفیس بویوک سرائلری انشا ایتمشدر .

سنان « ۸۱ » جامع شریف ، « ۵۱ » مسجد ، « ۵۵ » مدرسه ، « ۲۶ » دارالقرء ، « ۱۷ » عمارت ، « ۲ » دارالشفاء ، « ۷ » معظم صوکره ویوللری ، « ۸ » جسیم کویری ، « ۱۷ » کاربان سرائی ، « ۶ » مخزن ، « ۳۳ » سرائی ، « ۳۵ » حمام ، « ۱۷ » تره ، وبر چوق سیلار انشا ایتمشدر . بونلرک اُک مشهوری سلیمانیه ، شهزاده جامعلریله ادرنه ده کی سلیمیه جامی ، ودر سعادتده کی قرق چشمه نك مجاری وکمرلیدر . سلیمانیه جامی حقنده هانمهر تاریخنده « یدیوز بیک دوت آلتوندن زیاده صرف اولنان اشبو بنا مرکز سلطنتک اُک محتشم آبده سیدر . تزینات معماریه سنک ثروتی واعمالاتنده کی ظرافت اعتباریله سلیمانیه جامی نمونه سی اولان آیاصوفیه نك یاننده بعض جهتلرده غلبه کندیسنده قالمق اوزره عرض وجود اید بیلیر . دیور .

بودورک آبدات معماریه سندن بریده سلطان احمد اول جامع شریفیدر . بوجامع پادشاه زمان طرفندن آیاصوفیه بر رقیب اولق اوزره انشا ایتدیرلمشدر . جامع حقیقه انافس آثار عثمانیه دندر .

مسائل غریبه وقتاوی عجیبه بی محتوی « رجم الرجم بالسنین والجیم »
 « فذلک التواریخ » ، اساسات اعتباریله ضروریات دینه دن اولمایوب
 صائقه حرص واشتہار ایلہ بر چوق علمانک حیقاردقلری مسائلی
 تدقیق ایدر ترکی لسانلہ « میزان الحق فی اختیار الاحق » ، ۱۰۱۰ دن
 « ۱۰۶۵ » قدر تاریخ عثمانیہ دن باحث منقح بر تاریخ اولان
 فذلکہ ، مکمل بر استانبول تاریخی اولان « رونق السلطنه » وترجمه
 تاریخ فرنگی ، ممالک عثمانیہ نیک دکرلرندن و نملاکتلرندن باحث « بحریہ »
 اسمندہ اثرلری بولندیغی کبی بر قاج اثری دها واردر . مشار الیہ
 « ۱۰۶۷ » تاریخندہ وفات ایدوب وفادہ مدفون بولندیغی بروسل
 طاهر بک کتانبندہ ادعا ایتمکدہ در .

بودورده معماری اُک مکمل ، اُک شعشعه دار بر شکل اکتساب
 ایتمش در . معماری عثمانیہ بوقدر رونق ویرن سیمالردن بری معمار
 سناندرد . مشار الیہ قیصریہ لیدر ، « ۸۹۵ » سنه هجریہ سنندہ تولدایتمش ،
 « ۹۱۸ » سنه سنندہ استانبوله دوشیرمه اوله رق کتیرلش ، سلاک
 عسکریہ کیرمشدر . سنان معمار اوله رق یارادلدیغی جهتله کوچک
 یاشندن اعتباراً بوتمایلنی کوسترمش ، بوتون چوجوقلق اویونلرینی
 بوخصوصه عائد تقلیدلرله تأمین ایلرمش . سنان عسکرلکده فوق العاده
 یارارلقلر اظهار ایتمش اولغلہ پیاده باشی ، زنبرجکی باشی منصبلرینه
 نائل اولمش ، وان کولی قییلرندہ صدر اعظم لطفی پاشا معیتندہ کمیلر
 انشاسیلہ ایلک مهارت معماریہ سنی آکلاتمش ، قپودانلق رتبه سنی
 آلهرق دشمنله چارپیشمش ، غالب کلش ، صوباشیلق رتبه سنی مکافات
 آلمشدر . صوباشی سنان بغداد سفرندن صوکره رئیس معماران

ملته متمدن ، مترقی ، مستعد دینیر » [۱] دیور . پدرینک اسمی عبدالله ، کندیسینک اسمی مصطفی اولوب ۱۰۰۴ سنه هجریه سنده درسعادته تولد ایتمش ، حاجی خلیفه نامیله شهرت بولمشدر . پدری عسکر بولندینی جهتله کندیسیده عسکر اولمش ایسهده علم و عرفانه تمایل کوسترمش ، برچوق سفیرلرک متاعی آره سنده چالشمش ، اومفید آثارینی براقشدر . یکریمی سنهک بر سعی نتیجه سنده علم احوال کتبه دائر کشف الظنون عن اسماء الکتب والفنون یازمشدرکه عربی العبارة اولوب اوچ یوز قدر علوم و فنونک موضوعات و غایاتندن باحث ، ۹۵۱۲ مؤلف و شارح ، « ۱۵۴۰۱ » کتاب ، شرح ، حاشیه اسملرینی محتویدر . « تقویم التواریخ » نامنده کی اثری قرونولوژی طرزنده در . بو اثر ایتالیانجهیه ترجمه ایدلمشدر . « جهانما » فیه موافق اولان ایلک جغرافیا کتیبایدیر ، که کاتب چلبی بونده جغرافیانک تاریخی ، فلسفی ، و ریاضی قسملرینی یازمش ، کوسترمش ، اثر لاتینجهیه ترجمه ایدلمشدر . « ممالک نصاری کتب اسلامیهده یازلاماغله فرنکی آطلاس ماجور رسملری آلتوب ترجمه سی آرزو اولندی سابقا فرانسه راهبرندن اسلامه کلن « شیخ محمد اخلاصی » لاتین دیلنده ماهر اولماغله « اطلس مینور » بر بحق سنهده ترجمه اولتوب اسمنه « لوامع النور » دینیدی . [۱] « تحفة الکبار فی اسفار البحار » بحری فتوحاتدن و محارباتدن باحث اولوب دونما احوالندن منکسر و منفعل اولان چلبی ماضی یی احیا ایچون یازمشدر . کاتب چلبی نک عربی العبارة اوله رق تراجم الاحوال اولمق اوزره « سلم الوصول الی طبقات الفحول » ،

[۱] کاتب چلبی : بروسه لی محمد طاهر بک .

[۲] کاتب چلبی .

ترجمه ايدن طاش کوپريلي زاده کمال الدين محمد ، آثارينک کثرتيله معروف محمد بن صدرالدين ، فتاواي حامديه صاحبي المولى فاضل حامد ، تفسير قاضييه تفسيرى بولنان ۹۸۶ ده وفات ايدن سنان الدين يوسف ، علم بلاغتده مشهور احمد بوسنوي مناقب علماي يازان محمد چلبى ، امام غزالينک کيمياى سعادتتى ترجمه ايدن احمد کامي ، طبقات فقهايي تحرير ايدن المولا جعفر ، درت جلد ضمانات صاحبي فاضل ، عربى بر تاريخ يازان مصطفى جنابى ، صحاح جوهرى يي ترجمه ايدن محمد و انى اُك زياده ذكره شاياندرلر . فن طبده تأليف اولان كنچ عثمان زماننده طيب محمد اسحق چلبى ، ۸۸۲ ده وفات ايدن شجاع الدين الياس قره مانى ، المولى شمس الدين مشهوردرلر . ۱۰۹۰ تاريخلرنده رياضيهده عبدالوهابى ، كوريورز . قوجه احمد شقاقه ذيل يازمشدر .

بودورده علم عثمانيه تركك نقطه نظرندن بويوك بر رونق و يرن ، آوروپانك بيله مظهر تقديرى بولنان بر وجودده كاتب چلبى در . كاتب چلبى بى سود بر حاشيه جى دكلدر ، اوجدى ، نافع اثرلر يازمش ، شرق ايله غرب علمى احاطه ايتمش ، هر ايكي سندنده استفاده ايله مشدر . هانمر « مورخ كنديسنه رهبر اولمق ايچون معاملات تقويمه وجغرافيه محتاجدر . علم كتبده شهرتكير اولان ودها زياده (حاجى قالفه) عنوانيله لقبى طائمش بولنان كاتب چلبى نك آثار تقويمه وجغرافيه سى موجود اولمه سهدى عثمانلى امپراطورلنى تاريخنك تحريرينه تشبث ايدن مورخ اكثريا على العميا ظلمت ايچنده يورويه بيله جكدى . » ديديكى كى مستشرق وامبهرى ده « كاتب چلبى كى ذاتلر يتشديدن

ایدن طاش کوپرلی زاده محمد کمال الدین اک محترم سیالردن بریدر .
 ده‌ها بر چوق اثرلری وازدر . ۱۰۳۰ ده وفات ایتمشدر . خواجه
 خیرالدین افندی سلطان سلیمان قانونینک اکثر مصاحبه‌لرنده نزدنده
 بولنوردی . بودورده علمه اودرجه حرمت واردی، که وزرا ،
 وکلا علمایی، مدرسینی طوپالارلر ضیافتلر ویررلردی . طب خصوصنده
 او قدر مهم سیالر کوستریله مایور ، یالکز طیب « محمد القیسونی »
 سلطان سلیمان قانونینک وفاتی کتم ایتک خصوصنده کوستردیکی
 درایت واقدار طولایسیله شایان قید وتذکاردر . « ۹۲۸ » ده وفات
 ایدن حلبی حلبی زاده بر حلب تاریخی ، « درالذهب » نامنده بر
 ادبیات ، « عده الحاسب و عمده المحاسب » نامیله بر رساله ریاضیه
 وسائر کتابلر یازمشدر . « اخلاق علائی » صاحبی قتلی زاده علی
 افندی بودورده یقشمشدر . منلا عطاءالله بر کوی تفسیره ومفتاحه
 تعلیقات یازمش ، شیخ غرس الدین حسابیه ، فرائضه ، مواقفه شرح ،
 فلکیاته طبدن موجزه تعلیقات کافیّه جامییه شرح یازمشدر . دور
 کمالک تفسخ وانحلال زمانلرنده علم وعرفان ده عینی امراضی کوسترمش ،
 تحشیه ، تعلیق ، تجرید کبی خصوصاتله اشتغال ایدنلر پک چوق اولدینی
 حالده مستقل اثرلر ابداع ایدن پک آز بولنمشدر . بواننده ۱۰۰۴
 وفات ایدن اخلاق السلطنه صاحبی مصطفی ، ۱۰۱۴ وفات ایدن « نظم
 الفوائد فی سلك مجمع العقائد » محرری ابراهیم ، ۱۰۱۶ ده وفات ایدوب
 تألیفاتنک کثرتیه مشهور آیدینلی محمد عیشی ، علوم دینیله اختصاصیله
 وحقاییتیه مشهور زین العابدین ، قدورییه درت جلد شرح یازان ،
 ۱۰۲۵ ده دیار آخرته انتقال ایدن حسن الکافی ، موضوعات العلومی

«حالی» تخلص ایدر ایدی. طریقت علمیہ منتسبیتدن اولوب روم ایلی قاضی عسکر لکنہ قدر ارتقا ایتشدی .

« درد اہلی اودرکہ صورمیوب راہ نجات

« یانندہ بر اولہ خار وکل زہر ونبات

« حکمک ویرہ من بوکارزار عشقک

« شمشیر بلای بیلمین آب حیات . »

بودورده علم وعرفانک نہ درجہ لردہ اولدیغنی آ کلامق ایچین دورہ سریع بر نظر تدقیق عطف ایدہ جکز . بو دورک اک بویوک سیالرندن بری شیخ الاسلام ابوالسعود افندیدر . ۸۹۶ سنہ ہجریہ سندہ استانبول جوارندہ مدرس کوپندہ دنیاہ کلش ، طریق علمہ داخل اولمش ، علی الدرجات ترقی ایدہ رک قاضی عسکرلک منصبندہ سکز سنہ بولمش ، ۹۵۲ سنہ ہجریہ سندہ شیخ الاسلام اولمشدر . کمال پاشایہ عثمانیلر معلم اول دیدکاری کی ابوالسعوددہ معلم ثانی دیرلر . « ارشادالعقل السليم من اراء القرآن العظيم » عنوانی تفسیری مشهوردر . بونی حرف الصاده قدر یازوب سلطان سلیمان قانونیہ تقدیم ایتدیکی زمان شیخ الاسلاملرک کوندہ لکی ایکی یوز آچہ ایکن بشیوزہ ابلاغ اولمشدر . بر کون ظرفندہ بردفعہ « ۱۴۱۲ » ، بردفعہدہ « ۱۴۱۳ » فتوی ویرمشدر . عمادیہ لی شیخ محمد بن مصطفی نک اوغلیدر . « ۹۸۲ » سنہ ہجریہ سندہ وفات ایتشددر . شاعر ، عالم بر ذات ایدی ، سلطان سلیمانہ عربجہ مرثیہ سی مشهوردر . « ملتقى البحرين » صاحبی منلا ابراہیم چلبی بو عصرک اک بویوک فقیہلرندندر . « موضوعات العلوم » نامندہ کی کتابندہ یوز یتمش علوم دن بحث ایدن ، بوعلومہ خدمت

طاشلیجه‌لی یحیی بک سیف و قلمی جمع ایدن ذواتند در .
صاحب‌خسه در . « کتاب شاه و کدا » « یوسف و زلیخاسی » مطبوعدر ،
« کلشن راز » ، « کنجینه راز » « اصول‌نامه » اولق اوزره اوچ
کتابی‌دها واردر . « ۹۹۰ » تاریخنده وفات ایتشددر . بوبیتنی آلیورز :

« سنی سودیکنی جاتم سکا اظهار ایده‌من
« دکه درد ایله کناهن کشی اقرار ایده‌من . »

اصل اسمی محمد اولان شاعر خیالی بودورده جداً ممتاز و شایان
دقت بر سیمادر ، واردار یکیجه‌سندندر ، « ۹۶۴ » تاریخنده وفات
ایتشددر . « مشاعر الشعرا » صاحبی عاشق چلینک پک دوستی ایدی .
تجددی حصوله کترین آلردن بریدر :

« آفتابی نیجه تشبیه ایله‌یم رخساریکه
« سن سعادت نورسک اول خاکه دوشمش بر ذلیل

معلقه‌لی نوعی اقدی‌بی‌ده اونوتمه‌مق کرکدر ، سلطان سلیم
ثانی‌یه خواجه اولشددر ، قصیده‌لرنده دورک حالت روحیه‌سنی تمامیه
کوستریر :

« قصر جنتی بویا باغ ارم یا گلستان
« یا حریم قدس یا بیت‌الحرم یا آسمان
« گلستاندر کرچه اما گلستان بی خزان
« آسماندر کرچه اما آسمان باثبات . »

بودورده یتیشن شعرادن بری‌ده رباعیاتیه تاریخ ادبیات عثمانیه‌ده
بر موقع بلنده مالک اولان عزمی زاده مصطفی اقدیدر . شعرده

دلی برادر نامیله موسوم ایدی. بونک یازدینی رذالتنامه عثمانلی ادبیاتی
ایچون بر شیندر. شوییت اونکدر :

« ایردی خزانى عمرمک وه که دخی بهاری یوق »

« صبح سروره ایرمدم غم شبنک نهاری یوق »

امری تخلص ایدن ادرنه‌لی امرالله بودورده مثل کولقده، معما
کولقده ممتاز ایدی. کندیسنه « خلاق معانی » نامنی ویرلردی .

« محبت آتشی یانار بلا اوجاغیدر باشم

« اکیلمش باد آهمدن دخانیدر ایکی قائم »

مؤذن هداییده اونوتیله ماز بر سیپادر ، اسمی مصطفی اولوب
کندیسی استانبوللیدر ، سسی غایت کوزل ایدی ، خوش مشرب ،
نکته کو بر ذات ایدی ، شوقطه‌سنی آلیورز :

« احبابم زک مورصفت راهنه خاکز

« اما که عدو چشمه بز شیر ژبانز

« باشینه بصرز بز اونرود عنودک

« اول فیل ایسه بز پشه بی تاب وتوانز . »

طربزونلی فغانیده عاقبت حیاتی ، شاعرلکی طولایسیله ذکره
شایان بر سیپادر . « ۹۳۸ » تاریخنده محارستاندن کتیریلوب سلطان
احمد میداننده دیکیلن هیکلله اعتراض ایتدیکی ایچون ابراهیم پاشا
امریله قتل ایدلمشدر . فغانینک سوزی شودر :

« دو ابراهیم احمد آمد بدیر جهان

« یکی بت شکن و یکی بت نشان . »

وسائطي اُي تعيين ايده مه مسي ، فوق العاده شديد اولمه سي بر عكس
تأثيرك حصوله سبب اولمش ، سلطان ابراهيم دوری بوتون غلطيله
هر شيئي ميدانه وورمشدر . کوسم والده نك ظهوری ده بو احوالی
تعجيل ایدن اسبابدن در .

شو خلاصه ايدیلن احوال اجتماعيه و سياسيه نك ادبیات اوزرنده
تأثيرينه کئنجه ايلك شعشه ، دبدبه ، طنطنه ، باقي ، روحی ، نفعی ،
صبری ، يحيي کي شاعرلر يتشديرمش ، متين و مغرور بر لسان
داخلنده دورك کمالی بزه نقل ايتمشلر ، عثمانليغك اومدبدب ، مظنن
زمانلرينك تاريخي بزه لسان شعرله نقل ايله مشلردر .

ذاتاً دور تفسخني تماميله اظهار ايده بيلمك ايچون سلطان ابراهيم
زمانتي بکله مش ، اوندن صوکره «دور فکري» ناميله ياد ايتديکمز دوره نك
علامات و اعراضی تظاهر ايله مشدر . ذاتاً کمال دورلری هپ بويله در ،
اونلر بر اعتماد و سکون ، بونك نتیجه سي بر غرور و يررلر . آنجق
ملتلری بو حاللردن اويانديره جق شديد ضربه لر در ، نه يازيق ، که
بونلر زماننده گلزلرده ، پك کچ کليرلر .

ايسته بودور آهنگه دوشکون ، متانته دوشکون ادبياتی حصوله
کثير مش ، داخلاً مملکت بترکن بر مدت دها او ادبیات پاشامشدر .
قصيده بو اسباب طولاييسيله چوق ترقی ايتمشدر .

بودورده ياشايان شعرادن اخلاق سزليغه مملکتی اضرار ایدن ،
صنعتك ، ادبياتك بذاته اخلاقی بولمنسنه رغماً اونی روخندن
زده لين ، مملکته رذالتي شعر صورتيله ده ادخال ایدن غزالی واردر ، که

آ کلاته جق ماهیته در. سلطان مراد ثالث زمانی ایسه ضعف اجتماعی واداری یه اُک بویوک بر دلیلدر . باشده « نور بانو » والده ، « خاصکی صافیه » قادین بولندیغی حالدده بوتون سلطانلر حیات اجتماعیه ایله اوینایورلر ، خادم آغالری بیلده ایشه قاریشییورلر ، « راضیه قالفه نك الهامی ایله باغچوانلقدن عالم الغیب قطب زمانلغنه ایصال ایدیلن شیخ شجاع ، مغنیساده آو اثناسنده راست کتیریلان علم وفضلدن زیاده قاباصویتار یلقلرده ماهر بولنان وابتدا ماهر سوخته ایکن تدریجاً یوکسه له رک وزارت و بودین والیلکنه قدر ترفع ایدن او یس پاشا [۱] کیلر موقع اقتداره کتیریلییوردی . پادشاه متردد ، وکلا ووزرا جاهل ، اهالی آنارشیدن ، بوش غروردن ذوق آلیر ایدی . پادشاه سرعسکرلک مسئله سنده « رأیلر سنان پاشا ایله فرهاد پاشا اوزرینه تخالف ایتمکله ایکیسی بردن سرعسکر نصب ایتمشدی . سفاهت اودر جهده ایدی ، که پادشاه وفات اییدیکی زمان قرق یدی چوجنی قالمش ، حیاتنده « ۱۰۲ » اولادی اولمشدر . سلطان محمد ثالث زمانی ایسه بوسبوتون بر دور فوضاویت در ، حیات اجتماعیه او قدر قاریشیق ، او قدر حرص وطمع چوق ، که علما نصوص قرآنییه یی تنقید ایده جک قدر صلاحیت کورییورلر ، انتظامدن اثر بولنمایوردی . دلی حسن کبی شقیلره مسندلر ویریلییور ، شهزاده لر ایچون قفس اصولی تأسیس ایدیلییور ، مسند و منصب غوغاسی هر شیئک فوقده طوتیلییور . بواامراض سلطان احمد ، سلطان عثمان ، سلطان مصطفی زمانلرینی قاپلامش ، سلطان مراد رابع مانع اولمق ایسته مش ، فقط

سليمان قانونينك جزا قانونی بعض نقطه لرده پك شديد احكامی احتوا ایدیورسده اَك مکمل قانونلردن بریدر، حاملر و بربرلرده خرستیانلره باشقه طاقم چیقارلمه سنك، شوصورتله بر مملکت اهالیسی آرسنده تفاوت کوزه تيلمه سی نك دورك تركك واسلاميته نه قدر شرفدار بر موقع صاقلادیغنه بر دلیلدرد. مع مافیة بواقبال وحشمت، بوبویوكلك، بوقانونيلك آرسنده دولتك انقراضی تخملری حاضر لانیوردی. پادشاهك دیوانه کلمه سی، مهم مسائلك ده تدقیقنده قفس آرقه سنده بولمه سی، وزیر اعظم ابراهیم پاشایی سرای رجالندن انتخاب ایتمه سی، فضله شرفه دوشکونلکی او یاندرمه سی، خاصکی سلطانله - روکزلانله - قادینلرك امور حکومتده مداخله سنه مساعده ایتمی، رستم پاشانك ارتکاب وارثشایی مملکته ادخاله اغماض عین ایله مه سی، اسرافه مساعده ایتمه سی بر طاقم اسباب مختلفه ایدی، که بودوری یاواش یاواش بیه جکدی، نته کیم ده ییدی.

سليم ثانی زماننده ایسه صدر اعظم صوقوللی اولمه مش اولسه ییدی سلطان سلیمانك بوتون تکمیلرله براقش اولدیغی انفساخ و انحلال اعراضی کوروله جکدی. پادشاه وهام، سطح بین، مست و بیوش ایدی. بودورده دور سابقك عظمت و اقبالندن یالکیز سفاهت و احتشام یاشایور، مسکراتی منع ایدن بر قاضی عزل ایدلمش بولینیوردی. آداب عمومیة ظاهریات آلتنده بوزولمش، چرکین بر چهره عرض ایدیوردی. فوضاویت، آنارشی بونون قوتيله باشلا یوردی. «نوربانو» قادینك حیات اداره عمومیة یالکیز قارشمقله اکتفا ایتمه رك بر طاقم یابانچیلرده یوز ویرمه سی دور کمالک برر برر ضیالرینك سوندیکی

وفاتلارنده ماللرينك مصادره اولنماسي . امور ماليه يده اعتنا ايدلدي .
 پادشاه سخي ، كريم اولمقله برابر بو خصوصده پك دور انديش ايدى .
 واليلرى ولايتلرينك وارداتيله متناسب ويركويه تابع طوتمق صدر
 اعظم رستم پاشا زماننده احداث ايدلمشدر . عسكرى اصلاحاتده
 يوروك دنيلن روم ايلي پياده عسكرينك الغاسي ، يكيچرى اورتيلرينك
 تزييدى ايدى . بو نقطه ده ده تخصيصات مختلفه ايله اوچ درجه تأسيس
 ايله مشدى . قوروجى ، اوطوراق ، عليل . پادشاه برنجى اورتينك
 نفرى كې تخصيصات آلمش ، وبو اورتيه بوكا دليل اولمق اوزره
 بر تخت قونيلمش ، وبوعادت صوك زمانلره قدر دوام ايله مش ،
 قشله لك او كندن كچركن پادشاه شربت ويرلك اراده اولمش ، شو-
 صورتله عسكرلكه بر پايه رفيع و يرلمشدر . تيمار ، زعامت زمانه
 قدر واليلر طرفدن توجيه اولنوردى ، زماننده يالكز تيمار توجيه
 ايده بيلملى اصول اتخاذا اولمش ، زعامتك مقام سلطنتدن توديى
 اراده قيلنمشدر . زعامتلك پارچه لانسى ايچون اوامر شديده و قطعيه
 ويردى ، رعايانك تيمار و زعامت صاحبلىنه اعطا ايده جكلى و ير كولرده
 تعيين ايدلدى ، بونلرى ايكي اسمله خلاصه ايتك ممكندر ، حقوق
 و رسوم شرعيه ، تكاليف ديوانيه . . بونلر اقسام متنوعيه آيريلوب
 هر ولايتك و يركو قانونى آيرى ايدى . سيلمىان قانونى مملكستك
 اداره ملكيه سنى ده تنظيم ، « جمعا يوز اللى سنجاغى مشتمل يكرمى
 بر ولايت اولمق اوزره ممالك عثمانيه يي تقسيم جديد آلتنه آلدى . »
 آيين ، تشريفات ، ضابطه ، جزالر تعيين ايتمش ، ناموس ، سرقت ،
 جنايت كې مسائلى مختلف جزالره قانون داخلنه آلمشدر . سلطان

ایچنده دارات و دبده به وزیر اعظمه رقابت
ایده بیلن یالکز چلبی ایدی . اوچ یوزی صیرمه لی سرپوش کیر
آلتی یوز کوله سی وار ایدی . ابراهیم پاشانک بویله سرپوشلی کوله لر
درت یوزدن زیاده دکلدی ، دیگر ایکی وزیرک ایسه آلتمشدن سکسانه
قدر ایدی . « جمله لرینه تصادف ایدیوروز . سلطان سلیمان قانونی
سلطنته کمال ایرمش ، بر حکومتک پادشاهنه یاقیشه حق بر صورتده
باشلامش سلطان سلیمک مصردن کتیردیکی آلتی یوز وطن جدایی
مملکتلرینه کوندرمش ، اراده سلیمی به مغایر حرکتده بولنان تجارتدن
آلنان ماللره مقابل بر میلیون آقچه تضمینات ویرمش ، سوء اداره سی
تین ایدن قپودان جعفر بکک بعدالاستتقاق جرمی تین ایتدیکی
تقدیرده اعدامی امر ایتشدر . مطلقیت اداره به ، فضله شرفه تمایک
بر مثالی ده دیواندر . وزیر اعظمک اوطوردینی محک اوستنده
پادشاه مخصوص قفسلی بریر احضاریدر ، عسکره سفرلرده ویریلن
پادشاه احسانلرینک مقدارینه باقلدقچه حیرت ایتمه مک آدن کله یور .
بودور حالت روحیه سنه کوره تشکیلاته محتاجدی . سلیمان قانونی بونی
اونومه دی ، دورک روحنه موافق تأسیسات و تشکیلاتده بولندی .
طریق علمی ده قطع ایدیله جک مراتبی سلطان محمد یکر میلی ، اوتوزلی ،
قرقلی ، الیلی ، آلتمشلی اولمق اوزره بشه تقسیم ایتشدی . سلطان
سلیمان قانونی بونی ده مناسب بر طرزده آیردی . مدرسلری داخل ،
خارج اولمق اوزره ایکی به تقسیم ، حد اعظمی اولمق اوزره یتمش
آقچه اولمق اوزره بونلرک درجه احترامی اون قسمه تفریق ایتدی .
دها صوکره علمایه ایکی امتیازویردی : « ۱ » ویرکیدن معافیت « ۲ »

انتقال ایتمش ، صلاحیت واسعه‌ی معطی و آمر بر فرمان ایله بوتون امور اداره بر آلدہ ، پادشاهک وکیلی ابراهیم پاشاده تأسس و تقرر ایله مشدر . پادشاه ایله سفیری آره‌سندہ شرف اوزرینه اولان شو . مکالمه‌ی قید ایتمک اودورک حالت روحیه‌سنی آکلاتمق ایچون کافیدر . پادشاه اوغلنک سنت دوکونده وزیرہ صوریور :

— سنک همشیره‌مله ازواجک دوکونیلہ اوغللریمک دوکوندن هانکیسی دهاکوزلدر ؟
وزیر :

— بنم دوکونم کی شمدی‌یه قدر اولماش و اولمایه‌جقدر .
دیور .

— ندن ؟

— سزک دوکونکزده بنم دوکونمده کی قدر بویوک بر دعوتلی یوقدر : بنم دوکونم زمانمزک سلیمانی اولان مکہ و مدینه پادشاهنک حضوریلہ مشرف اولمشدر [۱] .

ابراهیم پاشانک آوستریا سفیریله صلح ایچون واقع ملاقاتنده استعمال ایتدیکی سوزلر اوقونه‌جق اولورسه بوشرف و دبده ، صلاحیت مطلقه ، تفوق ادعاسنک مملکتک روحنده نه‌قدر بویوک بر موقعه مالک اولدیغی تظام ایدر [۲] . بوادعامزه دیکر بر دلیلده دفتردار اسکندر چلی‌نک ثروتی ، صدر اعظمه رقابتی در .

هامهر ترجمه‌سنک بشنجی جلدنده بوذات حقنده «بویوک مأمورلر

[۱] هامهر ترجمه‌سی : جلد ۵ ، صفیحه ۱۰۳

[۲] هامهر ترجمه‌سنک بشنجی جلدنده تفصیلاتی واردر .

ایده‌مه‌مش ، قایتولا سیونلر ، اعطاسنه رواج ویرلمشدی .
 بودورده کی حیات اجتماعیه کلنجه بونی ایکی قسمه آیرمق ضروریدر ،
 بری حقیقی ، طبیعی بر انکشاف و تکاملک تظاهراتی ، دیکری ده
 اولکنک انقراضه طوغری کیدرکن ظاهرأ محافظه‌سی . .

عثمانی حکومتی سلطان سلیمان قانونی زمانه قدر کیده‌جکی
 حدودلره قدر کیتمش ، غالبیتدن غالبیه سوروکلشمش ، ثروت
 و دبده و رفاه ایله یاشامش ، پادشاهلرک اهل هنری ، علما و فضلالی ،
 شعرائی ، صنعتکارلری محافظه و صیانت ایتلمری طولایسیله حیات
 اجتماعیه‌نک هر نقطه‌سنده انکشافات مکمله تظاهر ایتشدی . حکومت
 حکومت مطلقه اوله‌رق صورت قطعیه‌ده آرتق تقرر و تأسس ایتمش
 بولینیوردی . فاتح سلطان محمد ایله سلیمک اصول اداره‌یه ادخال
 ایتدکاری حکومت مطلقه تخملمری آرتق تمامیه نشو و نما بولمش ،
 صوک نقطه‌یه واصل اولمشدی . پادشاه هر خصوصده مطلق العنان
 ایدی ، او امور مملکتک اداره‌سنی ایستدیکی آدمه تودیع ایدر ، اونک
 یدیه مملکتی اداره ایتدیره بیلیردی ، حتی بنسکانندن ابراهیم
 پاشانک صدارتی بوصورتله وقوع بولمش ، دیوانک خارجندن انتخاب
 ایدیلهرک مقام صدارته کتیرلمشدی ، مطلقیت اداره دیمک فضله‌شرف
 دیمکدر ، حکومت مطلقه‌نی ذاتاً بتیرن اولدیره‌نده بوصضله شرف
 مسئله‌سیدر ، بونک ، شرف ادعاسنک اک جلی تظاهراتی بودورده
 بر چوق وقایع و حادثات ایله اظهار ایتک ممکنسه‌ده بز بوراده بر
 قاچ وقعه ایله آکلاته‌غجز . بوزمانه قدر پادشاهلرده سرعسکرلک
 بولیرکن بودورده بافرمان هایون بو منصب صدر اعظم ابراهیم پاشایه

طرز معقولی کچمش، عادات و اعتیاداته، احتیاجاته بیله تجاوز و تعدی ایتمشدی. سلطان مراد رابع توتونی منع ایتمش، توتون ایچنلری قتل ایله جزالندیرمشدر. سلطان مراد رابع یاتسو نمازدن سوکره چیقمه‌یی منع ایتمش، چیقانلری عینی جزایه دوچار ایتمشدی. زماننده داخلی عصیانلر اولمش، پادشاهک غیرتیه باصدیرلمش، عجم غائله‌سی ظهور ایتمش، بغداد ایکنجی دفعه ضبط اولمش، پادشاه بالذات سفرده بولنمشدر.

سلطان ابراهیمه کلنجه، بودوره کلاک آرتق سقوط ایتدیکنه، اسباب وهن و انحطاطنک لازم کلن نتایجی استحصال ایتدیکنه شهود وقایع ایله مالامال بر دوردر. بوتون سکون و توقف، کال دورلرین تعقیب ایدن بر تکامل معکوس ایله کیده بیله جی اُک اَلم، اُک صوُک نقطه‌یه واصل اولمشدی؛ مملکتده اعصاب اجرای احکام ایدیور، معقول بر سیاست کورونه‌میوردی. بوتون قوت ضعیف الاراده بر پادشاهک اُنده طوپلانمش، داخلی عصیانلر یوز کوسترمش، بر استبدادی معنا یالکز کسمک ییقمق، صرف ایتمک، یرینه کتیرمه‌مک، ریاکار اولمق حکومتی، ملتی اداره ایچون کافی کورولمشدی؛ باخصوص قادینلرک اداره حکومته قارشملری دیگر زمانلردن ده‌ها زیاده کوزه چارپه‌جق درجه‌ده ایدی. زماننده بر چوق والیرک عصیانیه اوغراشلمس، کرید سفری آچیلمش، وکندیبی بر عصیان نتیجه‌سنده خلع ایدلمش، طقوز کون سوکره بولندیغی محبسده قتل اولنمشدر. سیاست خارجی‌ده بو پادشاه زماننده بر تشوش ایچنده کچمش، نا اهل اُلرده بولنان دولت عثمانیه خارچاک قاریشیق‌لغدن استفاده

یرینه قائم اولمشدی. دور کمال، دور شوکت معناً اولیور، خارجاشکانی
محافظه ایدیور، هیچ کیمسه بوندن متأثر اولمایور، هرکس حکومتی
اداره یی کندی حاله برافش بولینیورلردی. رشوت، مأمورین ایچین
مأموریت احداثی بوتون هر کسی اشغال ایدیوردی. بوحال دوام
ایده مزدی، احوال غایت قاریشیق، امور حکومت جاهلرک عاجزلرک
آلنده پامال ایدی، آرتق بوسبوتون دور کمال چوکیور، مملکت
یاواش یاواش بدینییه طوغری ایلروله یور، دوره فکری حاضر لانیور.
نفعی، صبری کبی شاعرلر اسکی زمانلرک خاطره سیله دوره کمالی
یاشاتیورلردی. سلطان مصطفی مقام سلطنتده چوق زمان قالمادی،
یرینه سلطان مراد رابع مقام سلطنته کچدی، یکیچریلرک صدر
اعظم یاپدیرمش اولدینی مره حسین پاشانک «آرقداشلر لازم اولان
شیلری نرده بولورسه کز هان آلوب احتیاجکزی دفع ایدرسکز.
آت، موم، پرنج، یاغ وسائر لوازم ایچون صیقینتی چکمه ییکز.
پادشاهک پاره سی چوقدر، تضمین ایدر.» مآلنده کی سوزلری شو
فوضاویت ایچون بر دلیل واضحدر. بواننده کوسم سلطان بوتون
قوتیه اجرای حکومت ایدیور، احوال دن استفاده ایله یوردی.

سلطان مراد رابع سلطان مصطفی نک یرینه اجلاس ایتدیرلدی.
اون ایکی یاشنده بولینیوردی، زمان سلطنتک ابتداری آغالرک
تغلیله، کوسم سلطانک اداره سیله کچدی، قسم دیکری ده پادشاهک
استبدادینه اساس تشکیل ایتدی. پادشاه پک شدید المزاج ایدی،
آک صوک اراده یی آک اول ویرنلردن بولینیوردی، فوضاویتک اوکنی
باشقه درلو آلق ممکن دکلدی. بوشده لزوم واردی، فقط شدت

تزايد ایدەرك بر چوق فناقلری مؤدی اولمەسی مانع اولمشدر. زمانندە آوستریا ایله، ایران ایله محاربه ایدلمش، سیتوا ایران معاهدەلری حدود عثمانینک آز چوق کوچولمەسنى بادی بولنمش، دولتک شان و شرفه نقیصه ایراث ایتمشدر.

وفاتی متعاقب برادری سلطان مصطفی مقام سلطنته جالس اولمش ایسەده مجذوب اولمەسنه بناءً چوق زمان اداره امور ایدەمەمش، خلع ایدیلەرك یرینه سلطان عثمان کچمشدر.

سلطان عثمان شدید بر سیاست داخلیه اتخاذ ایتمش، عشرت ایدن یکچیریلردن بر چوغی اراده سیله بوغدیرلش، اولدیرلش، یاخود بالذات پادشاهک امریله آخرته انتقال ایتمشدی.

پک کنج اولان پادشاه طورمه یور، چالشیور، ملته بر حیات ویرمک ایچون اوغراشییوردی، فقط خواجەمی عمر افندی کبی بر محدود النظرک رأیله حرکت ایتمەسی کندیسنى بر طاقم خطیاته سوق ایتمشدر، که نتیجه ده عدم موفقیتله قارشىلاشمش، حتی حیاتنک کیتمەسنه بیله سبب اولمشدر، شهزاده سلطان محمدک حضورنده قتلی، عسکره ویریلن آقچەنک قطعی بونلردن بریدر. زمانندە لهستانه سفر واقع اولمش، بر نتیجه یه اقتران ایدەمەمش، استانبوله عودتندە پک فجیعانه بر صورتده پادشاه یکچیریلرک یدیلە قتل اولمشدر.

پادشاهک یکچیریلر أئندە ارتحالی انتظام اداره یی بوسبوتون آلت اوست ایتمش، مملکتده اداره اجلاف و اراذلک یدینه کچمش، عسکر امور ملکیه یه مداخله یه باشلامش، سلطان مصطفی تکرار پادشاه اولمش، آناتولی ده عصیان یوز کوسترمش، آنارشى سیاست داخلیه

آرتق ریادن واز کچمه یوردی : متفسخ بر سیاست وحشیانه اجرای احکام ایدیور، قورقوتولید ایده جک یرده یأس، نفرت اویاندیریوردی. زماننده آوستریا ایله محاربه ایدلمش، آناتولی ده جلالی اشقیاسی توره مش، شاه عباس ایله ایران معاهده سی اجرا اولمشدور.

سلطان احمد اولك زمان سلطنتی شدتله، علویتله مالامال بر زماندر. پادشاه اولدینی کون ایلک اراده سی « سنك باشکی کسرم » سوزلریله باشلامقده در. داخلأ بر شدت اداره تأسیس ایتمش در. مراد بك تاریخنده زمانندن بحث ایدرکن « ایکی صدر اعظم، ایکی قائم مقام قتل اولندی. دیگر ایکی صدر اعظم دخی خدمات مسبوقه لرینه، طقسانی متجاوز سنلرینه، یاخود علیل و مریض بولملرینه باقیمقسزین اذیتلره دوچار ایدلی. حضورده اخاق ایتدیریلن صدر اعظم درویش پاشا سریلدیکی یرده جانلانونب قیمیدانجه پادشاه خنچرینی چکوب اوزرینه چوکمش، خنچرینی دفعتالیه صوقوب چیقارمشدور. » [۱]

سلطان احمد اول سیاست داخلیه ده بر مجموعه تضاد ایدی، شوشدتلرینه معادل بعضأ اوقدر مرحمتلر، اوقدر شفقتلر، طوغریلقلر کوستیرکه حیرت ایتمه مك آلدن گلز، برادری سلطان مصطفی قتل ایتمه مه سی بویوک والدیه سی وندیکلی صافیه سلطانی تبعید ایتمه سی، برنجی خصکی طرفدن سائقه رقابتله اولدیریلن جاریه لری خبر آلمسی اوزرینه اُک بویوک جزایی عشقنه رغماً ینه کندی ایله ویرمه سی بو طوغریلقلرک برر دلیلدر. عشرت وقادینه پک چوق دوشکون بولمه سی پک کنج یاشنده ترك حیات ایتمه سی مؤدی، بناءً علیه بونلرک تأثیریه شدتنک

زمانی بر بحران رجال زمانیدر. پادشاهك بوضعفدن استفاده ایدیلیور، اونك مختلف جریانلر ، مختلف نفوذلر داخلنه کیرمه سنه سبیت ویریلیوردی. باخصوص پادشاهك سفاهته انهماکی سیکیرلرینه بوسبوتون ضعف طاری اولسنه سبیت ویرمش ، وهم حکومتی اداره ایتیه باشلامشدر. دوره کلاک ایلک اسباب سقوطی مراد ثالث زماننده کورونمهیه باشلامش بحران رجال پک اوزون مدت دوام ایتمش ، شو احوال بالاآخره قادینلر دوره سلطنتی احضار ایلهمشدر. خصکی صافیه خاتون پادشاهك اوزرنده پک بویوک بر تأثیره مالک اولدینی کبی اويس افندی نامنده بر سفیهده پک بویوک بر نفوذ صاحبی ایدی. صوقوللی محمد پاشانك آرتق نفوذی قالمامشدی .

زماننده ایرانده بر چوق فتوحات مهمه اولمش ، کورجستان وشروان فتح ایدلمش ، آوستریا ایله محاربه ایدلمشدر .

یرینه کچن سلطان محمد خان ثالث دورندهده بحران اداری تمادی ایتمش ، والده سلطان اولان صافیه قادینك آئنده امور حکومت دهازیاده تشوش پیدا ایلهمش، بر طاقم ارادل واسافلک آله دوشمشدر. قوانین قدیمه بوزولمهیه باشلامش ، تیمارلر ، زعامت لر سرای خدمه سنه ، منتسبین علمیهیه بیله ویرلمهیه باشلامش ، موسویلردن والده سلطانه چاتقین « خیراچا » نامنده بر قادین آرتق تیمارلری ایسته دیکی کبی صاتمیه باشلامش ، امور داخلیه بوسبوتون اختلاله یوزطوتمشدی. باخصوص جلوس کونی سرایده شهزاده لرك قتلی ، حامله اولمق بهانه سیله جاریه لرك دکزه آتیلمه سی جداآشایان دقت ، اصول مطلقیتك سوء استعماله یوز طو تدیغنه آک بویوک دلیل ایدی. شیخ الاسلاملر بیله

صلح ویزه بیلیر . خرسیتیانلق هیچ بر وقت بوزمانده اولدینی قدر منقسم اولماشدر . »

اوغلی سلیم ثانیك سلطنتنه ککنجه بودور پدرینك شعشعه وداراتیله، برده صدر اعظم صوقوللی محمد پاشانك درایت و اقتدار یله یاشامش ، بعض شانلی مظفر یاته ، فتوحاته مظهر اولمشدر . هاهمه سلطان سلیم ثانی حقنده « جالب حیجالت سفاهتیله تحت عثمانی بی اُك زیاده لکهدار ایدن پادشاهلرک بری اولان بو حکمدار بی اعتدال » سوزلرینی صرف ایدیور . جلوسی اثناسنده خزینه محاربات متمادیه ، متمادی احسانلرطولایسیله بوشالمش برحاله بولنیوردی . بو ائاده یکچیرلرک عصیان بوسبوتون قابارمشدر . پادشاه جدیدك اُك بویوک موفقیتی وزیر اعظم صوقوللی محمد پاشای یرنده ابقا ائمه سی ، هیچ بر شیئه قارشمه می ، کندی اکنجه سیله اشتغال ائمه سیدر . فقط سلطان سلیم توجه عمومی بی قازانمش برپادشاه اولمایوب استانبولده، سالنیکده، وسائر محللرده وقوعه کلن یانغینلر علیهنه تفسیر ایدلمش ، قبریس فتح عظیمی بیله شرابی ایچون ضبط ایدیور کئی سوزلرک انتشارینه وسیله اولمشدر .

زماننده ساقز آطه سی ممالک عثمانیه الحاق ایدلمش ، قبریس فتح اولمش ، اینه بنجی ده عثمانیلر مغلوب اولمش ، یمن فتح ایدلمش ، بحر حزر ایله آزاق دکزینک برقانال ایله ربطی مسئله سی دوشونیلمشدر . سلطان مراد ثالثک زماننه ککنجه دبده نك ، داراتک ، سفاهتک بوتون ایزلری کورولمه یه باشلامشدی . بالذات پادشاه اراده سز ، ضعیف الاخلاق ایدی . شفقت و مرحتی هر شیئه غالب بولنیوردی .

طرز اظهار عدالتی ، مرکزیتی ، مطلقیتی تماميله کوسترلمشدر .

دبدبه ، دارات ، سفاهتده مطلقيتک ، رفاهک ، مظفرياتک
وسعت وشدتجه وسعت وشدت پيدا ايتمش ، دها اينجه ، دها کبار
بر شکل آلمش ، خرم سلطانتک بوخصوصده پک بويوک بر تأثیری
اولمشدر .

سلطان سليمانک پک اوزون سورن زمان سلطنتده مجارستانه
ايلاک دفعه سفر اجرا ايدلمش ، بلغراد فتح اولنمش ، شام واليسى
غزالينک عصيانی باصديرلمش ، ردوس محاصره وفتح ايدلمش ، مصر
عصيانی دفع ايدلمش ، موهاچ مظريت عظيمه سی تاريخ عثمانی يه يکی بر
شان ویرمش ، بودین ضبط ايدلمش ، ويانه محاصره اولنمش ، کونش
محاصره ايديله رک آلمش ، تبریز ، بغداد بودین ممالک عثمانیه الحاق
اولنمش ، نيس شهری محاصره اولنمش ، شارلکن ايله مجارستان قرالی
فرديناند ايله مصالحه ايدلمش ، طمشوار ايله مجارستانک بر چوق
قلعه لری سقوط ايتمش ، شهزاده بايزيدک عصيانی باصديرلمش ، خيرالدين ،
طورغود ، پياله ، پیری رئيس اسمنده مشهور کيجيلر يتشمش ،
آق دکزده ، هند دکزنده محاربه لر اولمش ، بعض وزير اعظم لر
قل ايدلمشدر . مرکزيت ومطلقيتک نه درجه لرده سلطان سليمان قانونی
زماننده ير طوتديغنی آ کلاتمق ايجون ونديک ايلچيسي غريتينک
آوستريا وشارلکنک سفيرلرینه سويله مش اولديغی شوسوزی نقل ايله
اکتفا ايدهرز : قوللرک پادشاهه اطاعتی اودرجه ده در ، که شودقيقه ده
بر آشجی ي اوهرشيئه مقتدر اولان ابراهيم پاشانک اعدامنه کوندرمش
اولسه بو امر درحال ، مشکلاتمنز اجرا اولتور . دنيايه يالکيز او-

خارجیه و داخلیه، کړک علم و فن و صنعت اعتباریله کمال دوری اطلاقه شایان بر دوردرد. عثمانلی حکومتی زمان سلطنتنده حدودلری آشمش، بر چوق ایمپراطور لقلرک، قرالقلرک صاحب مشروع ویکانه سی بولنمش، خزینه سی پاره ایله طولمش بر حالده اولمغله پادشاه پک طوغری اوله رق کندیسنه «شهنشاه» عنوانی ویرمشدر اوروپاده پادشاهک قارشوسنده رقیب اولمق اوزره بر چوق قرالقلری بر آرایه جمع ایتمش اولان شارلکن بولینیوردی.

هائمه سلطان سلیمان قانونی دورینه کیررکن «انجق ملترک» مقدراتنده بر درجه یه قدر اهمیتی حائر وظیفه اجرا ایتمش هیچ بر دولت یوقدرکه مدنیت تخملرینک هپ بردن آچیلمش اولدینی بر صفحه ارائه ایتمه سین «دیدکن صوکره» قانونی، محتشم، بویوک عنوانلریله یاد اولنان سلیمانک زمان سلطنتی بو اوصاف متعده ایله تاریخ عثمانینک اک مهم دوره سیدر. دولت قدرتنک، فتوحات جدیده سنک، مدینتنک، آثار قانونیه و معماریه سنک اک واسع موجودیتی بوپادشاهه مدیوندر، عثمانلیلر انجق قانونی عنوان متواضعانه سنی ویردکلری حالده اوروپا مورخلرینک بویوک صفتیله توصیف ایتدکلری عثمانلی پادشاهی یالکیز سلطان سلیماندر. «سوزلرینده سویله یور.

سیاست خارجیه ده شرق ایله غرب حدودی اصلاً نظر دقت و اعتباردن دور طوطیلمه یه رق کړک اوروپاده، کړک آسیاده موازنه دولته حکومت عثمانیه نک اک آغیر باصمائی اسبابی دوشونیلمش، بونک ایچون قره دکزده اک بویوک، اک امنیت بخش قوتلر احضار ایدلمش، داخلیلا دوره کاله کلن بر حکومت مطلقه نک توجه شان و شرفی،

» یحیی دلدی صاریله آ که کمر آسا
» اول کافر بدکیش که زنارینی چوزدی . «

*
* *

» آجی سوزلر نیت ایلر سکه ده اولم بی حضور
» چونکه ایلر اول زبان ایله اولبلردن صدور
» آرتق اولوریم جان عاشق لره حکمت ندر
» هرچان خونی کوزکده خسرو اوله فتور
» بر جمال با کمالک اولمشرز مفتونی کیم
» بقدو غی مرآت ایدر خورشید کی فیض نور
» قورقرین جنتده ده عشاق راحت کورمیه
» اوکرنورسه شیوه خوبان استانبولی حور
» سروقدیدن بزی حق ایتیه یحیی جدا
» اوستمزدن سایه لطف خدا اولایه دور . «

یحیی افندی احترام ایله ، دبدبه ودارات ایله پک چوق سنه لر
یاشامش ، ۹۳ یاشنده اولدینی حالده «۱۰۵۳» ی سنه سی ذی الحجه سنک
اون سکزنجی کونی ارتحال ایتمشلر ، سلطان سلیمده پدرینک نزدینه
دفن اولمشلردر .

۹

بودورک لهیتت عمومیه نه بر نظر : اجمال سیاسی و اجتماعی ،
ترقیات فکریه ، معماری ، شیوه و زور و مقننه کی نظامت ، لسانه . —
سلطان سلیمان قانونی دوری کرک ظفر ، کرک سیاست

« بکزه من اشعار غیره سوزلرنده روح وار
 « سر غیبی طبعمه یحیی سنک مرهم کی . »

* *

« چشم مخزوم خیالک شاهنی اعزاز ایدر
 « هر کاشده بر قماش سرخ پای انداز ایدر
 « کیم قچار یلوارمدن دلداره اما نیلسون
 « عاشق شیدا نیاز ایتدکجه دلبر ناز ایدر
 « سن همان کنج نیازی بکله ای کنجشک دل
 « شاهبازک چونکه اوج نازده پرواز ایدر
 « سر عشقی بلبل شیدا نیجه پنهان ایده
 « قنده بر آغزی آچیق وارسه آنی همراز ایدر
 « آرز چوق نیلرسه یحیی لطفیدر ، احسانیدر .
 « دیمه اول مهر و جفای چوق وفای آرز ایدر . »

* *

« اول ماه لقا زلف سیهکاری چوزدی
 « صان چین و خطا تاجری در بارینی چوزدی
 « بر آق کلی ایلدی بر طفل پریشان
 « دلبرکه آلوب دستنه دستارینی چوزدی
 « انجم طاغیلوب صانمه طلوع ایلدی خورشید
 « اول سیم بدن تکه زرتارینی چوزدی
 « مزده ایدیچک ای کل تر باد قدومک
 « هر غنجه همان کیسه دینارینی چوزدی

دفعه روم ایلی قاضی عسکری اولمش ، « ۱۰۳۱ » تاریخخنده شیخ الاسلاملق پایه سنه ارتقا ایله مش ، اوچ دفعه اولق اوزره یکر می سنه یه قریب بر مدت اومقامده قالمشدر .

عصرینک فریدی ایدی . ادبیاتده ، شریاتده قازاندیغی شهرته برده سیاسیاتده کی مهارتی علاوه ایله مشدر . نفی ، صبری کی ذوات مشار الیهک مدخنده بولمشلر ، قصیده لر یازمشلر ، تقدیر ایتمشلردر .

غایت اخلاقی ، متواضع ، خیری دوشونیر ، کولر یوزلی ، لطیفه یه میال ، حقوق عباده رعایتکار بر ذات اولمغله جمله نك محبت وتوجهنی قازانمش بولینوردی .

یحیی افندی نك اُك بویوك مهارتی غزللرنده در ، غزللری اوقدر شوخ بر شکله اولمایوب بالعکس آغیر باشلی در . یحیی افندی باقی نك بر معقیدر . نفی نك ، سائر ذواتک آز چوق حصوله کتیردکری تجدداته حواله سمع اعتبار ایتمه مش ، محافظه کارلقده زمانک یکانه سی قالمشدر . شو بر قاج غزلنی آملقه اکتفا ایده جکیز :

- « دفع غمده اولرز محتاج جامه جم کی
 « عاشق بز عاشقه اکلنجه اولرز غم کی
 « بحر ایسکده قطره ناچیز کوستر کندوکی
 « کوکلنه کیر ای کوکل اول غنچه نك شبنم کی
 « قنده بر اهل کرم وارسه یاشتمز روزگار
 « یر یوزنده شمدی بر آدمی وار آدم کی
 « بحر عشقک بر کنارین بولدی بیچاره دل
 « دوشدی بر کردابه اول زلف خم اندر خم کی

- « عشقنده یانان دالر آز آتشله طوتشمز
 « دلسوختکان غمی پروانه دکدر
 « کلدجه دلاخانه که غم منفعل اوله
 « یاران صفادندر اوییکانه دکدر
 « کلکون ورق دفتر حسن ازلیدر
 « رخسار معبر خط جانانه دکدر
 « نقش اولمش آکا پنجه عنقاده بر اژدر
 « اول زلف خم اندر خم ایله شانه دکدر
 « اولسه یراشور تختکه پادشه عشق
 « دل خانه سی صبری قی ویرانه دکدر
 « دکدرسه نوله سوزلری اولشه معنی
 « اسرار غم عشقدر افسانه دکدر
 « اول پاک نظرکیم نکه دیده لطفی
 « اهل دله در جاهل ونادانه دکدر
 « خامه مده دعا سنده ناسنده در آنک
 « مدحنی اوقور آنجق اومستانه دکدر . »

۸

یحیی . — شیخ الاسلام زکریا افندینک مخدومی اولوب « ۹۶۰ »
 تاریخ هجری سنده استانبولده دنیا به کیشدر . یحیی افندی زمانک علوم
 وقوننه چالشمش ، علمای عصر دن معلول زاده دن ملازم اولمش ،
 پدری کبی طریق علمه داخل اولمش ، بو طریقده ایلروله مش ایکی

۷

صبری . — صبرینک اصل اسمی سید شریف صبریدر، نفیعنک:

« بحمدالله زمانکده بقول صبری شاکر
« کریبان فلک مهجور دست آه شکوادر

سوزلرینه آلدانه رق مرحوم نامق کمال بک « صبری شاکر »
دیملکه اسمی اوصورتله قالمش ، دیوانی ده اوصورتله توصیف ایدلمه یه
باشلانمشدر . کندسی مراد رابعک اخص ندماسندن ایدی . ائارنده
زمانک کالی، دبدبه وداراتی، لساننده کی زینت تمامیه اوقونمقده در . نفعی نک
اثرلیله بونک آره سنده بک درین بر فرق کوروله مه مکله برابر صبری
نفیعنک چیقیدینی درجه شاعریته چیقمامش ، ائرلرنده بیلنه من
ناصل بر شی ، بر صمیمیت ، بر انجذاب نقصان قالمشدر .

سلطان مراد رابع حقنده یازمش اولدینی قصیده لرده بر وقار
ونجابت بولندینی حالده بر عدم تبدل کورولمکده ، روحی اوقدر
اوقشاماقده در . غزللری ده مختلف موضوعلره انتقال ایده مه مش ،
ویاتماس ایتدکلرینی تمامیه کوستره مه مشدر . غزللرندن شوغزلی آلقله
اکتفا ایده جکز :

« دل جام مجازی ایله مستانه دکلدز

« بونشوه بزه بخشش پیانه دکلدز

« خوشحال فنا شحنه دورانه باصلمز

« دردکش غم ساکن میخانه دکلدز

« اوصلندی کوکل هر صاچی زنجیره اورلار

« اولکی کبی شمدی اودیوانه دکلدز

سوزلرینه تصادف ایدیوروز. فی الحقیقه نفی غزلارنده، قصیده لرنده
اولدیغی قدر موفق اولمش بر شاعر دکدر ، بوده مزاج و طبیعتک
بر نتیجه ضروریه سیدر ، او هیچ بر شی اولق ایسته مه مش که عشقه
اسیر اولسون . بناءً علیه اکثر غزلاری بارد ، آهنگ قوتیه
اوقونیر اثرلردر :

« اغیاره نگاه ایتدیك ناز صانوردم
« چوق لطف ایمش عاشقه بن آز صانوردم

« غمزه ك دلی رسوای جهان ایلدی آخر
« بالله بن اول آفتی همراز صانوردم

« صبر ایله سه م آینه ده کی عکس جالک
« حسنیله سنی مه کی ممتاز صانوردم

« معمور ایدوکن بیلمز ایدم بویه خرابات
« مستانه لری خانه بر انداز صانوردم

« سحر ایتدیکی سندن اشتدم ینه نفی
« یوخسه سوزینی هپ سنك اعجاز صانوردم . »

نفی « ۱۱۴۶ » تاریخنده پادشاهه هجو یازمه یه جغه دائر ویرمش
اولدیغی یمینک خلاقه حرکتله بایرام پاشایه نظماً تعرض ایتدیکی مسموع
پادشاهی اولمه سنه بناءً با اراده سنیه بوغدی رلمش در .

مزارینک نروده اولدیغی معلوم دکدر ؛ بعضیلری مزارینک
سرای برونی ایله اسکدار آره سنده اولدیغی ، بعضیلری ده - از جمله
ادمون فازی ایله عبدالحلم ممدوح بك - باب عالی ده موجود ایکی
مزاردن بری ایدوکنی ذکر ایتکده درلر .

« میدر محك عاشقان آشوب دل آرام جان
 « سرمایۀ پیر مغان پیرایۀ بزم صنم
 « می عاقلی ارشاد ایدر ، سیله ویرز بر باد ایدر
 « عاشقزری دلشاد ایدر دلدرده قویمن کرده غم
 « می آتش سیاله در مینا قدحله لاله در
 « یاغنیچۀ پر ژاله در آچمش نسیم صجدم
 « ساقی مدد می صون بزه جام جم وکی صون بزه
 « رطل بیانی صون بزه کیتسون کوکلردن ألم
 « بز عاشق آزاده یز اما اسیر باده یز
 « آلفته یز دلدادۀ یز بزدن دریغ ایتمه کرم
 « بر جام صون الله ایچون برکاسه ده اول ماه ایچون
 « تامدخ شهنشاه ایچون ألم اله لوح و قلم »

شوکر یز کاهده کی آهنگ لطیفه ، موسیقی به قصیده لرینک اکثرنده
 تصادف ایدیلیر ، موسیقی نك تأثیر یله انسان غیر اختیاری سور و کله نیر ،
 کیدر . رباب مجموعه سنک اون یدنچی نومروسنده یازیلان بر مقاله ده
 [۱] « خلاصه نفعیده ، رقت آرانیه ماز . نفعی شاعر آهنگ ،
 شاعر دبده ، شاعر تفاخر در ، اونی بویله او قوملی ، بویله قبول
 ایتمه لی . « دینلیدی کی کبی ینه عینی مقاله ده « نفعی جدی بر عاشق
 اوله مامشدر ؛ قلبنده کی هجرانلری ، الملری ، حرارتلوی نقل ایتدی کی
 زمانه قدر یالانجیدر ، اونک ایچون ده ، قدمانک اکثریا حیات عشقیه سنی
 مترنم غزلیات صحیفه لری نفعی دیوانده غایت صوئوق ، مبالغه لی
 غریب بر شکل وادایله مالیدر . »

- « اسدی نسیم نوپهار آچیلدی کلر صجدم
 « آجسون بزمده کوکلز ساقی مدد صون جام جم
 « ایردی ینه ارد بهشت اولدی هوا عنبر سرشت
 « عالم بهشت اندر بهشت هر گوشه بر باغ ارم
 « کل دوری عیش ایامیدر ذوق و صفا هنکامیدر
 « عاشق لک بایرامیدر بوموسم فرخنده دم
 « دونسون ینه پیمانه لر اولسون تهی خخانه لر
 « رقص ایلسون مشانه لر مطرب لر ایتدیکه نفم
 « بودمده کیم شام وسحر میخانه باغهر شک ایدر
 « مست اولسه دلبر سنوسه کر معذوردر شیخ الحرم
 « یانیلسون بیچاره لر آلفته لر آواره لر
 « شاعر صونه مهباره لرندش ایتمک اولور ستم
 « یار اوله جام جم اوله بویله دم خرم اوله
 « عارف اودر بودم اوله عیش و طریله مغتم
 « ذوقی اورند ایلر تمام کیم طوته مست وشاد کام
 « بر آلدی جام لاله قام بر آلدی زلف خم نجم
 « لطف ایله ساقی نازی قومی صون که قالمز بویله بو
 « طولسون صراحی دستبو بوش طورمه سون پیمانه هم
 « هر نورسیده شاخ کل آلدی آینه جام مل
 « لطف ایت آچل سن داخی کل ای سروقد وغنجه فم
 « بودرد و بوصافی دیعه دونسون پیاله غم یمه
 « قانون دور دائمه او یسنده می صون ذمبدم

یازلدینی، اُک عادی شتومی حاوی بولندینی جهتله آثار صنعتده کی
منفعت نا اندیشی غایه سنی اونوتدیرمش، بناءً علیه پک صوئوق،
پک عادی قالمشدر.

هجویره لری برچوق کیمسه لری کندیسندن تباعدینی موجب اولمش،
نفرت عمومیه بی قازاندیرمش، نفی پدرینی بیله هجواتمش و دیمشدرکه:

« پدر دکل بوبلای سیاهدر باشمه

زمانده کیلر کندیسندن او قدر بیزار ایدیلرکه :

« آن شاعر هیجا کوکه نام اوست نفی

« قتلش بچار مذهب واجب چو قتل افی . »

سوزلریله فتوای قتلنی بیله ویرمشلردر. تذکره صاحبی
قافزاده لسان تعرضندن قورتیله مادینی جهتله نفی به فوق العاده
قیزمش، تذکره سنده یالکز نفی ارضرومی. بوایات ترزیفاتنددر .
سوزینی سویله مکله اکتفا ایتمش، مومی الیهی تحقیر ایله مشدر .

مع مافیله بوتون بو هجوملر نفی نیک ایلروله مسنه مانع اوله مامشدر،
نفی ذکاسیله، ده ای شاعریتیه تحکم ایدیور، ترقی ایدیور،
سلطان مراد رابع کی بر پادشاهک مصاحب خاصی بولینیوردی.

نفی بر شاعر آهنگدر، اوکله لریک موسیقیسنه، راز موسیقیسنه
تمامیله واقفدر. کله لر اونک دهاسی اوکنده بالموملری کی اریورلر،
اوکا اطاعت ایدیورلر، نغمه لر ایجاد ایله یورلر، قولالقرده موسیقی
آلتلری کی چینلایورلر. نفی ده آهنگ او قدر قوتلیدر، که انسان
آثرلری او قورکن موسیقی به تابع معنایی، خیاللریک نفاستنی اونوتیر،
کوره من :

- « ینه کلدی خروشه بحر کوهر باش اندبشم
 « دکلدر بوقصیده بردیزی لؤلؤ لالادر
 « بولیدی کر بونیکله زیب وزینت کردن زهره
 « فلکده ظن ایدردی سیر ایدن عقد ثریادر
 « بکا عامی دین باطل ، نه هرزه یر کوپک جاهل
 « ادبدیه اولدخی زعمنجه صاحب طبع وملادر
 « مقلد مسخره مضحک طوتالم منطقی اولش
 « نیجه ملا اولور اول خر عجب یهوده دعوادر
 « اوکونه مضحک اشعارینه سوز دیرمی اهل دل
 « نهایت اولقدر واردرکه موزون ومقفاذر
 « بنی مدح اونی ذم ایتک دکل معنیده مقصودم
 « حقیقتدر سوزوم سوزده مرادم حق اجدادر . »

زماننده هیچ بر شخص اونک ناخن تنقیدندن قورتیله مامشدر،
 شیخ الاسلام یحیی افندی ، صبری شاکر کی تقدیر ایتدکلی
 پک نادرر . نفعی کنیدیسنه ضرر ایراث ایدیه بیله جک لر ایله کستاخ ،
 بی پروا اوغراشیر بر موجود اولمغله برابر نفعی طوقونه جقلره قارشوده
 غایت لطفکار، سخی، مداحدر .

سهام قضاسی، بوشتو منامه سی کینلرنده، هجوملرنده نه قدر شدید -
 المزاج اولدیغنی بزه واضحاً کوستریور . سهام قضاسی ومحتوی
 اولدیغنی منظومات صنعت نقطه نظرندن باقیلدیغنی تقدیرده هیچ
 برقیمته مالک دکلدر، بورایه نقله دکل اوقونمسنه جوازویریه میه جک
 بر چوق صحیفه لری واردر ، که صرف کینله ، صرف هجوم مقصدیه

نفعی چوق خود بین ، چوق خود پرست بر شخصیتدر ، او -
 شعرده کی وسعت اقتداریه ، وسعت استعدادیه مغرور ، هر شیئه ،
 هر شخصه قارشو کوزلری قاپلی - پادشاهدن ماعدا - یالکز
 کندینی سومش ، کندینی کورمشدر . نفعینک غروری او قدر شدید
 وصمیمی ایدی ، که فخریه لری صونوق اوله حق ، بزی تبعید ایده جک یرده
 بالعکس کمال ذوق ایله اوقونمقدهدر ، چونکه صنعی دکلددر ، چونکه
 کندیسینک نه اولدیغنی ، نه درجه لرده یوکسک بولندیغنی حس ایتمش ،
 اوندن صوکره یازمشدر :

« کرمده کوچ سنی تعریف اما رخصت اولورسه

» سخنده بنده و صافی کور نه تماشادر

« حکیم اندیشه شاعردر کرامت پیشه ساحردر

» تفکرده فلاطوندر تکلمده مسیحادر

« کلیم اللهدر اندیشم دلم طوز معانیدر

» کلام سرتسر شرح مزایای تجلادر .

« لسانم ترجمان سرغیب الغیب لاهوتی

» کتابم نسخه دیوان پر مضمون ومعنادر

« نیجه دیوانچه متن حکمت الاشراق اندیشه

» که خورشید جهانتاب اکابر جلد مظلادر

« دکل لوح ضمیری گفت و کوی حکمت آمیزم

» سطرلاب ابو معشر شفای ابن سینادر

» جهانی اتمه ده رشح مدادی دمبدم احیا

» فی خامه مکر آب حیاتیه مربادر

تشکل ایتشدر، پجوی تاریخنده حادثات مدنیه پی ده آریجه ذکر ایتمکده، بوسورته ترقیات عصریه پی ده کوستر مکده در . « ۱۰۶۱ » تاریخنده پجده وفات ایتمش اولوب حین وفاتنده یتمش طقوز یاشنده بولینوردی . بدایت سلطنت عثمانیه دن محمد ثالث زمانه قدر وقایعی تحریر ایدن عالی افندی ده تاریخ اعتباریله ممتاز سیمالردن بریدر . عالی نك اُك بویوك مزیتی حقیقه دوشکونلکی ، حقیقی کیزله مه مش بولمه سیدر ، کندیسی کلیبولی لیدر . تاریخنده خرسیتانلری مدافعه ایتمه سی خرسیتان مورخلرندن پک چوغنک کندیسنه توجهنی موجب اولمشدر . تاریخنی « ۱۰۰۶ » سنه هجریه سنده یازمشدر ، مورخ قانته میرحقنده « عثمانیلر میاننده مورخ وقور . » سوزینی استعمال ایدیور .

۶

نفعی : شخصی رآناری . — نفعی ارضروملیدر ؛ اصل اسمی عمر اولوب « ۹۹۰ » تاریخلرینه طوغری ارضروم ولایتی داخلنده حسن قلعه ده تولد ایتمشدر . نفعی ده مملکتک ، دیارینک مخیله لره بخش ایتدیکی شدت ، روحه بخش ایتدیکی چالاکی ، لسانه بخش ایتدیکی جسارت و شجاعت کورولمکده در . نفعی سلطان احمد اول زمانه قدر وطننده قالمش ، تحصیلنی اوراده یامش ، محیطک شعره دوشکونلکندن استفاده ایتمش ، ذکا و معلوماتیه استعدادینی انکشاف ایتدیرمشدی . پادشاه مشار الیه زماننده درسه عاده کله رک آز زمان ظرفنده کندینی طانتدیرمه په موفق اولمش ، زمانی شعراسنه تقدیم ایتمشدر .

کوریوور ، او جوارلره عاند مناقبی دیکه یوردی ، پدری اون درت
 یاشنده ایکن وفات ایتمکه والدمسی صوقوللی نك عموجه زاده سی
 ایدو کندن بدونده شهید اولان دایسی فرهاد پاشانك نزدینه التجا ایتمش ،
 بونك وفاقی اوزرینه صوقوللی نك عموجه زاده سی لالا محمد پاشانك
 حمایه سی آلتنه کیرمشدی . پدری پیچ شهرینه « ۹۵۰ » تاریخلرنده
 کلمش ، یرله شمشدی .

پچوی لالا محمد پاشانك یاننده بولندیغی زمان بر چوق محاربه لره
 بالفعل اشتراك ایتمش ، محاصره لر کورمش ، غالیتر کورمش ، لسان
 آشنا اولمسی اعتباریله بعض مذاکرات سیاسییه اشتراك ایلمش ،
 تریاکی حسن پاشا ایله کوروشمش ، بودین ایله پیچ شهری آرمسنده
 کزینمش ، لالا محمد پاشانك وفاقی اوزرینه درین بر یأسک ائلم
 زبون اولمش ، احمد اولك وزیرلرینه قارشو پاشانك مصادره اموالی
 طولایسیله قلمبده پك بویوک بر کین باغلامش ، سلطان مصطفی نك
 فترت زمانلرینی ، کنج عثمانك شهادتی رأی العین : کورمش ، سلطان
 مراد رابع زمانك بوتون شدت لرینه شاهد اولمش ، امور مالی ده کی اقتدارینه
 بناء ده ولایات دفتردارلقلرنده طولاشمش ، نهایت بوسنه
 دفترداری اولمش ، كرك استماع كرك شهادت طولایسیله کورمش ،
 قید ایتمش اولدیغی وقایعی ، تاریخی حیاتنك صوك سنه لرنده بودینده
 ۹۲۷ دن سلطان مراد رابعك وفاتنه قدر (۱۰۴۷)
 یازمشد .

تاریخی اسکی تاریخلرک تدقیقتندن ، مسموعا دن ، فرمانلر ،
 معاهده نامه لرکی وثائق خصوصیه دن ، مجار تاریخلرندن آلمان معلوما دن

عامرہ دہ اولمق بابندہ فرمان لازم الاذعان لری صادر اولمغین امتثالاً
لامرہ العالی بونسہ کہ ناسخ نسخ تواریخ سلف و اسم سامیلریلہ
عنوانی شرفدر و بوتشرفلہ تاج التواریخ اسمیلہ مسمی اولمغہ سزاواردر
شدہ علیالرینہ اتحاف اولندی .

سعدالدین افندی فضل و عرفانی، نفوذ نظرندہ کی قوت طولایسیلہ
جداً مکمل بر تاریخ ویا وقایعنامہ وجودہ کتیرمشسہدہ اثرینی مرض
بلاغتہ فضلہ سوس وکلمات داخلنہ ادخال ایتہ مشدر . بونی یامامش
اولسہیدی دہانفیس ، دہا تاریخی بر اثر وجودہ کلہ بیلیدی .

حیات سیاسیہ قارشمش ، شہزادکانہ معلم اولمش ، قاضی عسکر
اولمش ، مفتی اولمش ، اگری سفرندہ عسکر فرار ایدرکن پادشاهی
مقاومتہ ، شجاعتہ دعوت ایلہ اردوی عثمانینک غالبیتہ سبیت ویرمش ،
۱۰۰۸ سنہ ہجریہ سندہ وفات ایتمشدر .

لسانندہ کی سادگی ، تاریخنندہ کی صحت ، وثائقندہ کی طوغربلق ،
افادہ سندہ کی شخصیت اعتباریلہ بوعصرک اک ممتاز تاریخی سیالرندن
بری دہ پچوی ابراہیم افندیدر . مورخ مراد ثالث بدایت سلطنتندہ
مجارستاندہ پچ شہرندہ تولد ایتمش ، مجار علم و عرفانندن استفادہ
ایتمشدر . « پچ » شہری عثمانیلرک اُلنہ کچمہ دن اول بر دارالفنونہ
مالک بولنمغلہ پچوی تولد ایتدیکی زمان دارالفنون خراب اولدینی
حالدہ معلملری موجود بولینوردی . اساساً کندیسکی « ۹۶۲ » سنہ
ہجریہ سندہ طوغدینی زمان فاتحک سلحداری اولوب بوسنہ آلائی
بکی قرہ داوودک احفادنن بولنمغلہ مشرف ایدی ، حدودلردہ کی
چاریشمہ لری پدرندن دیکلہ یور ، حدوددہ آوبہانہ سیلہ کزینیور ، اویرلری

۵

مورخند: سعدالدین ، یحوی ، عالی . — بو عصر بر عصر
کالدرد، بوتون ذکای بشره عاندشعبات علم وفن ده عثمانیلرک فوق العاده
ترقی کوستر دکلری مشهود اولمقده در .

تاریخ یازمق مسئله سی ده بوتاریخده پک بویوک تکاملاته مظهر
اولمش ، ادریسک فارسی تاریخنندن صوکره ترکیه تاریخ یازلمه یه رق
وقایعنامه عثمانی نك لسان اجنبی داخلنده قلمه سی نظر دقتی جلب
ایتمش ، بر وقعه نویس تعیننی احتیاجی حاصل اولمشدر .

عثمانیلرک ایلک وقعه نویس رسمی سی خواجه سعدالدین
افندی مرحومدر . مشار الیه سلیم اول ایله ایراندن کلن حسن
جانک مخدومی در . تاریخ عثمانی بی بدایتندن زمانه قدر یازمشدر .
مراد ثالث اراده سیله بووظیفه نك کنديسنه تودیع اولندیغنی شو .
سطرلری تمامیه آ کلامقده در :

« اول سال هجسته فالده که — یادشاه عالم اولری کل کبی سلطان
مراد . — آنک تاریخننده مخبردر ، سریر عز و ناموس اوزره
جلوس سعادت مأنوسلری وقوع و آثار برؤ احسانلری آفاقه شیوع
بولای ، برکون سریر پیشگاه اعلالرنده اجداد داد اعتیادلرینک
بعض مناقب جمیله لری انجرا کلامله ذکر اولنوب بعض سیر مرضیه
وحکایات ماضیه لرندن سمع هایونلرینه ایرمک تقریری ایله بوحقیرک
جمع ایتدیکی تواریخ معلوم شریفلری اولوب آندن بر نسخه خزانه

« آ کا تسخیر اولنوب ملك شهود

« عزودولتله كلوب بولدی وجود

« طولدی آوازده احمدله جهان

« ایلدی عشق الهمی غلیان

« نظر ایتدیجه آ کا رب غفور

« درلدی شرم و حیادن اول نور

« دوكلوب عالم ارواحه اودر

« اولدی هر قطره سی بر پیغمبر

« ینه بر دفعه اخراده خدا

« باقدی افراط محبتله آ کا

« ایلدی غرق عرق آنی حجاب

« کل پرزالیه دوندی او حباب

« قطره سندن اونك استاد آزل

« ایتدی بر کوهر شهوار اول

« بر نظر قیلدی مهابتله آ کا

« آریوب اولدی اول کوهر دریا

« ابر لطفی اولیجق دریا بار

« موجلر ظاهر اولوب چقدی بخار

« ایلدی صوکره آنک ایزد پاک

« کفنی خاک و بخارین افلاک . »

صوك زمانلره قدر اثری قیمتی محافظه ایتدیکی جهتله تاریخ ادبیات عثمانیه ده ذکره شایان بر سیما در .

اصل اسمی محمد بکدر ، کندیسی خواجکان دیوان هایونندن اولوب اولنجهیه قدر بومأموریتنی محافظه ایتمشدر . عصرنده کبار اقلام ، خواجکان دیوان هایون ادرنه قپوسنده اوطوریرلر ، قانوناً آته بینملری ممنوع اولدینی جهتله محل مأموریتلرینه اورادن یایان کیدوب کلیرلر مش . خاقانی « حلیه » سنی یازدینی زمان وزیرایه تقدیم ایتمش . اثری فوق العاده مقبوله کچمش اولغلنه نه مکافات ایسته دیکی سؤال ایدلمش ، جواباً : - آرتق اختیار اولدم ، ادرنه قاپوسندن پاشا قاپوسنه پیاده اوله رق کیدوب کلکه قدرتم قلمادی ، مساعده بویورولسه ده حیوان ایله کیدوب کلسم « سوزلرینی سویله مش ، وزرا قاعده یی ، قانونی بوزمه یه رق مساعده ایتمه مشلر ، پاشا قاپوسنه یقین برخانه یی کندیسنه بخش ایله یول یورومکن اختیاری قورتارمشلردر .

حلیه سنی « ۱۰۰۷ » تاریخنده اتمام ایله مشدر ، کتاب اقسام مختلفه دن عبارت اولوب عر مجهر لوحه لرله آیرلشددر . هر قسمی پیغمبر منز افندمزك اوصاف مبارکه سندن برینی توصیف و تصویر ایتمه در .

خاقانی نك تاریخ تولدی معلوم دکلسه ده ناجی افندینك ادعاسی خلاقه اوله رق تاریخ وفاتی معلومدر ، مومی الیه ۱۰۱۵ تاریخنده وفات ایتمش ، ادرنه قاپوسنه دفن اولنمشدر . قبری پك پریشان ، اوزرنده کی کتابه ده یا کاشدر . اثرنده زمانك تکمل ایتمش ، قوی لسانی کورینور :

« سودی اول نوری حبیلم دیدی حق

« اولدی دیدارینه عاشق مطلق

ونهایت وحدت وجود نظریه سنه کیده رک :

« عیسی دم وروخی لقب و حضر حیاتن

« دریای صفات ایچره نهان کوهر ذاتن

دیور، وکندینی تعریفه باشلایور :

« ویردک دل و جانیه رضایز بوقضایه

« غم چکمزیز اوغراسهق اگر دردوبلایه

« قویدق وطنی غربته بوفکر ایله چیققدق

« کیم رنج سفر باعث اوله عزوعلایه

« دور ایله مدک یر قومدق بر نیجه ییلدر

« اویدق دل دیوانیه دل اویدی هوایه

« اولدق نرهیه واردق ایسه عشقه گرفتار

« آلتدی کوکل بر صنم ماه لقایه . »

روحي هيچ بر شی یازماش اولسهیدی ده یالکیز بو ترکیب
بندی یازمش بولنسهیدی شاعربت خارق العاده سنی تصدیق ایتمه جه جک
بر فرد بولنمزدی: اوینه عینی قوت و بویو کلسکه مالک اولارق حافظه ملنده
یاشاردی. « ۱۰۱۴ » سنه سنده شامده ولی نعمتی عثمان پاشادن ایکی سنه
صوکره وفات ایتمشدر .

۴

مناقانی . — اونتجی عصر هجریده فخر کائنات اقدمزک اوصاف
مبارکه لرندن باحث « حلیه » نامیله بر اثر یازدیغی، و بونده موفق اولدیغی،

- « کیرمش کیمیشی وحدته آلمش آله تسبیح
 « هر برسنک ورد زبانی چل و پنجاه
 « دیدم نه صیارسز نه آلورسز نه صتارسز
 « دیدی بریسی شهر منک حاکم وقتی
 « خیر ایتک ایچون خلقه کلور مسجده هرگاه
 « احسانی یا پنجاه یا چله در فقرایه
 « صبر ایله که دمدر که اول میر فلک جاه
 « کلدکلرینی مسجده بیلدم نه ایچوندر
 « یوز دوندیروب آندن دیدم ای قوم اولک آگاه
 « کیم سزدن ایراغ اولدی ایسه حقه یقیندر
 « زیرا که ضلالت یولیدر کیتدیککنز راه . »
 بوتون بو استهزالر آره سنده بعضاده عصیان ایدر :
- « یوف خارینه دهرک کل وکلزارینه هم یوف
 « اغیارینه یوف یار جفا کارینه هم یوف
 « بر عیش که موقوف اوله کیفیت خمره
 « عیاشنه یوف خمرینه خمارینه هم یوف
 « چون اهل وجودک یری صخرای عدمدر
 « یوف قافله وقافله سالارینه هم یوف
 « ذی قیمت اولنجه نیده لم جاه وجلالی
 « یوف آتی صائن دونه خریدارینه هم یوف
 « عارف کیم اوله مدبر ونادان اولسه مقبل
 « اقبالنه یوف عالمک ادبارینه هم یوف »

روحی مرثیه لرنده، غزل لرنده دهاز یاده موفق اولور بر شاعر در؛
 ساده، سیال، مع مافیه حزین بر لسانله موت قارشوسنده استعداد
 شاعریتی جوشار؛ روحینک اُک بویوک اثری:

« صانعک بزی کیم شیرۀ انکورله مستر

» بز اهل خراباندنر مست الستر

« تر دامن اولانلر بزی آلوده صانیر لیک

» بز مائل بوس لبجام وکف ودستر»

سوزلریله باشلایان ترکیب بندیدر؛ روحی بو اثرنده دهایه یقین
 بر نقطه‌یه واصل اولمشدر. اثر فلسفۀ تصوفله حیاتی تدقیق، و اوکا
 کوره حکم ویرمکدن عبارتسه‌ده تکیه شاعرلرینک افادۀ یکنسقندن،
 حساسیت محدوده‌سندن، مخیله مشترک‌سندن قور تولمش، اوتیه
 کچمش، کندی باشنه بر عالم، بر کائنات وجوده کتیرمشدر. روحی
 بو اثرده روح تصوفه بربل استهزا کار علاوه ایده بیلمشدر.

تصوفک وحدت وجود، ابن‌الوقت اولمق، جمال، عشق افلاطونی،
 عرفان، بر مرشده احتیاج نظریه‌لرینی سویلر مصراعرلر، بیتلر
 آره‌سنده حیاتی، حیاتک مختلف صفحاتی کوسترمک بونه بویوک بر
 اقتدار شاعریتدر. روحی بوتون بونلری سویلرکن حیاتک بر
 کوشه‌سنه سریع، آنی نظرلر فیرلاتیور، بر شعله استهزا یاقیور،
 زاهدلرله، جاهلرله، علمای ظاهریه ایله، بکارله، حریصلرله کله نییور:

« واردم سحری طاعت ایچون مسجده ناکاه

» کوردم اوطوریر خلقه اولوب بر نیجه کمره

« مست اولوب میخانه ده خاک اوزره یاتسک غم دکل
 « همتی عالی کرک انسانک ای دل کوکلی پست
 « فصل تابستان کلوب ایردی اوکونلرکیم اوله
 « اهل دلاری پرست واهل زهد آتش پرست
 « یار بزمندن آیق چکم اولورسه م غم دکل
 « سنک طعنندن رقیبک شیشه خاطر شکست
 « روحیا اولدق کرفتار کمند زلف یار
 « غیر سیر باغ ایدر بز کنج غمده پای پست »

روحینک قصیده لرینه کلنجه بونلر حس ایدلمه مش ، یازلمق
 ایچون یازلمش شیلردر ؛ اونک لاقید ، سرسری روحی بویوکلرک
 قارشوسنده بز احترام ، بر عشق طویمه مش ، وبو عشق ایله
 قاورولمه مش اولمغله مدحیاتدن عبارت اولان قصیده لری پک صونوقدر.
 بونلرک آره سنده لطیفه جواینه بغداده یازلمش مکتوبلری واردر، که
 بونلر مولدینک یاد خاطراتی ، اوراده یاشایان طانیدقلرینک یاد افعالی
 اولمغله برابر مدحیه لرندن ده صمیمی ، ده روحنواز بر طرزده ،
 او دورده کی بغدادک روح و حیاتی کوستیر بر ماهیتده در :

« جوجه لر جیر جیر اوترلری ینه مجلسده

« نشئه بزم اول ایکی بلبل خوشخوان نیجه در

« مفتی خطه بغداد معین الاسلام

« وارث علم نبی نائب لقمان نیجه در

« عشرت اسبابنه بالفعل مقیدی هنوز

« بیتدیمی مقصدی اول اشرف ارکان نیجه در.»

عرفان ، اهل علم بر ذات اولمغله روحيله ا کثريا مشاعره لرده
بولنوردی .

روحي غزلارلرنده اکیوکسک مرتبهیه واصل اولمش، بر شاعر ،
مثلا بر باقی ، بر ذاتی دکلدیر ، او ا کثريا بر متصوف روحيله ،
بر متصوف فکرتيله، بر متصوف لسانيله غزلار یازار ، بولنلردن
بعضیلری عاشقانه ، بعضیلری متفکرانه در ، فقط هر نه صورتله
اولورسه اولسون غزلارلرنده بر بوی تصوف مخفیدر، او اویله لاقید ،
رفاه ایله اضطراری، ثروت ایله اضطرابی، ثروت ایله فقری برطوتار
بر روح طاشیرکه بوکا تصوفک اساله ایتدیکی قوتله وصول ممکندر :

» نه کدایز نه اسیر - کرم شاهز بن

» سا کن کنج توکلت علی اللهز بن

» عارفز طالب عرفانه سنددر سوزمنز

» منشأ مسئله عشقندن آگاهز بن

» یوق بیایوب ویرمنز اعدای بداندیشه وجود

» دوستم معتقد آه سحر گاهز بن

» اومرزکیم یولنه کعبه مقصوده وصول

» چون بوکون قافله عشقله همراهز بن

» من عرف سیرینی فهم ایله مشزای روحی

» اهل شکدن دکلدیر عارف باللهز بن .

* *

» کوکله بر جام صوندی ساقی بزم الست

» نیجه ییللردر یاتور میخانه وحدتده مست

فضولینک لهجه سیله روحی بغدادینک لهجه سی آره سنده نه درین بر
فرق وارد ر .

پک کوچک یاشنده ایکن شعره هوس ایتمش ، فضولی به ملاقی
اولوب مستفید اولمش ، فقط اصل مایه شعر ی درس عادتدن کلن ،
نقل ایدیلن آثارک مطالعه سندن اخذ واقتباس ایتمشدر .

بغدادک حار و مستننا اقلیمی بو استعدادک انکشاف تمایلاتنه بر
سبب بولنمش ، تصوفه و بونک طولایسیله سرسریلکه میلی ، سیاحته
مراقی اعظم متصوفه مزار لر یله طولو بغداددن کندیسنه انتقال
ایله مشدر . اصل اسمی عثمان اولان روحی نک یوزی سویملی ، نورلی ،
کندیسی خوش صحبت ، رند مشرب ، لاقید ایتمش .

بغداددن سیاحته چیقار ق بوتون آسیای صغرای طولا شمش ،
درس عادت کلمش « روحی بی شعرای مولویه دن تعداد ایدن اسرار
دده نک قولنج به بر مدت غلطه مولویخانه سنده بسط بورای اقامت
وشعرای عرفان و ظرفای دوران ایله مشاعره و مصاحبت ایتدکن
صوکره زیارت تربته مولانا قصیدیه قونیه یه ، اورادن جانب حجازه ،
دها صوکره شامه کیتمشدر . »

« سعادتنده ییچون باصمیم سپهره قدم

« عنایتنده ییچون اولیم سلیم البال

« بکا ظهیر اوله بر والی مشیر جناب

« بکا معین اوله بر حاکم بلند اقبال »

سوز لر یله توصیف ایتدیکی مشیر عثمان پاشانک حمایتی آلتنه کیرمش ،
اوصورتله یاشامشدر . عثمان پاشا شاعر لر له مشاعره بی سور ، اهل

اعتیاد ذوقی حصونه کتیر مشدر . بوندن لطیفی افندی ایچون بر مزیت ، برده نقیصه تولد ایت مشدر: مزیتی اُک اُبی آثاری وشاعر لری تفریق ایده بیلیمسی؛ نقیصه سی ایسه زمانی حقنده پک قتی حکملر ویرمه سی.. تذکره سنده « زمانه ده شاعر و متشاعر نامعلوم اولوب عرصه نظم مقلد و تقلید ایله طولمش ، السنه معتبره ده بر لفظ قالماش ، تکرار بتکرار مخلص اولمشدر . » دیور .

لطیفی افندی شاعر اولمق اعتباریله او قدر ممتاز بر سیما دکادر ، فقط منقد ، تذکره نویس اولمق طولایسیله جداً تقدیرک فوقنده در. تذکره سنده کوستردیکی سیملرک معنویاتی ، سیمای ادبیلرینی ، حیات خصوصیه لری بر قاچ قلم ضربه سیله او قدر اُبی کوستریر ، او قدر اُبی آکلاتیرکه نفوذ نظرینه ، وسعت استعداد تنقیدینه ، علمنه بواُک بویوک بر دلیلدر. باخصوص نثرنده کی متانت ، چالاکی ، انخا پذیر ی نفاست اثرینه باشقه بر قیمت علاوه ایله مکده در .

پک چوق سنه لر یاشامش بر سیما اولوب کندیسیله برابر اوچ یوزدن زیاده سیمای ده یاشامشدر .

۳

روحی بُغرا دی . — روحی بغدادده تولد ایت مشده ده پدری دیار رومدن اورایه کیتمش ، آ یاس پاشانک معیتنده بولنش ، نهایت اوراده توطن ایتمش بر ذاتدر . اصل اسمی عثماندر ، هر نه قدر بغدادده بویومش ایسه ده لسانی اوزرینه اورانک تأثیری هیچ اولمه مشدر دینیه بیلیر ، بوده جدینک آ ناطولیدن کلش بولمنسندن متولددر .

وفات ایتمش ، ادرنه قاپوسی خارچنده دفن ایدلمشدر . وفاتنه

« انتقال ایلدی بوفنا دنیادن باقی »

* *

« باقی افندی کیتدی عقبایه بیک سکرده »

تاریخلری سویله نمشدر .

۲

لطیفی — . بودورك اُك ممتاز سبالرندن بری ده لطیفی افندیدر .
 لطیفی افندی بر شاعر اولمقدن زیاده بر شعر شناس ، بر مدقق ،
 بر متحرری ، بر ترجمه حال نویسدرد . بزه بر اقدیغی آناردن اُك
 زیاده شایان تقدیر اولان ، تذکرة الشعرا سیدرد . کندیسنك بوندن
 باشقه اون بر قدر اثری اولدیغی کتابنده یازیور .

اسمی عبداللطیف اولوب قسطنیولیدرد . بونك ایچون بودیاره ،
 بودیارك یتیشدیردیکی اذکیایه ، شعرایه فوق العاده اهمیت عطف ایدرد ،
 تذکره سنده کندی همشهریلری حقنده فوق العاده التفاتلرده بولنور .
 لطیفی افندی پك کوچك یاشندن اعتباراً شعره کندیسنده بر
 انجذاب ، بر مفتونیت حس ایتمش ، پدری طرفندن منع اولنمشده
 دیکله مه مشدر . ذاتاً قسطنیونی محیط شعرینك تاثیرندن ده قورتلیمق
 ممکن دکلدی . روحاً بدین ، ماضیه دوشکون ، کندی زمانندن
 بزکین بر ذاتدر . بر چوق آناری تدقیق ومطالعه اونك ذوقه رقت
 مخصوصه بخش ایتدیکی کبی قدماتك اثرلریله اشتغالده اونده بر

« منصب عز و علا یقین قطع ایدن
 « مراد دانا در بغایت حسن حال اوستنده در
 « نیره کچه یریدر اهل فضیلت چونکه آه
 « عز و جاهک خار و خس دریا مثال اوستنده در
 « عنفوان صحته ای باقی مغرور اوله کم
 « لاجرم هرچی دانا ارتحال اوستنده در. »

*
 * *

« تنده بر کهنه قبا آله بر ازنان اولسون
 « عاشق بی سروپا باشنه سلطان اولسون
 « یوری ای باد الک کندوکه چک زلفندن
 « نیچه بر خاطر عشاق پریشان اولسون. »

باقی سلطان سلیمان قانونی ، سلیم ثانی ، مراد ثالث ، محمد ثالث
 زمانلرینی ادراک ایتمش ، بوتون بو پادشاهان عظام حضراتنک
 التفاتلرینه مظهر اولمشدر . عاشق چلبی تذکرسنده مشار الیه حقنده
 « هر کونه کمالدن و هر نوع علمدن بهره وردر . - ذاتی مرحوم که
 دنیاده بر ذاتیدر . شعر غیره نسبت عارضی بوکا نسبت ذاتیدر .
 دیر ایدیکه شعرك دوری سورولدی و شعرانک دفتری دورولدی .
 قومی چنک و اشکمی دود ایلدک . جسم آتش جانمی عود ایلدک . مطلعن
 باقی چلبی دیدکده ذاتی آلوب تمام ایدوب دیوانه الحاق ایله مشدر .
 باقی کبی شاعرك شعرین آلمق عیب دکادر . « دیور .

۱۰۰۷ تاریخنده روم ایلی صدارتندن استعفا ایتمش ، ۱۰۰۸

سنه هجریه سننده یتش بش یاشنده اولدینی حالد استانبولده

ذوقنی ، کچیجی امللرینی ، جانان حقنده کی نقاط نظرینی ، عالم و کائنات
 حقنده کی مطالعاتی طاتلی ، متین ، حسناکار بر افاده ایله بزه کوستریر ،
 طرز غزله بر تازه لك بخش ایتدیکنه شبهه یوقدر . اُک زیاده
 نظر دفته آله حق کیفیت یازدینی غزللرک حس ایدلمش اولمه سی ،
 اکثرینه کیدیریلن ادانک ممتاز بولمه سی ، وؤدانک ، موضوعک آهنگ
 درونیسینی اخذ ایتمش بولمه سیدر . شو بر قاچ مثالی المقله اکتفا
 ایده جکزر :

« ازلدن شاه عشقک بنده قربانیوز جانا »

« محبت ملککنک سلطان عالیشانویز جانا »

« سحاب لطفک آبن تشنه دلردن دریغ ایتمه »

« بو دشتک باغری یانمش لاله نعمانیوز جانا »

« زمانه بزده کوهر سزدکیچون دل خراش ایلر »

« آنکچون بغریمز خوندن معارف کانویز جانا »

« مکدر قیلمه سون کرد کدورت چشمه جانی »

« بیلورسن آب روی ملکوت عثمانیوز جانا »

« جهانی جام نظم شعر باقی کبی دور ایلر »

« بوزمک شمدی بزده جامی دورانیوز جانا . »

* * *

« کوکب بختم نیم برج هلال اوستنده در »

« آفتاب طالع هرکون زوال اوستنده در »

« محنت وذل بلا اهلینه وصل اظهار ایدوب »

« درد وغم شرحنده طبعم قیل وقال اوستنده در »

« دولته میل ایلر دانای محمی الجناب »

« کم بلور بر اندر اولده انتقال اوستنده در »

اشیانك، حادثاتك اُك كیزلی ، اُك نظر فریب نقاطنی كورمك ،
 كوسترمك خصوصنده باقینك نه درین بر نظری، بر طرز خصوصی
 رؤیتی واردر ، اوقلمنه تصادف ایدن هر شیئه ، كلمانه جان و حیات
 ویره رك ، خیاللره بر ممتازیت مخصوصه علاوه ایلیه رك ، نه یکی بر
 حقیقت و بر حسن تودیع ایدر . قصیده لرنده کی کریزگاهلرده بعضاً
 اوילה نادیده ، زنکین ، مصراعرله تصادف اولنور ، که تقریباً ایکی
 عصر صوکره کلن غالب ددهیه استادلق ایتمش، اونك تعقیب ایتدیکی
 مسلكك مبشری اولمشدر دنیله بیلیر :

« دایه ابرینه غنجه لرك شبنمندن

« باشنه آتجه دیزر نیته که اطفال صفار

« موسم رزم دكلدر بزم ایردی دیو

« سو سنك خنچرنی طوتدی سراپا ژنكار

« سمنك سینئه سیمتن آچوب باد سجر

« چوزدی كلشنده كلك دوكلرین [۱] ناخن خار

« پیرهن برک سمن کوی کریبان شیخ

« كلستان اولدی بكون بر صنم لاله غدار . »

غزللرینه کلنجه باقی بونلرده جداً خارقه دینله جك بر حساسیته
 مالک اولدیغنی اثبات ایتمکده در. بونلرده عشقك تجلیات مختلفه سنی،
 طبیعتك کوزلاککیرینی ، کندیسنه عائد غرورك تظاهراتی ، زماننك
 روحنی ، غنعاتی ، اُك خرده ، اُك کوچك نشیلر اوزرنده کی دقت
 حساسیتنی، لاقیدییه قارشو تمایلاتی، شوخ مزاجلغنی ، اُلم وهجرانك

آ کدجه بوی خلقکی دردکله لالوش
« اولسون درون نافه مشک تارتار »

« کل حسرتکله یوللره طوتسون قولاغنی
« ترکس کبی قیامته دک چکسون انتظار »

« دریالر اتسه عالی چشم کهر فشان
« کلز وجوده سنجیلین در شاهوار »

« ای دل بودمده سن سن اولان بکاهم نفس
« کل نای کبی اکله یلم [۱] باری زار زار »

« آهنگ آه وناله لری ایده لم بلند
« اصحاب دردی جوشه کتورسون بوهفت پند . »

خاله سلطانک وفاتسه یازدیغی مرثیه ده شوسرد ایدیلن اوصافی
تمامیله کوستیریر :

« ابر باران که یغر کلستان اوزره
« قطره لرکم دوکیلور سنبل وریحان اوزره
« جویلرکم طولانوز دامن صحرالرده
« ژاله لرکم کورینور لاله نعمان اوزره
« هپ او کوز یاشلریدر آقندی بساط ارضه
« آغله شیر اهل سما حضرت سلطان اوزره
« ماتمن طوتسه نوله عالم علویده فلك
« سایه رحمت رحمان ایدی انسان اوزره
« بوفنا کلشنک خار وخنسندن کوچروب
« قوردیلر بارکهن روضه رضوان اوزره . »

یاد ایتمه یه باشلامشلدردر [۱]. باقی سبکمزاج، خوش مشرب، دهاسندن
امین بر ذات ایدی .

باقی جداً ممتاز بر سیای شاعریتدر، دور کمالی آتارنده اُک بارز،
اُک روتقدار بر طرزده کوستردیکی کبی بو دورده یتیشن شعرایده
بر استاد اولمش، زمانمزه قدرهرکس از چوق اونی تقلید ایله مشدر .
باقینک اُک بویوک مزیتلرندن بری زماننک حالت روحیه سنی تمامیه
مص و تمثیل ایتمه سی، اوکا کوره برلسان و ادبیاتک مؤسسی اوله سیدر .
باخصوص آتارینک جدی بر تحسین محصولی بولنمه سی لسان اعتباریه
مالک اولدیغی مزبائی بر قاندها تزیین ایتمکده در . باقی مرثیه لری ،
مرثیه لرنده کی طرز زؤیت ، طرز تحسین ، طرز افاده طولایسیله
اوزمانه قدر کلن شعرایه تقدم ایتمکده در . اوبونلرده کبار ، مغرور،
اصیل بر دورک اولادی بولندیغی بزه نه کوزل احساس ایدر .
مرثیه لرینک روحنده ایچین ایچین آغلایان، مع مافیه ولوله دن شاتیدن
خوشالانمایان ، وقار ونجابتیه خلل کتیرمه یین بر حال موجوددر .
سلطان سلیمان قانونینک وفاته آغلارکن طونجیدن ، دمیردن نه متین،
نه کبار ، نه وقور ونه طاشقین بر لسان قوللانیر :

« اولسون غمکده نجلین زاروبی قرار

« افاقی کزسون آغلایه رق ابر نوبهار

« طوتسون جهانی ناله مرغان صبحدم

« کلر یولسون آه وفغان ایلسون هزار

« سنبلرینی ماتم ایدوب چوزسون آغلسون

« دامانه دوکسون اشک فراوانی کوهسار

مطلعی غزائی استاد او قودینی زمان استاد پک کنج اولان
باقینک بونی یازدیغنه قانع اولامش ، اتحاک فنانی حقنده نصیحتلرده
بولمش ، کندیسنی امتحان ایتشدر [۱] .

باقینک ذکاسنی ، استعداد ودهای شعریسنی چکمه یئرلر آللرندن
کلدیکی قدر ادبازینه چالشمشدر ، نامی اسمنده کی بر شاعرك :

« جهانك نعمتدن كندی آب ودانه من یكدر
« ايلك كاشانه سندن كوشه ویرانه من یكدر . »

« مطلعی غزائی باقیه استاد و بونده کی :

« غنا صدرنده کی مغرور و نا آسوده سروردن
« فنا یزمنده خواب آلود اولان مستانه من یكدر . »

ییتندن پادشاه زمانه تعریض معناسنی استخراج [۲] ایتشدر ،
مشار الیهی نفیک حدودینه قدر کتیرمشدر ، نفی اولتمق اوزره ایکن
حقیقت آ کلاشیله رق عفو ایدلمشدر . شیخ الاسلام بوستان زاده
نحمد افندی ده شاعرك تعریضاتندن متأثر اوله رق :

« میخانه لر بیت الحرم ، پیر مغان شیخ الحرم . »

مصراعیه شاعری تکفیر ایتش ، بیچاره یاقاسنی اعدامدن کوجلکله
قور تارمشدر .

باقی قره یاغز ، اوزون بویلی ، ضعیف بر ذات اولمغله رقباسندن
« امری » نامنده کی شاعر بر قطعه سنده « قارغه » دیه توصیف
ایتش اولمغله بولقب قالمش ، ظریف کیمسه لر اونی قارغه باقی دیه

[۱] حسن چلی تذکره سنه مراجعت .

[۲] فائق رشاد بك .

صلبندن دنیایه کیش ، کوچک یاورو محمود تسمیه اولمشدر . حیاتنک ایلک سنه لری بومحیط داخلنده کچمش ، فاتح مدرسه لرینی طولدر ان طالین علم ومعرفتک، جامع داخلنده درس ویرن معلمینک چو جغک نظر دقتنی جلب ایتمکدن بر آن خالی قالمادیغنه ، خصوصیه علمایه کوستریلن احتراماتک موجودیتی اوزرنده پک بویوک بر تأثیر حصوله کتیردیکنه شبهه ایدیله مز ، اکر بویله اولمه مش اولسهیدی باقینک هانکی اسباب وسوائق تحت تأثیرنده تحصیل علمه تمایل ایتدیکنی آکلامق پک کوچ اولوردی. عائله سنک کوچکلکی ، استانبولاک هجرا بر کوشه سنده اقاتی، بومحیطک اوزرنده کی تأثیری اونی هر حالده عادی بر حیاته سوق ایلردی . باقی کنجلیکنده سراج چراقلغنه کیرمشمسده بومسلکی کندی غایه آمالیه توفیق ایده مدیکی جهته ترک ایتمش ، مدرسه نشین اولمش، بوتون حرارتیه چالشعه باشلامشدر . خواجه سی سنبیل قصیده سیله نامنی شعرله تأبید ایتمش اولان قره مانی زاده محمد افندی اولوب شیخ الاسلام ابوالسعود افندیدن ملازم اولمشدر . طریق علمیه ده پک آرزومان ظرفنده قطع مراتب ایتمش ، ذکاسنی، درایتی بر چوق کیمسه لره طانتدیرمش، ایکی دفعه استانبول قاضیسی اولمش ، آناتولی وروم ایلی صدارتلیینه ارتقا ایله مشدر . تحصیل علم ایله مشغول ایکن کندیسنده شعره بر استعداد کورمش ، زمانک و عثمانلیلغک اک بویوک شاعری بولنان ذاتنک دکانچه سنه دوامه باشلامش ، نظریات شعریه یی همان همان اوندن اخذ وتلقی ایتمش ، ایلک منظومه سی اولان :

« هر چچن کوکله فکر عارض دلبر دوشر
« کوییا مرا آته عکس پرتو خاور دوشر . »

دوره کمال

باقی ، غزللری مرثیهلری . — تذکره نویسان : لطیفی . — روحی بغدادی . — خاقانی . — مورخلر: سعدالدین، پجوی، عالی . — نفی ، شخصی، آناری . — صبری . — یحیی . — بودورک هیئت عمومیه سنه بر نظر: اجمال اجتماعی و سیاسی: ترقیات فکریه، معماری، شیوه و ذوق خصوصنده کی تکاملات ، لسانک اینجه لشمسی.

۱

باقی . — دور سابقک تدقیقاندن آ کلاشیلدیغی وجهله ادبیات، علم، لسان، معماری، حیات اجتماعی اعتباریله واقع اولان تکاملات ذروه کمال و تکامله واصل اولمش بر حکومت مطلقیه، بر دولت واسعه و فریحیه یا قیشه حق بردرجهیه کلمشدی. مملکتده حیات اجتماعی و حیات اداره ثروت ایله، مظفریتلرک ویردیکی غرور ایله باشقه مملکتلردن طولانان علم و عرفان قرینتیلریله، عادات ایله اصیل و کبار بر شکل اخذ ایتمش بولینیوردی. ادبیاتده بوشکل اجتماعی، ادبیاتک جمعیت، جمعیتک ادبیات اوزرینه تأثیری قاعده سنه بناء، توافق ایتدی؛ لسان اعتباریله متین، خیالات، حسیات، افکار اعتباریله علوی و کبار بر شکل اخذ ایلدی.

بونک اساساتی احمدیلر، ذاتیلر حاضر لامشلسده نقشلرینی، زینتلرینی وضع ایدن یددها باقینک آیدر.

باقی « ۹۳۳ » سنه هجریه سننده فاتح جامعی مؤذللرندن بر ذانک

وارد ، بونک اوزرنده کی قبه یی سلطان مراد رابع یاپدیرمش ،
محفله کی قفساری سلطان ابراهیم وضع ایله مشدر . بوجامی معمار
سنانک یاپدیغنی اولیا چلبی یازیورسده یاکلشدر ، زیر « ۹۲۷ » تاریخنده
دوشیرمه اوله رق قوجه معمار عسکر بولینیوردی . بوئانده رئیس
المعمارین عجم علی نامنده بر ذات ایدی .

دیملک ، که معماری ده دورک اصالت و کبار لغنده حصه منداولمش ،
عثمانی تاریخ مدینتی یوکسه لته جک پک چوق آثار نفیسه وجوده
کلشدر ؛ بودورده معمار الیاس ، معمار مصلح الدین ، جعفر [۱]
معمار محمد المجنون ، معمار خیر الدین ، معمار عجم علی کبی بر چوق
ممتاز سیمالر یتشمشدر .

لسانه کلنجه : سرایک آرزوسنه تبعیتله ایکی یه ایرلمش ، بر
عوام ، برده سرای لسانی تشکل ایتمش ، یاواش یاواش بر قاعده
وضابطه تختنه کیرمش ، ابتدای سلطنت سنیه ده کی تشوشادن قورتیلمش ،
ذاتی ایله برابر ذروه تکمله قدم باصمش ، عربجه ، عجمجه کلهرک
لسانده موقعی تعین ایتمش ، بر استانبول و سرای ترکیجه سی تأسس
ایله مشدر .

[۱] آياصوفیه مناره لرینی حین فتحده انشا ، کلیسادن جامعه تحویل
یچون بعض کونا تبدیلات اجرا ایدن معمار مصلح الدین ایله معمار جعفر دره .
[خیرالله افندی تاریخی]

محرابك اوزرنده کی آیت کریمه شیخك خطی در .». حریمك اطرافی ستونلره محاط اولوب اوزرلرنده قبهلر ، و اورته یرده بر حوض واردر ، بونك اوزرنده کی سکز ستونه موضوع قبه سلطان مراد رابع طرفدن انشا ایتدیرلمشدر . جامعك اطرافنه یتش قبهلی بر مدرسه ، بر عمارت ، بر مسافر خانه ، بر دارالقرآن بانیسی طرفدن یاپدیرلمشدر . ادرنه دهده سلطان بایزید استانبولده کنه مشابه بر جامع ، بر خسته خانه ، بر عمارت ، بر مدرسه ، آماسیه ده بر تکیه ، بر عمارت ، بر مدرسه انشا ایتدیرمش ، عثمانجقده قیزیل ایرماق اوزرنده طقوز ، وسقاریه نهری اوزرنده اون درت وصاروخان سنجاغنده کدوس نهری اوزرنده اون طقوز کمرلی برر کوپری قورمشدر . بر چوق وزیرلرده پادشاهه امتثال ایتشلردر .

سلطان سلیمده کندی نامنه اضافتله یاد اولنان جامعك انشاسنه باشلامشسده عمری وفا ایتمه یه رك « ۹۲۶ » تاریخنده وفات ایتش ، « ۹۲۷ » تاریخندن اوغلی سلطان سلیمان قانونی پدری نامنه اکیالنه باشلایوب « ۹۳۳ » سنه هجریه سنده ختام بولمشدر . منبری ، محرابی بیاض مرمردن اولوب ساده لك ایچنده بر کوزللك کوسترمکده در . زلزله دن قولایاقله منهدم اولمه سی ایچون جامعی آلچاق یاپیللمشدر ، صاغنده ، صولنده « برر شرفه لی ایکی عدد مناره دخی سائر مناره لر کبی عالی دکلدرلر . » وحرمی بیاض مرمر خام ایله مفروش اولوب اوچ یاییل و جوانب اربعه سندن یان صوفه لری جمله ستون کونا کون اوزره خرده اوچ عدد قپوسی واردر . « [۱] بوراده بر حوض

سکیز مدرسه، عمارتلی، دارالشفاء، دارالمجانبین، کتبخانه، واطفال ذکوره مخصوص مکتب وارددر. ایلاک تأسیس اولنان عثمانلی کتبخانهسی بودر. جامعک انشاسنه ۸۶۷ ده باشلانمش، «۸۷۵» سنه سنده ختام بولمشدر. معمار سنان بوجامعه بالاخره پک چوق ضمیمه لرده بولنمشدر.

فاتح سلطان محمدک انشا ایتمش اولدینی جامعلردن بری ایوب سلطان دیکر لرلی ده ادرنه قابوسنده امیر بخاری ویکچریلر جامعیدر. ادرنده قاسم پاشا جامعی ده زماننده وزرادن قاسم پاشا طرفندن انشا ایتدیرلدیکی کبی ینه عینی شهرده قیزی عایشه و خلیلهسی سنیه سلطانک جامعلری ده مشهوردر. سلطان محمد درسعادتده اسکی ویکلی سرایی، عتیق بزازستانی ده یادیرمشدر.

سلطان بایزید زمانی ده تأسیسات معماریه اعتباریله زنکیندر. سلطان بایزید جامعی استانبولک اک مشهور جامعلردن بریدر. معمار خیرالدینک زاده طبعیدر. اولیا چلبی شو صورتله تصویر ایدیور: «چارپایه افلاکه سر چکمش بر قبه مدور عالیدر، و قبله طرفنده محراب اوزره و قبله قپوسی اوزره نیم قبلر دخی قبه کیریه ضم اولنمشدر، وجامعک یمین ویسارنده ایکی عنابی کون صماقی عمودلر وارکه مثللری بلکه مصرده سلطان قلاوون جامعنده اوله.» [۱]. سلاطین عظامک نماز قیلمه سنه مخصوص اولان محفل جدأ قیمتدار بر اثر نفیس اولوب اوزرنده کی مذهب قفسلر سلطان ابراهیم زماننده وضع اولنمشدر. محراب، منبر، مؤذن محفل مرمر خامدن ساده کوزلدر.

خارجنده بر شکوفه زار وارد ، که آنده اولان ازهارک رواج
طیبه سی جماعتک ینینسی معطرایدر . « سوزلرینی سویله یور [۱] . برنجی دفعه
اوله رق مرادثانی بویوک کوپریر انشا ایتدیرمشدر . ارکنده یوز
یتمش آیاق اوزرینه بر ، سالنیک ایله یکیشهر آرسنده بر چاریک
سورر بطاقلق اوزرنده دیگر بر ، بالق حصار نامیله موسوم
دیگر بر که جمعا اوچ بویوک کوپریسی وارد .

فاتح سلطان محمد استانبولی فتح ایتدکن صوکره سکنر کلیسائی
جامعه تحویل ایتدیکی کبی درت جامعده کنیدیسی تأسیس ایتمشدر .
فاتح جامعی و قتيله حواریون کایسانک بولندیفی موقعده انشا اولمشدر [۲] .
مربع الشکل حویلیسی اولوب اوچ طرفی ستونلرله تزین ایدلمشدر ،
دردنجی جهتده جامعک جبهه سنی تشکیل ایتمکده بولمشدر ، قبلر
غرانیث و مرمر ستونلر اوزرینه موضوعدر ، حولینک صوکره جماعت
محلی اوزونلغنججه محلا مرمردن بر صوفه موجوددر ، اورتهده قورشون
قبلی بر شادروان وارد ، حولینک خارجنده کی دمیر پارمقلقلی
نچرملر اوزرنده رنگارنگ مرمرلر اوستته معتصمی طرز خطله
سوره فاتحه نقش اولمشدر ، « قبله قبوسندن طشره چیقارکن صاغ
طرفده چارکوشه بیاض مرمر اوزرینه مذهب ولاجورد ایله خطاط
دمیرجی چلبی خطی ایله تحریر اولنان حدیث شریف (لتفتحن
القسططنیه ولنعم الامیر ... الخ محرر و محکو کدر . » [۳] اطرافده

[۱] شمعی مزارلق اولدینی بر ادرنه لی طرفندن سویلنمشدر .

[۲] سلطان مصطفای ثالث زماننده زلزله دن منهدم اولغله یکیدن انشا

ایدلمشدر .

[۳] اولیا چلبی : جلد ، صحیفه ۱۳۹

تقش لرك نفاستی قارشو سنده کی قاپونك عظمتنه تقابل ایدر . « وقتيله
قبه لر ايله مناره لریشیل چینی ايله قابلاشمش اولدیغندن بوچینیلر کونشده
زمرد کی پارلار و بنایه پریلر سرائی منظره سی ویرردی . » تفصیلاتی
ویرینیور ، اولیا چلبی ده دخی « یشیل عمارت قوسی قرق بیك آلتونه
بنا ونقش اولمشدر دییه داستان دوستاندر . » سوزلرینه تصادف
اولینیور .

سلطان مراد ثانی نك زمان سلطنتنه کمنجه مغنیساده انشا ایتدیردیکی
سرایلر باغچه لرله صنعت معماری یه بر رونق مخصوصه ویرمکده در ،
مع التأسف حال حاضرده بونلردن هیچ بر شی قالماش ، یالکیز
مغنیساده تک بر قله کورولمکده بولنمشدر .

سلطان مراددن بزه انتقال ایدن دیگر بر اثر نفیس ده ادرنه ده
ایلك دفعه حریملی اوله رق یاپدیردیغی ، بوتون عثمانلی جامع لرینه مودل
اولان جامعدر . بونك دزت مناره سی واردر ، بونلردن برینك اوچ
شرفه سی ، ایکسیسنگ بر شرفه سی ، دیگر برینك ایککی شرفه سی
واردر ، اوچ شرفه لی مناره نك اوچ مر دیوه نی اولوب چیقان مؤذنلر
بر برلرینی کورمز . اولیا چلبی بوجامعك بش بویوك قبه سی اولدیغی
سویله دکدن صوکره « بوبش قبه نك دروننه استاد نقاش نیجه بیك الوان
لعلی ، لاجورد ، سمایی ، سبز کون ، اصفر کون بویالر ايله نقش بوقلمون
عبرتمون ایتمش که امعان نظرله تماشا ایدن معارف شناس انکشت بر
دهن اولوب واله حیران ، دمبسته و سرکردان اولور . محراب و منبری
کونا کون نصوص ايله محکوک و کونا کون رخام معکوک ايله معقود
قلنمشدر . - چوره سنده کی طرز قدیم خرده پنجره لرك قبله سی

محفل هایوننک اقسام انشایه سنده مشهود اولان تزیینات نقشیه ،
 بوتزینانده کی الوانک مطابقت کامله سی ، رنگلرک امتزاجی و آهنکی ،
 دیوارلرنده ، محرابنده ، و محفل هایوننده بولان چینی لرک نفاستی
 و اوزرلرنده کی رنگلرک ، چیچکلرک نفاستی و طبعیعلکی و هیئت مجموعه لرنده
 کوریلن ذوق احتشام پروری صنعت معماری عثمانینک بودورده
 واصل اولدیغی مرتبه کماله برر شاهد ذی احتشامدر . « دیور .
 هاهمه رده » اشبو سلطان محمد جامعنک ستونلرله مزین حولیسی
 یوقدر ، ایجه یوکسکلکده بیاض مرمردن بسیط بر طبان اوزرینه
 انشا ایدلمشدر . دیوارلری خارجاً غریب بر منظره کوستریر . بو -
 دیوارلرک بوتون جبهه لری قرمزی ، یشیل ، ماوی ، صاری ،
 سیاه ، بیاض رنگده مربع الشکل بویوک مرمر پارچه لرندن مرکب
 بر تحف موزاییقیله مستورددر ، پنجره لر و تزییناتیله بنانک ذروه سنه
 قدر یوکسه لن قپو قرمزی مرمردن چرچیوه لر ایچنه طاقیلمشدر .
 بومرمرک اوزرنده کی یازیلر اوقدر صنعتله حک ایدلمش و اوقدر
 آی جلالندیرلمشدر که حرفلر حک ایدلمش کی دکل ، دو کیلمش کی
 کورینور .

فقط بالخاصه بوبنانک شرق صنعت معماریه و نقریه سنک بر
 بدیع حقیقیه سی اولان قایسی اوزرنده کی تزییناتک ظرافتی و بونلرده کی
 ذوق سلیم اعتباریله بر صنعتکارک نظر دقتی جلب ایتمه لایقدر . - جامعک
 دیوارلری داخلآ یردن بر آدم یوکسکلکده قدر ایرانک مائی چینیلریله
 مسطوردر . بوچینیلر اوزرنده کوشدن حرفلرله یازلمش آیات
 قرآنیه کورونیر . قرمزی مرمردن اویولمش اولان محرابده کی

ایله نظره پیرادر . . هاهمه ر بوجامع حقنده « یوز قدم مربع بر مسافه اشغال ایدر، مربعك هر طرفنده بش مساوی قسم کورینور، هر بری یکر می قدم مربعنده ودرت تمل اوزرینه موضوع یکر می بش دائریه منقسمدر . دائره لردن یکر می دردی قبه ایله مستوردر. بنانك وسطنده بولنان یکر می بشنجیسنك اوستی آچقدر، پك یوکسکده ومحیطی یکر می قدم وسعتنده مدور بر پنجره سی کورینور، پنجره نك آلتنه جامعك داخلنده کنیش ومربع بر حوض تصادف ایدر، بروسه جامعی قسطنطنیه و ادرنه جامعلردن بوحوض ایله تمیز ایدر . منبرك اویمه لری چیچك، میوه، یاپراق، حتی غایت اینجه ایشله نمش یاقه لر شکنده در . بویوك جهه نك ایکی منتها سنده هیچ بر شیئه ازاله سی ممکن اوله مه یه جق بر متاتنده تمللر اوزرینه واصل بنادن آیرلمش ایکی مناره یوکسلیر، بومناره لردن برینك اوست شرفه سندن - کشیش طانغی صولردن کلن بر فسقیه بویوك بر ارتفاعه قدر چیقار . « سوزلرینی سویله دیکی کبی بناده کی فسقیه ایچونده اولیا چلبی «محکمه جانبنده کی مناره نك قدمنده استاد معمار برشادروان قدحی ایجاد ایدوب آب زلالی تا کشیش طاغندن اوچورمش، حقا که معرفت اظهار ایتمشدر .» [۱] دیور .

سلطان محمدن اخلافه انتقال ایدن آبدات تاریخیه دن بری ده یشیل عمارت جامعیدر . تاریخ عثمانینك بدایتنده معمار موسی آغادن [۲] صوکره ذکره شایان اولان اک بویوك معمارمن الیاس آغانك دست صنعتندن چیقمشدر . بوجامع حقنده ینه ضیا بك « جامعك

[۱] بومناره نك اوزرنده کی فسقیه دن بوکون اثر یوقدر .

[۲] چاندره لی خیرالدین پاشا بوذاته ایزنیکده کی چینیلی جامعی یاپدیرمشدر .

سلطان سلیمک دینلری حقنده کی اراده سندن قورتیلدیلر ، لکن کوزل بنالرك دارالاصنام اولمه سی حقنده قرآن عظیم الشانده بر آیت جلیله اولدیغی ایچون کلیسالرینی قورتاره مدیلر، سلطان سلیم زماننده اکثر کلیسالر جامعہ تحویل ایدلدی ، یالکیز اسکی اولانلرك تعمیریه یکی کلیسالرك اخشابدن یاپدیرلمه سی اصول اتخاذا اولندی . بو اصول صدر اعظم کوپرلی زاده فاضل مصطفی پاشا زمانه قدر دوام ایتمشدر . خرسیتانلر موجودیتلرینی جمالی اقدی یه مدیون اولدقلری کی صدر اعظم پیری پاشایه ده مدیوندرلر . اکر بویکی ذات اولمه مش اولسهیدی بوکون عثمانی مملکتنده خرسیتان قالمازدی . جمالی اقدینک اکبویوک مزیتلرندن بری ده مسلکنده ثابت قدم اولمه سی ، دبده یه ، داراته دوشکون اولمه سیدر . سلطان سلیم کندیسنی مفتیلکدن قاضیعسکرلکه ترفیع ایتدیرمک ایسته دیکی زمان «حکومت» لفظندن نفرت ایتدیکنی بیان ایله اعتدارده بولتمشددر .

معماری ده دورک بو حالت کبارانه سندن استفاده ایتمش ، برچوق مبانی عالیه وجوده کلشدر . چلی سلطان محمد زماننده سلیمان اولک ادرنده تمللرینی وضع وموسی چلینک پنجره لره قدر دیوارلرینی انشا ایتدیکی اولو جامع اتمام اولندی . سلطان محمد بویوک پدری نک زماننده باشلانان، پدری زماننده ناتمام قالان بروسه نک بویوک جامعنی ده ختامه ایردیردی . ضیا بک بوجامع حقنده شو معلوماتی ویریور : «بوجامع شهرک وسطنده فرح و دلنشین بر معبدر» - خار جاپک بسیطدر، در و دیوارنده مزینات یوقدر . درونی مرمر ستونلر، آویزه تزینات ایله رونقدار دکلسه ده محرابی الوان مختلفه ده نقوش وازهار کونا کون

بودورك اُك ممتاز سيالردن بري ده حكيم شاه قيزويني در: جلال-الدين دواني نك شا كر دلرندن اولوب ايراندن حجه كلديكي زمان سلطان بايزيد زرينه چاغير مشدر ، سليم اولك مقرينندن اولوب سلطان سليمان قانونيك اوائل سلطنتده وفات ايتمشدر ، موجز طبعه دائر شرحي ، ودميرينك حيات الحيوانه ترجمه سي اولديغي كي طبك خارجنده فقهه دائره بر جوق اثرلري واردر .

رياضيوندن بودورده ميرم چلبيني ذكر ايديه بيليرز . اصل اسمي محمد اولوب قاضي زاده رومي احفادنندن در . سنان پاشادن ، خواجه زاده دن درس آلمش ، متعدد مدرسه لرده درس ويرمش ، سلطان بايزيده رياضيه معلم اولمشدر . رياضيات اعتباريله اُك ممتاز سيالردن بري اولوب زماننده امثالي يوقدي . اولوغ بكك زينجه سلطان بايزيد امريله فارسي شرح يازمش ، علي قوشجينك فتحيه سني شرح ايتمش ، سمت قبله تعييننه دائر رساله تحرير ايله مش ، سليم اول زماننده قاضي عسكر اولمش ، بعدالحج « ۹۳۱ » تاريخده ادرنده وفات ايتمشدر . مفتي علي جمالي افندي ده تاريخ اعتباريله اونودلمه يه حق سيالردندر ، « المختارات » نامنده كي مجموعه فتاوا سي فقيه اسمنه بحق لايق اولديغي كوستره جك بر ماهيته در ، كنديسنه « زينبيللي علي » افندي دينور ، جمالي افندي شجاعتييله ، طوغريلغيله ، علو جنابيله ، سليم كي بر پادشاهه ايجابنده مقاومت ايتسييله جدا نجيب بر موجوديتدر . ممالك عثمانيه ده كي خرستيانلر دينلرينك محافظه سني اوکا ميوندرلر ، هاهمه جمالي افندي دن بحث ايدر كن « جمالي خصوصاً خرستيانلر و استانبولده كي روملر ايجون حقيقه » بر ملك الصيانه اولمشدر . « ديور » خرستيانلر

شیخ ابوالوفاده شعر موسیقی به وقوفیه مشهوردی . انزوا کاهنه پادشاهک زیارتی منع ایتمش در .

سلطان بایزید ثانی عصری ده علم و عرفان اعتباریه جداً ممتاز برعصر در ، تاریخ اعتباریه ادریس ایله نشری بی ذکر ایده رز . ادریس خاندان سلطنتی مظنون و مسایل جمله لر آره سنده مدح ایدر بر تاریخ نویس ، نشری ایسه غایت ساده بر لسان استعمال ایدن بر وقعه نویسدز .

سلطان بایزید ایله سلطان سلیم آره سنده مقارنت استحصالنه مأمور اولان صاری کورز حقوق اسلامه دائر « مرتضی » اسمیه بر اثر یازمش ، « ۹۲۹ » تاریخنده وفات ایتمشدر . علمک بوزمانده پک قیمتلی اولمه سنه بناء علمدان پک چوقلری زنکیندی . بوزنکین عالمردن بری ده مهرینک عاشق لرندن بولنان مؤید الدین در ، اصل اسمی عبدالرحمن اولوب « ۸۶۰ » تاریخنده آماسیه ده تولد ایتمش ، « ۹۲۲ » ده استانبولده وفات ایله مشدر . مشار ایله شعرده سویلردی . علم کلامک بعض مباحث مشکله سنه دائر رساله لری واردر . کتبخانه سنده یدی بیک جلد کتابی حین وفاتنده بولنمقده ایدی . حریت افکارینک قربانی اولان توقادلی لطفی افندی بی ده اونوتمه ملیدر ، سنان پاشانک شا کردی اولوب خواجه سنی هییچ بر زمان براقه مشدر ، خطیب زاده فتواسیله « ۹۰۰ » تاریخنده اعدام اولنمشدر ، مفتی افضل زاده قتلنه فتوی ویرمک ایسته مه مش ، خطیب زاده اولدیککی کون « کتابی لطیفینک آلدن قورتاردم » دیمشدر . شرح مفتاحه حاشیه سی غایت مشهوردر .

آچار ، فاتح زمانزك « ابوحنیفه سیدر . » دیردی . معلم پادشاهی
اولان خواجه زاده ایله ، خطیب زاده بی‌ده فقها می‌اننده اونو تمه مق
ضروریدر . خواجه زاده‌نك اسمی مصطفی مصلح‌الدین در ، باباسی
تاجر ایدی ، مسلک‌نی براق‌دیغی ایچون پدری کندیسنه پاره ویرمه مکه
فقرو ضرورت ایچنده تحصیل علوم ایتش ، اواخر عمرنده بر اُلی
طوت‌دیغی حالد شرح موافقه حاشیه یازمشدر ، خطیب زاده او قدر
مشهوردی ، که سلطان بایزید بر معایده‌ده ایچری کیرر کیرمزیدی
خطوه ایله‌رله‌مش ، او یله سلامنی قبول و مقابله ایتمشدر ، بر چوق
حاشیه‌لری واردر ، حاشیه تجریده تعلیقاتی حالا مشهوردر . خواجه
زاده « ۸۹۳ » ده ، خطیب زاده « ۹۰۱ » ده وفات ایتمشدر .

فاتح سلطان محمد زماننده طب‌ده ایله‌روله‌مشدر ، یدی طیب نزد
پادشاهانده بولینیوردی ، بونك دردی ایرانی ، بری ترك ، بری
عرب ، بری موسویدی . توركك آدی آلتونچی زاده یاخود قیوچی
زاده ایدی ، موسوی بالآخره ترك مذهبه مسلمان اولمش ، حکیم
یعقوب تسمیه ایدلمشدر ، اهتدا ایتزدن اول دفتردار اولمش ، اهتداسنی
متعاقب وزارت منصبنه مالک بولنمشدر . ایرانی‌الاصل اولان قطب‌الدین
شهری ایکی بیك آقچه ایله مجلس اطبایه ریاست ایدردی ، شاعر شهر
حمدینك پدری آق شمس‌الدینی‌ده ذکر ایتك اقتضا ایدر ، مشار ایله
متصوفه‌دن ایسه‌ده فوق‌العاده عالم و صنعتکار ایدی . آق شمس‌الدین
طیب و موسیقی شناس ایدی . طبه دائر بعض آثار ، لسان عربی‌ده
اولمق اوزره نوریه اسمنده بر کتابی ، اولیا نامه‌سی مشهوردر .
یدی دفعه حج ایتش ، کونیکه چکیلمش ، اوراده وفات ایله‌مشدر .

حسین اخلاطیدن تصوفی اخذ ایله مشدر ؛ عربی العبارة اولق اوزره یازیلان « وارداتی » مسلک تصوفیسنی تمامیه ایضاح ایتکده در، کتاب « بیل که امور آخرت جهلانک بیلدیکی کی دکلدر . » سوزلریله باشلامقده در .

تصوفده بویوک ودرین بر حرکت حصوله کتیر مشدر ، زمانی مشایخندن پک چوغی اونک نظریاتی هضم ایتک خصوصنده زحمت چکمشلردر . طبه بودورده طیب قورد اوزون ، حکیم سنان ، بالآخره پاشا اولان فقیه ککبوزه لی فضل الله مشهوردر لر .

مراد ثانی زماننده منلا کورانی ایله حضر یکی یتشدرمش اولان آیدینلی منلا یکانی بی ذکر ایده رز . بوذات مفتی ، مدرس ، قاضی وظیفه لرینی بحق ایفا ایتمشدر . بیضاوینک تفسیر قرآننه حواشی تعلیق ایدن منلا حمزه بی ده اونو تماملیدر .

فاتح سلطان محمد زماننده ایسه ریاضیوندن علی قوشچی بی قره سنان وعطاء اللهی کوستریز . علی قوشچی پادشاهه بوتون سفرلرنده رفاقت ایدردی ، بونک یازمش اولدیغی « فتحیه » نامنده کی اثر اوزمانلرده عثمانلیلرک ریاضیاتده هانکی حدوده قدر واصل اولدیغی بزه واضحاً بیلدیر مکده در .

منلا کورانی استقلال فکری ایله ، علوم وفنونه خدمتیه مشهوردر ، غرر ودرر نامنده کی ایکی اثر فقهیسیله علمای اسلامک ممتازی بولنان منلا خسرو منلا کورانی نک رقیبی دی . استانبول قابضیسی اولمش ، مفتیک مقامنه چیقمش ، مقام مذکورده اون اوچ سنه قالمشدر ، آياصوفیه جامعنه داخل اولدیغی زمان خلق کندیسنه یول

« شولرکم ترکی دلدہ شہرتی وار

« بری شیخی بر احمددر ای یار

« اکر شیخی در انصاف ایله باللہ

« سخنور لکدن اولمش کرچه آکاه .»

مشار الیہ « عشق » ک دنیاہ وجودینہ قانع دکلدی .
آہی ، روانی کبی دہا بر چوق شاعر یتشمش ایسہدہ بورادہ
نقل و ذکرندن ، کتابک عدم مساعدہ سنہ مبنی ، واز کچیلدی .
بودورده کی ترقیات فکریہ ومدنیہ یہ کلنجہ علمک شعبات متعدده سندہ
وجودہ کلن تکاملات ، یتیشن سیمالر ذکر ایدیلیرسہ تعین وتظاہر
ایدر .

چلبی سلطان محمد زمانندہ تیمورک تاریخی یازان ، اونک
اولدیغی کبی سلطان محمدکده چوققلرینک معلمی بولنان عربشاه بر
مورخ ، بر عالمدر . تیمور تاریخی بر آز غرضکارانہ ایسہدہ ینہ اُک
چوق وثائق بوائزک داخلندہدر . شقائق النعمانیہدہ بوذاتک اثریدر .
« ۸۵۴ » تاریخندہ وفات ایتمشدر . کافیه جی محمدالدین ، کہ علم
اشتقاق ایله اُک اول اشتغال ایتمشدر ، بوعصرده یاشامش ، عرب
ادبیاتنک صوک محرری بولمش اولان سیوطی طلبہسیدر . بونلردن
باشقہ تفسیرہ ، شرح وفقہہ عائذ بر چوق تألیفاتی بولنان قرہمانلی
صاری یعقوب ایله قرہ یعقوبیہدہ ذکر ایدہرز . بوعصر داخلندہ
شیخ بدرالدین سیماویہدہ اونودیلہماز ، « جامع الفصولین » نامندہ کی
اثری بین القضاۃ حالا مشہور ومعتبردر ، کنیدیسی متصوفہدن اولوب
تحصیلی مصردهدر . مبارک شاه منطقیدن درس المشددر ، اورادہ کی

محمد یحانك ۹۱۰۹ بیتدن عبارت اولان محمدیه سی اسلامیتک اساساتی، و تصوفی کو ستر مکده در، احمد یحانه کلنجه انوار العاشقین نامنده کی کتابی ترجمه یه عینی لسانله ترجمه ایتمشدر . بو ایکی اثر اوزمان قبول عمومی یه ، بویوک بر شهرته مالک اولمش ، محمدیه نك شهرتی زمانمزه قدر دوام ایده گلشدر . بو ایکی اثر مراد ثانی زماننده یازلمش لردر . محمد یحانك مزاری کلیبولی ده اولوب کندیسی ولی عد اولمقده ، و مزاری زیارتکام بولمقده در. شوسوزلری محمدیه دن آلیورز :

« مقدسدر آنك ذاتی نقایصدن نقایضدن
 « منزهدر آنك ذاتی ایرشمکدن آکا آرا
 « زهی سلطان اعظم کیم کالنه زوال ایرمن
 « جلالی کبریاسندن جلالنه خیال ایرمن . »

سلطان بایزید ثانی شعراسنك اُك مشهور لرندن بری ده مسیحی در، تاریخ وفاتی ۸۱۸ سنه هجریه سیدر، عصرنده پك زیاده مشهور ایدی، « کل صبرك » اسمنده بر انشا کتابی ده واردر ، بر مربعدن شو - سطرلری آلیورز :

« دکل بلبل قصه سن کم کلدی ایام بهار
 « قوردی هر بر باغده هنکامه هنکام بهار
 « اولدی سیم افشان آکا ازهار بادام بهار
 « عیش ونوش ایت کم کچر قالمز بو ایام بهار . »

بو عصرده کی شعرا میاننده هوس نامه صاحبی تاج زاده جعفر چلبی یی ده ذکر ایتمک مقتضیدر. چلبی، سلطان سلیمک امریله ایران سفرنده اعدام ایدلمشدر . « هوس نامه سندن شوسطرلری المغله اکتفا ایده جکمز :

ذکره شایان يك آز ذوات بولنورکن بودورک متوسط شاعرلری بيله اودورک اُك ممتازلریله قابل قیاس بر حالدہ بولنمشدر . احمد پاشا قصیده جیلکه ، غزلکولغه رونق ویرمش ، حمدی نظماً تحکیه یی داهیانه بر صورتده تأسیس ایتمش، نجاتی شعره فکری ادخال ایتمش، ذاتی لسانه حساسیتک اشکال متعدده سنی آله بيله جک بر قابلیت بخش ایله مشدر .

شوراده اونودیلان بعض شاعرلردن بحث ایده جکیز . بولنلردن بری جمالیدر ، که کر میان اوغللرینک دفتردارلغنده ، نشانچیلغنده بولنمش، داییمی شیخینک خسرو شیرینی اصلندن فرق ایدیله مایه جک صورتده تقلید ایله آتام ایله مش ، چلبی سلطان محمد ، مراد ثانی زمانده یاشامشدر .

» نظر اهلی قاپوگا جنت اعلی دیدیلر
» یوزینک پرتوینه نور تجلی دیدیلر . «

سی نامه یی ترجمه واحمدی ایله شیخیه دائماً معارض بولنان « هامی » ده شو اسباب طولایسیله شایان قید وتذکار اولدینی کبی چلبی سلطان محمد شعر حقنده حس حرمتی القا ایدن ، مع مافیه ضعیف بر شاعر اولان زهیری ده شو خدمتی طولایسیله اونوتیله ماز . صدر اعظم محمود پاشایی ده شعرده اونوتماقمق مقتضیدر ، پاشای مشار الیه عدنی تخلص بویوریرلردی :

» کوردکجه عنبرین زلفن رخ دلدارده
» مارشک افشان یاتوبدر صانیرم کلزارده . «

یازیچی اوغللری ده بودورک ممتازسیمالری در، بولنلر ایکی برادر در،

کتیرمش ، شو صورتله ایران علم وصنعتنه کوستریلن توجهی اثبات ایتمشدر . شاه اسماعیله قارشو آناتولی اهاالیسندن بر چوغنك حقیقی بر محبت وارتباطی واردی ، خطایی مخلصلی منظومه لرك اونك نامنه یازلدیغنی آناتولیده پك درین بر تأثیر براقدیغنی خطاییلکك حالا یاشامقده اولدیغنی اونوتمه ملیدر . خلاصه عجم ادبیاتی ، ترك مدنیتی ایچون بر مایه خارجی وظیفه سنی ایفا ایتمش ، اونك انكشافنه باعث اولمش دره ، بوتون بوتأثیرات سرائك خلقدن آیرلمه سی احتیاجندن متولددر .

دور ، سادکی افکار واحتساساتدن ، تأسس ایدن اصالت ، کبارلق طولایسیله ، اوزاقلاشمش ، نظمده ، نثرده دهها زیاده سوس ، دهها زیاده خیال ، حس آرامیه باشلامشدر . بودورك اثرلرینه باقیه حق اولورسه عاشق پاشانك ، سلیمان دده نك ، شیخی نك طور وافاده سندن آیری ، دهها زیاده ایرانی ، دهها زیاده بر قسم کزیده یه مخصوص وانفرادی اولدیغنی کورولیر ، مصطفی بن عمرالضریرك نثریله نشانجی محمد پاشانك نثری آره سنده نه درین فرق وارددر . نجیسی پریشان ایکن ایکنجیسی بر شکل منتظم آلمش ، فارسینك عربینك اُك کوزل کلمه لريله ، سجع لرله ، آیت لرله تزین ایتمش ، دهها کبار ، دهها منفرد بر حاله کیرمشدر .

تصوف بیله — عوام ایچون لازم اولان ناظم لرله مالک بولمقله بر ابر — عصرک بوتمایلات کبارانه سندن قورتیله مامش ، سنان پاشانك ، فضولینك دستنده اینجه بر رنگه تلون وتزین ایتمشدر . باخصوص دور پك حقیقی شاعر لر یتشدیرمشدر ، برنجی دورده شعر اعتباریله

تصورات وتلوناته معروض قالمش ، پادشاهلرک هوساتتی تعقیب ایتمش ، لسانده ترددلر ، اشتباهلر کچیرمش ، بعضاً تصوفی ، بعضاً صرف کبار ، بعضاً حر و آزاده بر ادبیات کورولمش ، مع مافیہ برای ادبیاتی جدول قیمک ذروه سنی اشغال ایتمکده بولنمشدر . زیرا مطلقیتہ تمایل وبونک اماراتی ، خلقک حیلہ ایلہ ، هر نه ایلہ اولورسه اولسون تعالی وترقیہ قارشور احتراصی هر کسی سرائیک اطرافده طویلا یوردی .

سرای کبار ، اصل ، خلقدن آیری بر وضعیت آلمش ، بناءً علیه عصرک دیار کمالی اولان ایرانی مودهل اتخاذا ایتمشدر ، ایران صنعتیلہ ، ادبیاتیلہ سرائیک نظرلرنده پک یوکسک بر موقعه مالک بولینیوردی . بناءً علیه ادباء شعرا نظرلرینی هپ اوکا توجیه ایتمشلردی . سعدینک ، حافظک ، منلا جامی نک ، نظامی نک ، خلاصه شعرای فرسک آناری استانبول ، و ترکیه شاعرلرینک تقلیدکاهی اولمشدی . ایرانک عثمانی موجودیت روحیه سنده او قدر بویوک تأثیری واردی ، که احمد پاشا آنارینک اکثرینی شعرای عجمدن ترجمه ایدیور ، حمدی نظامی بی تقلید ایدیور ، ایلک خمسه شاعری بهشتی ایران تأثیریلہ اثرینی وجوده کتیریوردی . سلطان سلیم ایران شاهنی مغلوب ایتدیکی حالدہ بالذات اودیاریک تأثیرندن قورتیلهمامش ، منظومه لرینی لسان فارسیلہ یازمشدر . فاتح علی قوشجی بی هر منزله بیکلرجه آقچه ویره رک ایراندن جلب ایتمش ، سلطان بایزید شاعر جامی ، متبحر دوانییه هر سنه مهم بر مبلغ کوندرمشدر . سلطان سلیم تبریزه کیتدکدن - صوکره اورانک بوتون صنعتکارلرینی باشنه طویلامش ، استانبوله

پادشاهی قولدن تفریق مقصده یله ، سلطان سلیم مدورالشکل ، شال ایله اورتولو بر قاووق قبول ایله مشدر . سلطان سلیم مرکزی بر اداره یی سیاسته موافق کوردیکی ، عسکرده ، اهالیده فکر عصیانی اولدیرمک ایسته دیکی جهته اوزمانه دکن یکچریلره سلسله ترقیی تعقیب ایله رئیس اولان سکبان باشی قاعده یی بوزهرق بالذات کندی معتمدلرندن برینه ویردی ، بوکا قول که یاسی عنوانیله ایکنجی بر قوماندان دها علاوه ایتدی و آغالق منصبه یی ده ایجاد ایدهرک بونک تعینی حقنی پادشاهه ویردی . شوصورتله پادشاه عسکرک اک بویوک قوماندانلغنی کندی یدنده طوتمش اولیور ، عسکری دها زیاده بر ربط وضبط آلتنه آلمش بولنیوردی .

باخصوص سلطان سلیمک سیاسی بر نقطه نظرندن اولان اتحاد اسلام نظریه سی سلطان بایزیدک روحاً آرزو ایتدیکی احای حریت افکارینی دها قوی اساسلره ربط ایتش اولیوردی . بوندن تقریباً بر بر بحق عصر صوکره کوریه جک اولان شدید تعصبک ، ومطلقیتک تمللری فاتحه سلیمک شو اجرا آتیدر . پادشاهک وزراسنه قارشو کوسترمش اولدینی شدت ، سکنز سنه ده یدی وزیر باشک کسلمه یی استقلال فکری یی فاتح زمانندن زیاده مملکتده اولدیرمش ، سلطان سلیمان قانونینک مدبب ، محتشم ، مطلق اداره سنک اساسلرینی ایشته بو طرز اداره ، وبواحوال حاضر لامشدر .

شورایه قدر ویریلن ایضاحات کوستریور ، که دور سرایی بر استقرار اجتماعی ، بر تکامل اداره واجتماعی دوره سی اولمایوب بالعکس بر احضار ، بر تردد دوره سیدر . بناءً علیه ادبیات ده بو -

حکومتنه کوندردیکی بر راپورده شو صورتله تصویر ایدیور: «أتلی وسمیز اولان چهره سنده اصلا بر ظالم و قورقونج آدم علامتی یوقدر . بالعکس حزن ، اوهام پرستلک ، اصرار ، برآزده خست اماراتی کورونیر . ماکنه صنایعنی زیاده سور [۱] ، پادشاهک بو حلم و سکونی یکیکچریلرک خوشنه کیتمه یور ، شهزاده لردن موسیقی به آشنا اولان قورقودی ، قونییه اوکنده یکنیله محاربه ایتمه سنه بناء احمدی ایسته . مه یورلر ، جدلجو ، چالاک ، جسور سلطان سلیمی ایسته یورلردی . سلطان بایزیدک زمانی بر قرار سزلق ، بر اداره سزلك ، بر مسکنت ، بر تعصب دوری اولمقله برابر شایان دقتدر ، که افکار احرارانه اولدیر یله مه مش ، یالکیز تعصبک نشو ونماسی ایچون لازم کلن تخم آتیلمشدر .

پادشاهک زهد و تقوایه اولان مربوطیتی ینه کندی محیطنده قالمش ، حیات اجتماعیه نك ، شراب ممنوعیتی پك حقلی بر شی اولمقله برابر طالغه لانه سنی ، فنا نتیجه لره کیتمه به تمایلی انتاج ایتمشدر . سلطان سلیمک پك آرسورن زمان سلطنتنده ایسه حیات اجتماعیه دمیر ، قوی برالک زبونی اولمش ، متیقظ بر ضابطه و رابطه تحت تأثیرنده تیتزه مشدر . بویوک پدرینک شدت وحدتنه مالک اولدینی کی اوکا امتثالاً پادشاهله وزرا و خلق آره سنه بر پرده قویمق طرفداری ایدی .

اسلافی اسطوانی شکل و آشانی قسمنده دلبند بولینیر بر قاووق کیمکده لر ایکن ایران حکمداری کی خسروک تاجنه مشابه ، صرف

وسکون و آسایش داخلنده کچمشدر دنيله بيلير، اساساً پادشاه هيچده جدجو دکلدی . کنديسي متصوفه دن اولوب علم و عرفانه دوشکون بولينيور ، مشايخ ايله ، فقها ايله دوشوب قالقيوردی . بناءً عليه اداره، کرک پادشاهک شومزاج و طبيعتک رنگنی اخذ ايتمکه باشلامش ، اداره سزک يوز کوسـترمشدی . پادشاه زينت و احتشامک عليهنده ایدی ، کوشک استعمال اولمهنه طرفدار بولينيوردي ، مملکت سفاهت ايچنده پوياندي . پادشاه شرابک صاتيلمه سنی منع ، ميخانه لرك قاتيلمه سنی امر ايتمشدی ، فقط موفق اوله مادی : درت کون صوکره عسکر واهالی آره سنده عدم خشنودی تولد ايتمه سنه بناءً ممنوعيتي قالديرمه يه مجبور اولدی ؛ استانبول ، ادرنه حرکت ارض مدهشدن صوکره غريبدرکه خلقه کوش طبقرله ضيافت ويرمک ، شوصورتله اونلری تسکين ايتمک لزومنه قانع اولدی .

حرکت ارضدن صوکره آناطولویي تقسيم ايده رک اداره سنی اوغللرينه ، وحفیدی سلطان سلیمان ویردی . ذاتاً اختلاف وکين ايله طوتوشان اوغللری آره سنده بوتقسيم يکي بردوره نفاقک آچيلمه سنه وسيله اولدی . خلاصه خارجاً سکون تأسس ايتمکه برابر داخلأ بر اداره سزک ، بر بوزوقلق واردی . شاه اسماعيل صفوی شو - احوال دن استفاده ايتمشدی : بو ائنده آناطولوی ده کندی مذهبنی نشر ایدیوردی . پای تختده بو حالاتدن يالکـز متعصبـلر استفاده ایدیور ، افکار احرارانه يي بوغييورلردی . لطفی ، تمنای بو احوال طولاييسيله اعتقادلرينک ، آچيق سوزلی اولملرينک اعدام ايله جزالرينی کورمشلردی . زماننده ونديک ايلچيسی بولنان آندره آغرينی پادشاهی

وزیر اعظم پادشاهک وکیلی ، بوتون تشبثات اداره نک اُک بویوک آمری ، حکومتک مرکزی ، هرشیئک حرکتی اوکا مربوط اولان قوه محرکه در . « [۱] ارکان اربعه دولت وزیر اعظمک ریاستی آلتند هفتده درت کون سرایده دیوان قورارلردی . قاضی عسکرلر اولا بر عدد ایکن فاتح زماننده آناتولی روم ایلی قاضی عسکری اولمق ایکی عدد اولمشدر .

دفتردارلر امور مالییه مأمور ، نشانچیلرده اشارت شاهانه نی وضعه مأمور ، ومستشار دولت ایدیلر . سکبان باشینک کاتبی صدر اعظم طرفندن ، ویکچیریلرک خارجندن انتخاب ایدلک اصولی اتخاذ ایدلمش ، مفتیلرک ، مدرسلرک تعیینی قاضی عسکرلره بر اقلمش ، یالکز عثمانی حکومتک پای تختلری اولان استانبول ، بروسه ، ادرنه قاضیلرینی ، مدرسلرینی وزیر اعظمک تعیین ایتمه سی قاعده شکنه وضع ایدلمشدی . شوویریلن تفصیلات کوستریورکه فاتح سلطان محمد زماننده مرکزیت ، مطلقیت بوتون قوتیله تأسس ایتمشدر ، لکن اونو تمامی که جهانگیر اولانلرک باشقه درلو حرکت ایتلری امکان خارجنده در .

باخصوص مظفریات متعاقبه نک ویرمش اولدینی نشوه ایله ، غنیمتلره ممالک عثمانیه زنکین بر حیات سفاهته ده سور وکله نیوردی .
بایزید ثانی به کلنجه اوباباسنک کوستردیکی شدتی کوسترمه دی ، اکر شهزاده جم عصیان ایتمه مش اولسهیدی پدرینک وضع ایتمش اولدینی قانوندنده استفاده ایتیه جکدی . زمان خارج اعتباریله صلح

حکمدارلرک مهرلرینی کورمه‌سی اصول اتخاذا اولمشدر . محمد ثانیئک اُک دهشتناک قانونلردن بری، نقطه نظر اداره‌نک بر نتیجه‌سی اوله‌رق هر پادشاهک قولایلقله تختنه مالک اوله بیلمه‌سی ایچون قرده‌شلرینی اولدیرمه‌یه جواز ویرن قانونیدر . هامهر بوقانونک متنی دولت عثمانیه‌نک تشکیلاتی نامنده‌کی اُردن اقتطاف ایله بزه نقل ایدیور :

« قانوننامه محمدی بوبابده دیور، که «فقهانک اکثریسی اولاد واحفادو اجمادمدن جالس تخت اوله‌حق اولانلر عامه‌نک سلامتی ایچون قرده‌شلرینی اولدیره‌بیله‌جکلرینی بیان ایتمشلردر : بناءً علیه اونلرده بویه‌جه حرکت ایتلیدرلر . » مع مافیه بوقانونک ترکیه نسخه‌سنک موجود اولمادیغنی عطا بک ادعا ایتمکده‌در . دیمک ، که فاتح سلطان محمد ییلدیرم بایزید زماننده باشلایان مطلقیتیه بر شکل قانونی ویرمش بولینیوردی .

بوشکل اداره‌یی قبول ایتدکن صوکره بوندن اشتقاق ایتمه‌سی لازم کان بوتون تأسیسات اداره‌یی قبول وتنظیم ایتمک مجبوری تی تولد ایدر . بناءً علیه قره‌مانی محمد پاشا زمان صدارتنده بر قانوننامه قلمه آلدی . بوقانون اوچ قسمدن عبارتدی . برنجیسی بویوک مأمورلرک مراتبدن ، ایکنجیسی عادات وتشریفاتدن ، اوچنجیسی جرائمه عائد جزالردن خدمات حکومتیه تخصیص اولنان عواؤدن بحث ایدیوردی [۱] .

ارکان دولت درده آیرلمشدی .

وزیرلر، قاضیه‌سکرلر ، دفتردارلر ، نشانجیلر . وزیرلر سلطان فاتح زماننده درده ابلاغ ایدلدی، مهر هایونی حامل اولانه وزیر اعظم دینلدی . « وزیر اعظم تفتیشه غیر تابع وعالی بر صلاحیتیه مالکدر .

واموالنك مصادره سی بوادارة مستبدہ نك ايلك امارہ سی در . صدر اعظم محمود پاشانك قتلیدہ اداره امور ایدنلر دہ استقلال فکرینك اولدیرلک ایستہ نیلدیکنہ اُك واضح بر شاہد در . پادشاہك پاشا حقندہ کی انفعالاتی اسکدار دہ قیش اورتہ سندہ تحشید ایدیلن عسکرک قوماندانلغی در عہد ایتک ایستہ مہیشندن ، حرکات عسکریہ شین قرہ حصارى قلعه سنك ضبطیلہ مبادرت اولنسی اصرارندن ، اوتلق بلی محاربہ سندن صوکرہ دشمنك ممالکنہ داخل اولنہ سی حقندہ کی مطالعہ سنك پادشاہك رأی خلافتہ قبول ایدلہ سندن تولد ایتشدی . شہزادہ مصطفی نك وفاتی متعاقب جامہ ماتم کیہ جك یردہ بیاض لباس ایلہ چیقہ سی قتله بر بہانہ دن باشقہ بر شی دکلدر . سبب بو اولسہ بیلہ بر سبب کافی تشکیل ایتمز ، بالعکس نقطہ نظر مزى تأیید ایدر . کدیك احمد پاشادہ آرناوودلقدہ حربك مشکل اولہ جفہ دائر بیان مطالعہ ایتہ سنہ بناءً همان عزل اولنشد در . مطلقیتك بودور دہ تأسس وتشکل ایتدیکنہ دائر دہا بر چوق دلیللر دہ کتیرمك ممکندر . فاتح زمانہ قدر پادشاہ سفرہ سنہ وزرا اوطوریر کن فاتح «ارادہ مخصوصہم ذات شاہانہ ملہ بر لکدہ ہیچ کیسہ نك طعام ایتہ مہ سیدر .» اجداد عظام مقدما وزیر لرینی سفرہ لرینہ قبول ایتشلردی . بن بو عادتى لغو ایتدم ۰» [۱] ارادہ سینہ بو اصولی قالدیر مشدر . زمانندہ مہر ہایونك صدر اعظم لہ تودیعیلہ قوللرک مہر لرینی پادشاہك کورمك تنزلندہ بولنامسی ، بوتون معروضاتك وزیر اعظم واسطہ سیلہ اجرا ایدیلہ رك ذات شاہانہ نك آنجق کندی خاتم ہایونلرینی ، دیگر

بك آچدی ، یور کچ پاشا توسیع ایتدی . یور کچ پاشا ارمنستان صغری والیسی اولوب صاحب نفوذ بر ذات ایدی . پادشاهلرک حق اولان سکه ضربی امتیازینی بيله آلمشدی . پاشانک عاصی ترکمنلری آلداتمه سی ، قایا ایچنده اویولمش بر محبسه یاقه سی ، یاقیلانلرک جنازه سنی یرتیجی قوشلره آتمه سی ، قوجه قایا قلعه سنی ینه حيله ايله آلمه سی . » [۱] بوتون بوفکر سیاسینک نتیجه سیدی . سلطان مرادک زمان سلطنتده انتظام عسکری تأمین اولمشدر . هاهمه ر « مراد عسکرینی بالخاصه یکچریلری پک بویوک بر دقتله تنظیم ایتکدن کری قالمامشدر . » [۲] دیور . اوروپاده کی اصالتله مشابه بر اصالت ده مملکتده تقرر ایتمشدی . چانداریلر ، تیمور طاشلیلر ، اورنوسلر ، میخال زاده لر ارثاً مأموریتلره ، سنجاقلره مالک اولیورلر ، خلق اوزرنده پادشاهدن صوکره پک بویوک بر تأثیر صاحبی بولینیورلردی . — اکلنجه وصفاده یاواش یاواش ییلدیرم بازید دورنده کی قدر دکلسه بيله ، حاصل اولان ثروت ورفاهدن طولای مملکتده حکمفرما اولیوردی .

فاتح سلطان محمدک دورنده فکر ، معلومات اعتباريله حریت و سربستی بولندبغی حالده شکل اداره ده کشف بر مطلقیت تأسس ایتمشدر .

سنان پاشانک لادریه مسلك و مذهبنده بولنمه سی رتبه وزارت ، مشاور پادشاهیدکه اصعاده مانع اولمادیغی حالده بر « قطعه واهیه واهیه » مشار الیهک سبب نکبتی اولمشدر . صدر اعظم خلیل پاشانک قتلی

[۱] تفصیلات ادریسده ، هاهمه رده .

[۲] هاهمه ر ترجمه سی : جلد ، ۲ ، صحیفه ، ۱۱۵

عصیان چیقارنجیه قدر سکوت ایتدی . هاهمه ر بو حقیقتی تسلیم ایله «سلطان محمد بونلرک چوغالمردن زیاده اختراعات مخربه لرندن بحق تلاش ایلدیکندن - او آره لق صاروخان و آیدین والیسی تعیین ایدلش اولان - علی بکه بو ایکی ایالت اراضیسنده طوپلایه جنی قوانک مجموعيله عاصیلر اوزرینه هجوم ایتمه سنی امر ایلدی . « دیور . عاصیلر مغلوب اولدیلر ، فقط هپسی متانتله ، افکار و اعتقادلرینه صداقله اولدیلر . سلطان محمد اول زماننده حیات اجتماعیه بو مرکزده ایدی .

مراد ثانی ده ینه سلطان محمدک قورمش اولدیغی فکر سیاست ، فکر عدالت دوام ایتدی . لیکن زنگینلک ، رفاه و سکون ، مظفریتلرله طوپلانان شان و شرفلر مملکتک اطاعت ، فداکاری اوزرینه مؤسس اولان حیات اجتماعیه سنی انحلاله اوغرا تمه یه باشلامشدی . حربلرده کی موفقیتلری طوپلایسیله هر بری آیری آیری طرفدارلرله مالک اولمش اولان وزیرلر برلرینی چکه مه یورلر ، امور دولتی اشکال ایدیورلردی . حتی بونلردن عوض پاشا اردو ایله مناسبات خفیه یه کیرشمش ، تختک غصبی دوشونمکده بولنمشدی . پادشاه بونی جرم مشهود دینيله بیله جک صورتده البسه سنک آلتی زرهله اورتولی اولدیغی حالده یاقالادی ، اسبانی صورار صورماز سکوتدن باشقه بر جوابه دسترس اوله ماینجه کوزلرینی چیقارتدی ، دیگر وزیرلری تبعید ایتدی ، اداره یی صدر اعظم ابراهیم پاشانک آلنه تودیع ایلدی . فقط سیاستده حيله ايله مترادف بر شکل آلدی ، حيله ايله رقیبی آلداتمق ، ویریلن سوزده طور مامق سیاسی اولمق ایچون کافی تلقی ایلدی . بو اصولی عاصی جنیده ویردیکی سوزی طوتمه یه رق اعدام ایدن حمزه

بولنان خرسیتانلرک جمله سنه بابا اولهیم . کندیلرینه ده لطفده بولنهیم ، شرف و حرمت ویرهیم . چونکه حکمدارلرک ایلره مکافات، کوتولره مجازات ایله مه سی لازم کلیر ، آنجق کندی تبعه سنکده سعادت حالنی دوشونمک اقتضا ایدر . » [۱] سوزلرینی سویله مش ، حریتپرور ، افکاره ، علمه حرمتکار اولدیغنی شیخ بدرالدین سیماوی به اختلال ایدنجه به قدر کوسترمش اولدیغنی مساعداتله اثبات ایتشدی . قرده شی موسی چلینک وفاتندن صوکره شیخ بدرالدین علمادان بولدیغنی جهته هیچ برشی یامامش ، ازینقه نفی ایله اکتفا ایله مش ، کندیسنه معاشده تخصیص ایله مشدی . حالبوکه سلطان محمددن باشقه بری پادشاه اولمش اولسهیدی برنجی سلطان سلیمانک ، موسی چلینک شو قاضی عسکرینی یاشاتمزدی . چلی سلطان محمد یالکز یاشاتمله قالمادی ، افکار ونظریاتنکده نشرینه حر مملکتلرک حر پادشاهلرینه مخصوص بر وقار ونجابتله مساعدده ایتدی . بدرالدینده تصوفک فقر ، آخرت قاعده لرینه بر حرکت ویردی ، یکی بر مذهب نشرینه باشلادی . « مذهب ، مساوات وفقر قواعدی اوزرینه مؤسس اولوب قادینلر مستثنا اولق اوزره هرشیده اشتراک تعلیم ایدیوردی . [۲] بومذهبک بابا سلطانی بورکلیجه مصطفی ، وشریکی طورلاق کمال » بن سنک اوکده کندی اوم کی اوطوریرم . سنده بنم اثوابمی کیر ، سلاحرمی ، آرا به لریمی قوللانیرسک . یالکز قادینلر مستنادر .» دیورلردی . بومذهبجه ادیان مختلفه یوقدی . سلطان محمد بونلر بر

[۱] هامهر ترجمه سی : جلد ، ۲ ، صیفه ، ۱۲۱

[۲] عینی مواخذ : جلد ، صیفه ۱۳۳

دکشدیرردی . بر چوق محرمیری واردی که هر طرفه کیررلر ،
 چیقارلر وشتون جهاندن کندیسنی خبردار ایدرلردی . « [۱]
 فی الحقیقه سلطان سلیم کرک سیاست خارجیّه ده ، کرک سیاست داخلیه ده
 دائماً شدت ابراز ایتمشدر . عجم سفیرلرندن ایکیسنی حبس ایتدیگی
 کبی مصر سفیرینک اتباعندن اون ایکی کیشی بی قتل ، کندیسنک ده
 صقال و بیغنی تراش ایتمشدر . وزیر اعظم لردن پک چوغی اراده سیله
 دیار عدمه کیتمشدر ، بوکا بناء در ، که :

« رقیبک اوله سنه چاره یوقدر

« وزیر اوله مکر سلطان سلیمه »

دیتمشدر . شهزاده قورقوده ویردیگی سوزدن دونه سی شان
 علویسنه نقیصه ویره جک اسبابدن در . مراد بک « سلطان سلیم
 مداحلر ایچون توکنمز بر سرمایه تقدیردر . بر سلیم نامه میدانه
 کتیرمک ایچون اصلاً صعوبت چکیله مز . عینی زمانده فضیلت جویانه
 تنقیدات عاشقارینه ده عینی قیمت ووسعتده بر منبع عد اولنور. » [۲]
 دییور .

حیات اجتماعیّه کهنجه سیاست داخلیه بی تعقیب ایتمش ، پادشاهلرک
 کیف و آرزولرینه کوره شکلدن شکله کیرمش ، بودور داخلنده بر
 استقرار کوستره مه مشدر . چلبی سلطان محمد جداً حریت پرور ،
 جداً قانون قارشوسنده مساواتی طانیر برسیمای خلوق ایدی . ردوس
 استاد اعظم نک کوندردیکی سفیره قارشو « بن ایسترم که یر یوزنده

[۱] عینی مأخذ : جلد ۴ ، صیفه ۹۷

[۲] تاریخ ابوالفاروق : جلد ۲ ، صیفه ۳۱۸

حقنہ وضع ایلدیککی اصولی تطبیقندن صرف نظر ایدہ جکدی [۱].
سوزلرینی سویلدیککی کبی «بایزید تحت عثمانیدن کذارینی اکثریا
فلاکتلی محاربه لرله وبر جہانت سیاستلہ اشارت ایتشدیر ، سلطنتی
مناسبات متعدده ایلہ متصوفانہ وشاعرانہ برطور وعلامت کوستیریکہ
بو حال پادشاہک چہرہ سندہ وزمانک بوتون تأسیساتندہ نمایان ایدی.» [۲]
سوزلرینی دہ سویلہ یور .

سلطان سلیم ایسہ پک آز سورن زمان سلطنتندہ اقلیملری
ممالک عثمانیہ الحاق ایتشدیر . پدرینی خلع و سلطنتی الہ کچیرد کدن
صوکرہ قردہ شلرینی ، یکنلرینی اعدام ایتدیرمش ، قردہ شلرندن
شہزادہ احمد وقور قورد ایلہ اوغراشمش ، موفقیت کندیسندہ
قلمش ، شاہ اسماعیل صفوی ایلہ واقع اولان محاربه دہ غالب کلمش ،
تبریزہ قدر کیتمش ، کردستانی ممالک عثمانیہ ضم ایتمش ، اورالری
ایچون تاریخ نویس ادریس معاوتیلہ خصوصی برادارہ تأسیس ایلہ مش ،
ذوالقدر اوغللری حکومتہ نہایت ویرمش ، سوریہ یی ، مصری ،
ضبط ایلہ مش ، چراکسہ مصرک سلطنتی قالدیرمشدر . ہامہر عثمانلی
ترکککی مورخلرندن جنابیدن اقتباساً پادشاہ مشار الیہ حقنہ «سلیم
اوزون بویلو ایدی . فکرندہ جرأت وزیادہ سلامت وار ایدی .
شعرہ محبت ایدر وموفقیتلہ سویلردی . حدید ، مسہبد ، قضیقہ
مائل اولہرق کندیسینی بوسہ بوتون امور عامیہ حصر ایتمشدی .
اکثریا خلق آردہ سندہ کزر ، طانماق ایچون ہر دفعہ سندہ البسہ سنی

[۱] ہامہر ترجمہ سی : جلد ، ۴ ، صفحہ ۴

[۲] عینی مأخذ : جلد ، ۴ ، صفحہ ۸۶

بوسنه قرالنه شريعت اسلاميه نامنه ويران سوز طوتيلمه يه رق
 زوالينك بايزيد بسطامى فتواسيله قتلنى تنقيد ايله برابر مملكته استبدادك
 ادخالنى يالكىز فاتحه دكل وكلاسنىك رياكارلغنه ده عطف ايدىيور :
 « اصلده كى عثمانلى جماعت جمهوريه سى اورته لغك هيچ ليكى اوزرينه
 قورولمش ، بر ايرانى شهنشاهلىق ، قيصرى آغوستوسلىق ، قديمى
 ظل اللهلىق شككندە استبداده ميل كوسترنجه محمود پاشاىر بوتبدل
 عظيمه ومهلكه آلت اولمقندن توقى ايتديلر. » [۱] سوزلرني سويله يور.
 سلطان بايزيد ثانى عصرينه كلنجه پادشاه صالح چوروى ، حربدن
 مجتنبدى . هاهمه ر مشار اليك مزاج وطيعتندن بحث ايدر كن « طبعاً
 حلیم ومائل سكون اوله رق شعردن ووقايع دهري مرصاد حيرتله
 تماشا مسلككندن محظوظ اولديغى جهته خار جده دشمنلرينك داخلده
 يكيچريلر ك تعرضاتنى دفع ايتك وياسلطنتك بدايت ونهايتنده اولديغى
 كى برادرلريله اوغللرينك عصياتى باصديرمق ايچون مجبور اولمادقجه
 حرب ايتمه مشدر. » [۲] دىيور . زماننده افلاقه سفر اجرا ايدلمش ،
 مصر ليلرله ايكي محاربه وقوع بولمش ، ايكي سنده ده مغلوبيت عثمانليرده
 قالمش ، آوستريايه ، ترانسيلوانيايه وخروادستان ايچلرينه تركلر داخل
 اولمش ، ونديكه سفر اجرا ايدلمش ، اينه بختى تسخير اولمش ،
 اوغللر ايله پدر آره سنده محاربه اولمش ، آنا توليده تركملر عصيان
 چيقارمش ، مشار اليه اوغلى سلطان سليم طرفندن خلع ايدلمشدر .
 هاهمه ر مشار اليه حقنده « اكر جم تحت ايچون منازعه ايتك اوزره
 سلاحه صارلمش اولمه سيدى سلطان بايزيد پدرينك برادر اعدامى

[۱] عبنى مأخذ : جلد ۲ ، صفحه ۱۲۸

[۲] هاهمه ر ترجمه سى : جلد ۴ ، صفحه ۳

آزاق ، کیلی ، آق کرمان فتح ایدلمش ، اشقودره تسلیم اولمش ، اسکندر بکله اوغراشیلمش ، ایتالایه کیرلمش ، زانده ضبط اولنمش ، ردوسک برنجی محاصره سنده پادشاه عالیجه وفات ایله مشدر . فاتح جهانگیر لکک بوتون مزایاسنه مالک اولدینی کبی اوکا عاقد بر چوق نواقصده مالکدی . سوزینه واقع اولان اعتراضاتی قبول ایتمز ، معترضلرینه قارشو پک بویوک بر کین باغلاردی ، بعضاً پک بویوک بر شدت کوستردیکی حالده بعضاًده فوق العاده شفقت و مرحمت کوستیردی . شهنشاهک آلتون قلمله یازیله حق مزایاسنی بعضاً قانلی بر سکون تعقیب ایدر . فکر اداره خصوصنده جداً ممتاز بر سیادر ، لکن بو خصوصده دخی بر چوق نقطه لردن مشار الیهی تنقید ایتمک ممکندر . سیاست خارجییه سی شدت اوزرینه مؤسسدی دینله بیلیر : ضبط ایتدیکیی مملکتلرک حکمدارلری عائله لرینه نهایت ویرمک ، شوصورتله آتییه تهلکدهه بر اقامق سیاستی ایجاباتندن دی . اصول مطلقیتی سلطان بایزیددن صوکره مملکتده تأسیس ایدن فاتح سلطان محمد خان حضر تلریدر . مراد پک فاتحدن پک ستایشکارانه بحث ایتدکن صوکره « جلوس ایدن پادشاهلرک سلامت دولت نامنه برادرلرینی قتل ایده بیله جکلری حقنده کی جوازی دنیاده مشهود اولان تعاملات بشریه نک اشدی بولندیغی ایچون فاتح سلطان محمدک بالجمله فضائل و خصائلنی کولکدهه القا ایتمکدهدر . بو خارقه طبعیتدن یالکیز بالذات کنیدیسی متضرر اولمامش ، مدنیت عثمانیهیی دخی تاریخک مؤاخذات محقه سنه ابدیاً معروض بر اقمشدر . » [۱] دییور . و تسلیم اولان

قوجه خضر نامنده بر یکیچرینک اُنده باشنی براقدی ، ژان هونیاد فرار ایتدی ، پادشاه محاربه دن صوکره تکرار سلطنتدن چکیلدی ، بر یکیچیری عصیانی اوزرینه تکرار زمام اداره یی اننه آلدی، مورا قطعه سنه هجوم ایدیلهرک اقسامیلون ، قورنت تسخیر ایدلدی .

مورا حاکم لری خراجکذار اولدی . ژان هونیاد ایله تکرار محاربه ایتدی، قوصوده مغلوب ایدلدی ، آرناوود بکی اسکندر بکک آچمش اولدیغی غائله ایله اوغراشدی ؛ بوکا قارشو مهم بر غالبیت احراز ایدیلهدی . سلطان مراد ثانی حقنده روم مورخلرندن دو قاس « اخلاق فاضله یه مالک و وجدانی پک آیی ایدی . » سوزلرینی صرف ایتدیکی کبی قالقون دیلده « عادل و منصف بر آدم » [۱] توصیفنده بولینیور : هاهمه ر دخی « مراد ، اوتوز سنه لک مدت سلطنتنده مملکتی شرف و حقانیتله اداره ایدهرک ملتک خاطرهنده متدین ، لطفکار ، عادل ، ومتین بر حکمدار نامی براقدی . » دییور . فاتح سلطان محمد زماننده ایسه حدود عثمانی بر همت جهانگیرانه ایله توسع ایله مش ، قره ده دکزده رایت عثمانی متمادیا ظفر روزکارلریله تموج ایتشدرد . بوتون جهانک انظار ی اوزرینه متوجه اولان قسطنطنیه فتح ایدیلهرک پای تحت اتحاد ، صربیه ، مورا ، قطعه لری حوزه ممالک عثمانیه الحاق اولمش ، قورنت تسخیر ایدلمش ، سینوب ، اماصره ، طبرزون ایمراطورلغی تسخیر ایدلمش ، هر سک قطعه سی ضبط و ایستریا استیلا ، آغرییوز فتح اولمش ، قره مان حکومتی الغا ایدلمش ، اوزون حسنله واقع اولان محاربه ده اوزون حسن مغلوب اولمش ، کفه ،

مصطفی ایله اوغراشدی ، قسطنطنیه یی محاصره ایتدی ، فقط برادری شهزاده مصطفی نك عصیانی ، ازنیقی ضبطی خبرنی آیر آماز ، ترك محاصره ایله آناطولی یه کچدی ، واقع اولان محاربه ده شهزاده یی مغلوب ایتدی ، افلاق بکی دراقول مغلوب ایدلدی ، اسفندیار اوغلی پك كوزل اولان قیزی پادشاهه ویرمکله حکومتنی شدید بر محاربه دن صوکره قورتاره بیلدی ، خان جنیدی آوروپاده کی قومشو حکومتلره تأسیس صلح ایتدکدن صوکره تپهلدی ، قره مان بکیله اوغراشدی ، مغلوب ایتدی ، ترکمن حیدود چته لری تدمیر ایدلدی . قوجا قایا ، جانیک تپه لری ضبط ایدلدی ، روم ایلده قولومباج ، قروسوواجی ضبط ایله حدودنی توسیع ایتدی ، سلطان بایزیدك ضبط ایتدیکی سالانیکی بودفعه ونیدیکلیردن آلدی ، مجارستانله محاربه ایدلدی ، بعض شهرلر آلدی ، سمندره اشغال ایدلدی ، بوسنه حکمداری سنوی ویرمکده اولدیفی ویرکی یی تزید ایده رك تهله کدن قورتیله - بیلدی ، زماننده كرك حال صلحده ، كرك حال حربده اولسون مناسبات سیاسیة انقطاعه اوغرامادی ، اُك اوزاق حکومتلره دائمی مخابراتده بولندلی ، ژان هونیاده عثمانلی عسکری مغلوب اولدی ، او ائنده قره مان بکی ینه عصیان ایتدی ، پادشاه آسیایه کچه رك مغلوب ایتدی ، قونیه یی ضبط ایتدی ، فقط همشیره سنك توسطیله عفو ایتدی ، بعض قلعه لرك تسلیمی شرطیله مجارستانله اون سنه مدته مصالحه اولندی ، پادشاه ترك سلطنتله مغنیسیایه چکیلدی ، مجارلر صلح عهد نامه سنی نقض ایتدکلرندن تکرار جلوس ایتدی ، وارنده عثمانلی اردوسی غالب اولدی ، مجار قرالی ولادیسلاس میدان محاربه ده

کنديسندہ قالمق شرطيله سائر اراضي سني پادشاهه ترك ايتمكله اسفنديار حكومتى ساحه عثمانى به ضم وعلاوه ايدلمشدر . سلطان محمد ، اوقدر صلحچوروردى ، كه جلوسنى تبريكة كلن سفر اياي نردينه قبول ايتديكي زمان « افنديلر كزه سويله مهيني اونومه ييكز ، كه بن هر طرفه صلح ويريورم ، وهر طرفدن صلح قبول ايدسيورم . حامى آسايش جهان اولان جناب حق اخلال صلح آرزوسنده بولنانلرك مجازاتى اعطا ايله سون . » [۱] سوزلريني سويله مشدر . خصوصيله تعصب دن نفرتى ، خرسيتيانلرى ده انسان تلقى ايتمه سى ، اونلره قارشو اظهار عدالت ايله مه سى تاريخ سلطنتنه باشقه بر رونق ويرمكده در . هانمهر مشار اليه حقنده « يالكز خرسيتيانلره قارشو عداوت كوسترمه مش دكل ، دوستانه معامله ايتمش واحتساسات قليبه سى وسعت فكر وحسن اخلاقيله توافق ايله مشدر . بر چوق دفعه لر كوستردىكي علو جناب بر تربيه ممتازه ومحاسن فكرية نتيجه سى ايدى . بوتون حياتجه بيزانس امپراطورينك متفق صادق ، تركمن عاصيلرينك قورقونج دشمنى ، عثمانلى تحت سلطنتك شانلى مدار استنادى ، عثمانلى مورخلرينك تعبيرنجه طوفان تاتارك مخاطريه دوشوردىكي سفينه دولتى قورتاران نوح ايدى . » سوزلريني سويله يور . كرك آسياده كى ، كرك آوروپاده كى قومشو دولتلرله مناسبات سياسيه ده بولنمش ، هپسيله معاهدات عقد ايتمش ، ونديكله عقد صلح ايتديكي زمان معاهده نامه نك نسخه مصدقه سنى ونديك ايلك دفعه اوله رق بر ترك سفيريله كوندر مشدر .

سلطان مراد ثانيا نك زمان سلطنتنه كانجه عموجه سى دوزمه

هپسی تجربه لرزنده مغلوب اولدیلر ، یالکیز بو حقیر مع مافیہ بویوک بغدادلی ابدی بر تازہ لک حالندہ ، مستریح بر قوت شکنندہ قالدی .
دیورلر .

موسیو مارتن هارتمان « ترکستانده کتاب صنعتی » نام کتابندہ فضولینک طاش کند ده ، قازاندہ کمال خواهشلہ او قوندیغنی ، تقدیر ایدلایکینی بیان ایدیور . فضولی المله حیات وقوت بولدیغنی جهتلہ اضطرابہ قارشو بیلہ مستہزی ، لاقید ، اولوب شوخ طبع ، وسط بر بویہ ، دوشن اوزون بیقلردہ قیرمتراق بر صقال ایلہ اورتولی بر سیایہ مالک ؛ کولر یوزلی ، حلیم ، مع مافیہ وقور ایدی .
حیاتنک بر چوق قسمنی کر بلادہ کچیرمش ، « ۹۶۲ » تاریخ هجریسندہ اورادہ وبادن وفات ایلہ مش در .

۱۷

بودورک لقبئت عمومہ سنہ بر نظر : اجمال سیاسی و اجتماعی ، عجم ادبیاتنک تأثیری ، ترقیات فکریہ و مدنیہ ، ترقیات معماریہ ، لسانک نظامی —
فاصلہ سلطنتہ چلبی سلطان محمدک جلوسبی نہایت ویردی . پادشاہ جدآ صلحپرور ، حقیقہ حامی خرسیتانیت ایدی . سکیز سنہ قدرسورن زمان سلطنتندہ قرہ مان اوغلیلہ ، مجارلرلہ ، افلاقلیلرلہ ، خاشن جنید ایلہ قرہ محاربه سی اجرا ایدلمش ، وندیکلیلرلہ ده بر دکنر محاربه سی اولمش ، دوزمه مصطفی دنیلن شہزادہ ایلہ اوغراشیلمش ، از میر والیسی جنیدک قیامی ، طور لاق کمال ، بورکلیجه مصطفی ، وشیخ بدرالدینک دینی عصیانلری باصدیرلمش ، اسفندیار اوغلی قسطنونی

» بدن طمع ايمه فکر صائب

» احواله در سوزم مناسب

» آذر در ديمه جوهر صفاسن

» بر صور که نه ويرديلر بهاسن

» بالله کر اولیدی بر خريدار

» بيك کنج نهان قيلور دم اظهار

» في الجملة بوهم که اولدی مسطور

» بر شوق ايله ذوقدن دکل دور

» عيب هنر اختيار قيلمه

» شعرم حسدين شعار قيلمه

» يهوده يتر تعرض ايله

» کر قادر ايسک جواب سويله

» ترك ايله تعرض وعنادی

» کيم وادی جهلدر بووادی

» دم خير سوزندن اور دمام

» در خير ديمزسک ايسم ايسم

فضولينک ديوانی، ليلي ايله مجنونی قدر حديقه السعداسی ده مشهور در .
نثرينه کنگجه جداً نفيس وصنعتکارانه در ، نثرينک ساده اولماديغنه ،
سجعلرله مالامال بولنديغنه بعض کيمسeler اعتراض ايدرلر ،
لکن اثر صنعت لسانده دکل ، اولسانله هيچانک مزجنده در ،
ادمون فازی ايله عبدالحليم ممدوح بك «ترك ادبياتنده عشق» نامنده کی
اثرلرنده « فضولی آسیا مکتب ادبيسنک اک بويوک ليريك شاعريدر .
اوندن صوکره کچن درت عصر طرفنده بوتون شاعرلر اوئی ترنم
ايتديلر . فقط ينه او ، هيسنک اوستنده ، مسليک يکانه سی قالدی .

« چون زید اویقودن اولدی بیدار

« بونکته یی ایتدی خلقه اظهار

« خلقك اولوب اعتقادی افزون

« اول قبره زیارت اولدی افزون »

أثرده لسانك ساد کیسی ، هیجان شاعرله امتزاجی ، شاعرک
 شخصیتینی اظهاری جداً نفیس ، اونك چیقدیغی ذروء شاعریته لیلی
 و مجنونله چیقمامشدر . مرحوم اکرم بك افندی بو اثر طولانیسیله
 « لیلی و مجنونك اوچ عصر صوکر ا پای تحتده وجوده کلان بر عثمانلی
 تیاتروسنده أك اول ساحه تماشایه وضع اولنمق بختیارانغه نائل اولشی
 مشار الیه مخصوص و غبطه رسان اسلاف اولغه شایان مظهریتلردن
 صایلیرکه بوصورتله فضولی عصر مزك تاریخ ادبیاتی ایچنده دخی اك
 مزین صحیفه لری نام لایموتانه سنه تخصیص ایتدیرمکه موفق اولمش
 دیمکدر . « دییور . فی الحقیقه فضولی عصر مزك دکل ، عصر لرك
 تاریخنه کیرمش بر سیما در ، اونی پك چوق کیمسه لر تقلید ایتمشدر ،
 فقط کندی عصرینك تاریخی حقنده ناناکور طاور اتمشدر . حتی
 لیلی و مجنونك نهایتده هیچ کیمسه نك بو اثره اهمیت ویرمدیکنی نه .
 سوزشلی بر لسان ایله آکلاتیور :

« انصاف ویر ای حسود انصاف

« طعن ایتمه که جوهرک دکل صاف

« احوالی کور خراب و مضطر

« اندوه زمانه دن مکدر

« سوز دائره سی دکل بو احوال

« انصاف بکا کیم اولزم لال

بر برلرخی سویورلر، والده سی بو عشق دن خبردار اولور اولماز مکتبدن
 قیزی چکیور، آرتق هجران باشلایور : صحرا ده کوچک بر تصادف
 نتیجه سنده قیس اؤینه عودت ایتمه یور، جنت کتیریور، باباسی
 اوغلنک یانه قوشییور، بر چوق نصیحتلرده بولونیور، محنون
 دیکله مه یور، کعبه یه کیدیلیور، عودتده قیس چوللارده قالیور، اوکا
 طاغلردن، وحوش دن، قوشلردن رفیق، همد اولیور؛ لیلی یه ده
 پروانه لردن، چراغلردن، صبالردن هم فلاکت بولونیور، ابن
 سلامه نامنده بری لیلی ایله ازدواج ایدیور، محنون بوقوم اوزرینه
 فقیر قیافتنده سودیکله کوروشیور، نهایت ابن سلامه ده اولیور،
 فقط قیس اضطرابی هر شیئه ترجیح ایتدیکی ایچون قادینه مالک
 اولمق آئنده ایکن اولمه یور، لیلی بالنتیجه عشقک آلدن زبون اولیور،
 بونک مزاری اوزرنده ده محنون ترک حیات ایدیور، بونلر آخرتده
 بر برینه قاووشیورلر :

« بو ایکی مه خجسته رخسار

« محنون ایله لیلی وفادار

« چون وادی عشقه کیردیلر پاک

« اول پاکلک ایله اولدیلر خاک

« منزلی اولدی باغ رضوان

« چاکرلی بوندن حور و غلمان

« چون بویله رضا و یروب قضایه

« صبر ایلدیلر قو بلایه

« کیتدکده جهان بی وفادن

« قور تولدیلر اول غم و بلادن

اُك بويوك اُثرى ليلي ايله مجنون قصه سيدر ، ليلي ايله مجنون قصه سي «خمسه دن» در. بونك چرچيوه سي هر يرده بردر، كوستريلن حدودك خارجه حقيقيله ماز ، مع مافيه بوتون مزيت ده بو محدوديت داخلنده ابداعي وجوده كتير مكدده و كندى شخصيتنى اُثره علاوه ايله يه بيلمكدده در . استاد محترم فائق رشاد بك يالكز شو چرچيوه يي نظر اعتباره آله رق اُترك ترجمه اولديغنى ادعا ايدييور سده بونكله موضوعك آثار صنعتده قيمتى اولديغى ، قيمتك اُثره ويريلن روحده ، هيچانده بولنديغى قاعده بديعيه سنك تاليف ايديله ميه جكي طبعيد در .

ليلي ايله مجنوندن انتشار ايدن بوى حساسيت شوجه لرله خلاصه ايديله بيلير : عشق بلادر ، فقط طاتلى بر بلادر . بوكا تحمل ايدده . بيلنلر ، بونى نفسانى بر شكلدن روحى بر شكله قلب ايدنلر حياتك اُك بويوك آدمليدر . بونقظه يه واصل اولانلر ك هر شيئى مستجاب اولور . او بر نور ، بر آتشدر ، كه اونكله يانانلر حيات ديندن مستغنى اولورلر . « خلاصه الخلاصه » ياشامق ؛ حس ايتك اضطراب چكمكددر . « ذاتاً بوروحى كوسترمك ايچون شاعرك خمسه دن ليلي ايله مجنون قصه سنى آيرمه سي ده حساسيتنك هانكى نقطه ده دها زياده كزينه بيله جكنى آكلامش اولمه سنه بر دليل واضددر .

موضوع شوصورتله خلاصه ايديله بيلير : اولاد عربدن بر ذاتك چوجغى اولمهيور ، بوذات بر چوجغه مالك اولمق ايچون مزارلره قوشيور ، نذرلرده بولينيور ، دعالر ايدييور ، نهايت دعالري مستجاب اوله رق بر چوجغه مالك اوليور ، بونلر كوچك ياشدن اعتباراً

کیرمشلر . و سرمایۀ تردد ویرمشلر که مدام فائده‌سز جدال ایده‌سن نامبارک یوزلر کوروب ناملایم سوزلر اشیده‌سن. دیدم بر اتمک مضمونی نیچون صورت بولز . دیدیلر زوآئدر حصولی ممکن اولز . دیدم بویله اوقاف زوآئدسز اولورمی. دیدیلر ضروریات آستانه‌دن زیاده قالورسه بزدن قالورمی. دیدم وقف مالن زیاده تصرف اتمک وبالدر . دیدیلر آقچه‌سن ایله صاتون آلتشز بزه حلالدر . دیدم حساب آلسه‌لر بوسلوک‌کیزک فسادی بولنور . دیدیلر بو حساب قیامتده آنور . دیدم دنیا ده دخی حساب اولور، ایشتمشز. دیدیلر اوندن دخی باکز یوقدر کاتیلری راضی ایشوز. کوردیم، که سؤالمه جوابدن غیری نسنه ویرمزلر. بوبرات ایله حاجتم روا قیلمغن روا کورمزلر. ناچار ترك مجادله قیلدم و مأیوس و محروم کوشۀ عزتمه چکیلدم .

فضولی یالکیز شاعر دکلدر، حقیقی تحصیل کورمش، معلوماتلی بر ذاندز . دیوانه یاردینی مقدمه ده « شعرسز علم اساسی یوق دیوار کی اولور . پایه شعرمی حلیۀ علومدن معری اولغی موجب اهانت بیلوب علمسز شعردن قالب بی روح کی تنفر قیلوب بر مدت نقد حیاتم صرف اکتساب فنون علم عقلی و نقلی و حاصل عمرم بذل اقتباس فوائد حکمی و هندسی قیلمغن مرور ایله لائی اصناف هنردن شاهد نظممه پرایه‌لر مرتب قیلدم . و تدریججه تتبع احادیث و تفاسیر ایدوب فضیلت شعره مذمت اسنادی نقص همت اولدیغک حقیقتن بلدم . « دیور . فی الحقیقه فضولی « عالم ، فاضل ، علم هیئت و ابدانده کامل [۱] . « ایدی . داهینک « رنو و زاهد « « مرض صحت « نامنده فارسی ایکی منشور رساله‌سی، و منظوم حدیث اربعینی واردر . فارسی، ترکیه مرتب دیوانی اولوب یونلرک مطالعه‌سی شاعرک دهاسنی تصدیق ایچون کفایت ایدر .

« مکدر خاطرمدن قیلمدی بر کیمسه غم دفعن

« صفادن دم اوران همدملری اهل ریا کوردم

« فضولی عیب قیلمه یوز چویرسه م اهل عالمدن

« نه دن کیم هر کیمه یوز طوتدم آندن یوز بلا کوردم.»

فضولی فی الحقیقه حیاتنده چالش مقدن ، ابداع و تولید ایتمکدن باشقه برشی یایمادیغی حالده کوروله مه مش ، کورولدیکی زسانده التفاته اوغراسه بیه بوندن حقیقه اسنفاده ایده مه مشدر . سلطان سلیمان قانونی بغدادی ضبط ایتدیکی زمان پادشاهه ، وزیر اعظم ابراهیم پاشایه ، وسائر ذواته قصیده لر تقدیمیه مظهر التفات اولمش ، کندیسنه جهت وقفدن یومی بر قاچ آقچه تخصیص ایدلیدیکی حالده اونو بیه آلمیه موفق اوله مامش ، استانبوله قدر سیاحت ایتمش ، آله برائتی آله رق عودت ایتدیکی زمان ده ینه مشکلاته اوغرامش ، ناشانجی محمد پاشایه شکایتنامه سنی یازمش ، کوند مشدر . شکایتنامه دن بوکا عائد اولان سطرلری آلیورز :

« و ابراز حکم ایچون متولی اوقاف حضورینه یوز اوردم . الحق متولی ملاقاتنه فرصت دوشمدی و آنک دامن ملازمتنه دست نیل ایرشمدی . اما دیوان البلاغتنه تهجم ایتدم . چون انخس اوقاتده حضورلرینه کیتدم ، بر جمع کوردم که حکایتلری پریشان نه صفادن آنده اثر نه ده صدقندن آنده نشان وار . جمعیتلری دام حیل حضبار مجلسلری « اولئک کالانعام بلهم اضل » حرکات ناهموارلری مثابه سوهان روح و کلمات پر آزارلری مشابه امواج طوفان نوح . سلام ویردم رشوت دکلدردیواکدیلر ، حکم کوستردم فائده سزدر دیو ملتفت اولمدیلر . اگرچه ظاهرده صورت اطاعت کوستردیلر . اما زبان حالله جیمه مؤالیه جواب ویردیلر . دیدم یا ایها الاصحاب بونه فعل خطا و چین ابرودر ، دیدیلر متصل بزم عادتز بودردیدیم نمرعاتیمی واجب کورمشلر و بکبرات تقاعد ویرمشلر که اوندن همیشه بهره مند اولهم . و پادشاهه فراغتله دعا قیلم . دیدیلر ای مسکین سنک مظالمکه

ایتمشدر . حتی بوتون شاعریتنی آلام و اکداره مدیون اولدیغنی
آکلایه رق جناب حقدن :

« آز ایلهمه عنایتکی اهل درددن
یعنی که چوق بلالره قیل مبتلا بنی »

دییه تضرعات واسترحاماتده بولتمشدر .

بوعاشقدر ، فقط بر متصوف کبی دکدر ، عشق بشری اولوق
ایله برابرینه مریضدر ، ینه مستنادر ، اوعشقی عشق دییه دکل ،
عشقک مولد ألم اولدیغنه قانع بولندیغنی ایچون سور . اوهرشیده ،
عشقده ، حسن ده ألم ، اضطراب کوریر :

« یخشی کورونیر صورتی مهوشلارک اما
« یخشی نظر ایتدکه سرنجای یمندر .
« کردیرسه فضولی که کوزلرده وفاوار
« آلدانه که شاعر سوزی البتده یالاندر . »

شاعری بو حالت روحیه بدینییه سوق ایتمشدر : اوهرشیئی
سیاه کوریر ، بوتون بشریتی یالانجی ، ریاکار بیلیر ، بشریتده دوستن
بولنه مایه جغنه قانعدر :

« وفاهر کیمسه دن کم ایسته دم آندن جفا کوردم
« کیمی کیم بی وفا دنیاده کوردم بی وفا کوردم
« کیمه کیم دردی اظهار قیلدم ایسته یوب درمان
« اوزومدن هم بتر بر درده مبتلا کوردم . »

* *

« دوست بی پروا ، فلک بی رحم ، دوران بی سکون
« درد چوق ، هم درد یوق ، دشمن قوی ، طالع زبون »

* *

قادینک عشق موجودیتده او قدر شدید بر تأثیر اجرا ایتشدی، که شاعر سنی اولدیغی حالده مذهبی ترك ایله شیعی اولمشدر [۱]. بوترك مذهب کیفیتیکده فضولینک ذاتاً بی انصاف اولان طالعی اوزرنده اَلم رخنلر وجوده کتیردیکنه شبهه ایدیله مز .

اساساً شاعری تولید ایدن فضلهٔ عصیتله مریض بر حساسیت، وتمایل اَلم واضطرابدر . بعض کیمسه لر واردر، اونلر سـکـونـدن قاجارلر، اونلر ایچون، اونلرک یاشایه بیلمه سی، ابداع ایده بیلمه سی ایچون یأس و کدره، اضطرابه احتیاج واردر . «اونلرجه اَلم هرشی، کائنات؛ سعادت بر نفس احتضار، بر نفس واهیدر» [۲]. ایشته فضولی ده اونلردن بریدر . سـفـالـتـله، آجـلـقـله موجودیتلرنده بر غرورله، بر نورک یوکسـلـدیکـنی کوریرلر؛ فضولی بونلرک قافله سالاریدر :

«منم که قافله سالار کروان غم

«مسافر ره صحرای محنت و اَلم

«حقیر باقه بکا کیمسه دن صاغنه کم

«فقیر پادشه آساکدای محشم

دیور .

فضولی بر محلل روحدر، فقط خارجک روحه تشریح ایتمز . اونک کندی کائنات روحیه سی بوتون کائناتک معادلیدر . بوتون بشریت افرادینک برر برر و حیاتلرنده بر دفعه حسن ایده جکلری تحسـاتـک هیئت مجموعه سی حیاتنده حسن ایله مش، و بزه نقل و اظهار

[۱] خواجه سی زیر شیعی ایدی .

[۲] رباب مجموعه سی : شهاب الدین سلیمان .

« دکر هر دم وفاسز چرخ پابندن بکا بیک اوق
 « کیمه شرح ایلم کیم محنت واندوه دردم چوق
 « سکا قالدی مهروت سندن اوزکه هیچ کیمسه یوق
 « کوزم جانم افندم سودیکم دولتو سلطانم

*
 * *

« کوزمدن دمبدم بغرم ازوب یاشم کبی کیتمه
 « سنی ترک ایتمزم چون بن بنی سنداخی ترک ایتمه
 « اماندر ظالم اولمه بن کبی مظلومی اینجتمه
 « کوزم جانم افندم سودیکم دولتو سلطانم

*
 * *

« قتی کوکک ندن بوظلمله بیداده راغبدر
 « کوزلر سن کبی اولمز جفا سندن نه واجبدر
 « سنک تنک نازینه نازنین ایشلر مناسبدر
 « کوزم جانم افندم سودیکم دولتو سلطانم

*
 * *

« نظر قیلمز سک اهل درد کوزدن آقیدن سیله
 « یمانقدر ایشک عشاقله یخشی میدر سویله
 « کل الهی سورسهک عاشقه جور ایتمه لطف ایله
 « کوزم جانم افندم سودیکم دولتو سلطانم

*
 * *

« فضولی شیوه احسانک ایستر بر کدایکدر
 « دیرلدجه سک کوک اولنده خاکپایکدر
 « کرک اولدیر کرک قو حکم حکمک، رأی رأیکدر
 « کوزم جانم افندم سودیکم دولتو سلطانم

بونی یازدینی زمان اون سکز یکرمی یاشلرنده بولینوردی .

بغداد ولایتک هر کیجه « چنک وچغانه ساز و سوز مطربانه ایله
قلعه بدنلری اوزره واروب صباحه دك بر هاج هوی و فصل و حلوا
صحبترلری اولوب حسین بیقرا فصللری ایتک » [۲] ایله مشغول اولان
ظرفاسی فضولینک حساسیتی اوزرنده پك بویوك بر تأثیر اجرا ایتمشدر.
فضولینک اصل اسمی منلا محمددرکه سلیمان نامنده برینک اوغلی
اولوب دورک علماسندن خواجه رحمة الله افندی نامنده بر ذاتدن
اخذ معلومات ایتمش ، پك کوچك یاشنده پك بویوك درایت و اقتدار
کوسترمشدر . فضولی اثارندن آ کلاشیله جغنه کوره مریض بر
شخصیتدر ، اوخسته ، ألمه مربوط بر موجودیتنه دنیایه کلمشدر .
یکرمی یاشلرنده ایکن خواجه سنک قیزینه کوکل ویرمش ، بونک ألمیله
شعره تمایلی آ کلامشدر . ایلك فارسی شعرلری بوقادینه تقدیم
حسیات عاشقانه ایچون یازدیغی کبی ایلك ترکجه شعرینی ده بونک
ایچون یازمشدر [۳] .

« پریشان حالک اولدم صورمدك حال پریشان
« غمکدن درده دوشدم قیلمدك تدبیر درمان
« نه دیرسك روزکارم بویله می کچسون کوزل خام
« کوزم جام افندم سودیکم دولتلو سلطانم
« اسیر دام عشقک اوله لی سندن وفا کورمن
« سنی هر قنده کورسه م اهل عشقه آشنا کورمن
« وفا و آشنالق رسمنی سندن روا کورمن
« کوزم جام افندم سودیکم دولتلو سلطانم

*
* *

[۲] اولیا چلبی سیاحتنامه سی .
[۳] دیوانک بشنجی صحیفه سنده کی « ای نوبهار حسن تعبیرینه » مراجعت .

یوز تاریخ هجر یسنده بغداد قصبه لرندن حله ده تولد ایتمشدر. بغداد [۱]
بر چوق مدیتلره مامن اولمش ، علمی ، دینی ، قهرمانی بر چوق
خاطرات ایله مالا مال بولمش بر دیاردر . یالکز فضولی طوغدینی
تاریخندن اعتباراً بواقلمده بر قاچ حکومتک دوشدیکنی کورمش ،
أک نهایت شاه اسماعیل صفوینک ، سلطان سلیمان قانونینک تابعی
اولمشدر [۲]. بغداد پک بویوک سیالرک طلوعنی کورمش ، برزمانلرده
بوتون دنیانک مدرسه العلومی اولمشدر . بناءً علیه کرک علمک ،
کرک شعرك اعصار مدیده دنبری مرکزی ، موطنی ایدی . فضولی
بغدادک فتحنه حله دن کله رک یازمش اولدیغی بر قصیده ده :

« کلدی برج اولیایه پادشاه نامدار »

سوزلریله تاریخ سویله مشدر .

داهی شاعر بوخاک فیاض ، بواقلم معتنا چوجغی ، وشرقت
عصرلر دنبری یاشیان اک بویوک سیماسیدر . تذکره نویس لر بونک
حقنده پک آز سوز سویله مشلدر ، حیاتنده بر قاچ سوز سویله مش
اولانلره صحیفه لر تخصیص ایدلمش اولدیغی حالده فضولی حقنده پک
آز سویلنمش اولمسی زماننده تقدیر ایدلمدیکنه اک بویوک دلیلدر .
تذکره لطیفی مشار الیه حقنده «بودور شعر اسندن در . نوائی طرزینه
قریب بر طرز دلفریبی واسلوب عجیبی واردر . طرزنده مبدع و طریقنده
مخترعدر . - طرز خمسه یه جوابی ممدوح و مقبول وبش پاره کتابی
واردر . « دیور .

[۱] کربلا بغداد ولایتنه منسوب اولوق طولایسیله .

[۲] سلیمان قانونی « ۹۴۱ » تاریخنده شاه عباسدن آکشدو .

شعرده «محی»، بعضاده ضرورت وزن طولایسیله محب تخلص
بویوریرلردی. شوغزلی مثال دییه آلیورز:

- « صورمه عشقك حالتن مجنونه بر دیوانه در
« آچه عشقك سرنی فرهاده كم افسانه در
« صور بكا عشقك رموزك ساكه تقریر ایلیم
« جان و باش ترکن اورر عاشق همان پروانه در
« کل تماشا ایله بوصرچه سرایك كوكلک
« اشك سرخیله منقش زین اولنمش خانه در
« غمزه سی قائم ایچریسه دوستلر اولز عجب
« کافر بدمست اوله نك میلی دایم قانه در
« یاره واروب دون کیجه دل دردنی عرض ایلدم
« خوابه واردی کوزلری یاننده صان افسانه در
« نوله یقسم شمع حسنوکه کوکل پروانه سن
« دوستم سن شمع اولیجق عاشقك پروانه در
« کلشن حسنکده دل مرغن ینه صید ایتکه
« زلفی آغنده محی خالی آنک دانه در . »

شاعرلری فوق العاده سورلر، آره صیره اونلرک اثرلرینی تنظیر
ایدرلر، کندی اثرلرینی تنظیر ایتدیرلر، بووجهله تشویق ایدرلردی.
« ۹۰۰ » سنه هجریه سنده تولد، « ۹۷۴ » سنه هجریه سنده مجارستانده
سکتوار اوکنده ارتحال ایتمیشلردر .

صبری شاکر کی شعرا آنحق بوزماندن اخذ فیض ایتشلردر .
 کندیلری ده شاعردر ، زمانک بالذات پادشاه اوزرنده پک بویوک بر
 تأثیری وارددر . پدرلری سلطان سلیم خان حضرتلری ده شاعر دیلر .
 پادشاه مشار الیهک اثرلری تدقیق ایدلدیکی زمان او دورده کی
 سرایک اینجه لکی ، نفسانیت ، سفاهته ، خصوصیه کباراغه تمایلی تمامیه
 کورولیر . مشار الیهک دیوانلر حقیقه بر شخصیتک صفحات
 مختلفه روحیه سنی اوقومق ایچون کوزل بر ساحه تدقیقدر . شدید بر
 نفسانیتدن ، بر حمای ذوق ونش وودن بردن بره اک درین بریأسه ،
 اک درین بر بد بینی ، اک درین بر احتیاج صحت و حیات قدر دوشر :

« خلق ایچنده معتبر بر نسنه یوق دولت کی
 اولمایه دولت جهانده بر نفس صحت کی
 اولسه قوملر صاغیشنجه عمریکه حد و عدد
 کلمه یه بوشیشه چرخ ایچره بر ساعت کی »

* *

« بر نیجه کون شاد ایدوب دونرینه غمکین ایدر
 بر قرار اوزره دکلدر روز و ماه و سال چرخ »

« دیوانلری ابتداسندن آخرینه قدر غزللرله طولو کیدر .
 بوغزللرک اکثری عاشقانه ، زندانه ، شوخانه در . لسان غایت چالاک ،
 زنده ، شوخ ، قابلیت انحنایه مالک اولمغله برابر خیاللرده غایت نازک ،
 اینجه ، اثری ، شفافدر . بولسانه ، بویانجه دماغه ، بو حساس طبیعته
 مالک بولمنسی اعتباریه سلطان سلیمان قانونی عصرینک اعظم شعرا سندن
 اوله بیلیر . » [۱]

دیوان مطبوعی حقهده فائق رشاد بک تاریخ ادبیاتنده شو -
معلوماتی ویریور: « بودیوانک ترتیب وتصحیحی ایشی پاشماجی زاده
احفادنن « عندلیب » مخلص اسعد بک مرحومه حواله ایدلمش ،
مرحومده آئنده بولنان بر ایکی اسکی مجموعهده نه قدر لادری نامه
شعر کوردیسه دیوانه علاوه ایله مش اولدیغندن مندرجانتک برطاقنی
باشقه لرینک سوزلری تشکیل ایتشدر . »

« اکثری رسائلدن عبارت اولمق اوزره تألیفاتی اوچ یوزه یاقیندر .
اُک مشهورلری تاریخ آل عثمان ، لغت اولمق اوزره « دقائق الحقایق »
« محیط اللفه » ، فتاوی محتوی « مهمات » وکستانه نظیره « نکارستان » در [۱] .
مشار الیه « ۹۴۰ » تاریخنده دار بقایه رحلت ایله مشلر . ادرنه
قیوسی خارجنده محمود چلبی زاویه سی قربنه دفن اولنمشلردر .
« ارتحل الموم بالکمال » وفاتلرینه تاریخدر . کندیلری خوش مشرب ،
ظریف اندیلر ، حقارنده لطیفی اقدی « خلقت شریفلری لطافت
ونشاط و ظرافت وانبساط اوزره مجبول اولمغین اکثر اوقاتده کشاده
رولنی وبذله کویلغی اکسک دکدی . » سوزلرینی صرف ایدیور .

۱۵

سلطان سلیمان قانونی . — عهد سلطنتلری دولت عثمانیه نك
دوره کمالدر . زمانلری باقی ، فضولی کبی اعظمه جلوه گاه اولمشدر .
دوره کمال دیدیکمز دور زمان سلطنتلرنده انکشاف ایتمش ، سلطان
محمد رابع دورینه قدر دوام ایله مشدر ؛ روحی بغدادی ، نفی ،

ایتمه مشل در . « شومرثیه سنی نقل ایله اکتفا ایده جکیز :

- « غزیده نوجوان و حزمده پیر
 « صاحب السیف و صاحب التدبیر
 « هم صف آرایدی هم آصف رأی
 « نه وزیر ایستر ایدی ونه مشیر
 « آلی شمشیر ایدی دلی خنچر
 « نیزه ایدی قولی و پرمفی تیر
 « آرز مدنده چوغ ایش ایتشدی
 « سایه سی اولمشدی عالمگیر
 « شمس عصردی عصرده شمسک
 « ظلی ممدود اولور زمانی قصیر
 « تاج و تختله فخر ایدره بکلر
 « فخر اونکله ایدردی تاج و سریر
 « کوکلی اول سورده بولوردی سرور
 « که چاله چاغریدی تیغ و نفیر
 « رزم ایشنده و بزم عیشنده
 « کورمدی پیر چرخ آکا نظیر
 « چقسه ایوان بزمه مهر منیر
 « کرسه میدانه رزمه شیر دلیر
 « اولیجاق داروگیر اول شیری
 « آکسون وقانلر آغلاسون شمشیر
 « اولدی سلطان سلیم حیف و دریغ
 « هم قلم آغلاسون آنی هم تیغ » [۸]

[۸] بومرثیه نك تمامی قولایلقاله اوقومق ایسته ینلر تاریخ عثمانی انجمنی

مجموعه سنك یکر می ایکنجی نسخه سنه مراجعت ایتسونلر .

کورمن مسلکینی ترک ایتمش، مدرسه‌یه کیده‌رك چالشمه‌یه باشلامش،
 آز زمانده فوق‌العاده ترقی کوسـترمشدر. « اتفاق علما بودر، که
 ولایت رومده عدیلی ونظیری بر عالم متبحر ومتفرد پیدا وهویدا
 اولمادی. علامه حانقین ومفتی ثقلین ایدی. » [۱] مشار الیه ۹۳۲
 تاریخنده مسلک فتوایه ارتقا ایتمش، سلطان سلیمه شام سفرنده رفاقت
 ایله مشدر.

بوتون حیاتی اشتغالات علمیه ایچنده کچردی. قرآن کریمی
 تفسیری غایت مشهوردر. تذکره لطیفی ده حقنده شوقیده تصادف
 ایدیورز: « سائر فنوندن غیری کشف مشکلات کلام قدیم وحلال
 معضلات کتاب کریمدر. والحق انصاف بودر که مجمع مجموع علوم
 وافتخار علمای ولایت رومدر. اول بر عالم ربانی ایدی، که علمی
 دائره ولایتیه وسرحدکشف وکرامته ایلتمش ایدی. واول بر دریای
 فضل دانش ایدی، که کونده بیک مقداری فتوایه دست اوروب
 بونجه فنونده نیجه مباحث مطالعه قیلوب بونجه مفید ومستفید درس
 ویردکن صوکره بر جزء تألیفی تحریره کتورمک عادت روزمره‌سی
 وبوجله مذکورات آثار کلاتندن اول فضل آفتابنک ذره‌سی ایدی.

نته کم وصفنده دیمشدر:

« یاملک سک یاپری شکل بشرده زیر

« بوقدر کسب فضائل ایده بیلمز انسان»

اصل اسملری احمددر. آره صیره بونجه مشاغل آره‌سنده
 شعرلهده اشتغال بویوریرلردی. « بوفنده مستغنی اولمغین تخلص تعین

شونقیس غزل ذاتینک اقتدار شاعرانه سنه اُک بویوک دلیدر :

« قامتک ای بوستان لامکان پیرایه سی
 « نوردن بر سرودر دوشمز زمینه سایه سی
 « یوسفی کرچه کورنلر آلرینی کسیدلر
 « کون یوزک کوردی سنک شق اولدی آیک آیه سی
 « منزک تیر دعاوش ماورای نه سپهر
 « قدرکک عرش معادن معلا پایه سی
 « اول و آخر نظیرک یوق سنک ذاتکدر
 « ختم جمله انبیا کون و مکانک وایه سی
 « آخرت بازارینه واردقه ایلر فائده
 « نقد عشقکدر آنک کم سرورا سرمایه سی
 « باغ جنتده امیدم بودرکم ذاتی بی
 « جمله مؤمنلرله اول سروایدینه هم سایه سی

ذاتی « ۹۵۳ » سنه سی رمضاننک صوکلرنده یتیمش یدی یاشنده
 بر اختیار اولدینی حالدده فقر و ضرورت ایچنده وفات ایتیمش ، ادرنه
 قاپوسی خارچنده دفن اولمشدر .

۱۴

ابن کمال . — علم و عرفاننک وسعتیله تاریخ عثمانیده بویوک بر
 نام بر اقان ابن کمال ، کمال پاشا زاده سلیمان چلبی نك مخدوم زاده سیدر ،
 کندیسی طوقانده طوغمش ایسه ادرنده بویومش ویتشمشدر .
 پدرلری امرادن اولدینی جهته کندیسی ده اثر اجداده تابع اولمشدی .
 لکن علمادن لطفینک بر کون دیوانده امرایه تقدم ایتدیکنی کورر

خیال و مضمونلرینی لباس آخرله تعیر و جزئی تعیر ایدردی . « دیور .
اونی طالعزلک هر یرده ، هر زمان تعقیب ایتمش ، بالنتیجه حساسیتینی
زده له مشدر ، معدومیت طالغنی نه کوزل آکلاتیور :

« دریادن آب ایسته مش اولسه سراب اولور .

« کر آلتونه یاپشسه اوساعت تراب اولور

« آب حیات صونسه اکر حضر دسته

« زهر هلاهل ایله ملمع شراب اولور

« کیمدن جهت اومارسه اودم وضعی دیر ییقیل

« دائم سرای دل او جهندن خراب اولور . »

ذاتی حقیقه^۱ ممتاز بر شاعر در ، اونک اوزون عمری ایچنده
مختلف آنات شاعریته تصادف ایدیه بیلیر . اونک حسی ، فکری ،
تکرری دورلری وارد . ذاتی لسانک سلاستی ، سادکینی ، جریان
لطیفی اعتباریله ممتازدر . باقی نک وضع ایتدیکی لسانک اساساتی
حاضر لایان آل ذاتینک ایدر . لطیفی بونقطه یی پک کوزل کورمش ،
« بقیه شعرای سلف و قدوه فصحای خلف ایدی . » دیمشدر .
مع مافیه بونقطه ده دخی ذاتی یه حقسزلق اولمشدر ، باقینک قورولدیغی
سریر تکامل لسان اوکا عائد اولمق اقتضا ایدر کن تاریخ ادبیات باقینک
اسمنی اونک اوزرینه وضع ایله مشدر . « مذکورک اوچ بیک دانه غزلی
وبش یوز قصیده سی و بیک مقداری رباعیاتی وارد . شهر انکیزلرندن
ولتغزلرندن غیری مشویاتدن حکایت احمد و محمودی و سیرینی و مولودی
وعاشق و معشوق احوال بیان ایدن شمع و پروانه سی و خسرو و شیرین
طرزنده فرح نامه سی وارد . » [۱]

جوارنده بر دکان طوتوب بر زمانده اوراسنی آلت هنکامه ایدوب
جمع شعرا ایلدی . « دیور .

فی الحقیقه ذاتینک دکانی کنج شاعرلر ایچون برمودد ملاقات
ایدی؛ باقی ، یحیی بک ، خیالی کبی کنجلر هپ اوراده طوپلانیرلر ،
استاده منظومه لرینی کوشتریرلر ، اونک مطالعه لرندن استفاده ایدرلردی .
دکانه زوارک چوق کلهسی شاعرک سفالتی ، احتیاجاتی تهوین
ایده مه یوردی ؛ اوچنمک ایچون مقتضی مبلغه قابل دکل مالک اوله -
مایوردی . لیکن دریا دل ایدی ، بویوقسوللق ایچنده بیله سر -
آزاده لکی ، آواره لکی براقه مایوردی . اساساً غایت تحف ، غایت
حاضر جواب بر ذات ایمش . کونلرینی زمانک شاعرلریله منتسبین
شعر و ادبیله لطیفه لر پاپه رق کچیریور و بولطیفه لری قید ایدیوردی .
« مجمع اللطائف » اسمنده بز اثری ده واردر : ذاتی غایت چرکین بر
آمدی . حامیسی علی پاشاده چرکین ایمش . ایلك دفعه حضورینه
کیردیکی زمان پاشا یاننده کیلره « ذاتی چرکین بر آدم ایمش » دیمش .
شاعر همان جواب ویرمش : « یکیت یکیتک آینه سیدر . »

مع مافیه بونشئه ، بوشطارت ، بولا قیدی اک عادی احتیاجات
ضروریه نی تأمین قید و اندیشه سی طولایسیله شاعری - شخصنی دکل . -
اولدیرمک خصوصنده کچکمه دی . عاشق چلبی تذکره سنده « اگرچه
مرحومک اشعاری متین ورصین و مقطوع و مقبولدر . اما بعض بارد
ادالر و پست تعبیرلر و بیگانه معنالرله مدخولدر . ۹۴۰ دن صوکره
دیدیکی لطافت و سلاستدن عاریدر ، اکابره قصیده و شعرادن برینه
نظیره دیمک لازم اولسه اولکی قصائد و غزلیاتنه مراجعتله اسکی

ذاتی، سلطان بایزید ثانی، سلیم اول، سلیمان ثانی [۱] زمانلرینی ادراک ایتمش، شهرتی سلیم اول زماننده باشلامشدر. کندیسنه مأموریت اولمق اوزره تولیت تکلیف اولنمش ایسه ده قاضیلغه نائل اوله مادیغندن طولایی سرآزاده اولمیی، اوصورتله یاشامه یی هر شیئه ترجیح ایتمش، پادشاهلردن، وزیرلردن آلدیغی عطیه لرله، سالیانه لرله قناعت واکتفا ایده رک صنعته ک ادواقه ترک موجودیت ایتمشدر. صدر اعظم علی پاشا شاعری پک زیاده حمایه ایدیوردی، حامیسنک وفاتیه آياس پاشا صدارتنده سالیانه لركسیلیدیکی زمان اونککیده کسیلدی [۲]؛ شاعر ایچون آرتق سیاه، الیم بر موجودیت، بر سفالت باشلادی. یاشامق لازمدی، بایزید جامع حولیسنده بر دکانچه آچدی، رملجیلکله معیشتنی تأمینه قویولدی، آز زمان ایچنده مشهور اولدی. آتیسندن خبردار اولمق ایسته یین اونک دکانچه سنه شتاب ایدیوردی. عاشق چلبی تذکره سنده ذاتی یی شو صورتله تصویر ایدیور :

«مرحومك اوی صاری کز محله سنده ایدی. هر کون پیاده جه دکانه کیدوب کلیردی. آئنده عصا طاشیردی. چامورلی کونلرده عصاسنه طایانیردی. چوق کچمه دن دکانه دوامدن قالدی. ضعف پیری آفتن آلدی. اوی قربنده قوجه ابراهیم پاشا حمای

[۱] قانونی سلطان سلیمان.

[۲] «نجایتینک رقیب لیاقت شعاری ذاتی، که اولجه بایزید ثانی بری بهار ابتداسنه، بری انتہاسنه، دیکری بایراملره طوغری اوچ قصیده انشاسنه مأمور ایتشدی. - سلیمک جلوسنی تبریک ایچون یازمش اولدینی برقصیده یه مکافاتاً سنه ده اون بر بیک بش یوز آچقه ایراد کتیریر اوچ کوی آلمش ایدی. » هاهمه ترجمه سی : جلد ۴، ۹۹، بونون بونلریدنن آلمشدی.

۱۳

زانی . — اصل اسمی « عوض » اولان ذاتی سکز یوز یتمش
القی تاریخ هجر یسنده بالیکسرده طوغمشدر . قره سی بکلیکی پای تختی
و آسیانک اُک مهم شهر لرندن بری بولنان بوشهر اونک اوزرنده پک
بویوک بر تأثیر اجرا ایدمه مشدر . چونکه ذاتی اساساً شاعر طوغان
مخلوقلردندر . او بر جلوؤ خلقت اولق اوزره دنیایه کلشدر . شاعر
بر معلمدن ، بر مدرسدن درس کورمه مش ، عاقله سی اونی صناعته
سوق وتشویق ایتمش ، بر چیزمه جینک یاننه چیراقلغه کوندرمش ،
اوائل عمرنده چیزمه جیلکله معیشتنی تأمین ایتمشدر .

فقط اونک چالاک ، قاینار ، نشوولی ، آواره ، سرسری ،
طاشقین بر روحی واردی ؛ اوصباحدن آقشامه قدر بر دکانک ایچنه
قاپانه رق اوطوره جق بر شخصیت دکادی ، اورند مشرب ، ذوق
پرست بر موجود ایدی ، بومزاج وطبیعی طولایسیله رند مشرب ،
اهل دل اولانلرله کوروشمه یه ، اونلرک عادتنه اتباع ایتیه باشلادی .
عیش ونوشه آلهدی . لطیفی « موزه دوز او باش ، عوام صورت ،
لوندسیرت ، عیاش ایدی . » دیور .

بو مجلسلره دوام ایتک صورتیه کندیسنده قابلیت شعریه اولدیغنی
ادراک ایتمش ، بر کون دکانی قاپاتمش ، پایتخت سلطنت سنییه ، در سعادته
کلش ؛ صرف ونحو اوکره نمکه باشلامشدی ؛ بو کوچوک معلومات
وتحصیل نتیجه سنده قاضی اولق تشبثنده بولندیسه ده صاغر لغی بوکا
مانع اولدی ، شوآرزوسنه موفق اوله ماینجه منجم باشیدن رمل درسی
آلدی .

مدفنی زیارتہ کیدن اولیا چلبی بومناسبته شو معلوماتی ویریور: «پیر الیاس» [۱]
 حضرت تیرینک نسبندن رابعه عدویه مثال عقیفه بر خاتون ایمش .
 یتیمش جلد کتاب معتبری حفظ ایدوب جمله علمایی مباحثه علوم و فنونده
 عاجز بر اقمش . سر اسمی مهرماه اولدیغندن «مهری» تخلص ایدرمش .
 پاکیزه گفتار ابداری ، حروف هجا اوزره مکلف دیوانی ، فقه
 و فرائضه متعلق یرلردن نفاس بخشندن مقبول مسئله لری ، منظوم
 رساله لری واردرد . بکر فکری کی ممتاز و سرفراز اولوب هنوز
 ناشکفته ایکن باغ جنازه روان اولمش . جد پائی پیر الیاس آستانه سنده
 مدفوندر . « [۲]

عاشقانه سرگذشتلری عالم شمول بر شهرته مالک اولدیغی حالده
 روایت منتقلیه کوره « دامن عصمتی و ذیل عفتی آرایش تهمتدن
 پاک و لجه دریاساقه کلز پاک بی باک ایمش . » شاعره نک منظومه لری ،
 وقایع عاشقانه سی بر چوق قیل و قالی موجب اولمش ، بر چوق کیمسه لر
 اثر حسد اولمق اوزره اوئی اتهامه قدر قالمش لردرد ، بر کون آماسیه ده
 بووقایعه « سلطان احمد مجلسنده ظرفا و شعرا نکته ایتدکده » بوبیت
 ایله جواب [۳] ویرمشدر :

« نیجه اسکندری لعل زلالی
 « صویه ایلندی و صوسز کنوردی . »

[۱] تیمورک آناتولی بی استیلا سنده نرزدنده بولنان بر شیخدر ، که
 تیمورک عودتندن صوکره آماسیه ده قالمش ؛ اوراده وفات ایتمشدر ؛ تربه سی
 زیارتگاهدر .

[۲] اولیا چلبی سیاحتنامه سی : صیفه ؛ ۱۹۳

[۳] تذکره لطیفی .

هیچ کیمسه نجاتی به نظیره لرده موفق اوله مامشدر .

مهری حقیقی بر شاعر در ، کندی روحنی ترنم ایتش ، کندی کائناتی یاشامش ، یاشاندر مش ، اوهر دقیقه حیاته عائد آنات و تأثراتی آیری آیری قید و نقل ایتشدر دنیه بیلیر . مهرینک اُک بویوک مزیتلرندن بری آتارنده نسویتی اخفا ایتمه مسیدر ؛ اونک اثرلری اوقوندیغی زمان بر قادین روحیه قارشو قارشویه بولینیلیر . لطیفی افندی ده بو حقیقتی تسلیم ایتمکله برابر شاعره نک نسوی اولمه سنی پک بکنمه یور کی بر لسان قوللانیور : « اکرچه عشوه اشعاری و شیوه گفتاری زنانه در ، اما جهت سوز و کدازده عاشقانه و بیان شوق و نیازده مردانه در » دیور .

« بن اومردم ، که بکا یار وفادار اوله سن

« کم بیلوردی که سنی بویله جفا کار اوله سن

« سنکه کلزار جنانک کل نورسته سی سن

« نه روا اوله که هر خار وخسه یار اوله سن

« بددعا ایتمزن اما که خدادن دیلرین

« بر سنک کی جفا کاره هوادار اوله سن

« شمدی بر حالده یوزکم ایلن دشمننه

« دیرکه مهری کی سنداخی سیه کار اوله سن . »

شوه منظومه سنده قادینلغک صفتی ، امیدلری ، انکسارلری ،

مشفق بددعالری ، رعشه لری نه کوزل اوقوننیور . مهری خاتون

شواعتبار ایله عثمانلی شاعره لرینک اک ممتازی ، اک شخصیتی ، اک

بویوکیدر . بایزید خان ثانی عصرنده شهرت بولمشدر . مهری خاتون

پک کنج یاشنده ایکن وفات ایتشدر ؛ آماسیه ده مدفن زیارتگاهدر .

« ای طیب جان مدد بیمارکم اولدم مدد »

« دیدی خودرعاشق اولدیرمک بکاتیمارسز »

« کورمدم بر خوب کیم یاننده اولمیه رقیب »

« بوجهان باغنده هیچ کل اولمزایمش خارسز »

« خوبلرک مهرینه مهری اولورز ترک ایتمز »

« کیم نه دیر ایسه دیسون بز اوله منرز یارسز. »

لطیفی افندی ده روایت منتقله یه استنادله حقنده « محبوبه محبوب

پرست و عشق و هوا ایله هم دست » سوزلرینی استعمال ایدیور .

مهری شاعریت خصوصنده نجاتینک مدھش بر رقیبی ایدی .

اودائما اوکا یتشمک ایچون صرف غیرت ایدر، اونک یازدینی هرشیئه

نظیره سویلردی . نجاتی ایسه بوندن فوق العاده منفعل ایدی . حتی

شوقطعه یی نتیجه انفعالی اولمق اوزره یازمشدر :

« ای بنم شعرمه نظیره دین »

« حقیقه راه ادبدن ایله حذر »

« دیمه که ایشته وزن وقایه ده »

« شعرم اولدی نجاتییه همسر »

« حرفی اوچ اولمق ایله ایکینسک »

« برمیدر فی الحقیقه عیب و هنر . »

« مرقومه دن نه شعرکه صادر اولسه نجاتییه ارسال و وارداتدن

هرنه که متوارد اولسه ایصال ایدردی . » [۱] فی الحقیقه اونک قدر

« سوزلری موزون ، دیشلری درمکنون » [۱] اولان ، « تربیه لی اولوب چار و آزاره بورونوب کزر » آماسیه قادینلری بو حکایه یی مخیله لرنده آلوندیرلر ، اونک قوتیله روحلرینی آتشلندیرلرلدی [۲].

مهری بو محیطده یاشامش ، حساسیتینی بو محیطده بسله مش ، سرگذشتلرینی بو محیطده طوقومشدر . مهرینک اک بویوک سرگذشت عاشقانه سی « سنان پاشا اوغلی اسکندر چلبی به تعشق » ی در [۳].

« ایردی چون آب حیاته مهری اولز حشره دک
« کوردی چون ظلمت شبنده اول عیان اسکندری . »

مهرینک مولانا مؤیدالدین ایله ده ماجرای عاشقانه سی واردر [۴].

مهری ایچون عشق هرشیدر ، اوسومه نیجه ، قلبی صرلامه نیجه ، برکسمیه مربوط اولمه نیجه یاشایه ماز . غزلیله مهری خاتون حالت روحیه سنی نه کوزل کوسترمکده در :

« نیلیم بیچاره کوکلم بردم اولز یارسز
« ابرسم اولز نیتکم جهد ایلرم بو عارسز
« بن دلمه نامنی وردایتدم اما دلبرک
« بردم آکز آدم اولز بر نفس اغیارسز
« وصلنی اقرار ایدوب صالدی بنی سودالره
« دوندی انکار ایلدی بودینی یوق اقرارسز

[۱] اولیا چلبی سیاحتنامه سی : صحیفه ۱۹

[۲] تذکره لطیفی : صحیفه ۳۱۰

[۳] آماسیه نک حال حاضرینی بیلن برذات قادینلرک فرهادوشیرین حکایه سنی حالا اذربردن او قویوب آغلادقلرینی ، و اکلنجه لرینک اکثریا بوکا منحصر اولدیفنی آکلتیور .

[۴] جلد ۲ ، صحیفه ۹۲

معارف ونکته شناس چلييلر غايت چوقدر . فصاحت و بلاغت اوزره
ايراد کلمات ايدرلر . جمله خلق اهل ذوق وشوق اوزره اولدقلرندن
رنک رولري دائماً حمرت اوزره در ، هر اصنافدن ارباب معرفتي
چوقدر . « [۱] شوتعرف ايديلن منظره سي ، ميوه لري ، اهالي سنک
بلاغته ، فصاحت دوشکون بولمه سي ، اهل شوق وذوق اولمه سي
برشاعرك حساسيتني ايقاظ ايده جک اسباب وعواملدندر .

دها صوکر ا آماسيه برغننه عاشقانه يده مربوطدر : فرهادوشيرين
قصه سنک بوراده کچديکي روايت ايدلمکده در . هاهمه ر « آماسيه نك
کوزلاري فرهاده شيرين افسانه سنده شدتلي مخيله لري ايچون برکتلي
برسرمايه بولورلر . ترکلرک روايت منتقله سي بووقعه يي آماسيه ده جريان
ايتديريور ، ينه بو روايته نظراً آماسيه ده کوريلن اسکي صوبندي
شيرينک قويونلرندن صاغيلان سوت ايچون فرهاد طرفندن قايا ايچنده
اويولان مجرادن باشقه برشي اولماديني « [۲] سوزلريني سويله يور .
اوليا چلي ده سياحتنامه سنده مسيره لرك اک مشهوريني سويلرکن « اک
مشهوري قانلي پيکاردر ، که فرهاده بوراده برفرتوته سحراره ، ملعونه
مکاره قادين (شيرين اولدي . دها نه چاليشيورسک) ديه رک شيرين
لقمه سي ويرمشدر . فرهادده درحال کولونکي هوايه اتوب باشي
آلته طوتمش . کولونک ياره سييله اولوب وصال شيريندن محروم
قالمشدر . بورايه اونکچون (قانلي پيکار) ديرلر ، دييور . ينه اونک
تعريفنه کوره « طراوت حسن و جمالاري لطيف و درجه اعتداله »

[۱] جلد ۲ ، صفحه ۱۹۰ ، ۱۹۱

[۲] هاهمه ر ترجمه سي : جلد ۱ ، صفحه ۲۷۲

۱۲

مهری خانومه . — عثمانی تاریخ ادبیاتنده ماجر الری طولایسیله صافو اطلاقه شایان بر قادیندر . سلطان بایزید دوری شعراسندن بحث ایدرکن هاهمه بونک حقنده « آماسیهده طوغمش اولان کوزل مهری اسکندره عشقنی نظم وتنظیم ایتمشدر ، که بوشاعره عثمانیلرک صافوسیدر . » [۱] دییور .

مهری بلایی تخلص ایدر بر قاضینک قیزی اولوب آماسیهده طوغمشدر . پدرینک بلایی تخلص ایتمه سندن شاعر لکه هوسکار اولدینی آکلاشلییور ، شواعتبار ایله شاعره رشیم شعری وراثت طولایسیله پدرندن اخذ ایتمش بولینیور . باخصوص والدینک قاضی اولمه سی ، علمک ، عرفانک قدرینی اکلایه رق قیزی اوقوتمه سنه وسیله اولمشدر . ذکی ، حساس مهری تعلم وتدرس حقنده فوق العاده سعی وغیرت کوسترمش ، علمک ذوقنی طومیش وآکلامشدر .

اساساً آماسیهده قابلیات شاعریتنک انکشافه بر زمین مساعددی . آبدلرینک حسنی وجوقلغی طولایسیله بوشهری « بغداد روم » نامیله تسمیه ایدرلردی . مهری دن تقریباً بر بحق عصر صوکره یاشایان اولیا چلبی نك سیاحتنامه سندن بوشهره دائر شو معلوماتی اخذ ایدیورز : « شهر اقلیم خامسه واقع اولوب نهر کنارنده دره وتپه لی یرلرده بولمقله هوا سی اوقدر معتدلدر ، که ایکی جانبنده کی طاغلری سراپا باغلردر ، محصولاتی یرلردر . — یتمش قدر مسیره لری واردر . ارباب

شهرزاده عبدالله حقنده کی مرثیه سندن شو پارجه یی مثال اولمق اوزره
آلیورز :

« دلا جریده الفتدن آدک ایله تراش
« قلندر اول که مجردلر ایده لر شاباش
« اسر که جانکی کل بغلمه جهانہ کوکل
« اسیر چاه بلا ایتمه یوسفی قرداش
« آلورکوزیله باقمه جهانہ کیم کونشک
« یوزینه دوغری باقانک کوزندن آقر یاش
« وجود کهنه قبادر سن آکا آلدانمه
« که چارشوی بقاده زیان ایدر بو قاش
« طینمه شول بر آووج طوپراغه که یک آندن
« هزار کره نبات وبقاده بر قوری طاش
« نکون کاسه سی چرخک حیات خوانندن
« جهانده کمنه یه ویرمدی طوینجه آتش
« بوخلقه خلقه اولوب کورونن فلک دکل
« بر اژدها یمش اول یدی باشلی حاضر باش
« اول ایتدی ملکی ویران اول ایتدی کنجی نهان
« نه ملک ملک قرامان نه کنج کنج روان

۹۱۴ سنه سی ذی القعدة سنک یکریمی بشنجی کیجه سی وفات
ایتمشدر . شاعر حمدی ایله عینی سنه ده ، عینی آیده ارتحاللری وقوع-
بولمشدر . عاشق چلبی احتضارینه عائد اولمق اوزره « حال احتضارنده
ام ولد زاده عبدالعزیز چلبی ایله اوغللرینی بعض خواص احباسبی
جمع ایده رک اوصیره ده سویلدیکی غزلی آلرینه ووروب « سزه وشعره
وداعمدر . « دیه رک استحلل و استغفار ایتدکن صوکره ذکر
وتهلیل ایله دنیادن انقطاع ایتدی . « سوزلرینی سویله پور .

فضل و کرمیله معروف مولانا اسحق دخی مومی الیه حقنده :

« شعرك ديلرسك اوقونه مقبول خلق اوله »

« صافی نجاتی شعری کبی پر مثل کرک . »

سوزلرینی سویله مشدر نجاتی زمانی مثل کولغیله تسخیر ایتمش
ایسه ده اکثری منظوماتی حسی اولمایوب دماغی بولغمله صوئوق در .
شعرده حساسیتدن کچمه نیجه هیچ بر شیئک قیمتی اولمادیغی کبی
افکارکده قیمتی یوقدر . نجاتی متعدد اشیا و حادثات اره سنده مقایسه
یابه بیلن بر متفکر در ، فقط حمدی کبی بویوک بر شاعر دکدر ،
اونک حساسیتی طار ، وسط حیدر . حتی مرثیه لرنده بیله بر تأثر
مخصوص کورمک کوجدر . باخصوص 'قسطمونی شیوه سنه موافق
بعض کلماتک ، الفاظک آثارنده بولغمه سی آ کلاشیلماق خصوصنده کوجلیکی
بادی اولدیغی جهتله بزی دها زیاده صیقمقده در .

نجاتی بزجه بر زمان معینک موداسنه تابع بر شاعر در . بونک
ایچوندر که نجاتی بویوک بر شاعر اولمه مقله برابر سلطان بایزید زمانی
بزه اُک واضح کوسترن بر شخصدر . اونوتمه ملی ، که ذروه دهایه
یوکسه له مین شاعر لر اکثریا داهیلردن زیاده زمانلرینی بزه کوستیر لر .
لسانی احمد پاشانک لسانندن آیری بر لسان دکدر ، خلاصه
نجاتی دینلدیکی قدر بویوک بر شاعر اولما مشدر . مع مافیه مثل کولغی
شعره ادخال ایتمکله برابر بر حرکت ادبیه حصوله کتیر مشدر .
بوده زمانک احتیاجاتی آ کلامق خصوصنده کی ذکاسندن طولاییدر ..
نجاتی وزنلرینی موضوعنه کوره انتخاب ایده مه یه جک ، کلمه لرله موضوع
اره سنده کی نسبتی تعیین ایله یه مه یه جک قدر متوسط بر شاعر در .

قصیده یازمش، بعده سلطان بایزید زماننده دیوان هایونه کاتب اولمش، اقتدار فوق العاده ادیبی طولایسیله پادشاه مشار الیهک شهزاده سی قره مان والیسی عبدالله چلیک نظر دقتی جلب ایتمش، نشانجیسی اولمش، شهزاده وفات ایدنجه ینه پادشاه مشار الیهک مخدوملردن شهزاده محموده نشانجی اولمش، اونکده ارتحالی اوزرینه در سعادته کلهرک باقی عمرینی نزد بایزید خانیده امرار ایتشدر.

ادبیات عثمانیهده حصوله کتیردیگی انقلاب شعره فکری ادخال ایتمه سیدر. «ضروب امثاله متفرد ومخترع» ایدی، «سوزک اول روحک اول بولمشدر.» [۱] فی الحقیقه سلطان بایزید زمانی بر عصر فکر وحکمت ایدی، علما ادوار سابقه دن زیاده پادشاه مشار الیهک دورنده التفاته مظهر اولمشدی. دهها صوکره بویوک جدالدرک معاقبی اولمق اوزره آز چوق بر دور سکون کلشیدی، پادشاه جدالجو، جنکجو دکادی. بناءً علیه شو اسباب، شعرده فکری، حکمتی آرامه بی منتج اولمشدی. نجاتی بونی تأمین ایتدیگی جهته سربیع، آتی بر شهرته مالک اولدی. «نکته شناسان علوم وقنون مثل کویلیکی جهندن اجماع واتفاق اوزره آکا طوسی روم وملك الشعرا دیمشدر. وتواریخ آل عثمانده سلطان محمود بن بایزید وصفنده مولانا ادریس بوقدر ابوالفضل صاحب تدریس ایکن مرقومه «خسرو روم وصاحب طرز ورسوم» دیوب تعظیماً بوییتی مناسبتله حقنده بیله یازمشدر:

«سلطان سخن وران عالم

«دردین سخن ورست خاتم.» [۲]

موجود در. لطیفی افندی مومی الیهک حقنده شو معلوماتی ویریور.
 « و مرحوم مرقومك اسمی عیسی در ، بعضیلری اسمی نوحدر ،
 نجاتی تخلص ایتمکه وجه مناسبت واسمه تخلص بیننده مطابقت بودر
 دیرلر . اما بوکینه کمتر مرحوم مذبورك خط دستيله بوییتی کوردم.
 وحضور شریفلرینه ملاقی اولان عزیزلردن بووجهله ایشتم ، که
 بر کون بر جمع عالیده زمره موالی واهالی سلطان الشعرا احمدپاشانك
 بوییتی اوقوندقده ایکی طرف اولورلر وهر طرفی بر جانبه نسبت
 قیلورلر :

« دستخی کسهك قالور دامان لطفکده الک
 « دامنك کسهك قالور دستمه لطفك دامنی »

وبری دخی بومعنائی متضمن نجاتینك بوییتی اوقور :

« شویله محکم طوتهین عشقه دلدار اتکن
 « به الم قطی ایده لر یا کسه لر یار اتکن . »

ارباب مجلسدن بر طاقی مرقومی احمد پاشادن فن شعرده تفضیل
 و ترجیح ایتدکده اتفاق نجاتی دخی اول مجلسه حیقہ کلور. مذکور
 نجاتی بك کمال افصانندن تنزل و تذلل کوستروب سابق الذکرک مزیت
 وفضلنه بوییت ایله اقرار و اعتراف ایتشد .

« نجاتینك دیریسندن اولوسی احمدك یکدر
 « که عیسی کوکلره آغسه ینه دم اورر احمددن . »

بوییت ایله اسم شریفلری عیسی اولدیغنی تصریح و غیر مبهمات
 وشبهاتی دخی تمیز تصحیح ایتدیلر .

فاتح سلطان محمد زماننه یتشمش اولوب مشار الیه نامنه بر قاچ

أك كوزلرندن منتخب خلایق وکوله لر کوندرمش ، اون سکرز آی
صوکره مصر سلطانی تبعه سنک نقرتی نتیجه سی قتل اولنتیجه سلطان
بایزید سلطان جمک باش نشانجیسی حیدر چلبی واسطه سیله استانبوله
ایسته تمش ، مصرده بر باشقه پرنسه موعود ایکن ازدواج بوزولمش ،
آنا طولی بکاربکی سنان پاشایه تزویج ایدلمشدر . حیدر چلبی شهرزاده نك
دیگر قیزی ، زوجه سنی ده آلمش ، استانبوله کتیرمشدر . شجیع ،
صادق والده سنک اسمی کبی نه اولدیغی ده معلوم دکلدرد .

۱۱

نجائی . — لسان اعتباریله دکلسه ده حرکت فکریه وحسیه
اعتباریله بویوک بر انقلاب ادبی حصوله کتیرن شعراندرد . نجائی
مهندیدر ، بر حربده اسیر دوشمش ، ادرنه لی بر قادینه کوله اولمشدی .
بوندن طولاییدر ، که لطیفی افندی تذکره سنده «عبدالله اوغلیدر» دیر .
بو قادیندن سائل نامنده بر شاعر آله رق او قوتدیرمش ، یازدیرمشدر .
دیلمک ، که نجائی ایلک تربیه فکریه وحسیه یی بوشاعرک محیطندن
اخذ ایتمشدر . اما کمال ظهوری قسطمونیده واقع اولغین تحریر ایتدیکی
رسائلده کندوی بلده مزبوره نسبت ایتمشدر . « [۱] وطن جدالحق
اونی بز وطن تحریسنه مجبور ایتمش ، شعر وشاعرک پک زیاده قیمتدار
اولدیغی بودیاری وطن تلقی ایتمش ونجالتینک انکشاف وترقیسی ایچون
قسطمونی پک بویوک بر عامل اولمشدر .

اصل اسمی نك عیسی ویا نوح اولدیغی خصوصنده اختلاف

اهل اسلامه مضر تصورلرینه بنی آلت ایتمک ایسته یورلرسه دها زیاده
یاشتمه ؛ روحی بر آن اول حضور سرمدیتکه آل « [۱]

جنارزه سنی شارل صاقلامق ایسته مشسه ده موفق اوله مامش، تحنیط
ایتدیره رك غاشده دفن ایتمش، جلال و آياس بککر قبرینی محافظه
ایتمش، سنان بك پادشاهه خبر ویرمه یه کیتمش، فرانسه قرالی
خطیب زاده نصوح بك واسطه سیله متروکاتی مصرده بولنان والدہ سنه
کوندرمش ایسه ده نصوحك عدم صداقتندن طولانی سفینه مصره
دکل، استانبوله یاناشمش در. پادشاه وفاتی خبر آلیر آلماز، جنارزه سنی
ایسته تمش، کلیبولی یه حیقارته رق بروسه یه نقل ایتدیرمش، آدملرینک
هپسینی عفو ایتمش، التفاتلره غرق ایله مش در. یالکز سعدی جم
اولجه بر مأموریت خفیه ایله استانبوله کلیرکن آیدینده یاقالانه رق
بوغازینه طاش باغلانمش، دکزه آیلشمش، شهزاده نك دیوانی بونك
متروکاتی میانندن چیقمش، بزه قدر انتقال ایله مشدر.

اولادندن اوغوز خانك نه اولدیغی معلوم دكلسه ده دیگر اوغلی
مراده کنبجه پدرینک وفاتندن صوکره ردوسه التجا ایتمش، اوراده
کندینه بر سرای تخصیص ایدلمش، سلیمان قانونی طرفندن
ردوسك فتحی اولان بیک بش یوز یکر می ایکی سنه میلادی سنه قدر
یاشامش، فتحدن صوکره اراده پادشاهی ایله بوغدیرلمشدر.

بویوک قیزینه کنبجه وفاتنک ایکنجی سنه سنده قایتبایدن صوکره
مصر سلطانی اولان ملک الناصره نکاحلانش، سلطان بایزید
نکاهی طویارطویماز برچوق هدایای نفیسه ایله پولونیا اسیرواسیره لرینک

« کوروب قالیونه کیتدک فوجیدن قوقش صولر ایچدک
 « غدامز پکسمات، زیتون ایدی قصب الحیب آنجق
 « قارایه ایندی قالیون طشره چیقدک قلهیه کیردک
 « اولومه راضی اولدق صاقلادی حی مجیب آنجق
 « قالوب پڑمرده قاچ ییل پاپایه تسلیم ایدوب دشمن
 « آلوب کیتدی بزى سرهنک ارباب صلیب آنجق
 « بدون سمتینه صاتق ایستدی ریم پاپا قهر ایله
 « که تحصیل ایدینه اسلامدن مال وکسیب آنجق
 « صاقتدم دین اسلاى واصلا اولدم راضی
 « ایدرمی اهل حق قصدین خرد مندلیب آنجق»

کبی حساسیت و مخیله نك معاوتتدن ازاده سوزلر یازمیشدر. بواسارت
 بویوک برتورک پادشاهنی خراب ایتدیکی کبی بویوک برتورک شاعرینی ده
 بیتیرمیشدر .

پاپا طرفندن زهرلندیکی حقنده عثمانلی مورخلریله ، فرانسزلرک
 روایاتی بر برینه تطابق ایتمکدهدر ، برروایتہ نظراً زهرلی اوسطوره
 ایله دیگر روایتہ نظرآده هر صباح یمکده اولدیغی شکره زهرلی توز
 اکمک صورتیله اولدیرلمشدر . وفاتی آتده یازیلان طیب راپورلرینه
 باقیله جق اولورسه شدتلی بر نزلہ صدریه طولایسیسیله عالم عقبایه
 رحلت ایتمشدر [۱] .

سلطان جمک صوک سوزلری شونلردر : « یارب ! دین دشمنلری

[۱] بو خصوصده فضله معلومات آلق ایسته یئرلر موسیو «توآن» ک جم سلطانک
 سرگذشتی و حیاتی نامنده کی اثر کبیرینک اوچ یوز آلتیش اوچنجی و دردنچی
 صحیفه لرینه مراجعت ایتسونلر .

- « قارشوکه بان زاده لر ال قاووشوب قارشو طورر
 « بزمکاهک جنت الماوی یرک بوستاندر
 « یدی ییلق قاینامش صافی شراب لعل وناب
 « سابق سیمین النده هرطرف زنداندر
 « بونلر ایله ای جوان شهزاده سلطان جم سکا
 « برکیجه ذوق ایلمک هرشیلره رجانددر
 « خسروا کوکلنگی خوش طوت عیشه مشغول اولمدم
 « چونکه بودنیا اونک آخری ویرانددر
 « حکم ایده نلر بوجهان ملکینه شرق و غربدن
 « کر سلیمان کرسکندر جمله سی مهمانددر
 « پادشاه اولدرکه هرکز ذاته ایرمز زوال
 « صاحب باقی قادر و خلاق انس وجانددر
 « عالمی بر امر ایله وار ایلمک حکمنده در .
 « ینه بر امر ایله یوغ ایتک اکا آساندر
 « ویر صلاتی مصطفییه تا که حق آزاد ایده
 « شول یکیدلر کیم فرنکده بند ایله زنداندر
 « یوری وار ای بایزید سن سوره کور دورانکی
 « سلطنت باقی قالور دیرلرسه بو یالاندر »
- کبی نفیس قصیده لر ترتیب ایدرکن اون ایکی سنه لک بر اسارت
 اونی بتیرمش ، والده سنه یازدینی مکتوبده بوقوت شاعریتی کوستره
 مه مشدر .

- « بلایه مبتلا اولدق ردوسک خیله سن آتکه
 « بودرده چاره بولماز عیسویدن بیک طیب آنجق
 « فرانجه یه اولوب طالب آنک دفعنه سی ایتدک
 « یاپدی یدی قات برقله پولیا یه قریب آنجق

- » سرو قدسیمین بدن محبوب افرنگ پک کوزل
 » آی ایله کون حسنک عشقنده سرگرداندر
- » ساکه بو حسن ایله ای شهزاده ساغر صوندیغی
 » تحت چین ملک عین ایران ایله توراندر
- » پادشاهلق بوندن اوزکه اوله من شهزاده جم
 » خاطرك خوش ایله جام ایچ مجلس رنداندر
- » منت اول اللهه کیم طاپوکه دائم خسروا
 » خوبلر بان اوغلی بانلر لطفکه حیراندر
- » صاغلو صوللو باش اوروب آياغکه دوشنلرك
 » هر بری ملک فرنگک برینه بریاندر
- » چالینور چنک ودف ایله ارغنون قانون مثال
 » فی غربوندن فرنکجه سربسر افغاندر
- » خوبلر کندی دیلتجه نغمه لر آغاز ایدهر
 » رقص ایله رقتار ایدنلر حوریدر غلماندر
- » اون ایکی بان اوغلی بان قارشو کده آلتون جام چکر
 » اون سکز ساقی بو مجلسده کوزل دوراندر
- » جمله سی زرین کمر آلتونلی دیبالر ایله
 » باشلری زرین کلاه هم قوللری عریاندر
- » شهد ایله سکر نبات قند ایله خرما ی تر
 » نقل ایچون انواع نعمتلر بیله چنداندر
- » سکری سود ایله یوغورلش سمیددن کلچه لر
 » تازه بادملر آنک اوستنده کیم ارکاندر
- » الما وار امرود و نارنج و طورنجلر یی حساب
 » فندق و قیسی و عناب و چیچک ریحاندر

- « یوزوکی کورن والہ اولوب دیرکہ کولدن
 « بونہ حسندرکہ تقدس وتعالی
 « هر صبح آچار روزن خورشیدینی کردون
 « سنک کوتی قیلغه ای دوست تماشا
 « آی یوزوکه کر آینه دار اولسه یاراشماز
 « زیرا کہ دکل آینه سی پاک و مجلا
 « صور دقجه دهانک نوله حشم ایتسه کوزک
 « می اوزره قیلور مست اولان یوق بره غوغا »

کی حقیقه شعرله مالا مال سوز سویلرکن ، نيسده بوتون التفاتلره
 مظهر اولدیغی زمانده ده : [۱]

- « جام جم نوش ایله ای جم بوفر نکستاندر
 « هر قولک باشنه یازیلان کلور دوراندر
 « کعبه اللهه واروب برکز طواف ایلدیکک
 « بیک قرمان بیک عجم بیک مملکت عثماندر
 « چوق شکر اللهه کیم کلدک فر نکستانه صاغ
 « صاغلغجه هرکشی نفسنجه بر سلطاندر .
 « فرصتی فوت ایلمه عیش ایله سور ذوق وصفا
 « کیمسه یه باقی دکل دوران بودنیا فاندر
 « عیش قیل بوشهرده شهزاده افرنک ایله
 « کیم بغایت نازنین و سرور خوباندر

[۱] «مرحومی درت آی قدر اکلندیر دیلر . شهرک با کره محبوبه لرین
 کتوروب خروس ده پرلردی . » [سلطان جم حقنده تاریخ عثمانی انجمنی
 مجموعه سنده کی واقعات جم تاریخندن] آکلاشیلیورکه سلطان جم یالکز
 نيس شهرنده اکله نمشدز .

قابو شاتوسنه کوتوردیلر ، شهزاده حیاتنک صوگ دقیقه لرنده بولندیغی ادراک ایله برادرینه بر طاقم وصیتلرده بولندی ، کنديسنک صادق رفیقلرینی عفو ایتمه سنی ، عائله سنی محافظه ایله مه سنی ، جنازه سنی دین دشمنلری النده برافقه مسنی استرحام ایدييوردي . نهایت خسته لق اوقدر تاثیر ایتدی ، که شهزاده دوشونه من ، آکلایه من اولدی . والده سندن کلن بر مکتوبی اوقودیلر ، آکلامادی . دوداقلرنده کلمه شهادت ، ۱۴۹۴ سنه سی شباطنک یکرمی بشنجی چهارشنبه کونی « شاتودوقابو » ده کوزلرینی عالم فانی یه قاپاتدی . حین وفاتنده اوتوز بش یاشنده بولینیوردی . سلطان جم رفاه وسکون ایچنده بولندیغی زمان شاعر اولمق اوزره بزه پک کوزل اثرلر وجوده کتیر مشدر ، اساساً اونک حساسیتی آنجق پدرینک حساسیتی کبی حرب وجدال ، دبدبه ودارات ، خلاصه سربستی تام ایچنده فعالیتنی کوستره بیلیر بر حساسیتدر . بعض کیمسه لر املرله ، فلاکتلرله جانلی آثار وجوده کتیریرلر ، بعضیلری ده اثر وجوده کتیره بیلیمک ایچون بر نشئه ، بر رفاه ، بر سکون ، بر سربستی جدال آرارلر . بناءً علیه جمک اک آئی ، اک نفیس اثرلری بنلکنه ، موجودیتنه صاحب اولدیغی دقیقه لرده وجوده کلشدر . حیات اسارت اونک موجودیتنی زده ده لیدیگی کبی حساسیتنی ، شاعریتنی ده زده ده لیه مشدر . هله بر قله داخلنده سنه لرجه محبوسیت ، هرشیدن محرومیت اونی بوسبوتون بتیرمش ، اولدیر مشدر .

شهزاده لکنده

« اولدی یوزوگک بر قی اول زلف سمنسا

« سبحان قدیراً جعل اللیل لباسا

ايسهده عقيم قالمشدر. سلطان جم روماده قالدینی مدتجه سیاسیات عالمی هپ اونکله مشغول ایدی ، هر دولت اوندن استفاده ایتک چاره لرینی دوشونیوردی .

جم عالم اسلامک اوزاقدن اوزاغه روماده ماتملرینه اشتراك ایدیودی : اندلس امویلرینک صوڪ شهری اولان غرانا دانك اسپانیولر طرفندن ضبطی خبری رومایه واصل اولدینی کون فوق العاده مأیوس اولمش ، اجرا ایدیلن شنلکبر صوڪ درجه عصیله شمسینی مؤدی اولمشدر .

سکزنجی اینوسانک وفاتی اوزرینه قاریشیققدن قورقیله رق شهزاده و اتیقانده کی دائره سندن آلدی ، سنت آنژ شاتوسنه نقل اولندی ، صیقی بر محافظه آلتنه قوندی ، قاردینال رودوریک بورژیانک الکساندر نامیله پاپالق مقامنه کتیرله سی سلطان جمک اسارتی آز چوق تخفیف ایتدی ، پاپانک اون طقوز یاشلرنده بولنان اوغلی « دوق دوغاندی » ایله آرهلرنده بر محبت و و داد تأسس ایتمش ، بونک طولانیسیله پاپا ایله کز مهیه چیقمهیه ، بعض ضیافتلره واکلنجه لره کیتمهیه باشلامشدری . فقط فرانسه قرالی سکزنجی شارل بو حیاتی بوزمشدی ، بویوک بر اهل صلیب ایله ممالک عثمانیه یورومک ایچون جمی ایسته مش ، پاپاده ویرمک ایسته مه مشدی ، اردوسییه رومایه یورودی رومایه کیردی ، واقع اولان بر ائتلاف اوزرینه شهزاده بی آلدی ، ناپولی قرالغنه طوغری برابرجه یورومهیه باشلادی .

یولده خسته لمشدی ، فقط مرضه مقاومت ایدیور ، یا تاغه یا تما یوردی ، قاپوشهرینه کیرلدیکی زمان آیا قده طوره حق کبی دکلدی . دهشتلی بر حرارتله یانیور ، قاورولیور شدتلی حرارتلری باغینلقلر تعقیب ایدیوردی ،

تختك مردیونلرینی چیقیدی، کندی اقرانی ایش کبی پاپانک
 صاغ قوتنك اوموز باشندن اوپدی. کوروشمکدن متولد محظوظیتینی
 بیان ایتدکدن، پاپانک سوزلرینی دیکله دکن صکره کندیسندن خصوصی
 بر ملاقات طلب ایتدی. بو ملاقاتده شهزاده پاپا سکزننجی اینوسانه
 باشنه کلنلردن، عااله سنك حالندن بحث ایتمش، اختیاری آغلانمشدی.
 جمك مغویاتنه بو اوزون اسارتندن ضعف طاری اولقله برابر
 دیتنه وغرور شخصیسنه قطعياً خلل کله مشدی، صوك زمانلرده
 چوق سیکیرلی ایدی، نزدنده کی آغالر شهزاده نك حالندن بیزار
 ایدیلر. دنيله بیلیر، که بو حال عصبي غرورینی، شدتی تزیید ایتمشدر.
 پاپانک محارستان قرالنه التحاق ایله عثمانلیرله محاربه ایتمسی تکلیفنه
 قارشو کافرلرله برابر مسلمانلره قارشو محاربه ایتنه نك پك زیاده
 مربوط اولدیغی اجدادینك دینی انکار ایتك اوله جفی مآلنده جواب
 ویرمشدر.، پاپا سکزننجی اینوسان فوق العاده حدتله نهرك باشنی
 چویرمش، پرنسك بوسوزلرینه حیرت ایتمه دیکنی، اوندن ذاتاً باشقه
 برشی بکله نه مهیه جکینی بیان ایتمش، شهزاده ده:

— سزه تسلیم اولق اولان ضعفنده بولنان برکیمسه یه قارشو حدتله نه مهیه
 حقکز واردر سوزلرله مقابله ایتمشدر.

غروری اوقدر شدتله نمشدی که پاپایه کوندریلن سفیر مصطفی بکی
 بر تخته اوطوردقن صکره پادشاهلره پاییلان تعظیاتی ایفایتمك شرطیله
 قبول ایده جکینی بیان ایتمش، بر پادشاه کبی قبول ایله مش، سفیره
 اوصورتله معامله ده بولنمشدر. زوماده ایکن شهزاده یی اولدیرمك
 ابچون كرك ناپولیده، كرك استانبولده بعض تشبثات واقع اولمش

سلطان جم قله سنده اوطوریرکن فرانسه پایتختی سفیرلرله مالامال ، بازارقله مشخون ایدی . مجارستان قرالی ، ونديک جمهوریتی پاپا سلطان بایزید سفیرلر کوندرمشلردی ، سلطان بایزیدک کوندردیکی سفیرک اسمی آنتونیو روریقو ایدی . هپسی شهزاده یی ایسته یورلر ، یالکز عثمانلی سفیری فرانسه ده قالمه سنی طلب ایله یور ، قیمتدار هدایا تقدیم ایدیوردی . پاپادن ماعدا بوتون دولترک تشبثاتی عقیم قالدی فرانسه حکومتی ده متردد ایدی ، جم بورغانوف قله سندن تولونه طوغری چیقارلینی حالده ینه شوالیه لرک ، پاپانک مأمورلری ایچون موفقیته اعتماد یوقدی ، تولونده آلتی کون بکله نیلکدن صکره مساعد برهوا کوریلور کورولمز شهزاده یی بکله ین کمی به بندیردیله ، دکزه آچلیدیله . حالبوکه فرانسه سرای محافل عثمانلی سفیریه بازارلغه کیرشمش ، جمی براز دها بکله تمک امرینی حامل برذاتی یوله چیقارمشدی ؛ شوالیه لر استعجال ایتمه مش اولسه یدیله پاپا شهزاده یه مالک اوله مایه جقدی .

یدی سنه یی متجاوز بر مدت فرانسه ده کی اسارتی شهزاده نک صحتنی آلت اوست ایتمش ، اونو بدین ، یأسناک برحاله قویمش ، اونو عشرته آلیشدرمشدی .

رومایه دبده ایله ، طنطنه ایله کیردی ، دخولی کونی قایتبایک سفیریه کوروشدی ، کنديسنه ده واتیقانده ایمراطورلره مخصوص دائرة تخصیص ایدلدی . پاپانک حضورینه کیدرکن تشریفاتچینک تورک پادشاهلری حضورینه کیریشیرکن یایلمه سی لازم کلن احتراماتده قصور اولمه سی حقنده کی اخطاراته رغماً سلطان جم نه دیز چوکدی ، نه ده یردن سلام ویردی ، حس اولمیه جق درجه ده باشنی اکدی ،

فقط ضابطلردن بری سرخوش اوله رق ایش میدانہ چیقدی ،
 شوالیهلرک قابودانی شهزاده نك بوتون اتباعی اولدیرمه یه قرار ویردی
 ایسه ده فرانسه قرالندن قورقدینی ایچون یاپامادی ، فقط محرك صفتیه سنان
 یکی یاقالادیلر اعدامه محکوم ایتدیلر ، سلطان جم اللرندن کوجلکله
 قورتاردی . فرار تشبثی عقیم قالدجه شهزاده یه یأس طاری اولدی :
 « مأیوسیتنی غرور ایله محافظلرینه کوسترمک ایسته مه مسنه پناء ساکت
 ووقورطورییور ، سکونتک اضطراباتنی قرأئله اولدیریوردی . یالکز
 کچمز ساعتلرینی اولدیرمک ایچون شطرنج اوینامه یه بر میمون
 آلدیرمش ، بر پاپاغانه سوز سویله مه یی اوکرتمشدی . بوتون بو
 فلاکتلرینی بزه قدر کلن منظومه لر یله نقل و تثبته چالیشیوردی . » [۱]

« اول دم قتی که کعبه کویک مکان ایدی

« آرامگاهی کوکلک اول آستان ایدی

« اول دم قتی که سبزله رین نازه طومتفه

« اول کلستانده یاشلرم آب روان ایدی

« اول دم قتی که سایه پرهما کی

« ظل ظلیل کرد رهک سایان ایدی

« اول دم قتی که مرغ دله آستانکک

« هر گوشه مشرقی برآشیان ایدی

« اول دم قتی که صحن سرای سرورکه

« هر دم قوافل دل وجان میهمان ایدی

« اول دم قتی که مسکن ایدی ایشک جه

« حیف که کچدی بیلمدک اول خوش زمان ایدی . »

صرفیه بر قوله یاپدیدیلر ، مصرفی استاد اعظم یاپدی ، بو « یدی قاتدن عبارت اولوب حلزونی بر مردیونله هرقاته چیقیلیوردی . زمین قاتی کیلارجیلره ، برنجی قات جمک اتباع وضابطانه ، دردنجی قات شهزادهیه ، بشنجی ضابطانک دیکرلرینه ، صوگ ایکی قات محافظهیه مأمور شووالیهلره ، وراهبره تخصیص ایدلمشدی . » [۱] بو قله جم قلهسی نامیله مشهوردر . بونک اطرافه دیوارلر چکیلمش ، هردرلو تصورات فرار ، وخارجدن تجاوز بو صورتله قاپاتیلشمشدی . بوراده ایکی دفعه سلطان جم قاجیریلحق ایسته نیلمشدهده عدم موفقیتله قارشولاشمشدر .

دوق ژان دونک نزدینه کیدن حسین بک اورادن بر نتیجهیه دسترس اولهمنجه برقاچ صادق دوستیله بورغانوفه کلدی ، فقط قلعهیه یاناشمق غیر ممکندی ، مساعدبر زمان بکلهیه رک قلعه خارچنده انتظاره قویولدی ، او ائنده ردوسدن دوبوسونک مکتوبنی کتیرن آياس وسان بکلره ، وبونلری قارشولامهیه کلن جلال بکه تصادف ایتدی بونلره قلعه قبولرینی آچق ایچون میمونجقلرتودیعی ایتدی ، او آتلیری حاضرلامش ، دوق ژان دوبوربوندن آلمش اولدینی یکرمی بیسک فراتیق نزدنده بولندینی حالده قلعه نك خارچنده اونلری بکلهیه جکدی . تصور فرارشهزادهیه آچیلدی ، فرارکونی سلطان جم وضابطلری برمعتاد اون ایکی محافظک نظارتی آئنده کزومهیه چیقاجقلر ، یولده اوزرلرینه هجوم ایله اولدیره جکلر ، وصرکه قبولری آچهرق حسین بکه التحاق ایده جکلردی .

« با که یوز طوتدی سعادت بوکیجه

« چون بو برجه اول مه تابان کلیر

« دلدن ای جم اول پری رخ یولنه

« بیشکش جان ویرکه خوش مهمان کلیر . »

« کبی بونی ایما ایده جک سوزلره تصادف » [۱] اولمقدمه در .

نویز بارون ژاق دوساسناژ کریمه لرندن بری ایدی . «سیاسی بیضی ،
آغزی کوچک ، کوزلری درین وچقور ایدی . جم بو کوزل قادینه
قارشو بر انجذاب طویدی ، قادین ده یرنسک بوتافتانه قارشو لاقید
قالمادی ، فقط مسئله بو حدودی قطعاً کچمه دی » [۲] فقط بو ادعایی
سعدالدین افندی تاریخی تکذیب ایتمکده ، معاشعه ، مکاتبه یه قدر
ایلرله مشدر ادعاسنده بولمقدمه در .

بوراده ایکی آی قالدقن صکره یه سیاحت باشلادی ، آرقداشلرندن
جلال بک خسته اولدینی محل بولنان مونته یده قالدی . جم مورته ره لودها
صکره بوداسلامی قلعه سنه حبس ایدلدی ، و بوراده فرار تصور اتنده
بولندی . صوفی حسین بکی فرنک قیافتیله بوربون عائله سندن «دوق ژان دو» یه
کوندردی ، فرانسه داخلنده ، قرالیچه « دام دوبوژو » یه قیزغین
اولمسی مناسبتیله ، اختلال حیقار مق نیتنده بولنان بوذات ایله واقع اولان
مکالمات بر نتیجه یه اقتران ایده مدی . بوداسلامی ده ایکی سنه قالدی .
آوروپا سیاستک جم اوزرینه دیکیلن نظرلری شوالیه لری کوزلرینی
آچمشدی ، جم حقنده کی تقیدات و نظارت کیتدکجه تزاید ایدیوردی ،
باخصوص شهزاده یی زهرله مه یه کلن ایکی کشینک توقیفی و بونلری
اعترافی تقیداتی تزید ایتمشدی . بورغانوفده اوچ بیک بشیوز التون

[۱] تاریخ ادبیات : فائق رشاد بک .

[۲] توآنک جم سلطانک سرگذشتی و حیاتی : صحیفه ۱۱۰

ترتیب ایدرم دیه شوالیه لک الندن زورایله آلدی ، بر فرنک قیافتنه قویه رق رومایه قاچیردی . آدملرینه تعرضک برنجیسی بودر . او ائنده نیس جوارینی وبا آلت اوست ایدیوردی ، جمی فرانسه نک ایچرولرینه کوتورمک اقتضا ایتدی ، دوق دو ساووانک پایتختنه کیرلدی ، فقط بک اوراده یوق ایدی . دایسی بولسان اون برنجی لوئی زیارته کیتمشدی ، شوالیه لراوردن جمی قالدیردیلر ، روسیونه قلعه سنه کوتوردیلر واوراده دوق دو ساووا ایله کوروشدی سعدالدین بو ملاقات حقنده شویله دیور : « هنوز اون درت یاشنده ، افسری باشنده ، بر سرو آزاده وچهره کلاکونی هم رنک باده ایدی . خیال شکل موزونی شهزاده محزونی نشمین ایدنمکین شامده الی فیلوریه آلمش بر دمشق چوماق کوندردی . « دوق جمک حالته فوق العاده آجیمش ، کندیسنی قاچیرمه یی وعد ایتمشدی . بو ائنده قرال اون برنجی لوئی وفات ایتمش اولغله شهزاده یی قاریشیقعلق اولور بهانه سینله یکرمی طقوز آدمندن آیردیلر .

آرتق سلطان جمی قلعه قلعه طولاشدیریورلردی . او ائنده حسین بک نامنده بر ذات سلطان بایزید طرفندن فرانسه یه سفیر کوندرلمشدی . سلطان جم برادرینک سفیرله کوروشمک ایستدی . موفق اوله مادی ، مونته دیده ساسناژ شاتوسنده « فیلیپین هلن » نامنده برقادینه تصادف ایتدی . بوکا قارشو روحنده بر انجذاب طویدی ، غزلیاتی آره سنده ، مثلا :

« مژده ای جان کیم ینه جانان کلیر »

« شاد اول ای تن اولمش ایکن جان کلیر »

ييقانيور ، دکزه کيریور ، یوزیور ، آچیق یرلرده اویقوسنی
اویوییور ، طاعات و عباداتی یاییور ، شاعرلریله کوروشیور ،
شعرلر یازیور ، فقط ینه صیقیلیوردی .

جک فرانسهده کندی مالکانه لرنده قولایقله حفظ ایدیه جکنی
دوشون ردوس استاد اعظمی دوبوسون شهزاده یی فرانسه یه کوندرمه
قرار ویردی . ۷۸۸ سنه سی شعبانک اون سکزنجی کونی یوله چیقاردی .
کمی فورطنلره اوغرادی ، استانکویه یناشدی ، سینایاده ذخیره
ایچون توقف ایتدی ، سلطان جک اتنا یانار طاعی فوق العاده
خوشنه کیتدی ، بر کیجه کورتهده مشعلرله یمک ییدورلردی .
آز قالدی ، شهزاده نابولی قرالینک کیمیری الیه دوشه جکدی .
کوکرتهدن اتباعیله برابر انباره ایندیرلدی ، آلتی هفته سیاحتدن
صوکره نیسه وصول میسر اولدی . سعدالدینک دیدیکی کبی «خوبلری
چوق ، باغچهلرینک حسابی یوق ، بر خوشماشهر ، اولان نیس سلطان
جیمک پک زیاده خوشنه کیتدی ، حتی شهر ایچون شویبتی سویله مشدر :

« عجائب شهر ایش بوشهر نیتسه

» که قالور بانه هرکش نیتسه »

فقط اونک نظری نه خوبلرده ، نهده باغچهلرده ایدی ، اوروم ایلییه
دونمک ایسته یوردی ، بونی شوالیهلره آجدی ، اولنر فرانسه طور اغنده
بولندیغنی ، فرانسه قرالک اذنی اوله نیجه بر یره کیدیه مه جکنی ،
پارسه برسفیر کوندرلمسی لزومنی بیان ایتدیلر . خطیب زاده نصوح
چلبی یی سفیر تعین ایتدی . برقاق منزل کیدر کیتمز ، مومی الیه
کوز حبسنه الندی ، توقیف ایدلدی ، بوصورتله جک درت آبی
سفیرک عودتنه انتظارله کچدی . بو ائنده مهتدی سلیمانی جزئی بر بهانه
ایله لسانه آشنادر دییه اورتهدن قالدیرمق ایستدیلر ، جم جزاسنی بن

جوابی ویردی ، و قدسه کیدوب تکرار اوطورمه سنی تکلیف
 ایتدی ، بوجواب اوزرینه سلطان جم کندیسنه بر التجاکاه آرادی:
 قاسم بکک رأیله روم ایلی جانبنه کچوب اختلال چیقارمق اوزره
 ردوس استاد اعظمی دوبوسونه التجایه قرار ویردی، و مهتدی
 سلیمانی هدایا ایله سفیر کوندردی ، کندیسیده کیلیکیا جوارنده
 قوریکوس لیمانده بر قره مان کیسنه را کب اوله رق کله جک جوابه
 انتظار ایتدی ، سفیر انامور آچیققرنده بر دونما ایله کوروندی ،
 شهزاده نك کیسنه کله رک ردوسیلرک کندیسینی قبول ایتدیکنی ،
 مع مافیه اورایه کیتمکدن ، اولره اسیر اولمقدنسه مصره کیتمه نك
 دها آئی اوله جغنی بیان ایتدی . فقط شهزاده یورغوندی ، معناً
 بیتکیندی ، دوشونه جک حالد دکلدی ، دیکله مه دی ، ردوسه
 التجایی ترجیح ایتدی ، آمیرال کیسنه بیندی . ردوسده شهزاده یی
 استقبال ایچون استحضارات مکمله ده بولنیلیمشدی . قایغه بینمه دن،
 طوغریدن طوغری یه قره یه چیقه بیلیمسی ایچون اوزون بر اسکله
 یاپیلیمشدی . بونک اوزرنده کرک کندیسنه وکرک اتباعنه مخصوص
 سوسلی آتله ، وردوس اکابر مأمورینی، وقرده اهالی بکله یوردی،
 شهزاده کمیدن آتله بینهرک قره یه چیقدی ، قسطنطنیه فاتحی نك اوغلی
 اوزرینه ردوس خلقی چیچکلر سرپیوردی . استاد اعظم دوبوسون
 « پالهدوفرانسی » مشار الیه اقامتگاه اولمق اوزره تعیین ایتیمشدی .
 ردوسه کلدکدن صوکره جمده بر وجدان عذابی باشلادی ، پدرینک
 ودینک دشمنلرینه التجا ایتیمسی اوکا آغیر کلییوردی . واقعا عاداتندن
 هیچ بر شیئی بوزمه مشدی ، صباحلری صبحاق و صوئوق صو ایله

کندی سرایلرندن برینی اوکا تخصیص ایتدی . درت آی قاهرده
 قالدقن صوکره مکیه ایفای حجه کیتدی ، وصولندن اوچ هفته
 اول جامع کیر بر ییلدیرم ضربه سیله یانمش اولغله مکه خلقنی یأس
 وماتم ایچنده بولدی ، مع مافیه شهزاده نك وصولی خلق ایچون بویوک
 بر تسلی وساکون اولدی ، هرکس اونك اطرافنه طویلانیور ،
 اونك آجیلرینی اونوتدیرمه یه چالیشیوردی [۱] طقسان بر کون
 صوکره قاهره یه عودت ایتدی ، قایتبای نافله یره ایکی قارداشی
 بارشدیرمه یه چالشدی ، سلطان بایزید قدسده اوطور مق شرطیله هر سنه مهم
 بر مبلغ ویره جکنی سویله یوردی . بلکه سلطان جم بوکاراضی اوله جقدی .
 فقط قره مان زاده قاسم بك ، پدرینك یکیچری آغاسی محمود ، وبر
 چوق سنجاق بکلری زمین وزمانك مساعد اولدیغی ملاحظه سیله
 تکرار آناتولی یه دعوت ایتدیلر ، قاهره دن قالقدی ، حلبه کلدی ،
 اورادن آتیه یه کلدی ، عسکرینی طویلادی ، قونیه یه یوردی ،
 محاصره ایتدی ، شهر مقاومت ایتمکله محاصره یی رفع ایله آنقره
 اوزرینه یوردی ، پادشاهك ورودی خبریله اردوسی طاغلدی ،
 طاش ایلنه قاچدی ، سلطان بایزید سکبان باشینی کوندره رك جدن
 ایلچی ایسته دی ، لالاسنی ، دفتردارینی کوندردی ، آناتولینك بعض
 ایالاتی طلب ایتدی وپادشاه :

— کشور روم بر سر پوشیده بر عروس پر ناموسدر ، که
 ایکی داماد خطبه سنه تاب کتیرمز ، و مشارکت قهرین کوتورمز [۲] .

[۱] توآنك جم سلطانك سرکنشتی و حیاتی : صحیفه ، ۴۸

[۲] سعدالدین

بك شهزاده بی محافظه ایچون کینه کنی ویردی ، بر هفته ده قونیه
 واصل اولدیلر ، یدی کون صوکره والدسی وحرمله برابر مصره
 متوجهاً حرکت ایتدی . یول پک تهلکه لی ایدی ، تعقیبات پک
 شدتلی ایدی؛ بر چوق یرلرده پاره و مال ویرمکه جانی، وعائله سنک
 جانی قورتاردی . نهایت طرسوسه کله رک رمضان اوغللرینه التجا
 ایتدی . آطنه ده شاننه لایق تعظیاته مظهر اولدیغی کبی مصرک شام
 وحلب بکلری ده پک چوق التفات ایتدیلر . شامده قصر ابلقده
 یدی هفته قالدی ، قدسی زیارت ایتدی ، ایرادن قاهره یه واصل
 اولدی . جمک مغلوبیتنه بوتون هرکس آغلا یوردی؛ اونک استقامتنه ،
 شجاعتنه ، قوتنه هرکس مفتون بولینیوردی .

سلطان بازیدک اوزرینه یورودیکی زمان کچدیکی شهرلرک زنکینلرندن
 بر طاقم مبالغ آملشدی ، مغلوب اولدیغی حالدده بونلری عودتده
 اعاده ایتدی، ومبالغی ویرنلره تشکراتی بیانی ده اونوتمه دی، شوحرکتی
 دیلدرده داستان اولمشدی [۱]. مصر حاکمی قایتبای جمه فوق العاده احترام
 ایتدی .

بوزات عادل ، علمی سور ، خلقی رفاه مادی یه سوق ایتمش ،
 حتی اجانبه قارشو بیله حقندن آیرلماز ، بر حکمدار ایدی . جم
 قاهره ده فوق العاده احترام کوردی ، باش وزیر دیمک اولان
 دیویتدارک سراینه مسافر اولدی، دها صوکره حکمدارک حضورینه
 چیقدی ، قایتبای جمی اوغلی کبی قوجاقلادی ، آلرینی صیقدی ،

[۱] قره ماندن کچدیکی زمان افتراقدن طولانی خلق آهوزار ایدرمش .

[تاریخ عثمانی انجمنی مجموعه سی]

بولنمهنه استنادله جم بروسه یه طوغری یورودی ، بروسه مقاومت ایدمه دی ، قاپولری آچیلدی ، جمده شهره داخل اولدی ، خزینه یی محافظه یه شتاب ایلدی ، سکه ضرب ایتدی . خطبه ده نامنی اوقوتدیردی . . اون سکنز کون قدر بروسه ده بر حکمدار او یونی اوینایه بیلدی ، سلطان بایزید اوزرینه بوتون عسکر یله یوریوردی . بر هیئت سفارت کوندردی ، بونلرک آرمسند خاله لری سلچوق خاتون ده بولینوردی . سلطان خاتون پادشاهه شوسوزلری سویلدی :

— جان برابر برادر قاتی دو کمکدن واسلام آرمسند جنک چیقارمقدن ایسه روم ایلی ایله اکتفا ایدیکز ، جمده بوندن صوکره سزه مخالفت ایتمز .

پادشاه غایت ساکن جواب ویردی :

— لا ارحام بین الملوک [۱] .

جنگ لاله سی آشتین اوغلی یعقوب بکه یوز بیک آقچه تخصیصات ایله آناطولی بکدر بکلکی وعد اولنه رق جنگ قره مانه رجعت ایتمه سنه مانع اولمه سی تنبیه ایدلدی . بوده حرص وطمعه شهزاده یی اغفال ایتدی ، اردونک بر قسم مهمیله سلطان بایزیدک اردوسنه التحاق ایلدی ، بونک اوزرینه جم اردوسنده دهشتلی بر قاریشیقلق اولدی ، مدعی سلطنت ده سرعتله فرار ایتدی ، یولده بر آت تکمه سی ایله آیاغی یاره لندی ، [۲] ارمنی دربندنده بوتون خزینه سیله اوزرنده قالان البسه سی ترکمنلر طرفندن یغما ایدلدی ، قاپوچی باشیسی سنان

[۱] سعدالدیندن نقلاً عطا بک : هاهمه ترجمه سی جلد ، ۳ ، صحیفه ۲۴۶

[۲] اوقدر آیاغی اینجمنشدر ، که قونیه ده قالدینی برهفته ظرفنده دیوانه

کیدرکن یورغانله کوتوریرلر مش . [تاریخ عثمانی انجمنی مجموعه سی]

افندی ایدی . خصوصیه قوتلی و پهلوان اولمسی قره مانک قهر مانلغه دوشکون اھالیسنی کندیسنه بند ایتشدی . سلطان علاء الدین کیقبادک دمیر کتله سنی برقاچ اوقه دھا تزید ایدرک قالدیرمه سنه بناء کندیسنه اھالی باش پهلوان دیورلردی . سلطان جم درت سنه قدر بو دیارده فریخ و فخور ، پر شعر و پر خط بر حیات کچیردی ، حرمنده بولنان اسیرلردن بریله اولنهرک اوغوز نامیله بر ارکک چوجنی ، برده قیزی اولدی . ارککی در سعادتہ پدرینک نزدینہ کوندردی ، سلطان محمدک امریله ردوس شوالیه لری رئیس دیوبوسون ایله مذاکراته بولندی . فقط بوسکونی پدرینک سکیز یوز سکسان آلتی تاریخنده وفاتی بوزدی . سلطان بایزید غایت حلیم ، خیر خواه بر پادشاه ایدی ، پدرینک وضع ایتمش اولدینی قتل برادران قانونندن استفاده ایتک ایسته مدی . لکن سلطان جم غایت جسور و کستاخ اولمہ سنہ ، مزیت خارالعه عسکریه مالک بولمہ سنہ ، پدرینک کندیسنه غایت محبتکار اولوب اونوی عهد تلقی ایتمہ سنہ بناء راحت طورمه دی ، ذاتاً او مزاجده اولان بر آدم قدرینہ مطاوعتله او طوره مازدی . برادرینہ قارشو اعلان حرب وعصیان ایتدی . جم غایت متدین اولقله برابر قطعاً متعصب دکلدی . سراینده روم و ایتالیان عالم لری بولینیور ، اسلام لر قدر حرمتہ مظهر اولیورلردی . بونلرک ایچنده بولنان مورخلردن بعضیلری امثالہ تاریخیہ ذکر ی ایله حق سلطنتک پدرک سلطنتده طوغان شهزاده عائد بولندیغنی بیان ایتشلردی . بو وثیقہ اوکا کافی کلدی ، سلطان بایزید پدری نک جلوسندن اوچ سنہ اول طوغمشدی ، بناء علیه سلطنت اونک حق ایدی . بو ادعا یه استنادله قره مان اھالیسنک کندیسنه تمامیلہ صادق

شهرزاده لرینک دنیا به کلدیکندن خبردار اولمشوردور .

اون ایکی یاشنه قدر در سعادته ادر نهده پدرینک سر اینده قالدقن صوکره قسطمونی والیدکنه تعیین ایدلدی . پدرندن ، ارثاً ، اخذ ایتمش اولدینی قابلیت شاعریت بوشاعر و شعر دیارنده تمامیه انکشاف ایتدی . قسطمونی اوزمانلرده ، اولجهده سویلندیکی کبی ، جداً ممتاز عالمیری ، فاضلیری ، شاعر لری ، موسیقی شناسلری ، صنعتکار لری احتوا ایدیوردی . شهرزاده حقنده درت یوز بویوک صحیفه یی متجاوز « جم سلطانک سرگذشتی و حیاتی » نامیه بر اثر یازان موسیو « توان » « قوماندانلق وظیفه سنی ایفا ایده بیلیمک ایچون لازم کلن معلومات و قابلاتی ویره جک آدمیر پدری طرفدن انتخاب ایدیلهرک قسطمونی به کوندردی . عالمیر لیه ، شاعر لری به مشهور بوشهرده معروف معلم لری یدیه تربیه کوردی . اوقدر سرعتله ترقی وانکشاف ایتدی که « خورشید و جمشید » نامنده کی اثر شعری فارسی یی ترجمه و پدرینه اتحاف ایتدی ، بالا آخره بادی شهرتی اولان غزلیلکه بواثناده باشلادی [۲] « دییور .

شهرزاده مصطفی نک وفاقی اوزرینه سلطان جم اون بش یاشنده « ۸۷۹ » سنه سی شعبانک اون سکزنجی کونی قره مانه والی تعیین ایدلدی . قونیه ده زمانی ادمانلرله ، کورشلرله ، آتیه یینمکله ، سلاح قوللانمقله ، جغرافیا ، علم هیئت اوکر نمکله ، خصوصیه تحصیل شعرله کچیوردی . محیطنده بر چوق شاعر لری بولینیوردی : دفتر داری شاهی افندی ، ناشانجیسی سعدی افندی ، ناشانجی باشیسی حیدر

« چوق تبسم ادب علامتیدر

« قهقهه بی حیا امارتی در . »

« ۹۱۴ » ده ادبیاتک بویوک یورولمز، قیمتلی خادمی وفات ایتمش

اولغله بولیده کوینکده پدرینک یاننه دفن ایدلمشدر .

۱۰

سلطان جمجم . — سلطان جم صربستانک ممالک عثمانیهیه الحاقندن

بر سنه صوکره صربستان عائله قرالیه سنه منسوب اسمی نا معلوم

خرسیتان بر قادیله فاتح

سلطان محمدخان حضر تلرینک

ازدواجی محصولی اوله رق

۸۶۴ سنه هجریه سی صفرینک

یکرمی برنجی و ۱۴۵۹ سنه

میلادیه سی کانون اولک اون

یدنجی کیجه سی در سعادتده

[۱] تولد ایتمش ، وتولدنده

پدر معظملری یونانستان

تمامیله فتح ایچون یوله

چیقمشله صربستانک صوکره

شهرلرینی اطاعت ایتدیر مکله

سلطان جم

موظف وزیر اعظملری محمود پاشایه التحاق ایله مشلر ، بواشاده بر

[۱] عثمانی مورخلری ادرنده دتیایه کلدیکنی سویله یورلر که بودها

طوغریدر .



- » نیچون شب رنك اولورسن ای شب افروز
 » کچرکن روزنعمتده شب وروز
 » اوچارکن باغ ایچنده فارغ البال
 » ییچون اولنك سیه بال وسیه حال
 » بنم مائمه اما سن سیه پوش
 » بنم اود اوزره نیلر سنده بوجوش
 » سنی کیم یاقدی کیمه مبتلاسن

مولر نبی دره

- » برکون اول ایکی جهانك رحقی
 » وارب ایلرکن حراده طاعتی
 » کوزینه حق ظاهر اولدی نا کهان
 » آکه روح القدس کوروندی عیان

حفه العشق اقره

- » چو دختر کوردی مقصود اولدی حاصل
 » دلدی کیم قیله آندن عزم منزل
 » یاپشدی خواجه زاده دامینه
 » دیدی ای اود اورن جان خرمنینه
 » نیجه مفتونکه مفتون ایدن دوست
 » صاچی لیلیسنه بجنون ایدن دوست
 » کوکل مرغی اوچارکن فارغ البال
 » دووردك عشقك آغینه قیلوب آل
 » چو صیدك در اونی ترك ائمه جانا
 » قویوب دام بلاده کیمه جانا

قیافتنا دره

- » قنده بسیار اولورسه خنده
 » اومه آنده موافقت سنده

- « ایکی عالمده یاردی کامی
 « بر دلارامدی دلارامی
 « دلدہ ابرو خیالی پیوسته
 « جانی سودای چشمه خسته
 « جانی کلدی هزار کره لبه
 « روز حسرتده ایریشنجه شبه
 « کیجه در ساز کاری عشاقل
 « کیجه در رازداری عشاقل
 « اولکه لیلی لباس راز ایتدی
 « آتی چوق درده چاره ساز ایتدی
 « کیجه زارک چو پرده داریدر
 « جمله عشاقل اختیاریدر
 « بوملدرکه دون غریبوکدر
 « یعنی یچاره عندلیبوکدر
 « کله تا عرض حال ایده تکرار
 « غافلکن بوقصه دن هر خار
 « مهر مغرب نهان ایده اوزنی
 « اوردی دیواره زار اولوب یوزنی
 « کولک غنجه سن چون اندی شکست
 « یقدی جان پرده سن نوای نهفت
 « آغلادی آنک ایچون ایرله بم
 « اکلده دی آنکیله زیرلیم
 « سیل اولب کوزی یاشی چغلردی
 « درد دلدن بؤرسمه آغلردی . »

لیلی و مجنونه

- « دیدی حالک فراغ منزلک باغ
 « ایچون جامه ک سیاه ای نامه سی آغ

مونس، مبالغه‌دن فرارکار بر طرز تفکر و تحسسی وارد، بوندن طولانی
 اثری عوامک مقبولی و سرائیک منفوری اولمشدر. حمدی تاریخ
 ادبیات عثمانیه‌ده جداً بویوک خطای چیزمش، قصیده، غزلده
 قالمش، نظماً حکایه‌لریازمش بر شاعردر. یوسف وزلیخادان
 ماعدا مولد نبی، لیلی ایله مجنون، تحفه‌العشاق، قیافتنامه اسمنده
 منظوم بر قاچ اثری ده‌ها وارد. دینله بیلیر، که عثمانی ترکجه‌سنده
 لسان تحکیه‌یی منظوم اوله‌رق، درجه کماله کتیرمشدر؛ حمدی شو
 اعتبار ایله تدقیقه شایان برسیای ادبیدر. «مرادثانی زمانی خسرو و
 شیرین منظومه‌سنده ایران شاعر شهر ربایسی نظامی‌یی تنظیر ایدن
 شیخی کی یوسف وزلیخا ایله لایلا و مجنون منظومه‌لرینک ناظمی
 شاعر حکا سرای عثمانی حمدی - خسه و سبعه‌سنده - بوموضوعلری
 تصویر ایدن شاعر ایرانی جامی‌یه امثال ایتشددر. «[۱] شو حالده
 حمدینک استادی جامی اولیور. بوقدر غیرت ایتش، سلفلری
 اولان حکایه نویسارک وجوده کتیردکلری لسان تحکیه‌یی قوت
 استعدادیله اکمال و اتمام ایده بیلمش برسیانک سلطان بایزیدک سرایی
 طرفندن تقدیر ایدلمه‌سی کیفیت و حالت روحیه‌یی نه‌قدر واضح
 ایسه حال حاضرک بوکا لاقید قالمه‌سی اوقدر آکلاشیله‌ماز برکیفیتدر.
 یوسف وزلیخایی سکنز یوز طقسانیدی تاریخنده اتمام ایتشددر.
 لسان تحکیه‌ده‌کی اقتدارینه دلیل اولمق اوزره شو مثاللری آلیورز:

یوسف وزلیخاده

«قنده اغیاری کورسه یاری صنور

» هر نه‌نقشی کوره نکاری صنور

اولان شاعرلردندر . حياتنده اُك بويوك قتالغی برادرلرندن كورموش ،
 قلمبنده اونلره قارشو ياشايان انفعالی ، كينی بوقصه نك تحريريله اويوتمش ،
 فلاكت ديدملری فلاكت هريرده تعقيب ايدر اولديغندن اثری اتحاف
 ايتديكي سلطان بايزيد ثانیدن بکلديكي التفاتی و جائزه يي كورمه مش ،
 « مراسم التفات و رعایت مرعی اولميجق اول القاب و اوصافدن
 مستغنی اولمشلر » « و بو براق بیت ايله كتاب مرقومده چرخدن شكایت
 وقاعده دنيای دونی حكايت [۲] » ايتملردر :

« چرخ كردون كه دون پرورد
 نجه بی سرقاتنده سرورد
 نقصه تحسین ايدر ، كماله عتاب
 قبحی تزین ايدر ، جمالی خراب
 زخلق منزلی بام ایلر
 امرینه نجه سعدی رام ایلر . »

اُك كوزل اثری « يوسف وزليخا » قصه سیدر . ديمشك ، لطيفی
 افندی تذکره سنده بونك حقه ده « بر نظم عدیل و نظیر اولماز و اسلوب
 مرغوبنك بر حرفه پارمق باصوب كيمسه عیب و نقصان بوله مز .
 قصص احسنی كمال صحته تفسيره تمام مطابق اولمغین بین العلماء مقبول
 و ممد و حدر . اتفاق فضلا بودر ، كه آذن الطف و احسن و مرغوب
 و متحسن كمسنه نظم ایتمه مشدر . » مطالعه سنده بولینیور .

« يوسف وزليخا » ارباب كمال نزدنده مرغوب اولديغی كبی نزد
 خلقده دخی مرغوب بولنديغندن حمدي مذکور كتابی یازمق و صاتمق
 صورتيله كچينيرمش . حمدي نك ساده ، سیال ، نفیس بر افاده سی ،

« بر فن مکاره در عشاق سرکردان ایدر »
 « بر چناقچی خوبدیز یارماقده فنجان اوینادر »
 « نازله کررقصه کرسه جانی دترن عاشقک »
 « بر آلائی افتاده دللر اوستنه جان اوینادر »
 « دهر دیوک رأینه آلدانه کر عاقل ایسهک »
 « تاج و تختن تارمار ایدر سلیمان اوینادر »
 « غافل اوله عدنی یا بر کون وجودک زورقن »
 « روزکار اولوب مخالف بحر عمان اوینادر . »

* *

« صبحه دك اهرکیجه ای خورشید رو سن ماهدن »
 « نیجه بر فریاد ایدم قورقازمیدین اللهدن . »
 سلطان بایزید حضرتلری « ۸۵۱ » سنه هجریه سنده تولد « ۹۱۸ »
 سنه هجریه سنده « ۶۷ » یاشنده اولدقلری حالده عازم دار جنان
 اولمشلردر .

۹

صمدی . — بودورک جدآ ممتاز سیمالردن ، شاعرلردن ،
 مع مافیه کرک عائله سی وکرک جمعیت اعتباریله فلاکت دیدهلردن بریدر .
 حضرت آق شمس الدینک کوچک اوغلی اولوب جدآخیر الخلف اطلاقه
 شایاندر . بولی سنجاغنک کوینک نام قصبه سنده تولد ایتمش ، کوچک
 یاشنده طریق علمه داخل اولمق ایچون تحصیل علم و عرفان ایتمشده
 « بحسب العرف والاضافه تدریس وقضادن مناصب عالیله تصرف ایتمک
 واقع اولمامش ، [۱] در . بناءً علیه ترک مسلكه اختیار عزلت ایتمشدر .
 احمدینک اک کوزل اثری « یوسف وزلیخا » اولمغله صاحب خمسسه

اولدیرلمش ، بوصو کمنجینک کتابلری آتشله یاقیلمشدر [۱] . بحث مخصوصنده ذکر ایدیله جکی وجهله دورلرنده یک چوق عالمئر، فقیهلر یتشمش ، بر چوق شاعرلر طوغمش ، ادبیات بر حرکت مخصوصه پیدا ایتمشدر . « جواز و عطا یاسن و وظایف و سالیانه سن بر اوتوز نفر دن متجاوز شاعر ماهر [۲] » موجود ایدی .

علمایه و شعرایه او قدر رغبت ایدرلردی که منلا جامی یه سنوی بیک آلتون و فقیه متبحر دوانی یه بش یوز آلتون کوندرلردی . پادشاه احتیاجات فیکریه نک هر شعبه سنی نظر اعتباره آلمش اولمغله تشری ایله ادریسه بدایت سلطنت عثمانیه دن عصرینه قدر اولان وقایعی صورت مخصوصده یازدیرمشدر . کندیلری ده شعره فوق العاده دوشکون اولوب فارسی و ترکی اشعار تنظیم ایدرلردی . هاهمه ر مشار الیهک طبیعت شاعرانه سی حقنده « اشعارینه خاصه فارقه اولمق اوزره رنگ تصوف و عزلت ویرمشدر. » مطالعه سنده بولندینی کبی لطیفی ده « طرز غزلده آباء کرامنه غالب و شعر شعرای افاضل کبی شعر بلاغت شعاری بی معایب و بی مسالدر » دییور . مشار الیه حضرتلری عزلته میال، دینه مربوط اولمغله برابر بمضاً یک زندانه سوزلرده سویله مشلردر؛

« ای سوار اسب ناز اولان رکاب جان جانیه باص »

« حسن میدانی سنکدر آباغک مرده انه باص . »

شعرده « عدنی » تخلص بویوریرلردی . شوغزل مشار الیهکدر .

« هر قچن کیم غمزّه فتانی جانان اوینادر »

« عاشق بی دلاری اول چئم فتان اوینادر »

[۱] هاهمه ر ترجمه سی و تذکره لطیفی .

[۲] تذکره لطیفی .

« سنك حسنك بنم عشقم سنك جورك بنم صبرم
 « بولر هر دم بوم آتر توكنمز بی نهایتدر .
 « كشف ایت نقابی بری کوکی منور ایت
 « بوعالم عناصری فردوس انور ایت
 « دپرت لبوکی جوشه کثیر حوض کوثری
 « غنیر صاچوکی چوز بوجهانی معطر ایت
 « خطك برات یازدی صباه دیدیکه تیز
 « وار ملکت خطابه چینی مسخر ایت
 « آب حیات اولیجق قسمت ای کوکل
 « بیک ییل کرکسه حضرله سیر سکندر ایت
 « زینب قومیلی زینت دنیا به زن کی
 « مردانه وارساده دل اول ترک زیور ایت

۸

بایزید ثانی . — بویوک پدری ، پدری کی علمایه ، فضلیه ،

شعرا به فوق العاده رعایتکار و تمایلکار ، دینه صوگ درجه ده میال
 و حرمتکار بر پادشاهی . زمان سلطنتی علمانک
 اک زیاده قوت پیدا ایتدیکی ، فقهک وسعتلندیکی ،
 افکار مفرطه تصوفیه و فکریه به قارشو اک
 زیاده شدت کوسترلدیکی زماندر . سنان
 پاشانک شاگردی اطفی رقیبی بولنان فقیه
 کاتب زاده طرفدن فکرنده کی افراط حریت



بایزید ثانی

طولایسیله اتمام اولنه رق آلنان بر فتوا ایله

اعدام ایدلیدیکی کی «حلول ارواح» مسلك تصوفیسنی قبول ایدن تمنا ییده

خوش الحان حافظلر و نفیس النفس خوانندهلر و خوش آواز کویندهلر و خوب طبع شاعرلر و غمرا کوزلر ظهور و صدور ایدر . « لطیفی افندی طرفدن شو صورتله تصویر ایدیلن قسطمونی حقنده هلمه رده عیبی فکرده بولنه رق » قسطمونی ترک خزینه سی دفترلرنده منابع مهمه سیله جالب اهمیت اولدینی قدر تاریخ ادبیات عثمانیه ده دخی شعر ایله اهمیت بولمشدر [۱] « سوزلرینی سویله دیکی کبی » برچوق شعر اواز جمله ادبیات شرقیه ده شهرت یاب اولان زینب قسطمونی ده طوغمشدر . [۲] دیور .

اوزمانکی قسطمونینک علمه ، شعره دوشکون فریح و فخور خلقی آره سنده زینبک پدری قیزینک « جوهرنده قابلیت و ذهننده ذکاوت [۳] » کورمکله تحصیل علم و معرفت ایتمه سینه فوق العاده اعتبار ایتمش ، فارسی ، عربی اوقوتمش ، محیطک تأثیریه قادین طبعنده قوت شعریه سی « اولمغله » فارسی و ترکی اشعارله سلطان محمد نامنه دیوان ترتیب ایتمشدر . [۴] زماننده لطیفی افدینک دیدیکی کبی « صنف نسوانده ناره روزکار و مستوره پر اشتهاز » اولوب « لطف طبعنی خلق جهان استعجاب نکته دانان دوران استغراب ایدر - لر » دی . میس ترکیب تاریخ ادبیات عثمانیه ده زینبدن شو مثاللری آلمشدر :

« شها بوصورت زیبا سکا حقین هدایتدر
« سکا سن سوره یوسف جمالکدن بر آیتدر

[۱] هاممهر ترجمه سی : جلد ، ۳ صحیفه ۶۰

[۲] هاممهر ترجمه سی : جلد ، ۱ صحیفه ۲۷۰

[۳] تذکره لطیفی [۴] تذکره لطیفی .

پك كنچ اولدینی حالدہ استانبولہ کلیرکن یولده وفات ایتمش اولوب
سلطان محمدی کورہہ مشدر ، « سوی مقصدہ روان اولدقدہ تقدیر
ربانی یولده أجل یولك آلدی ، مقصدہ واروب مقصوده ایرمہدن
موت ایروب اول فکر وأمل و قصیدہ و غزل قالدی . » [۱]
شومنظومہ لرلہ اکتفا ایدیورز :

« بنی سندن صنما کیمسہ جدا ایلہ یہ من
« مکر اول کون کہ کلہ جانی بدندن آیرہ . »

*

* *
« کوزلرم یاشینی کوزلر اول بت سیمین بدن
« نیتہ کیم کوکدہ ثربا کوزلر آہوی ختن

*

* *
« بل باغلیوب کہ قیلہ قصد اول جیب ایدر
« نازک خیال باغلر وقصد غریب ایدر . »

*

* *

« کیجہ ہرقندہ ایرر ایسہ غریب آندہ یاتور . »

نظامی اساس اعتباریلہ قرہمان زادہ لر شعر اسندن در .

۷

زیب خانوہ . — قسطنطنیولی اولوب بر مرد ہنزورک
قیزیدر ، لطیفینک شوادعاسنی جرح ایلہ عاشق چلبی شاعرہ نک
آماسیہ لی اولدیغنی سویلہ یور . قسطنطنی و لاتی ، معدنلرینک زنکیندکیلہ
اقلیمنک مناظر شاعرانہ سیلہ ، قوۂ انباتیہ سیلہ بر چوق شاعرلرک
موطنی اولمشدر . « خاصہ کہ ولایت مزبورہ بر خاک پک نظیفدر کہ
آب و ہواسی لطیفدر . بولطافت آب و خاک اقتضای طبیعتندن

شاعر بلند شانی ، وساحر سحر بیانیدر . اشعار شیخی وغزلیات احمد پاشا اول آنه دك رغبت ورواجده ایدی . مذکور ظهورایتدکدن صوکره بونلرک بازار شهرته شعرای قدما ایله کساد ووروب اوج رغبتدن دوشوردی . - قوت طبیعت ووسعت قابلیتله آز زمانده چوق کماله قادر اولمش و شهرت شعرله مشهور آفاق اولوب تعین بولمشدی . « قیدلرینه تصادف اولنقده در .

نظامی بی احمد پاشادن بویوک شاعر در دییه وزیر محمود پاشا فاتح سلطان محمد مدح ایتمش ، پادشاه مشار الیه ده شاعری دعوت ایله مش در . شقائق ترجمه سی بوتوصیه بی نقلدن صوکره شوسوزلری سویله یور : « الحق ایکسی ده فن شعرده ماهر و کمال مرتبه نظمه قادر ایدی . ایکسینک دخی ابلق طبع چالا کی میدان نظمده بری برندن کری قالمازدی . اما مولانا نظامی سر قات شعریه وادیسنه اوغرامیوب کیمسه نك معناسنی آمازدی . »

فقط لطیفی افدینک « سلطان محمد طاب ثراه مذکوری کورمک مرام ایدینوب سده سعادته دعوت ایدیجک مشار الیه دخی مرحوم احمد پاشایه غلبه ایتک قصد ایدوب قصر قصیده سنه ولعل وکونش قصیده سنه ویدی دانه مقبول غزلنه دقیق دقتلر ونازک صنعتلره نظیره لر دیوب « سوزلرندن آکلاشدیغنه کوره بو احمد پاشانک نظیره جیسندن باشقه بر شی دکتش . فی الحقیقه ، فائق رشاد بکک ده تصدیقیله تعین ایتدیکی وجهله اکثر اشعاری احمد پاشانک نظیره لریدر . لکن نظامی اونظیره جیلردن در ، که علاوه شخصیتله ابداع درجه سنه چیقار ، بعضاً تقلید ایتدیکنک فوتمه یوکسه لیر ، باشلایان بر مسلکه رونق وضیا ویزرلر .

« عشق بر جوهر بی مثل و هم‌تادری که آنک و صفی امثال ایله دینلمز ؛ عشق بر سر مخفی ناپیدادری که آنک تصویر می‌ماند ایله کوسترلمز . عاشق‌لرک دلی آلتنده سوزلر واردری که لب اوکا محرم اولماز . عشق اهلنک سینه‌سی ایچره نفسلر واردری که دم اوکا همدم اولماز .

عاشق‌له معشوق می‌انده بر کفت و کو اولور که زبان حاجبدن غیری اوکا ترجمان اولماز . جان ایله جانان آره‌سندده بر جست و جو بولنور که کوشه چشمدن اوزکه اوکا دیده‌بان اولماز .

عشق بر ظاهر در که اورتلز . عشق بر سر در که آچیلماز . عاشق کیمسه ایله کاری اولماز ؛ آینه عشق ژنکاری اولماز . عشق سر آزاده‌لری بنده‌ایدر ؛ عشق سر افرازلری افکنده‌ایدر .

عشق افسانه و افسون دکلدر . هر عشق دعوا سی ایدن عاشق اولماز . هر محبتدن دم اوران صادق اولماز . »

سنان پاشا کلیسولی ده اوچ سنه قالدقدن صوکره مأذوناً استانبوله کلدیکی ائنده ۸۹۱ سنه‌سی صفرینک یکر می دردنجی کونی وفات ایتشدیر، که بهاریه جوارینه دفن اولمشدر .

او قدر سخاوت صاحبی ایدی، که غسل ائساننده صوینی ایصیته جق اودون پاره‌سی بولنماشدر . بالاده سرد ایدیلن کتابلردن ماعدا قصص انبیایه دائر بر تألیفی، شرح مواقف اوزرینه سید شریفه تعریضی حاوی بویوک بر رساله‌سی دخی وارد [۱] .

۶

نظامی . — زماننک اوزرنده ده‌ها پک کنج ایکن پک بویوک بر تأثیر اجرا سیله جالب نظر دقت اولان شاعر لردن بری ده نظامیدر . نظامی قونیه‌لیدر ، تذکره لطیفی ده حقنده « سلطان محمد دورینک

« بن اول قول ایدم سن با که سلطان
 « نیجه قیلسک آلکده بنده فرمان
 « بوکزم عشق شاهه غالب اولدی
 « وجودی عشق ایچنده زنده اولدی
 « دلی بن بنده سنه بنده اولدی
 « چو عشق احوالز تحویل قیلدی
 « قدیمی وضعی اول تبدیل قیلدی
 « بودر عشقه همیشه عادت وراه
 « که شاهی قول ایدر وقولنی شاه

سنان پاشا کندی روحیله او قدر مشبوعدر، که کائنات خارجییه نظر لرینی دوندردیکی زمان بیله اونی کورور، اونک ایچوندرد، که اثرده همان طبیعت یوق کیدر. سنان پاشا نظمدهن زیاده نثرده بر داهییدر. « نثرنده شعر آمیز بر آهنگ، بر جریان لطیف، بر زندگی، بر تازکی، لایموت واردرد. بعضاً بر سطر ایچنده بوتون بر عالم خیالی، بوتون بر کائنات افکاری ضبط و تسخیر، ارانه واحساس ایده بیله جک قدرت داهیانه صنعتکارانه کوستریر. » [۱] او قدر لسان نثری کندینه ربط ایدر، که مسلسل اولدیغنی بیله حس ایتمیز. اوزمانه قدر سنان پاشا قدرت وقوتنده هیچ کیمسه لسان نثره حاکم اوله مامشدر. پاشانک شو صورتله ادبیاتده بر تجدید حصوله کتیردیکی غیر قابل انکاردر. لسانده بعضاً امیدوار و پر احتشام، بعضاً ملول و منکسر بر ادا، بر بیان قوللانی آتیده کی شومثال ایله اکتفا ایده جکزر :

موفقیتینی تأمین ایدمه مکده در . غزلارنده قافیه لرك تکرارندن ماعدا هیچ بر ممتازیت کوستره مهین پاشا پندنامه لرنده روحنک بوتون صمیمیتلرینی دوکر ، حرارتلرینی یاشاتیر . حکایه لرنده بر قیریق دوکوکلک ، بر معلولیت موجوددر ، حتی کلمه لر ، جمله لر بر برینه تمایله مربوط دکلدر ، بر مصراع ایله دیگر مصراعلر آره سننده اوچوروملر بولنور ، لیکن اوکلمه لر نه یکی ، نه تازه ، نه سوسلودر . بو حکایه لر اکثریا دینیدر ، مثلاً توکلدن ، قناعتدن بحث ایدرکن بر فرصت دوشوروب شاعر بر حکایه آکلایر . آئیده کی منظوم حکایه عشقک علویتینی ، عاشق لرك احوال روحیه سنی آکلایرکن مقصده ی توضیح ایچون علاوه اولمشدر [*]

حکایت

- » روایتدرکه بر کون شاه محمود
- » روانندن آنک حق اوله خوشنود ،
- » دیدی ایازه که ای محبوب دلدار
- » جمالکله کوکل صحراسی کازار
- » ندندر عشقک اولدقجه زیاده
- » تکلف هم حجاب آرتار آراده
- » قدیمی انبساطی بولاماز
- » سنکله اسکی حالی کوره مناز
- » کیجه کوندوز چو آرمقده محبت
- » یچون نقصان ایچنده اوله الفت
- » دیدی ایاز : که ای شاه جوان بخت
- » وجودکله مشرف تاج ایله تخت

[*] کوپرلی زاده محمدنؤاد : [سنان پاشا حقنده ساسله مقالات ، ثروت فنون]

حقنڊه کي کينيله بونک آره سنده کي بوشلني ینه او اړتيا بدن وبو اعتقاد
جديدن متولد عدم موازنه حسيه وفکريه ايله املا ايتک ممکندر .
سنان پاشا حياتنک صوک دملرنده تصوفه داخل اولمقله برابر تام
بر متصوف اوله مامشدر ، اونده عالم ومتفکر روحی دائما ياشامش ،
قارشوسنده کي عدمدن توحش ايتمکله برابر کيرمش اولديغي طريقک
بوتون قواعدينه رعایت ايده مه مش ، تذکره الاولياسنده بونی تالم ايله
اعتراف ايتمشدر :

1 بزم دخي عمرمزدن کيم بيلورکه نه قالدي ؟ واکر بر قاچ
کون وار ايسه طوته لم اولده آخر اولدي . چون کوردم دنيا نکل حال بيله در .
اوکا اويمقله اولمز . هرکشي که آنک هوا سنه اويار آخرنده نمدن غيري فائده قيلماز .
پس قصص ايلدم که ابنای دنيا دن منقطع اولوب کسيلن بر خلوت کوشه يه
واروب خلقدن عزت قيلم . لکن کوردم تعلقاتک خيلي کثرتي وار . آنلردن
تمام انقطاع اولماز . و علمه نفسک بونجه ييلدر الفتی وار آنک اهلندن
بالکليه واز کلز ، بونک کي امرکيشي وافع اولمازمش . نفس قرق الی ييللق
مألوفيتدن آز زمانده کسيلزمش . تدریجمله خلوتدن لنت آلق کرکمش که
کثرت آتی اينجیده . وبر آز مدت کوکل کتابندن اوقومق کرکمش که ظاهر
علمی اونوته . يوقسه برکيشي که ابتدای عمرندن بری مطالعه ودرسه مألوف
اوله آتی اختياريله قاچان قوبو بيلور . غایتی مطالعه سنی علوم شرعيه وکتاب
مشايخه قلور . اما بو دخي طريق فیکردر درويش لک دکلدن . لکن نيجه
ايدلم که شيمديکي وقتده ألزندن کلن بودر .]

تضرع نامه سی اوچ يوز الی ايله درت يوز صحيفه آره سنده بويوک
برأتر اولوب کائنات خارجه دن زياده کائنات داخله يي ، معنویاتی مشعرون اقل
قوی ، متین ، صنعتکار نثرلر آره سنده منظوم حکايه لر ، توحیدلر ، مناجاتلر ،
بندنامه لر بولنديغي کي غزللرده موجود در . قيصه وزنلرله يازلمش اولان
بوتون بونلر برماهيت دينه يي حائزدر . لکن نوعلرک تخالفي هپسنده

« تضرعنامه صاحب دلاندر
که مقبول روان مقبلاندر

« انیس خاطر بیچار کاندر
« فرح بخش دل آوار کاندر

« کل تاندر، که دوشنمش چنلر
« طولو ایچی کل ایله یاسمنلر

« عباراتی دلالانده واضح
« اولور لفظنده حتی معنی لایع

« ضیاء عکس انوار الهی
« ویرر الفاظنه شوق کاهی»

بالنتیجه متصوفه دن اولان سنان پاشا بوضعتکار لغت قوت و تأثیرینه قارشو بیکانه ، « تذکرة الاولیا » سمنده « شعر اگرچه انسانده بر زاندهنر اولور ، آما اونی کمال صایمز شول کشی که نر اولور . « دیور . بویله دیمکه برابر یوزمانک زقده ، صنعته تمایلندن قورتیله مامقله عاشق پاشا کی ، سلطان ولد کی اونی تمامیه اونوته رق صرف متصوفانه اثر وجوده کتیرمه یور . شاعرلر حقنده بو قدر بی انصاف اولان شاعر صوفیلرله راهبرلی بر طوته جق قدر تعصبدن عاری ، سربست فکرلیدر :

« هند وکه بته طایار همیشه
« طورماز سکا یالوار بر همیشه
« نامکدر جمله یه نشانه
« بودیرو صلیب بر بهانه»

یو وسعت فکری ارتیاب سابقه عطف ایتمک ممکن اولدینی کی شاعرلر

لطیفه‌در، هر اوقویانه لذت و سرور و هر دیکله‌ینه صفا و حضور، هر مجلس اهلنه سماعدن ذوق و هر اهل حاله ذکريله شوق حاصل اولوب حس ظاهر الفاظک حسن بلاغتی و عباراتک زیور فصاحتیه محظوظ و مسرور و حاسه باطن معانیسنک مطالعه‌سی و مدلولاتک ملاحظه‌سیله پر صفا، پر نور اولوبن صدای کوس عباراتی و آواز دمدمه مجاز و استعاراتی ایله مسامع دل و جانندن ولوله شوق سماع و صحرای صدر جنانده غلغله هنیکام استماع اولوب طرب رود مجلس کاشن دل حرکات نبات بیاناتیله روح بخش و جان‌فزا و زینت جمال‌نکارستان کوکل پیرایه درر الفاظیله صفادار و دلکش اوله. اوقویانلردن و دکلینلردن و ایشیدنلردن و آکلایانلردن بوضعیف و دلخسته و بوفقی‌ر شکسته کاه کاه دعای خیرله حسن یاد و فاتحه اخلاص ایله دلشاد ایتدکلرنجه . . . » [۱] دییور، که مقصدیله مقصد شعری تألیف ایتدیکنی آکلاییور. بو اثری یازمقدن مقصدی اخذ خیر و دعا ایسه ده « الفاظک حسن بلاغتی و عباراتک زیور فصاحتی » دیمکله ده فکر صنعته بیکانه اولمادیغنی احساس ایتمش بولینیور. شو اعتبار ایله عالم معنویک بونیوکلکی قارشوسنده صنعتی محقر کورن اکثر صوفیه دن، و الهیوندن آیرلمش اولیور. مع مافیه صنعت حس ایدیلنی مکملاً افاده ایتک اولمسنه نظر آ پاشانک مقصدی نه اولورسه اولسون او بر وظیفه صنعتکارانه ایفا ایتمش دیمکدر. اثری حقنده بسله دیکنی فکری شوسطرلردن آکلایورز :

« بونظم و نثری کیم ترتیب قیلدم

« بوالفاظی که بن ترکیب قیلدم

اسبانی بزه تاریخ وضوحه نقل ایتمه مشدر، یالکیز «شقایق ترجمه سنده»
 « ۸۸۱ سنه سنده پادشاه حضر تلرینک سنان پاشا ایله ماینلرنده
 عزلی ایجاب ایدر برقصه واهیة واهیة واقع اولمغین وزارتدن عزل
 ایدوب حبس ایلدی . » سوزینه تصادف ایده بیللیورز. فاتحک وفاتنه
 قدر سیور یحصارده قالان سنان پاشا سلطان بایزیدک جلو سنده
 ادرنه دارالحدیثه تکرار مدرس تعیین ایدلمش ، بر آز صو کره کندی
 استدعاسیله تقاعده سوق اولمش سده بر سنه کچر کچمز کلیولی
 متصرفلغنه تعیین اولنش ، اوراده اوچ سنه قدر جدی ومعظم خدمات
 ایفا ایتمشدر .

هرنه اولورسه اولسون ، بو « لادری » مسلیکنک تمایلدکاری
 عمرینک صوکارنده متین بر اعتقاده تابع کندیسنده:

« عالم صورت معنی نه در بیل کفت وکو

« عالم معنا همیشه شست وشو

« صورت ظاهر فنا بولور همان

« عالم معنا در بیل جاودان »

سوزلرینی سویله یه جک بر متانت بولیور ، وبومتانتدن اُل بویوک
 اثر صنعتکارانه سی، تضر عنامه سی تولد ایدیور . بو کتاب محتاج عفو
 وغفران بر روحک اکتساب اجر ومثوبات ایتمک ایچون چیر پینمه سی
 نتیجه سیدر ، اتری بر اثر صنعتکارانه وجوده کتیرمک مقصدیله
 یازمه مشدر. اوتحمیدات وتضرعات ایله عظمت الهیه یی هر کسه آکلاتمق،
 بوصورتله اجر قازانمق ایسته مشدر. « مادامکه بوابکار افکار معانی
 وعرائس ونفائس مخدرات مبانیدن که تتق الفاظ شریفه وعبارات

طولایسیله یاواش یاواش تزايد ایتمش اولمغله حامی علم و عرفان فاتح سلطان محمدک نظر دقتی جلب ایتمش، ادرنه دارالحديثه مدرس تعیین اولمش، بالآخره معلم پادشاهیملکه ندیمک پایه سنه ارتقا ایتمش، بو ائنده درس عاده کلن علی قوشجیدن ریاضیات اوکرنمسی اراده بویورلمسیله شاگردی لطفی بی ریاضی شهرک نزدینه کوندره رک درس لرینی اوکره تمش. قاضی زاده رومی نک «چغمینی یه» اولان شرح نه تحریر ایتدیکی حواشی ایله مکتسبات ریاضیه سنی میدان قوید یغندن حاوی اولدیغی دقایق ریاضیه علی قوشجینک بیله حیرتی موجب [۱] اولمشدر.

پادشاه معلمک شو ذکاسندن فوق العاده ممنون اوله رق «۸۷۹» سنه سنده مصاحبک عنواتی «مستشار سلطانی» یه تبدیل ایله کندیسنه وزارت رتبه سنی توجیه ایتمشدر. شواعتبار ایله سنان پاشا تاریخ عثمانی ده بویوک بر رول ده ایفا ایتمش اولیور، که بوده درایت واققدارینک، ذکاسنک نه درجه لرده یوکسک اولدیغنه بر دلیلدر. فاتح کبی بر سیاسینک حرکات و افعالی مشاورلکننده بولنه بیلیمک ایچون نه درجه ده معلوماته، شدت ذکایه احتیاج اولدیغی مستغنی بیاندر.

فقط بو توجیه و التفاتدن بر سنه صوکره، مجهول بر سبیدن طولایی، سنان پاشا ذروه اقبالدن سقوط ایدیور، عزل اولینیور، بر مدت حبس ایدیلیور، علمانک وساطتیه عفو ایدیله رک سیوری حصار قاضیلکی ومدرس لکی ایله استانبولدن اخراج اولینیور، بونک

— سنان سن بر حده واصل اولدك، كه اورته ده كي طوران صحنك باقير اوليشنده بيله كندوكي شهبه دن قورتاره مازسك .
دیمش : و مشار الیه ایسه :

— طوغری سوبله یورسز ! فی الحقیقه بونك باقر اولدیغنه قبل التحلیل حکم ایتك قابل دکلدر . بوبایده التزام شك ایسه تصدیق دن اهوئدر .
جوانی ویرمه سی اوزرینه حضر بك صحنی قالدیروب باشنه اورمشدر . «

شومباحثات اوغلنك ارتیاخی اولدیرمك ایچون پدرك متمادیاً جهد و غیرته بولندیغنی کوسترییور . لکن بودماغك نه کبی تکاملات و تحولاته معروض قالدیغنی کوستره جك ألمزده و ثائق کافیه نك عدم موجودیتی بزی پاشانك روح و دماغنه تمامیه نفوذ دن منع ایتمکده در .
یالکنز شو محققدر ، که حضر بك اوغلنك افکار مفرطه سنه غلبه ایتمه دن ۸۶۲ سنه سنده وفات ایتمش در . کنیدیسی فاتح طرفدن استانبول قاضیسی نصب اولنمشدی . سنان پاشایی « بوارتیاب » بوتون حیاتنده تعقیب ایتمش ، و نهایت سرسری روحندن بیزار اوله رق موجودیت روحیه سنده شیخ ابن الوفانك تأثیریه بر عکس تأثیر حصوله کلمش ، کثرت آره سنده وحدت وجود حقیقتنی تلقین ایدن تصوفه ییقلمز ، متین بر اعتقادی ایله مربوط اولمش ، حیاتنك صوك زمانلرینی توکل ایچنده کچیرمشدر . « تضرعنامه » سنده شیخ مشار الیه حقنده شو سوزلری سویلر :

« اول محمد سیرت و عیسی قدم

« ملك دین ایچره امیر محشم

« جان پاکی معدن صدق وصفا

« شمع ایوان هدا ابن الوفا

سنان پاشانك شهرتی كرك معلوماتی ، كرك عانله سنك بویوكلی

تأثیری غیر قابل انکار اولمه سنه بناءً سنان الدین یوسف پک کو چک ایکن علمه قارشو بر مزبوطیت حس ایتمش ، ذکاسی بر سرعت انکشافه مظهر اولمشدر . بودورلرک تراجم احوال اعظمندن باحث اولان « شقایق » ده وتذکره لطیفی ده بو انکشاف ناکهانه عاڈ معلوماته دسترس اولنمقدهدر : « بالغ اولمدهن بلیغ اولوب ومنبر وعظه چیقوب خلقه امر بالمعروف ونهی عن المنکر ایدردی . » [۱]

فقط بوانکشاف نابهنکام دماغنک منتظم بر تکامله مظهریتنه مانع اولمش ، ده-ا پک کنج ایکن حموله معلومات ونظریات ایله مالی بودماغ ترددلرک ، شبهلرک ائده تتره مش ، هیچ بر شیئه اینانه ماز ، حقیقتدن ، ثابتیدن قورقار بر شکل آلمش ، لا ادریه [۲] مسلیکنه تمایل ایتمشدر . بو حال پک زیاده معتقد ومتعصب اولان پدرینک نظر دقتی جلب ایتمکله انفعال ویأسنی موجب اولمشدر ، که بوکا دائر ابوالضیا توفیق پک « تضرعات سنان » پاشانک مقدمه سنده شوسوزلری سویله یور :

« . . . سنان پاشا اوائل تحصیلده فلسفیات ایله اشتغالدن پک زیاده ذوق آلمش ایدی ، پدری ایسه مشار الهک بواشتغالنه مانع اولمق ایستر ، و اکثریا کندیسيله مباحثه سنده ایراد ابتدکی شکوکی مغالطیه وسردایتدکی اعتراضاتی عدم عقیده عطف ایله اظهار انفعال ایده رک « سن وهمیاتکه مغلوب وخیالات واهام ایله معیوبسک . » دیر ایدی . حتی بر کون پدریله طعام ایدرکن ینه بحثه کیریشیرلر . سنان پاشا اعتیاداتی بوزمیه رق شکوکی التزام ایدر ، حضر پک ایسه بو حالنه ینه حدت ایده رک :

[۱] تذکره لطیف ، صحیفه ، ۱۹۳

[۲] ریویون مسلیکی .

برده غزل الهرق احمد پاشایه نهایت ویره جکیز :

« تا قاشکی پیوسته کمان ایلدک ای دوست

« جور اوقنه جانمی نشان ایلدک ای دوست

« بر دمکه روان ایلدک اول سرو روانی

« چشمندن آتی چشمه روان ایلدک ای دوست

« عرض ایلبله لی حسن دلا راکی جهان

« عالم یوزینی باغ جنان ایلدک ای دوست

« خوش بو ایله طولدیردی صبا دهری مکرکیم

« عنبر صاچکی مشک فشان ایلدک ای دوست

« تنک اولسه ایلدک یادیلله طیکمی دل احمد

« چون غنجه کبی بغرینی قان ایلدک ای دوست. »

احمد پاشا « ۹۰۲ » تاریخ هجریسندیه بروسه ده وفات ایله مش اولوب

انشا ایتدیرمش اولدینی مدرسه نك یاننده دفن ایدلمش ، بالا خره

قبری اوزرینه تربه یاپیلمشدر .

۵

سنان پاشا . — سنان پاشا قاضی جلال الدین زاده حضر بکک

مخدومی اولوب اصل اسمی سنان الدین یوسفدر . « ۸۴۱ » سنه هجریه سنده

تولد ایتمش ، محیطنده علم و عرفان ، ثروت و یسار کورمشدر . حضر

بک علمیه عصرنده کنندیسنی طائمش اولدینی کبی بویوک پدری قاضی

جلال الدین ده وسعت علمیه سیله مشهوردی . وراثتک ، بوکی خصوصاتده ،

عبداللطیف افندی ده «اول لباس فارسی برله ملبس اولان شاهد
مغایه ثیاب الفاظ رومیدن لباس لباس ایلوب» دیدیکی کبی هانمه رده
«احمد پاشا ارتقا ایلدیکی درجه مهارة آنجق میر علی شیرک غزللریله
ملهم اولدقدن صوکره واصل اولمشدر.» دییور. کونش قصیده سندن
شو پارچه بی آلیورز ؛

«تخت اوروب طاق فلکده خسرو خاور کونش
«کیدى نارنجی قبا آورندی نور افسر کونش

«مسند سلطان صبح اولدی سریر آسمان
«صاجدی پیروزه طبلردن زرو کوهر کونش

«قفل آجوب درج زبرجدن جواهر دوکدی کم
«خاک کنجن ایلیه کنجینه جوهر کونش

«قلزم هندك با ترمغه کومش زورقلرن
«بادبان نورله دوناتدی فلك زرکونش

«دانه انجم دیروب مه خرمننده هر سحر
«بال آجوب جولان ایدر طاوس زرین پر کونش

«کوتیا نوشین روان صبح درکم عدل ایچون
«لاجوردی قبه به زنجیر زر آصر کونش

«یا فلك تخته نده سلطان اولدی بر یوسف جمال
«یا ذلیخادر طوتار نارنج زر پیکر کونش

«حق بودرکم شاه دیوانی تماشا قلمغه
«آجدی طاق زر نیکاره لعلدن منظر کونش

زمانده غیب ایتمش، عزل وحبس اولمشدر. محبسدن « کرم » ردیفلی
 قصیده سنی یازهرق عفو پادشاهی بی تمنی ایتمش، و بوکا مکافات اولمق
 اوزره عفو اولمش، مع مافیه اسکی توجهاتی آرتق کورده مه مش،
 طشره لرده مأموریت آلمیه مجبور اولمش، بروسه یه سنجاق بکی
 اولمشدر. فاتح سلطان محمد کرم قصیده سنی کوردیکی زمان شوسوزلری
 سویله مشدر :

— بو عذوبت و بیان وفصاحت که احمدده وارد، آکا ملوک
 سلاطیندن آسیب وزوال وعقاب ونکال یوقدر .
 لسانده عجمک تأثیراتی، رقتی، صنایع لفظیه دوشکونلکی
 کورولمکله برابر احمد پاشانک آتارنده اکثریا روحی اوقشاییجی،
 بیلم نصل، بر شی نقصاندر. احمد پاشا بزه کوزل کله لرله برابر
 کندینی کوجلکله اوقوتیور. ظنمزه قالیرسه بو احمد پاشانک قوت
 علمله، ذکاکی، دماغی بر صورتده یازمه لرندن، حیاسیتلرینک ایشه
 قارشمه مسندن تولد ایتکده در. احمد پاشا نیازی دن، شیخی دن،
 احمد داعیدن صوکره شعر عثمانی یه زمانک احتیاجانه کوره بر حرکت
 ویره بیلمشده حساس بر شخصیت اولماسنه بناءً آبی بر شاعر دکادر.
 ذاتاً قدما اونی ایران آتارینک نظماً مترجمی تلقی ایدر لر. تاج زاده
 جعفر چلبی « هوس نامه » نامیله یازمش اولدینی کتابده مشار الیه
 شو صورتله تعریض ایدیور :

« سرآمد دیدیکنک بللی حالی

« اولوپدر ترجمه اولیٰ حالی

« بواهل اولان یاننده سهلدر سهل

« بنم قائمده بلکه چهلدر چهل . »

ایتمشدر ، تحصیل علم و کمالدن سوکره بروسده مرادیه مدرسه سینه مدرس اولدی . ذکاسی ، معلوماتی ، شاعریتی آز زمان ظرفنده صیت و شهرت صاحبی اولمہ سنی مؤدی اولمغله ادرنیہ قاضی تعیین اولندی . بو ائنادہ پادشاه زمان فاتح سلطان محمد خان حضر تلرینک نظر دقت شاهانه لرینی جلب ایتمش اولمغله خواجه لقلرینه تعیین بویوردیلر . غایت ظریف ، خوشکوه ، حاضر جواب ، عارف بر ذات اولمغله پادشاهک آز زمان ایچنده اخص ندماسی صیره سینه التحاق ایتدی : بر آز سوکرده وزیر اولدی .

تذکره لطیفی مشار الیه حقنده « نظم جواهر کلامده استاد ماهر و انواع علوم و اقسام فنونه قادر ایدی . الفاظ نظمی ملایانه و اسلوب شعری اکابرانه در . ابیات پر نکاتی الفاظ و معانیده متن متین کی محکم و اسلوب قصیده ده خود اجتماع و اتفاق اوزره مسلم در . » دیور . طرز نظمنده کی کبارلق ، وبر منلا ، یعنی عالم روحی ، باخصوص قصیده نویسلکده کی اقتدار و قوتی زمانک ذهنیت و ماهیت کبارانه سنی اوقشامقده بولندیغندن پادشاهک بر کولکه سی کی اولدی ، اونی هر یرده تعقیب ایتمیه باشلادی ، استانبولک محاصره و فتحنده نزد شاهانه ده بولندی ، پیر آق شمس الدینک نزدینه بلده مذکورہ نک فتح اولنوب اولنمایه جغنی صور مق اوزره ایکی دفعه کوندرلدی .

احمد پاشا قادیندن نفرت ایدر اولدیغی جهتله تأهل ایتمه مش ، حیاتی مجرد اوله رق کچیر مشدر . عالم و فاضل اولمغله برابر سوء اعتیاداتک مغلوبی ، اخلاق اعتباریه پک ضعیف بر ذات ایدی . سیئات اخلاقیه سی یوزندن ذات شاهانه نک توجهات سنیه لرینی پک آز

« جگرم یاره‌ادی خنجر جور وستمک
 « صبرمک جامه‌سنی طوغرازی مقراص غمک
 « سجده گاه ایلر ایدی کعبه‌محراب کبی
 « کویک ایچنده ملک کورسه نشان قدمک
 « ای کوزم کون یوزینه قارشو نیجه یاش دوکه‌سن
 « رخلری تابی ایله قورودی قالمادی دمک . »

فاتح سلطان محمد خان حضرتلری «۸۸۶» تاریخ هجریسنده عازم
 دار جنان اولمشلردر .

۳

احمد پاشا . — سلطان مراد زماننده قاضی‌عسکر بولتان ولی‌الدین
 بن الیاس اقدینک مخدومیدر . پدری علمک قدرینی ، علم‌ادن
 بولندینی جهته ، پک زیاده تقدیر اتمکله اوغلنی پک آیی تحصیل
 ایتدیردیکی کبی احمد پاشانک فطری اولان ذکا و عرفانه محیط
 کبارانده پک چوق تأثیر ایتمشدر . ذاتاً زمان علم و عرفانک پک زیاده
 رغبت بولدینی بر دور ، بر دور اقبال ایدی . خصوصیه مدنیت
 فارسیه‌یه طوغری سرای ادبیاتی بوتون شعرایی ، فضلالی سوق
 ایدیوردی . بوکا بناء احمد پاشایه فارسی لسانی پک مکمل اوله‌رق
 اوکره تيلمشدی . بوتون آثارنده ایرانک کولکه‌لرینه تصادف ایدلمه‌سی ،
 حتی ایران ادبیاتنک پک کوزل پارچه‌لرینک نقل و ترجمه‌سی بوکا
 بناء‌در . پاشا ادبیات فارسیه‌یی عادتاً ازبرله‌مشدی ؛ اونجه ایرانه دائر
 هیچ بر شی مجهول دکلدی .

شاعرك ترقيسنه پدرينک قاضی‌عسکر اولمه‌سی پک زیاده یارديم

بنای سرای علم و کمالی تشیید ایدرلردی. کاهی ذات سعادت پناهلری
شعراى زمانى و فصحاى دورانى ايله صحبت ايدوب بوطائفه کلى ميل
ايدرلردى . »

مشار ايله شاعرلره نه قدر التفاتکار ايسه کندیلری ده اودرجه
شاعر ایدیلر . فائق رشاد بك تاريخ ادبيات عثمانیه لرنده شومعلوماتی
ویریورلر : « فاتحک دیوانى ، که سلطان سلیم اولک امریله ایران
خطاطلرندن حاجی حسن عمادک پسند خطیله محرردر ، یوزه قریب
غزل ايله بر قطعه وبرخمسدن عبارتدر. بر نسخه سی آمانیاده باصلمش
ایسه ده پک نقصاندر . »

پادشاه مشار ايله حضر تلری شعرده عونى تخلص بویوریرلردی .
شو مثاللری مشار الیه دن آلیورز :

« ساقیا می صون که بر کون لاله زار الدن کیدر

« ایریشور فصل خزان باغ و بهار الدن کیدر

« غره اوله دایرا حسن و جماله قیل وفا

« باقی قالماز کیمسه یه نقش و نیکار الدن کیدر

« یار ایچون اغیار ايله مره دانه جنک ایتسم کړک

« ایت کبی مره دار رقیب اولزسه یار الدن کیدر . »

* *

« بزمه سلطنت لافن ایدرمش اول قره مانی

« خدا فرصت ویررسه کر قره بیره قورم آنى . »

* *

« فتح استانبوله فرصت بولمیلر اولون

« فتح ایدوب سیطان محمد دیدی تاریخ آخرون »

۸۵۷

* *

فناح سلطان محمد . — فناح قسطنطنینه فناح شعر و علوم
 اولوب زمان سلطنتلرنده پای تحت عثمانی بی جمع علما و مشهر فضلاء
 حالنه کتیر مشلردر . تذکره لطیفی ده « هر فنده بر عالم متجر و مفرد
 وار ایسه اکر ولایت هندده و اکر ولایت
 سندده ، هزار اکرام و التفاتله یولنده
 بذل مال و منال ایدوب مناصب عالیه و مراتب
 معالیه برله استمالتلر و یروب بالضروره هر
 برینه وداع وطن و ترک مسکن ایتدیرمش .
 معلوم و مشهوردر ، که علی قوشچی دیمکه
 معلوم و متعارف ملایی دیار عجمدن ولایت
 رومه دعوت ایتدکده تعظیماً هر منزله



فناح سلطان محمد

بیک آچه تعیین و تقدیر ایدوب بوکونه هزار تکریمله توقیرینی توفیر
 ایتشددر . « قیدینه تصادف ایتدیکمز کی » و شعرادن دخی اوتوز
 نفر شاعر سالیانه سن و علوفه سن یر ایمش و کیمی توارینخن نظم و انشاد
 ایدوب کیمی قطعه و قصائدله مدایخن دیر ایمش . « سوزلرینده
 اوقیوروز . حسن چاپی ده عبداللطیف افندینک ادعاسنی تأیید ایدن
 شو سوزلری سویله یور : « حوضه حمایتلرنده اولان قوابل و امثال
 زماندن دانشمند و معید و طالب و مستفید هر کیم وار ایسه اسمی
 و رسمی ایله دفتر ایدوب حضور شریفلرنده صاقلارلر ایدی ، که بر
 منصب جدید محلول اولسه هانکیسی لایق ایسه آکا تقلید ایتمکه

پادشاه حضرتلری لطیفه کو اولانلره فوق العاده التفاتکار اولدقلری
کبی مسائل مشکله بی حل ایدن فضلالی فقهایه ده رعایتکار و محبتکار
ایمیشلر .

« اویخوده دون کیجه جانم کبی جانان کوردم
« تن افسرده ده قاقوب اثر جان کوردم

« ابلرک خسرت ایکن آغز مه آلدیم بالله
« ای طیب دل و جان دردمه درمان کوردم

« اذرنه کرچه کوزلار یریدر ای مهمدم
« بورسده دهخی نیجه دلبر فتان کوردم

« سروا کرچه کوزمن قدره ایرر ایلجه ده
« بر کشدن بایلو سر و خرامان کوردم

« ای مهاد شه آفاق ایکن فی الحال سنی
« زلفنه قیلمش اسیر اول شه خوبان کوردم .»

*
* *

« ساقی کتور کتورینه دونکی شرابی
« سویت دله کتورینه چنک وربابی

« بن وار ایکن کرک بکا بوذوق و بو صفا
« بر کون کله که کورمیه کیسه ترابی»

سلطان مراد ثانی حضرتلری « ۸۵۵ » سنه هجریه سنده عازم
دار جنان اولمشلردر .

ناسده فتنه اجناس کلابدن شول سک صغیره وجنس قطمیره» دینیرمش ..
 بوکون بوکله نك معناسی نه قدر دکشمش .. عثمانلی ترکری حال
 حاضرده بوکله لرله نه کوزل لطیفه لر یاپارلر .

۲

مراد ثانی . — تذکره صاحبزری حسن چابی ایله عبداللطیف
 افدینک متفقاً روایت ایتدکیرینه کوره خاندان ساطنت سینه دن اک
 اول [۱] نظم سویله یین سلطان مراد خان
 ثانی حضرتلریدر . مشارالیه حضرتلری
 علمایه، شعرایه، فقهایه فوق العاده رغبت،
 هریرینی التفات سنیه لرلیه بکام بویوریرلردی.
 تذکره لطیفی «روایت ایدرلرکه هفته ده ایکی
 کون علمای و شعرای جمع وکنیدیلرین اذعان
 و التفاتله سرتا قدم سمع ایدوب مباحثه
 باعث اولمق ایچون هر قندن نیجه مباحث



مراد ثانی

تعیین ایدرلر ایمش « سوزلرینی سویله دیکی کبی « و بالجه طالب
 هنر وعاشق کهر وشعری وشعرای سوزلر ایمش وکندولرندن دخی
 انشای صحبته و اوقات عشرته مناسب حال بعض منظوم صادر اولور
 ایمش « جمله لرینی ده قید ایدیور .

[۱] عطا تاریخی سلطان عثمان، سلطان اورخان، سلطان مراد خداوندکار،
 ییلدیرم بایزیدخان حضرتلرینه اسناد شاعریت ایدیور وبعض مثالر کتیریورسه ده
 بونلر طوغری دکلدرد. سلطان مراد آغزندن سعدالدینک نظم ایمش اولدینی
 سوزلری مشار الیه اسناد ایتسیله شو ادعاسنک بی معنا اولدینی ثابتدر .

« فلك شطرنجی اوتدك سعادت ملكنى طوتدك
 « نه ملكت ملكت دولت نه دولت دولت قيصر
 « قيوكدە قوللارك بی حد ولی كتر قولك احمد
 « نه احمد احمد داعی ، نه داعی داعی چاكر

لسانك شوزینتی ، آهنگنی ، سلاستنی معاصرلرنده فی الحقیقه بولمق خیلی کوچ بر شیدر . احمد داعی حساسیتیه باشقه بر شاعر اولدقدن ماعدا کندینه برده لسان بوله بیلمش و بونی دورك حالت روحیه سندن اخذ و اقتباس ایله مشدر . شویوقاریده کی غزل توقیریه بوندن باشقه زمانك ذهینتی ده آریجه ایضاح ایدیور ، بویوك تلقی ایدیلر قارشوسنده تاریخه استناداً یاپیله جقوریا کارقلارك ، شوصورتله ، مقدمه سی اولیور وریانی کله لرك آهنگ طنانه ترك ایله وجوده کتیریور و فارسی کله لردن اُك ایلرینی انتخاب ایدیور ، صنایع لفظیه دوشکون بولینیور .

حتی آهنگه دوشکونلکی طولایسیله زمانك فناشیر حقنده استعمال ایتدیکی کلماتی ده قوللانیور ؛ بو اعتبار ایله عبداللطیف افندی بی تذکره سنده شو سوزلری سویله مکه مجبور ایدیور : « اما عجب بودر که بوقدر فضل و معرفتله سوزلرینك معنای ایهامیسندن غافل اولوب ایاتنده اولان لفظنك نه قدر معنایه شامل ایدوکن فهم ایتمز لرمش . » صاحب تذکره شو ادعاسنی اثبات ایچون آتیده کی بیتی آلیور :

« کوزم هیچ کوردیکك واری بحق سورۀ طه
 « بَم یارم کبی فتنه ، بَم کوکلم کبی شیدا »

فتنه یی اوزمان شعرا رقیب حقنده قوللانیلر لرمش ، زیرا « عرف

دینیلن دورده سلیمان اولك ادرنده کی پر جوش و شطارت سراینه
اقتدار شعرسیله داخل اولمش، پادشاهك فوق العاده مقبولی بولمشدرد.
هائمه تاریخنده حقنده شو سوزلر کوریلور : « فرخ نامه ، چنك
نامه اسمنده کی اثرلرك صاحبی اولان احمد داعی سالیانك سرای
شطارت نمونده دها زیاده تقدیر اولمشدرد . » « چنك نامه » یی
سلیمان اول نامه یازمشدرد .

« عقود الجواهر » نامنده زمانك اصول کتابتی کوستیر برکتانی
بولوب بر چوق زمانلر یازی یازمق ایسته ینلره رهبر عد ایدلمش ،
« عبارات فارسی برله مشروح عربیادن » [۱] بر لغتده ترتیب
ایتمشدرد . عربییه ، فارسییه فوق العاده واقف اولوب بولسانلرده
منظوم سوز سویله یه بیلیردی ، المزده موجود اولان آثارندن
استدلال اولندیغی وجهله جداً ممتاز بر شاعر در .

میستریک بوشاعرك قدرت شعریه سنه مثال اولمق اوزره اثرینه
شوغللی آمله اکتفا ایتمشدرد :

« ایاخورشید مه پیکر جالاک مشتری منظر
« نه منظر منظر طالع نه طالع طالع انور
« جالکدن جهان کلشن دوداغکدن زمان کلشن
« نه کلشن کلشن جنت ، نه جنت جنت کوثر
« یوزو کدر آیت رحمت اوزو کدر مظهر قدرت
« نه قدرت قدرت صانع نه صانع صانع اکبر
« سلیمان سیرتی سنده سکندر صورتی سنده
« نه صورت صورت یوسف نه یوسف یوسف سرور

سرای دوری

احمد داعی . -- مراد ثانی . -- فاتح سلطان محمد . -- احمد پاشا . -- سنان پاشا . -- نظامی . -- زینب خاتون . -- بایزید ثانی . -- حمدی بك . -- سلطان جم . -- نجفی . -- مهری خاتون . -- ذاتی . -- ابن کمال . -- سلیمان قانونی . -- فضولی . -- وآثاری . -- بودورک هیئت عمومی سه بر نظر: اجمال سیاسی واجتماعی ، عجم ادبیاتك تأثیری ، نظم ونثر ، ترقیات فکریه ومدنیه ، ترقیات معماریه ، لسانك تکمیلی .

۱

اصمرداعی . — دور سراییه احمد داعی ایله باشلا یورز. مومی الیه فی الحقیقه سلیمان اولك سراینده ، فاصله سلطنتده بولمش ، سلیمان چلبییه، شیخییه، احمدییه رفاقت ایتمش ایسه ده دور تصوفدن ایرلمش، زمانك روحیتنی أك اول حس ایتمش، دور سراینك لسانی أك اول موفقیتله استعمال ایله مش بر شاعر اولغله بو دور شاعر لرینه مقدمه تشکیل ایتمه سی موافق کورولمشدر. شو حقیقتی قسطمونیلی عبداللطیف افندی تذکره سنده تصدیق ایله « طور غزلی ، طور سابق ومعاصر لرینك مترسلرینه نسبت بعضدن فائق در» سوزلرینی سویله یور .

کرمیانه تولد ایتمش ، کرمیان بکلکنك شعر وشاعره اهمیت ویرر حکومتی داخلنده پرورشیا ب اولمش بر شاعر در؛ فاصله سلطنت

بنا هم معبد ، هم مدرسه در . زمین قاتی جامعی تشکیل ایدیور .
 اوست قاتده و بنانک کنارنده کی دهلیزده صیره ایله متعلمین اوڤه لری
 اوصورتله بنا اولنمشدر ، که متعلم کندی اوڤه سندن محرابده کی امامی
 کوروب اونکله برلکده نمازینی ادا ایدر . « سلطان مرادک ادرنه ده
 انشا ایتدیردیکی سرای جداً قیمتدار اولقله برابر طونجه بونجه
 امتداد ایدن باغچه سی ده آیریمجه صنعتکارانه ، نظرربا ایدی . ادرنه نک
 کوبه لی جامعی سلطان ییلدیرم بایزید خان زماننده یاپیلشمشدر . اولیا
 چلبی سیاحتنامه سنده « نیجه طاق خورنقلرینک اورتلرنده استاد معمار ،
 مهندسین برر حلقه و آویزه لر آصمشلردر . « دیور .

سلطان ییلدیرم بایزید بروسه ده امیر سلطان محله سنده بر ، آق
 چاغلان کنارنده آق چاغلان جامعی اولق اوزره ایکی جامع ده اانشا
 ایتدیرمشدر ، که اندلس عربلرینک اون دردنجی عصر نهایتلرنده کی
 طرز معماریلرینه مشابه ، قیمتدار برر آبددر . پادشاهلره امثالاً
 او دورده بولنان کبارده بر چوق مبانی عالیه وجوده کتیرمشلردر .
 نتیجه حیات اجتماعیه ده حصوله کلن تبدلات صنعتیه ده نفوذ ایتمش ،
 او دوردن بزه بر چوق مبانی انتقال ایله مش ، بر چوق آتارقالمشدر .

بزجه بر وثيقه کافيه تلقی ايديله مز . ارضروملي مصطفى بن عمرالضرير نامنده کی ذاتک « سيرالنبي » کتابی طرز نثری تماميله کوسترمکده در . نظم پک آز زمان ايچنده پک بويوک ترقیات کوسترمش ، عاشق پاشا ايله سليمان چلبی ، شیخی ، احمدی ، شیخ الوان ، نسیمی ، نیازی آره سنده طرز نظم اعتباريله پک بويوک بر فرق کورولمشدر .

موسیقی ده بوزمانده خیلی ترقیاته اوغرامش ، ییلدیرم بایزید خانک ، سلیمانک سرایلری مجمع خوش الحانان اولمشدر : سرایلرندن مختلف اقوامه عائد کوزل سسلیرک ترنماتی محیطه یاییلیدی . معماری ده بودورده پک بويوک ترقیاته مظهر اولمشدر . سلطان اورخان زماننده بر چوق مکتبلر ، مدرسه لر ، عمارتخانه لر انشا وتأسيس اولمش ، ازینقده آباء عیسویه نك ابوابنك يك عنصر اولدیغی قرارلاشدیردقلری دیوانخانه جامعه تحویل ایدلیدیکی زمان سلطان اورخان ايلك دفعه اوله رق قاپونك اوزرينه كتابه تعلیق ايله اسمنی یازدیرمشدر . وایلك دفعه اولمق اوزره بر مدرسه عالیه تأسيس ايله مدرسلکک قیصریه لی فقیه داودی تعیین بویور مشدر . سلطان مراد خداوندکار بروسه ده كوك دره سنده کوچوك ، قابلیجه لر محله سنده سرايك قارشوسنده بويوك ایکی جامع انشا ایتدیرمشدر .

هائمه بر پنجی جلد تاریخنده بوخصوصه دائر معلومات ویررکن « بوتون بو مؤسسانه نظارت ایدن معمار بروم ویا برفرنك ایدی ، که عثمانلی دوئمناسنك بر کميسي طرفدن اسیر ایدیلهرک اسارتی تعدیل ایچون بودرلو ایشلره حصر مهارت ايله مشدر . اثر صناعتی اولان مبانی میاننده شکل غریبيله شایان دقت بر جامع ذکر اولته بیلیر .

نیازیدن بزه منقول اولان شو بیت قیودات تاریخیه اینامق لزومی احساس ایتمکده در .

« آهوی فلک چرخ پلنکندن امیندر »

« شیر علمک سایه سنی ایده لی ملجاً »

سلطان مراد زماننده بروسه یه کلن ، شیخی ایله آرقداشلق یاپان برده نسیمی واردر ، اسمی عمادالدیندر . کندیسسی متصوفه دندر ، خلق ایچنده شهرتی پک بویوک ، تأثیری پک چوق ایدی . حروفیلردن اولوب فضل اللهک مذهبه تابع بولینیوردی ، دور تصوفی اُک زیاده کوسترین ممتاز بر سیمای شاعریت اولدیغی کبی « ۸۲۶ » ده حلبده پوستنک چیقارلمسی ده تأثیر قوت تصوفک آزالدیغنده بردیلیدر [۱] . مرتب دیوانی واردر ، غلبه وجد ایله ظاهر آ کفر دینله بیله جک پک چوق شیرل سویله مشدر :

« بنده صیغاریکی جهان بن جهانیه صیغمازم »

« کوه لاماکن نم کون ومکانه صیغمازم . »

کبی .

بودور احمدی ، نصرالدین خواجه کبی جداً ممتاز حاضر جوابلر ، کور حسن کبی مقلدلر یتیشدیر مشدر .

اولیا چلبی بونک حقنده « ییلدیرم بایزید خان عصرنده کور حسن نامیله یاد اولنور بر رند جهان ، مصاحب ییلدیرم خان ایمش . » دییور . بودورک نثری کسیک ، قیصه ، ساده در ، مع مافیه رسمی کاغدلرده قره مان زاده نک اولجه بحث ایدیلن اصولنک قوللانیلدیغی فریدون بک منشاآتندن استدلال اولینیورسه ده بو اثر شایان اعتماد اولمه مقله

[۱] حلب اوزمان عثمانی پادشاهلرینک آلتده دکل ایدی ، مصر مملوکلرینه عائد بولونیوردی . بناءً علیه کندیسسه ممالک عثمانیه ده بر شی یاپیلماسی حکومت عثمانیه نک فکر حریت پرورانه سنه دلیلدر .

حیات جدید اجتماعی بزه یکی یکی شاعران حاضر لادی . شیخی ، احمدی ، نیازی ، سلیمان دوده ، حمزه کی . . بونلر اکثریا متصوفه دن بولمقله برابرینه خلقدن آیری ، بر مقصد و غایه ماده دوشونمه نین ، صرف هیجانی و بدیعی اثرلر وجوده کتیردیلر .

سلطان اورخان زماننده - شوراده استطراد قیلندن اولمق اوزره تدقیق ایدلمه دن کچیلن برقاق شاعر دن مختصر آ بحث ایده جکیز - هنوز تصوف دن ادبیات تمامیه قور تیلما دینی جهته تصوفه دائر فارسیدن « کتاب کلشن رازی » ترجمه ایدن شیخ الوان شیرازی موجود در ، که عاشق پاشادن تمامیه آیری بر لسان استعمال ایشدر . « شراب و شاهد » حقنده کی شو سوزلرینی مثال اوله رق آلیورز :

« شراب و شمع و شاهد نور معنی
 « کور و غمز کورینور چون عکس مولا
 « شراب اسراره شمع انواره بکزر
 « باقک شاهد یوزی دیداره بکزر
 « شراب و شمع باق کیم سر مکتوم
 « سکا شاهد یوزندن اوله معلوم . »

سلطان مراد خداوندکار زماننده شاعر احمد واردر ، که « سهیل ونوبهار » اسمنده بر مثنوی یازمش ایسه ده آناری بزه انتقال ایده مامشدر . فقط اسمندن آ کلاشیله جنی وجهله تصوف دن آ زچوق آیرلمش بر اثر در . سلطان ییلدیرم بایزید زماننده نیازی واردر ، که تیمور فترتنده اثری محو ایدلمش اولان ذاتدر . عثمانلیرک ایلک ربابی شاعری اولدینی قیودات تاریخیه دن آ کلاشیلیر . بویه ایسه دورک عثمانلی شعری اوزرینه تأثیری تمامیه آ کلاشیلیر .

کرمیان ، صربیه ، بیزانس پرنسلی اولوق اوزره اسمی معلوم اوج
زوجہ سی اولدینی کبی اسمی نامعلوم آوروپا پرنس لرندن بر دردنجیسی
دها واردی . بونلرک دردیده متفسخ مملکتلرک عادات ذوقیه سیله
عثمانلی سلطنتک او زمانده کی ثروت و عظمتی مزج ایله مشلر ،
صربیه پرنسیسی سرایه عیش ونوش علملرینی ادخال ایتشدی . ذاتاً
ثروت ورفاه وکلایی ، قوماندانلری ، حتی قاضیلری بیله سفاهته سوق
ایدیوردی .

وزیر علی پاشانک اسراف و سفاهتی صوک درجه نی بولمشدی .
درویشلرک زاویه لرنده سکون وتسلای بولان ، میراث اولوق اوزره پک
اهمیتسز شیلر براقان برنجی پادشاه ایله حفیدی آرهنده نه بویوک بر
فرق واردی ! اساساً سلطان مراد خداوندکار زماننده بوتمایل سفاهتکار
حسن اولمیه باشلامشدی [۱] . سلطان بایزیدک کرمیان پرنسیسیله ازدواجی
مراسمی اوقویانلر اللی آلتش سنه ظرفنده نه بویوک تخالقات حصوله
کلدیکنی سرعاً حسن ایدرلر ، آکلارلر . سلطان بایزیدک سراینده
اؤک غیر مشروع اذواق موقع و حیات بولمشدی .

برنجی سلطان سلیمان - امیر سلیمان - کلنجه . . . اوده
سفاهته میال ، اوده دبدبه وداراتدن خوشلانیردی . تاج
التواریخ مشار ایله حقنده شو سوزلری سویله یور . « شهزاده سلیمان
عشرته ، خطوطات نفسانییه دوشکون ایدی . لکن شجاعته درستم ،
سماحتده خاتم ایدی . غایت کوزل ایدی . بذل صدقاته ، خیراته مائل
ایدی . هر کون بر قول آزاد ایدر ، اونلره احسانلرده بولنوردی . »
ایشته تشکیلات اداریه وعسکریه ومظفریاتک احضار ایتدیکی

[۱] کرمیان پرنسیسیله ییلدیرم بایزیدخانک دوکونده کی دبدبه وداراتی
آکلامق ایچون تاریخلره مراجعه .

ألك زیاده رغبت بولان، اواننده، بکطاشیلر اولمشدر. بوتون یکیچریلر هم عسکر، همده بکطاشیلک طریقنده مرید ایدیلر. طریقت بکطاشیه رئیس اولان شیخ عینی زمانده طقسان طقوزنجی آلاک میرآلابی، چورباچی باشیسی اولدینی کبی مریدانندن سکرز کشیده قشله لرده بولنه رق کیجه کوندوز عسکر حقنده دعا ایدرلر، اولره اصول طریقتی کونتریرلردی.

اهل تصوفک ابتداری بوقدر التفاته مظهر اولملری بر چوق شاعرلرک یتیشمه سینه سبب اولدینی حالده سریع مظفریتلرده بر چوق کبارلرک یتیشمه سنی، خلق ایله سرای و کبارلر آره سنده یاواش یاواش تباعدک حصولی مؤدی اولمشدر. بویوز سینه نک صوکلرینه طوغری یکی یکی احتیاجات تولد ایتمشدی. آناتولی تازہ، زنده بر حیات کچیریور، غنیمت لر عسکری، اولر طولایسیله تجاری، زراعی زنکین ایدیور، اطرافده مجادلاته دائمًا سبیت ویره جک کوچک بککلرک، روم قلعه لرینک بر سنجاق آلتنده طوپلانمہ سی، تشکیلات ملکیه وعدلیه نک مکملیتی رفاه وسکونی حصوله کتیریوردی. بناءً علیہ روحلر دها زنده، دها شوخ، دها چالاک، تصوفدن زیاده دبده لی، طنطنه لی شیرلر ایچون منجذب اولیوردی.

سلطان عثمان، سلطان اورخان، سلطان مراد خلقه هم حاکم، همده خادم برر پادشاه ایکن حکومت عسکریه نک انتظامی، مرکزک زنکیندکی طولایسیله سلطان بازید مرکزی، ومطلق العنان بر حکومت تشکیل ایتمشدی. باخصوص بودورده سرای خلقدن تمامیه آیری بر شکل حیات تعقیب ایتمه باشلامشدی. سلطان بازیدک

حر بلرینه اشتراك ایتدیرر ، کندیلرینک معاونت روحانیه لرندن فوق-
العاده امین بولنیرمش . . . و بوتون بودرویشان کشیش طائغنک مناظر
شاعرانه سندن خوشلانیرلر ، اوراده طوپلانیرلردی . سلطان مراد
خداوندکار درویش ایچون یکیشهرده بر تکیه انشا ، برچوق
تخصیصات اعطا ایله مشدر . سلطان مراد خداوندکارک اوقویوب
یازمق بیلمدیکی ایچون راغوزه عهدنامه سنی باش پارماغی ایله سرچه پارماغی
آری ، دیگر اوچر پارماغی بتیشیک اولمق اوزره آلی مرکبه باتیره رق
امضالامه سیله ثابت بولنوب پادشاهک بو حالی علمانک یرینه اهل تصوفک
اعتبار صاحبی اولمه سنی ، وبالنتیجه ریاضی شهر قاضی زاده
رومی محمود افندینک سمر قنده ، علمای لساندن منلا جمال الدینک
قره مانه ، عقاید علماسندن احمد برهان الدینک ابتدا قیصریه یه ،
دها صوکره ارزنجانه کیتملرینی مؤدی اولمشدر [۱] .

سلطان بایزیده از چوق اسلاف عظامنک اثرینی تعقیب ایتمش ،
مع مافیه اونلری دیگرلری کی حر بلرینه اشتراك ایتدیرمه مش ، اهل
طریقک نزدنده اک بویوک مقامی طوتان دامادی شیخ بخاری یه . -
امیر سلطان نامیه معروف . - محاربه یه کیدرکن قیلیج قوشاندیرمق
اصولنی احداث ایله مش ، او عصر اهل تصوفک اک بویوکی بولنان
شیخ سید علی همدانی شیخ بخاری بی زیارته کلدیکی زمان بروسه ده
انشا ایتدیرمش اولدیغی آق چاغلیان جامعی اجوراتنک اوچ مثلی بر
مبلغی همدانی مشارالیه هدییه ایتمشدر . سلطان اورخان زماننده نقش
بندیلر ، سعدیلر ، بکطاشیلر اولمق اوزره اوچ طریقت تأسس ایتمش ،

دور تصوفك منقرض اولوب دور سراینك باشلامه سی موفقیات خارجه و داخلی سکون و آسایشدن تولد ایتدیکی کبی مطلقیت اداره، اصالت و کبارلق فکر لری ده بونلردن طوغمشدر .

عثمانی حکومتی سلجوقی حکومتدن بر چوق قاریشیققلرله برابر روح تصوفی ده میراث اوله رق اخذ و اقتباس ایتشدی. بحث مخصوصده ذکر ایدلدیکی وجهله اوئانلارده آناتولی تصوفك نشو و نما سنه مساعد بر حالد بولینیوردی ، اهل تصوفك ایلک عثمانی پادشاهلری نزدنده نه قدر مقبول و معتبر اولدیغنی بعض وئائق تاریخیه ایله کوستره جکزر . سلطان عثمان ارطغرل نسلنك پك بویوک بر عالمه حکمداری تشکیل ایده جکنی رؤیادن استخر اجاتیه آبدال قومرال نامنده بر درویشك خبر ویرمه سی اوزرینه بونك شهرت قدسیه سی مقصدی تسهیل ایدر دیه رك کندیسنه اُك کوزل قیلیچلرندن برینی و بر قیمتدار کاسه اهدا ایتدیکی کبی بر زاویه ده یاپدیره جغنی وعد ایله مش و زمانی کلیر کلز ارمنی بوغازنده بر زاویه انشا ایتدیر مش و اوکا ویرمشدر [۱]. سلطان اورخنده کیکلی بابایه زاویه انشا ایتدیردیکی کبی بروسه فتحنده بولنه رق معاونت روحانیه لریله فتحك میسر اولدیغنه قانع بولندیغنی آبدال موسی ایله آبدال مرادك مدفون بولندقلری یرلری زاویه لرله املا ایله مش ، بوصورتله منتدارلغنی تأیید ایتمشدر [۲] سلطان اورخان بونلری اکثریا

[۱] ادریسیدن نقلاً هانمزه ترجمه سی، برنجی جلد .

[۲] هانمزه ترجمه سی «برنجی جلد، صحیفه ۱۹۰» روایاته کوره کیکلی بابا محاصره اردوسنك اوکنده بر غزاله سوزار اوله رق آئنده آلتمش اوقه لق بر قیلیجه ، آبدال مراد درت آرشون طولنده تحته دن بر قیلیجه آثار شجاعت کوسترمش ، آبدال مراد ایسه پاموق ایله آتش طوپلامشدر .

هم اداره ملکيه يي ، همده اداره عسکريه يي جمع ايديوردی . بوده
عسکرلکه کچينهن مملکتلرده کی مرکزيتہ اولان لزوم قطعی يي تقويه
ایتمش بولینوردی .

عسکر باش قوماندانلغی ده خاندان سلطنتدن ، شهزاده لرك بویله
مهم بر موقعده بولنه رق تشوش حصوله کتیرملری ملاحظه سیله ،
آلیندی ، بکدر یکی لقیبله ابتدا لاله شاهین پاشایه تودیع اولندی .
تاریخ عثمانی بزه بری علاءالدین پاشا ، دیکری سلیمان پاشا اولمق
اوزره ایکی شهزاده باش قوماندان کوسترمکده در . بواصول نتیجه سی
شهزاده لر مجلس مشورتدن چکلدی . خرسیتیان تبعه دن سفرلرده
آتلره باقمق ، آرابه لری سورمک ، آخورلری تمیزله مک پادشاهک
معیتده بولمق اوزره ویناق نامیله بر فرقه عسکریه تأسیس ایدلی .
عثمانلی سنجاقلرینک رنکی تنظیم ، عسکری مالکانه لراصلاح اولندی .
بوخصوصده تیمور طاش پاشا فوق العاده صرف غیرت ایتدی .

سلطان بایزید زماننده ایسه اصلاحات عدلیه یاپیلدی ، قاضیلر
اخلاقسزلغه یوز طوتمشلردی ، تخصیصاتلری معین دکلدی ، بوکا
چاره اولمق اوزره تخصیصاتلری تعین ، بعض رسوم ایله خرجلر
آلتمسنه مساعده ایدلدی ، قانون یاپیلدی . شوعدلی اصلاحات اداره
ملکيه نك اصلاحی مؤدی اولدی .

شورایه قدر ویریلن تفصیلاتک تاریخ ادبیاتله مناسبتنی تحری
ایده لم . . . کرك سیاست خارجه ده ، کرك سیاست داخله ده وقوعه
کلن شو موفقیات وتبدلات آنا طولی ساحه سنده حیات اجتماعیه يي ،
بالنتیجه حیات ادبیه يي ، حیات صنعتکارانه يي تمامیله دکشدر مشدر .

بر سنجاق ایله برده اسم ویرمه سنی طلب ایلدی . شیخ ، عباسنک قولنی عسکر دن برینک باشنه اوילה بر صورتده وضع ایتدی ، که قولنک اوجی . عسکرک صیرتنه قدر صارقدی ؛ بعده بر صدای الهام نما ایله کشف استقبال طرزنده شوسوزلری سویلدی : « تأسیس ایتدیککز اردو یکیچری تسمیه ایدیلجک ، یوزی آق وپارلاق ، قولی مدهش ، قیلیجی کسکین اوقی تیز اوله جق .. بوتون محاربه لرده غالب چیه جق وداثما مظفریتله عودت ایده جکدر . » بودعایی مخطر اولمق اوزره یکیچریلرک بیاض کچه کلاهنه آرقه طرفدن بر قماش پارچه سی علاوه ایلدی . » [۱] و اوزرلرینه پوسکول رینه قاشیق طاقلدی . ضابطلرینک اسملری ده مطبخ ایشلرندن آلدی . بونلرک تخصیصاتی چوق فضله اولمقله قارنلری طویدیغنه تمثال اولمق اوزره بویله انتخاب ایلدی [۲] . ممالک مفتوحه نک عسکر آره سنده تقسیمی قانون اولدی ، بوندن طولایی معاش آلان پیاده عسکری اراضی آلمیه باشلادی . آقنجیلر ، سپاهیلر تشکیل اولندی ، سپاهیلر ده موظف ، غیر موظف اولمق اوزره ایکی یه تقسیم ایلدی .

بوتشکیلات منتظمه دن صوکره کوریلن لزوم اوزرینه سلطان مراد خداوندکار زماننده اک بویوک بروسه قاضیغیله اردو قاضیغنک برشخصده جمعی قانون اولدی ، بوکا تعیین اولنان شخص کنیدیسنده

[۱] هاهمهر : جلد ، ۱ ، صحیفه ، ۱۳۹

[۲] میر آلائی : چورباجی باشی ، اوندن صوکره کلن اک بویوک ضابطاندن بری آشجی باشی ، دیکری سقه باشی ، - اک معزز اشیا قزغاندر . بو - استشاره یه آلتدر . یکیچری سنجائی قرمزلی اوزرینه هلال و اونک اوزرینه یکی اوجل قیلیج رسمیدر .

وضع ایتدی . عثمانلیق دائمی اردولرده اوروپایه بر عصر تفوق ایله مشدر . سلطان عثمان غازی محاربه لرنده آقینچی اسمیله یاد ایدیلن ترکمنلری استخدام ایدردی ، سفر کشادایمک اقتضای ایتدیکی زمان بونلری بر مدت اول طویلامق لازم کلیردی . سلطان اورخان وعلاءالدین پاشا دائمی ، ایلقلی پیاده لر تشکیلی ایله بونلره کونده بر آچه یعنی بر درهم کوشک درده برینی معاش اولمق اوزره تعیین ایتدی . اونباشی ، یوز باشی ، بیکباشی نامنده کی ضابطلرک قومانداسنده بونلر طاقمره آیرلدی . فقط ویریلن پاره نك چوقلغی طولایسیله بو ایلقلی عسکره غرور کلکله بر طاقم قاریشقلقلری مؤدی اولدی .

سلطان اورخان علاءالدین پاشا ایله شیخ ادبالینک باجناخی چاندارلی قره خلیلدن عبارت مجلسده مذاکره لرده بولندی . چاندارلی قره خلیل دوشیرمه اصولنی تکلیف ایتدی ، بونلر خرسستیان چوجقلرندن تشکیل ایدیه جک ، جدی ، متین ، ریاضی بر تربیه عسکریه معروض قاله جقلردی . وبونلره یکیکچری نامی ویرلدی . هاهمه ر بو عسکرک تشکیلی حقنده شومطالعده بولینور :

«قره خلیلک ایجادی ، وجوده کتیردیکی ثمره لر اعتباریله ، آوروپانک حضور و آسایشی ایچون شوارچک طوب باروتی اختراعندن بیک قات دهشتلی بر ضربه تشکیل ایلدی . » یکیکچریلره سرپوش اولمق ایچون حاجی بکطاش ولینک بیاض کچه کلاهی قبول ایلدی .

سلطان اورخان بر کون یاننده مهتدیلردن بر قاچ کشی بولندیغی حالده آماسیه جوارنده صولیهجه کناریون قصبه سنده اقامت ایدن حاجی بکطاش نزدینه کیده رک یکی اردوسی ایچون دعا ایتمه سنی

یالکیز بر حاکم قلمشدی : عثمانلی پادشاهی ... ترك حکمداری کندی تبعه سندن ایش کی بیزانس ایمپراطورینی استخدام ایدیور، ایستهدیکی زمان ایمپراطورلری عزل ونصب ایله یوزردی .

سیاست خارجیده اولدیغی کی سیاست داخلیده ، امور ملکیه وامور عسکریه ده متدایاً تکامل ایدیوردی .

سلطان عثمان شرق حکمدارلرینک حقوق سیاسیه سندن اولان خطبه ده نامنی یاد ایتدیرمهی وضع ایتمشدی ، لکن سکه ضرب ایتدیرمک ، قانون وضع ایله مک کی حققرینی استعمال ایتهمشدی . بوشرفی تاریخ عثمانی اوغلی سلطان اورخانه قید ایتمشدر . سکه قانونی ، قیافت ، اردو قانونلری مشار الیهک زمان سلطنتده ابتدا علاءالدین پاشا طرفدن تنظیم ایدلمشدر . روملر صیرمه ایشله مهلی ، ترکملر رنگارنک قماشلردن یاپیلمش کلاه کیرلردی .

علاءالدین پاشا بونلردن عثمانلیلری تفریق ایچون بیاض کلاهی قبول ایتدی ، بالاآخره البسه لر تعین ایتدیکی حالده اُک اول دوشونیلن سرپوش ملی اولمشدر . بکلرده بیاض کچه کیرلر ، آنجق مراسم کونلرنده بیاض اوزرینه موصلیندن صاریق طاقارلردی ، قاووق حقنده کی بونظام سلطان ییلدیرم بایزید زماننه قدر دوام ایش ، اوزمان تیمور طاش پاشانک توصیه سیله قرمزی کچه کلاه استعمال اولمش ، بیاض یالکیز سرایده قلمشدر . سلطان ییلدیرم بایزید زماننده متعدد قاووقلر میدانه چیقمش ، مسلمانلرک بورک شکنده کیمه لری قانون حکمنه کیرمشدر .

علاءالدین پاشا دائمی ومعاشلی بر اردوده تشکیل وبونک قوانینی

مجارلر ، ساقسونلر ، لاتینلر ، حاصلی جمله سی پادشاهک آرزوسنه کوره کندی لسانلرنده تغنیه حاتم ایدیلر . »

یالکیز بو اقبال و سلطنتی بر مدت موقنه ایچون تیمورلنسکک حکومت عثمانیهیه تجاوزی ، آنقره محاربه سی نتیجه سنده بوزغونلق ، سلطان بایزیدک اسارتی ، شهزاده لر محاربه سی سکتیه اوغراتدیسده ینه تمامیه دکدر . چونکه تاریخک یا کلش قید و ضبط ایتدیکی کبی بر فاصله سلطنت اولماشدر ، بالعکس بر تمدای سلطنت واردر . تیمورک سلطان بایزیدی اسیر ایتیه سی آنجق تشوشاتی موجب اولمش ، اون ایکی سنه صوکره اسکی بکلرک مملکتلرینه صاحب اولمسیله حال سابق رجوع ایتمشدر .

فاصله سلطنت یوقدر ، چونکه اکبر اولاد اولان سلیمان چلبی پدرینک یرینه مقام سلطنته جالس اولمشدر . مراد بک تاریخنده بونقطه یی دوشونهرک « بو دور فاصله سلطنت یاد اولمشدر ، که وقعه دن سلطان بایزیدک ارتحالنه قدر کچن طقوز آی مستثنا طوتیلدیغی حالده بونک بوصورتله یادینه اصلا معنا ومناسبت یوقدر . دور فترت ویا شهزاده لرک عصیان دینیه بیلیر ، فاصله سلطنت دینه من ، چونکه سلطان بایزیدک اکبر اولادی و رسمی ولی عهدی سلیمان بک اصولی دائره سنده ادرنده جلوس ایتمش ، باشده صدر اعظم ، یکی چری آغاسی ، قاضی عسکر اولدیغی حالده بوتون علما ، امرا ، عسکر ، خلق کندوسنه بیعت ایتمش ، سکه ضرب اولمش ، جاهلرده نامنه خطبه اوقونمه یه باشلامشدر . » دییور .

خلاصه دور فترته قدر آنا طولیده ، اوروپانک شر قنده وجنوبنده

ایتدیکی حالده نهر چاموریه عمقنی طولدیرمه سی یونان حصارلرینی طبیعی برمحافظدن محروم براقش، انکشاف عثمانیه دیکر بر سبب تشکیل ایتشدر. باخصوص سلطان عثمانک تحکم قبول ایتمز شجاعتی، وسعت آمالی و فکر تشبث پرورسی واردی. کنديسنک فوق العاده عادل اولمه سی، خرستیان، مسلمان هر نه اولورسه اولسون یکدیگره ترجیح ایتمه سی اوزمانده هر طرفدن آقان ظلم، اعتسافدن بیقانلری هپ نزدینه طویلا یوردی. اوغلی اورخان غازینک، حفیدلری سلطان مراد خداوندگارک، ییلدیرم بایزیدک شجاعتری ده دولت علیه نک تماندی اقبال و متاتی ایچون برر سبیدر. آلتیوز طقسان طقوزدن سکزیوز سنه سنه قدر کچن بر عصر ظرفنده دولت عثمانیه خارقه نوغندن فتوحاته مالک اوله رق توسع و انکشاف ایتدی. بروسه، ازنیق، ایزمید، کلیولی، ادرنه، قوصوه، بلغارستان، کرمان و حمید ممالکی عثمانلی الکسنه ضم و الحاق ایدلدی. مجارستان استیلا اولندی. قره مان، برهان الدین، کوتوروم بایزید ممالکی فتح ایدلدی، اهل صلیب اردولرینه قارشو یاپیلان محاربه لرده موفقیتلر قازانیدلدی، قسطنطنیه قاضی اقعاد ایدلدی، اوراده جامع انشا ایتدیرلدی، موره، یونانستان قطعه سی استیلا اولندی. عثمانلی حکومتی یوز سنه ظرفنده آناطولی دن فرات قیلرینه قدر کلش، آوروپاده یونانستانک جنوبنه طونه بویلرینه قدر ایلرله مشدی. هانمه سلطان بایزیدک سرایندن بحث ایدرکن شو سوزلری سویله یور: « قیز ارکک بیکلرجه اسیرلر ایچنده حسن و آنلری جلب دقت ایدرک انتخاب ایدلش کوله و جاریه لردا ائما اطرافنده بولنورلردی. روملر، افلاقلیلر، صربیلر، آرناوودلر،

۷

اجمال سیاسی و اجتماعی ، نظم و نثر ، ترقیات فکریه . — عثمانلی حکومتی توسع و انکشاف ایچون لازم اولان بوتون قابلیاته ، بوتون مساعدات موقعیه مالک بولینیوردی . عثمان بکنک اداره سنده بولنان مأمورلرک ، قوماندانلرک اکثری توراندن کلش ، هنوز بوزولمه مش ، شجیع و متین ذوات ویا اولنرک اولادی ایدی . حالبوکه اوته کی بکلر سلچوق انقاضی طاشیورلردی ، اولنرک مأمورلری منقرض سلچوق حکومتک متفسخ روحلی مخلوقلری ایدی . بناءً علیه عثمانلی حکومتی شو اعتبار ایله اول اولنره فائق بولینیوردی . دهها صوکره موقع ده مساعددی . اردوسی بوزولمش ، اداره سی بوزولمش ، قوماندانلری بوزولمش بر بیزانس ایمپراطورلغی قومشوسی بولینیوردی . عز مکار امیره ، سلطان عثمانه اک زیاده قوت ویرن بو حال ایدی .

پاله ئوغلرک حکومتمندن اول یونان حصارلری قوماندانلری ایمپرا - طورلغک قلعه لرینی کلی مبالغ ، ترک اراضی ، غنائمک کندیلرینه عایدتی شرطلریله محافظه ایدیورلردی . حالبوکه پاله ئوغلر بو اصولی قالدیرمشلر ، اولنری حددن افزون ویرکولره تابع قیلمشلردی : اجرت مقابلنده وطنی مدافعه ایدن بو قوماندانلر و عسکرلر آرتق منفعل و منکسر ، گوشه مشلر ، بناءً علیه اسکی شدله مملکتی مدافعه دن واز کچمشلردی . بو ، عثمانلیلغک ترقی و انکشافی ایچون اک متین ، اک مسعود بر سبب و عامل اولدقدن باشقه سقاریه نهرینک ده اوائلرده تبدیل مجرا و استقامت ایتمه سی ، بالا آخره مجرای قدیمه عودت

« یورک کوزکک اوکنه صد پاره کرکدر
 « کیسولرک ایچنده دل آواره کرکدر
 « ییچاره یه که قالدی بوکیسوکله مشکین
 « شول لعل لبندن صنما چاره کرکدر . »

تویوغلرندن

« آزلده حق نه یازمش ایسه بولور
 « کوزنه نی که کوره جک ایسه کورر
 « ایکی عالمده حقه صیغینمشز
 « توخامش نه اوله یا اخسخ تیمور . »

*
 * *

« سنجلین دنیاده خوب آز ایش
 « نغمه کی راست آکلام شهناز ایش
 « کوکلره ککلکنه بودنیاده
 « الا شاهین کوزلرک شهناز ایش . »

*
 * *

« همیشه عاشق کوکلی بریان اولور
 « هر نفس غریب کوزی کریان بولور
 « صوفیلرک دله کی محراب و نماز
 « ارکشینک آرزوسی میدان بولور . »

« اولمش تنومه عشقی آنوک روح دگلی
 « غمزہ سیله دل دخی مجروح دگلی
 « عشقیله قوشدی کوکلم یولنه آنوک
 « عشقیله قاخیلن قیو مقتوح دگلی
 « کیرپوکی نه قلدوغنی سن صنمه معما
 « کوکلده آتون یاره سی مشروح دگلی
 « بک ییلده اکر نوح یشادیسه بک یاش
 « اول یاش بکا بر لحظه ممنوح دگلی
 « معشوقله عاشق بر اولور عشق اودیلہ
 « مادم دخی پس هم ینه ممدوح دگلی »

رباعیلرندن

« کوکلم ینه اول لیلیه مجنون اولمش
 « یاشم ینه یار یولنه جیحون اولمش
 « لبلری چاقشمش کوکلی اولدی
 « باخدم مکر آرالرنده خون اولمش »

*
 * *

« دیدی که نیچون کوزیکی پر غم کوررم
 « یا کوکلکی بن نیشه پر غم کوررم
 « دیدم صنما آتک ایچون که لیکن
 « دائم کورمنم وی دم کوررم »

*
 * *

عبارت در. لسانی عثمانلی ترجه سی دکلسه ده ینه غرب ترجه و شیوه سیدر.
 بوشاعرك اُك بویوك مزیتی تصوفدن قورتیلمه سی ، اُك اول غرب
 ترجه سنده رباعی سویله مه سیدر . ذاتاً بوقدر متین، شجیع ، عزیمکار
 بر موجودیت تصوفك ضعیفله تسلی وسکون ویرن روح وزمیندن
 ذوقیاب اوله مازدی. بونك ایچون در، که منظومه لرنده بر بوی بشریت
 موجود در . عاشقانه غزللریله رباعیلرندن ، و توپوغلرندن بعض
 مثاللرله اکتفا ایده جکمز :

غزللرندن

- « یار بزوميله ینا کورکه نه آل ایلدی
 « تا که باشوم قان اولا یا کفن آل ایلدی
 « آغزینی کورالی درلیم اولدی کمان
 « بیلنی کوسدار الی بینی خیال ایلدی
 « جانوی آلدی کوزی کوکلم آپردی طوزی
 « شهد وشکرتک سوزی عقلری لال ایلدی
 « هجرنه دویمزم وصالنه ایریمزم
 « شول صنمک که یوزی بدری هلال ایلدی
 « حسنی که حق لطفی در یزا حرام ایدین
 « کوزلری عاشق قانن نیشه حلال ایلدی
 « ییل داخی آواره در طولشالی زلفنا
 « یری در اول آکا چون قیلله قال ایلدی
 « کرچه کباب ایلدی عشق اودینا جانی
 « یار آغزینک یارینی ییژاولال ایلدی »

پدری سلطان مراد خداوندگار زماننده اهل تصوفه پادشاهك
فوق العاده میال و دوشکون اولوب علمایه لاقید بولمه سندن خارجه
معیشت آرامیه چیقان عقائد علماسندن احمد برهان الدیندر ، که اوغلی
قاضینک اصل اسمی برهان الدیندر . پدری قیصری حکمدارینک ده
قاضیغنی یا بمشدر [۱] .

بر چوق تاتار عشیرتلی اوزرینه تأسیس حکومت ایدن بو ذات
یکرمی سنه قدر اجرای سلطنت ایتمش ، عثمانلیلرله ، تیمورلنک
عسا کريله ، مصر مملوکلریله ، جوارده کی تورکمن عشیرتلیله متعدد
دفعه لر محاربه لرده بولمیشدی . سیواس ، قیصری شهرلری بونک حکومتی
داخلنده بولینیوردی . سلطان ییلدیرم سیواس شهرینی آلق قصد
وعزمیله شرقه طوغری یورودیکی زمان مخاطره لی بر حرب احتماله
معروض قالمق ایچون خرپوت طاغیرینه چکلمش ، آق قویونلی
عشیرتندن بایندر عائله سنک مؤسس قریه یولاق نامیله معروف قریه
عثمان طرفندن یا قالانه رق سلاح بدست شقیلرک کوردکلری جزایه
اوغرامش ، اعدام ایدلمشدر .

بو وقعه « ۸۰۰ » سنه هجریه سنده وقوع بولمشدر .

« ۷۹۸ » سنه سنده خطاط خلیل ابن احمد طرفندن یازیلان
یکانه دیوانی انکلترده « بریتیش موزه نوم » ده محفوظدر . بونک بویوک
قسمی غزللردن عبارت اولوب بر قسمی ده تو یوغلردن [۲] ، رباعیلردن

[۱] هاممر ترجمه سی : برنجی جلد ، صحیفه ۲۱۷ ، ۲۶۹ ، ۳۳۵

[۲] اون بر هجا ایله یازیلی بر نوع رباعیدر ، که برنجی ، ایکنجی ،
دردنجی مصراعلری هم قافیه در .

۶

قاضی برهان‌الدین . — اجنبی اولمقله برابر ایلک دفعه عصرک
 تمایلات تصوفیه‌سندن قورتیلان غرب ترکی شاعری بولندیغندن تاریخ
 ادبیات عثمانیه‌ده قاضی برهان‌الدیندن بحث ایتمک ضرورتی وارد .
 قاضی برهان‌الدین جداً ممتاز برسیما ، بر شخصیتدر . جسارتی ،
 عزیمی ، معلوماتی ، شاعریتی کنیسینی حیاتک اُک بویوک موقعنه ،
 حکمدارلغه قدر اصعاد ایتشدرد . ارزنجانده تولد ایتمش ، کردستانک
 متین ، آتشین ، یورولمز روحیله حلبه کلش ، اوراده تحصیل علوم
 ایتشدرد . شاعر ، عالم برهان‌الدین عمق موجودیتنده بر انقلابچی
 قدرت وقوتی حس ایدیوردی . تحصیلنی بتیریر بتیرمز هاهمه‌رک
 دیدیکی کبی « سیاستده متعمق » اولان بوسیما مملکتنه عودتله فضل
 و عرفانیله ابتدا ارزنجانه قاضی ، صوکرده ارزنجان امیرینه داماد
 اولدی . بورنجی خطوه ایدی . اوزکاسیله چیقہ‌جغی مردیومک
 برنجی قدمه‌سنه آیاق باصمشدی . جنکیز خانک اولاد و اعقابنه تابع
 بولمیش اولان بوزنکین ، شاعر روحلری مناظر طبیعیه‌سنک حشمتیله ،
 اهاالیسنک شعره مفتونیتیله اوقشار مملکتته حاکم اولمہ‌سی ایچون چوق
 زمان بکله‌مه‌دی . امرای فترتی ظهور ایتدی . خلقلک نظرندہ قاضیلغی
 ائناسنده برهان‌الدین پک بویوک بر موقع طوتمشدی ، بوندن استفاده
 ایدہ‌رک قان پدرینه قارشو بر اختلال حاضرلادی ، واقع اولان
 مصادمه‌ده فوق‌العاده ذکا و درایت کوستردی ، قان پدر دامادک ائندہ
 مقتول دوشدی .

- « که اولالر شه دولته خلق شاد
 « هم اولا آدی شهک خیریه یاد
 « بز دخی دولاشوب ایدم مدد
 « ایک طاغ آره سن اتسون شاه سد
 « دید [۱] شه کم شکر حقه که اول غنی
 « بی نیاز آدی خلیقدن بی
 « کسه دن باکه کرکز در مدد
 « یاردم اولسه تنکردن یاپیسه سد
 « پس سکندر اوراده قلدی قرار
 « کارکیلر جمع ایتدی بی شمار
 « دوکد [۲] سنک و آهینیچون سیم وزر
 « خیریچون اول سدی یاپدی تاجور
 « یاجوج و مأجوج سددن ا کارو
 « قلدیله هر کز کچامنلر برو
 « لیک ایریشه فرمان احد
 « حشر یاخیننده رخنه اولا سد
 « یاجوج و مأجوج آندن چیخلر
 « یید [۳] اقلمی تمامت ییخلر . »

احمدی فاصله سلطنتک صولک سنه لرنده «۸۱۵» تاریخنده وفات
 ایتمش اولوب کوتاهیهد مدفوندر .

« نیجه دونسه ، چرخ ملوتسه بر قرار
« تختکی الله قیلسون پایدار

« عمر کی جاوید ایتسون لایزال
« ایرسون هرگز کالنه زوال

« چونکه ای شاه صور دک احوالومزی
« ایده لم نادر اشت [۱] حالومزی

« اوله کیم بو ایشه چاره بولسن [۲]
« اشبو مشکل عقده [۳] حل قیلسن

« وار بو طاغلردن آکا روبی کران
« کوه وصحرا یا جوجه اولمش مکان

« کر عمارت ایدوز ، کر کشت کار
« یا جوج و ما جوج ادر لر [۴] تارومار

« اشلری ظلمیله غارتدر قو
« هر نه اتسلر [۵] خسارتدر قو

« قنده ارسالر ایدر لر جور و قهر
« بونلرک ظلمیله دویمز ایک [۶] شهر

« آدمی نصفنجه اونلرک قدی وار
« آنده اولور بیر کی نسلی هزار

« بوایکی طاغک آره سی در یقین
« کچا جک یولاری ای شاه زمین

« داخی یولدن یوق بلاره ره گذر
« چاره ایلسون بو ایشه تاجور

[۱] ایشیت [۲] بوله سک [۳] عقده یی [۴] ایدر لر [۵] ایتسه لر [۶] ایکی .

غریب بر قصه‌یه تصادف اولتمقدمه در :

احمدی کتابك مقبوله کچمدیکی کوریر کورمز ، فوق‌العاده متأثر اوله‌رق ایشی بر حجره‌ده برابرجه دمکذار اولدیغی شیخی‌یه آچمش ، اوده‌حسب حاله‌موافق خیل برقصیده ترتیب ایتمش ، احمدینك امضاسنی آتمش ، اسکندرنامه صاحبه‌ده بونی آله‌رق کبرانك وفضلانك نزدینه گلش ، تقدیم ایتمش ، اونلرده اووقودقن صوکره شو جوابی ویرمشلردر :

— مولانا احمدی ! بوقصیده سنك ایسه اول کتاب‌سنك دکلدردر .

اگر کتاب سنك ایسه قصیده سنك دکلدردر .

ایشته اسکندرنامه زمانی کبارلری ، صنعت آشنالری آره‌سنده بوقدر اعتباره‌نائل اولمش ، اوندن صوکره‌سکوته‌طلمش ، اونودولمشدر . بز بوکتابدن « سد اسکندر » حقنده‌کی مبالغاتی ، خرافاتی استخراج ایدیورز : لسانده تازهلک اولمادیغی جهتله خیاللرک عادیلکی ، حسنزلک تمامیه کوزوکه‌مکده‌در .

« ایکی طاغا اوغرادى اول یولده‌شاه

» هر برینوک قلسی [۱] تا اوج ماه

» یاخنده اول طاغلرک شاه جهان

» اغرادى [۲] برقومه غایت ناتوان

» عورتی وار جمله‌سی عریان و خوار

» آجلق آئندن قو حیران وزار

» صورتد [۳] احوالن بلارک پادشاه

» دیدلر جاوید اول دنیا‌ده شاه

[۱] قلسی = قوله ، ذروه [۲] اوغرادى [۳] صورتى .

نظمی در ، حقائق تاریخیه یی آز چوق تغیر ایتک صورتیه یازلمش
اولان بوأترك بر قسمی اسکندر کیرک حیاتندن ، فتوحاتندن ، قسم دیگر ی
ملوک سالفه دن ، عثمانلی تاریخنک مقدماتندن بحث ایدر بولنمشدر .
حقائق تاریخیه یی تخریف ایتدیکنی کوسترمک اوزره اسکندر
نامه سندن شومثالی آلیورز :

- « کیتدی ارطغرل جهاندن ییرینه »
- « اوغلی عثمان قالدی آندن ییرینه »
- « اولدی عثمان بر اولو غازی کیم اول »
- « نیره یه کیم واردی ایسه بولدی یول »
- « سلجوقی فتح ایلدی اول نامدار »
- « اینه کول ایله دخی کیر و حصار »
- « کافری ییقوب یاقوب اول نامدار »
- « بورسه یی ، ازنیق ایلدی حصار . »

سلجوقی فتح ایتک کی کله لر حقائق تاریخیه نک نه قدر تغیر
ایدلیکنه بر مثالدر . دها صوکره منظوم تاریخ یازدیغی حالد سلیمان
پاشانک روم ایلی یه کچدیکنندن بحث ایتمه یه رک ایلک مروری سلطان مراده
ویره جک قدر اثر غفلت کوسترمشدر . باخصوص بوأترده کی لسانده
پک اسکیدر ، عادتاً عاشق پاشا ترکجه سیدر . ذاتاً احمدی بر شاعر
مبدع دکلدر . اسکندرنامه لسان و شعر اعتباریله پک بونیوک بر
قیمته مالک اولما مقله برابر تاریخ ادبیاتک بر آنا خطی اولدیغندن
جداً شایان قید و تذکاردر . اساساً کتاب زمانک فضلا و کبراسنجه
مقبوله کچمه مش ، « بوکونه نظم ایله بر کتابدن بر منقحجه قصیده
افضل و اولی ایدی . » دیمشدر . حتی تذکره لطیفی ده بوکا دأر

متصوفانه سوزلرک مقابلنده شوخانه ، دورک تمایلاتنه موافق
نه کوزل مصراعلری ، غزللری ده واردر :

« هرکیم کوزوکه صید اوله مست و خراب اولور
« هرکیم صاچنه قید اوله بی خور و خراب
« یاری کرکسه جورنه صبر ایله احمدی
« کم موتیله خوف چکر مشک ناب اولور. »

* * *

« اولکه یوزوکی کل زولفوک ریحان ایلش
« بو پریشان کوکلی عشقوکه حیران ایلش
« صاچنوک بر بندنی چوزمش صبا ییل صباح
« اول نفسدرکم هوایی غیر افشان ایلش »

* * *

« جالاک کوئشی اتسه تجلی
« اول عالمده هرذره که وار نه در »

احمدی غزللارنده بعضاً پک کوزل پارچه لر کویستره بیللیورسه ده
بر مجدد دکل ، آنجق بر زمان شناسدر . لطیفی تذکره منده اقتدار
شاعرانه سی حقنده « اسلوب شعری شیخی طرزینه قریب وقدا
وادیسند فارسیدن مترجم و وعظه کونه بر طور عجیبدر . « سوزلری
مصادف انظار من اولدیغی کبی ینه عینی تذکره ده « سلیمان ظهیرک
اکثر قصایدنی ترجمه ایدوب « جمله سنی ده تصادف ایدیورز .

احمدی اسکندر نامه سیله تاریخ ادبیات عثمانیه ده بر ایز بر اقمه -
سهیدی کوچک بر قید ایله اکتفا ایدیلیر بر شاعر اولوردی .
اسکندر نامه عثمانی تاریخ ادبیاتنده تاریخی ورومانیتک ایلاک اثر

« رزم اچنده ایرن آ که صانه مرخیغ وزخل
 « بزم اچنده [۱] کورن آتی دیه ماه و آفتاب

« نعره سی غرنده رعد وقچیسی رخشنده برق
 « قیلیجیدر صاعقه آتدوغی اوخدرر شهاب
 « بزم ورزمین رونقی هم بخت و تختوک زینتی
 « خلق اچنده اولدرر والله اعلم بالصواب

« دولت استرسک بوشاهوک صحبتندن احمدی
 « اوله غایب بر نفس کم دیدلر [۲] من غاب خاب »

احمدی هر نه قدر سرایک خلقدن آیرلیدی، عیش ونوشه طالدینی،
 خلق ایله آمرلر آره سنه کشف بر پرده رقت و ظرافت کریلیدیکی بر آنده
 کلش، بوتمایلاتی اوقشامش، اونلره کوره آثار یازمش ایسه ده ینه
 تصوفک تأثیراتندن قور توله مامشدر، زمانک تمایلاتنه جواب ویرمکه
 برابر تصوفی ده ادامه ایتدیردیکی جهتله احمدی بزجه هر ایکی دور
 آره سنده بر خط وصلدر. تصوفکارانه اشعارنده اکثریا بر طور
 واعظانه طاقینیر، اوندن صوکره سوزه باشلار :

« جهانک اصلی وفرعی سن حقیقت بیل که آدمدر
 « مسجد فیض اولان حقندن بوکون آدنده کی دمدر
 « کورنمز حقندن آبرو کوزلر مه هر نیه باقسه م
 « محیط کل شی اولدر نیم یا بونظر نه مدر

« یوغیمش غیری حقندن چون وجودی جمله اشیانک
 « صابقن بر کیمسه یه آبروق دیعه عالمده بوکدر .

سوزلرنده اولدینی کی . .

[۱] اچنده .

[۲] دیدیلر .

اولمشدی . « سوزلریخده کوریورز .

احمدی نك علم طبدن « قانون » و « شفا » نك بر چوق مسائلی ذکر وتعداد ایدر بر کتاب منظومی وارد رکه ، بوده علم وعرفانه دیگر بر دلیلدر .

بو قدر عارف ، عالم اولان بو ذات یالکیز کندیسنی دوشونمکدن باشقه بر شی یاپماش ، بر مداهن ایچون لازمکلن بوتون اوصافه مالک بولمیشدر . احمدیجه حائز اهمیت اولان ؛ مملکت ، وطندن صرف نظر - ذاتاً اوزمانده بوفیکرتی حائز کیمسه لر هان هان یوق کیمیدی . - شو ویابو . پادشاه ویاخود امیر دکل ، پاره یی چوق ویرن ، التفتاتی بول اولاندی . او کر میان زاده لر خدمت ایتدیکی کی سلطان بایزید خانه ده خدمت ایتش ، اونک ایچون نصلسه تیمور ایچونده اویله اولمش ، تیموره نصل باقمشسه سلیمان چلی یه ده اونظرله باقمشدر . باخصوص مزاجگیر اولمه سی هر شاهده کوردیکی تقدیر و پرستشه اونی سوق ایدیوردی . سلیمان چلی نك عشرته انهما کنی شو غزلیله نه قدر حرارتکارانه مدح ایدیور ، که بو ادعایزه پک کوزل بر دلیل تشکیل ایدر :

« میر سلمان عز نصرن چون اچر جام شراب
« صورتینک چشمه سندن نور ایلر التهاب

« روشن اولور کون بکی سر سقا هم رهم
« چونکه کندی قوللرینه صونه اول جام شراب

« مجلس جنتدر آنوک حور و رضوان حاضر اوش
« داخی ثقلیه شراب و شمعله چنک ورباب

« نجه کیم چوخ ایچریسه عقلی کامل تر اولور
« بلزم شکرمی ایچر ، آب حیوان یا کلاب

وهدايا ايدلمشدى. بزكون شهنشاه - كه احمدى نك قاتى، سربستانه بيان افكار ايمه سنى پك تقدير ايدردى - كنديسيله برلكده حماده بولنان شاعره « بنم دكرم نه در؟ » ديه سؤال ايتدى. احمدى « سكرسان آچه » ديدى. تيمور ديديكه « بوفوطه مك قيمتيدر ». شاعر « بنده او كا قيمت يچدم ، چونكه كندك بر پاره ايتمزك » جوابى ويردى . شهنشاه بوبديه سربستانه دن منفعل اولمق شويله طورسون ، شو سوزلرى آغزندن قاجيرمش اولان شاعرى شاهانه مظهر مكافات ايدجك قدر علو جناب كوستردى. « ديور ، وتذيلاتنده زمانك اك مضحكه كوسى خواجه نصرالدينك بودرجه لرده ، تيمور نزدنده ، مقبول اولماديغى ده آريجه ذكر ايدىور .

تيمورك شاعر لردن ، خفيف مشر بلردن خوشلانماديغى ويالكر علم و عرفان صاحبي بولنانلره متوجه و التفاتكار اولديغى حقائق مثبتة تاريخيه دن ايكن نصل اولدى ده احمدى يه فوق العاده ملايم و التفاتكار بولندى ؟ بومسئله نك روحنى ، اساسنى احمدينك علم و عرفانده آرامق مقتضيدر . احمدى علم طبه ، تاريخه ، تصوفه فوق العاده واقف ، زمانك سائر علومنده حائر رسوخ و وقوف ايدى . لطيفى افندى تذكره سنده « علم ظاهر و باطنده آفاق و انفسى تشبيه و تمثيل ايله هندسه و هيئتدن و علم حكمتدن چوق معانى و معارف خرج و درج ايتشدر . » قيدينه تصادف ايتديكمز كي هائمهر ترجمه سنده « تيمور و بايزيدك هر ايكي سى اسكندر كبير ايله مساوات املنده بولندقلرى جهته بوزمان قديم قهرمانك فتوحاتى تاتار شهنشاهنك ، سلطان بايزيد ايله اوغلنك سربايلرنده اقامتى مدتجه احمدى يه بيتوب توكنمىز برسرمايه مصاحبه

احمدی شیخیدن اختیار اولمقله برابر زمانده شیخی قدر بر
تأثیر اجرا ایتمهشدر .

تحصیلی مصرده اولوب متبحر مولانا قناریه ، طبدن شفا
مؤلفی طبیب حاجی پاشایه شریک درس اولمشدر . بعدالتحصیل اُک
زیاده شعرائی طوتان، اونلری التفاتلره غرق ایدن کر میان ایلنه کلش،
و کر میان زاده سلیمان چلبییه معلم اولمشدر . شیخی ایله الفتی بورادن
باشلادیغی کبی خسرو و شیرین شاعری ایچون غایت دوست بر معلم،
بر رهبر اولمشدر . احمدی ، فی الحقیقه ، سرایلرده یاشایه جق درجده
ذکی ، «نبض آشنا، لطیفه کو، شیرین سیما ، ظریف بر آدم ایش» ..
بر چوق لطیفه لر ، خوش سوزلرله مجلسنده بولنانلری نشئدن
نشئیه آتار ، غایت سـویملی و تحف اولدینی جهتله اوته کنه بریکنه
واقع اولان تعرضات لسانیه سی انفعالی موجب اولمازمش .

کر میان زاده لک سلطان ییلدیرم بایزید ایله واقع اولان صهریتلری
طولایسیله اجرا ایدیلن دو کونده حاضر بولنهرق کر میان ایلنک
عثمانلی طوپراغنه انضمامی کوردیکی کبی تیمور لنگک اماسیهیه دخولنده
دخی بولنمش، جهانگیرک ذکایه فرط حرمتدن استفاده مقصدیله بر قصیده
یازهرق تقدیم ایتمش ، اونک مظهر التفاتی اولمش ، علم و عرفانه بناء
اخص ندماسی میاننه داخل بولنمشدر . هاهمه ر ترجمه سنک ایکنجی
جلدنده تیمور ایله احمدی آره سنده کی مناسباته دائر معلومات بولیوروز:
شهرزاده سلیمان دور سلطنتدن بحث ایدرکن هاهمه ر «بوزمانک بوتون
شاعرلرندن اُک شهرتلیسی شهرزاده سلیمانک بر اداری حمزه ایله بر لیکده
معیتده بولندیردینی احمددر . احمد تیمور طرفندن غرق التفات

« جهاني بنده قيلمش سرو آزاد
 « خدنك غمزه ، ابروی كمانكش
 « جهانكشدر بریسی ، بری جان كش
 « اوقور جادو كوزی زلفینه افسون
 « كه اوله اول مفتوله مفتون
 « ایشیدن اول لب و دندان سوزندن
 « براقیر لعل ولولوی كوزندن »

شیخی صوك زماننده عطار دكانی آچهرق طبابتله ، خصوصیه
 كحاللقله اشتغال ایتمش ، « ۸۲۶ » تاریخنده کوتاهیهدده وفات ایله مشدر.
 دیمك سلطان مراد ثانی سلطنتك آنجق ایکی سنه سنی ادراك ایتمشدر.

۵

اهمیری . — او عصرده یتیشن اهل تصوفدن اك اول بر
 رومانیتك اثر وجوده کتیرن ؛ شیخیدن اول بو طرز شعری مملکته
 ادخال ایدن احمدینك مسقط رأسی حقنده ایکی روایت واردر .
 بر چوق ذوات ، خصوصیه استاد محترم فائق رشاد بك کرمانلی
 اولدیفنی سویله یورلر سادده صاحب تذکره عبداللطیف افندی « سیواسدندر ،
 مرادخان غازی دورنده بولی بکلرندن میر سلیمانك ماح و واصفی
 و اول عصرک شاعر پر معارفی ایدی » دییور ، که بو ایکنجینك
 حقیقت اولمه سی بزجه ده ا زیاده محتملدر . استادك و کرمانلی دینلرک
 کرمان زاده میر سلیمانك ماحی و شاعری اولمه سندن یا کیملری
 احتمالی وارد خاطر اولدیفنی کی لطیفینك سوزلری ده بزم فرضیه مزری
 تقویه ایتمکده در .

« نه سلطان آفتاب هفت کشور

« هایون طلعت وفرخنده اختر

« صورارسه کیمدر اول حقدن مؤید

« دیرم سلطان مراد ابن محمد . »

خسرو و شیرین اویله بر حکایه در، که قومک عنعناتنده یرطوتمش
عثمانلی ترککنک تا اوزماندن بوآنه قدر روحنی ، موجودیتنی حسنیه
تیره تمشدر. لسان عوامده فرهاد ایله شیرین دییه یاد اولنان بوقصه در،
بوکا دائر پک چوق کیمسه لر اثر یازمشسه لرده هیچ بری شیخینک
یازدینی قدر معتبر اولمه مشدر . هانمه تاریخی تذکره لطیفدن آله رق
شومعلوماتی ویریور : شیرین و خسرو وفرهاد معاشقه سنی نظم لری نه
موضوع اتحاد ایدن نظامی ، امیر خسرو ، دهلوی ، آصف خان
ایله هاتفیدن باشقه ترک شاعر لری آهی ، جلیلی ، لامعی ، شانی ،
مولانشاه ، مخدبن عثمان اونلری تقلید ایتمشلر در . »

خسرو و شیرین حکایه سی خسرو پرویز نامنده برشاهک رقیبی
بولنان فرهادی محبوبه سی شیریندن قیصقانه رق بیستون اسمیه
مسمی بر طاغه بند و حبس ایتمه سنی ، اونک ده معشوقه سنه وصول
ایچون طاغی یارمه سنی کوستیر .

لطیفی تذکره سنده « زبان ترکیده » قصه خسرو و شیرینی « آندن
شیرین دیمش یوقدر » دیور .

شیرینک حسندن بحث ایدن شوپارچه بی مثال دییه آلیورز .

« صاحبندن سنبلک بوینده بیک باغ

« لبدن لاله نک باغرنده یوز داغ

شو سطرلر بزه واضحاً شیخینک عاشق پاشادان ، حتی سلیمان چلبیدن نه قدر آیرلدیغنی کوسـترمکده در ، صنعت ذاتاً ابدی استننا دکلدرده نه در ! باشقه بر طرز تفکر ، باشقه بر طرز تحسس ، باشقه بر طرز افاده کوسـترنلر ، خلاصه اسلوبه مالک اولانلر ادبیاتده یاشامق حقنه مالکدرلر .

شیخینک اک بویوک اثری خسه نظامیدن ترجمه ایتمش اولدیغنی خسرو و شیرین قصه سیدر . بو اثر طوغریدن طوغریه ترجمه اولمیوب شیخی روحندن پک چوق شیلر علاوه ایتدیکی کبی مولانادن ، سعدیدن ده پک چوق شیلر آلمشدر . اثرده بر سادگی ، بر سیلان شاعریت ، بر افاده متین واردر . ترجمه نك بر قسمنی سلطان مراد ثانییه تقدیم ایتدیکی زمان بر چوق قیل وقالی موجب اولمش ، کنندیسنی چکمه یینلر بر چوق سوزلر سویله مشدر و بونک طولایسیله « جواثر وعطایادن کندویه حصه ایرمه مشدر . » پادشاه بالا خره احسان ایده جک اولدیسده شاعرک عمری وفا ایتمه مش ، اثری اتمام ایتهدن اولمشدر . بو « اثری شیخینک محبی و معتمدی اولدیغنی کرمان بکنک نزدنده وزارت خدمتی ایفا ایدن و اونک کبی شاعر اولان جمالی اتمام ایتمشدر . »

حالبوکه فردوسی طویل اترك کرمان اوغلی مصطفی چلبی نامه یازمش اولدیغنی ، اتمامدن اول چلبینک وفات ایتسیله سلطان مراد ثانی نك امریه اکمال ایدلایکینی یازیورسده بزه برنجی احتمال ده قویدر . جمالی شیخی دیمکله معروفدر ، که شیخینک همشیره زاده سیدر . بو ادعا مزک اک بویوک دلیلده خسرو و شیرینک ابتداسنده بولنان سوزلردر :

تجدد آنجق عجم ادبیاتیلهدر ، عجمستانه سیاحتی اونک اوزرنده پک
زیاده تأثیر ایتمش ، قدرت ابداعیه سنک اویانمهی ، جانلانمهی ایچون
پک مهم بر عامل اولمشدر . ایرانک فوق العاده مترقی ادبیاتی ، صنعتی ،
باخصوص کلستان صاحبی سعدی اونک موجودیتنده پک مهم ایزلر
براقمشدر . ذاتاً ادبیاتلر ایچون مایه خارجییه احتیاج واردر ، اُک
بویوک تجددات ادبییه یاخارجک تأثیریه ویاماضیه رجعتله تأمین
اولنمشدر . یالکیز بوماییه یکی وشخصی طرز تلقیاتک وضعی ،
ضم وعلاوه سی ضروری کورلنمشدر ، ایشته شیخینک اُک بویوک
مزیتی بوتقطهدر ، اوده متصوفدر ، اوده عاشق پاشا کیدر ، لکن
اوهرشیدن اول بر شاعر مجدددر . خارجدن آلدقلرینی شخصیتنده
بسله دکن صوکره یازمش و بزه نقل وتودیع ایله مشدر .

« کوکلم قوشینه صاحدی ینه دانه بنلرک »

« اولدرمه سون طوتوب که کیز قاته بنلرک »

* *

« غمزه که بر خدنک ایله بیک جانه قصد ایدر »

« خوش آهوانه کوزلر وشیرانه قصد ایدر »

« خطک که چکدی خاتم یاقوته دائره »

« بر مورددر ، که مهر سلیمانہ قصد ایدر »

« خالاک که زلفکه طولاشوب آلنکه آغار »

« هند وصفت کمند ایله ایوانه قصد ایدر . »

* *

« کرم اهلن بویکجه عالم معناده کوروب »

« صوردم آنلارمه عجب ، تولدی سخا ، قانی کرم »

« درکه شاه عطا پیشه وخیر اندیشه »

« گرمیان مملکتی مالیکی سلطان کرم . »

« کورچک خربو حال دیدی همان

« نه عجبر زمانه و دوران

« بونلرک باشلرینه تاج نه دن

« بزه بوقفر واحتیاج نه دن . »

شیخی متصوفیندندر ، کرک خسرو و شیرین مقدمه سنده کرک سائر
آنارنده بومیل تصوفی پک واضح ، پک جلی بر صورتده اوقونیر ،
اونده بعضاً مولانا جلال الدین رومی حضر تکرینک افکاری بولندی
کبی مولانا سنائی ، شطار و امثالندن عبارت صوفیه صافیه نک [۱] ده
مطالعاتی کوریلیر . مثلاً خسرو و شیریندن آلدیغمز شودرت مصراع
متصوفیندن اولدیغنی کوستیر :

« جمالی بر در کر چوق در عبارت

« قو اول حسنه ایدر لر اشارت

« اکر چه یوقدر روح حده قسمت

« بیان اول رسمه قیلمش اهل حکمت

او تصفیه باطنی آمر سوزلرده سویله مشدر ، که اونلردن بری ده بودر .

« قیلنجه عقلکی حرص و هوا قول

« کذر قبل بو کدورتدن صفا بون

« طور درکن بونجه او هام و خیالات

« تجلی ایده می حق نوری هیات

« یاپیلماز روح نفسی یقما ینجه

« ملک کیرمه یه شیطان چیقمه ینجه .

بو متصوفک نظمده ، باخصوص طرز قصیده و مثنوی ده کوستردیکی

« خرنامه سی » کرک هجونده کی ظرافت ، کرک طرز افسانوی به
 بزده مبدأ اولمق اعتباریله جداً شایان تدقیق و قرائت در ، آتیده کی
 مثال شو ادعا مزده نه قدر حقی اولدیغمیزی کوستیر .

- « وار ایدی برخرضعیف و نزار
 « یوک اُلندن قتی شکسته وزار
 « کاه اودونده ، کاه صوده ایدی
 « یوک اُلندن قتی قصوده ایدی .
 « یاغز ایدی سراسر اندامی
 « یوغیدی آخور ایچره آرامی
 « بر زمان اولمشدی خوش حال
 « قوطوغونجه ایدی خردجال
 « نعره شیره کوش صالمازدی
 « کرکی عیننه هیچ آلازدی
 « آرسلان اورکر ایدی قولاغندن
 « قورد قورقار ایدی چوماغندن
 « قلت جوعدن اولمش ایدی ضعیف
 « بی علفلکدن اولمش ایدی نحیف
 « رحم ایدوب اوکا صاحبی برکون
 « صالدی بر اوتلاغه تنعم ایچون
 « واردی اوتلاغه چون بو مسکین خر
 « کوردی اوتلاق ایچره نیجه بقر
 « سمیرمش اوتلاق ایچره شوبله بولر
 « چکریسک قیلن یاغی طاملر
 « کیمینک بوینوزی وار آی کی
 « کیمینک حلقه حلقه یای کی

« کشيش طاغی اشجار حضراسی آلتنده و مترنمانه اطرافنی دورايدن ایرماقلرک کنارنده الهام صاف و لطیف تحریرینه کلن علما و شعرانک ده موقع تلاقیسی اولمشدر . عثمانلیلرک ایلک شاعر خیالیسی منلا شیخی خسرو و شیرینی اوراده یازاردی . »

شیخی شعر اعتباریله بر مجددور ، غزل ، قصیده ، مثنوی طرزنده برچوق شیر یازمش سده خرنامه سی ایله خسرو و شیرینی غایت مشهوردر . کندیسنک مصارع و ابیاتندن پک چوقلرینی آشیرمقله اکتفا ایتمه یه رک پادشاهلرک حقنده کی لطفلرینی قصقانلر اموال و املاکنه قدر دست تعرضی اوزا دیلر ، اوزمان قیزارق خرنامه یی یازدی ، رقیبلرینک هر برینک اسمنی مناسب فرصتله ، کنایه لرله ، تعریضلرله کوستردی . خرنامه نك نه صورتله یازلدینی حقنده هانمهر ترجمه سنک ایکنجی جلدنده « شیخینک قدرتی و بوندن دها زیاده پادشاهک الطافی کندیسنه دشمن قزاندرمشدی . بونلر ، اکثریا بویوک شاعرلر حقنده واقع اولدینی کبی اشعارندن اتحال ایله قناعت ایتمه یه رک نهایت املاکنه ویاننده کی آدملرک حیاته تعرض ایلدیلر . « شیخی یه خرنامه » اثرینی یازدیران بو تعرض ابلهانه اولمشدر . شیخی بو کتابده باشنه کلنلری حکایه ایده رک دشمنلرینی بو حیوانک اسمی آلتنده تقسیم ایدر . « سوزلرینه تصادف اولینیور . فائق رشاد بک « مملکتنه عودت ایتدیکی زمان » رقبا و حسادینک اثر حیاتی اوله رق حرامیلر یولنی باصدیروب راکب اولدینی قاطره وارنجیه قدر نه سی وارسه آلمشدر « دیور ، که فعل تعرضک نه صورتله وقوع بولدیغنی بزه پک کوزل ایضاح ایدر . شیخی خرنامه سنی یازنجه سلطان محمد تقدیم ایتمش ، بوتون ضایعاتی پادشاه طرفدن اوده نمشدر .

حقایق اشیای ینه اونک کوزيله کوسترمک اعتیادی اولدیغی کورلدیکی کبی لطیفی افندی ده « بو خصوصده کمالاته وقف و اطلاع مراد ایدن کتابنک اوائلنه و اواخرینه نظر ایتسون، که اقسام مراتب توحیداتی و اصناف تجلیات ذات و صفاتی نه خوب اکشاف و اعلام و طبایع و احوال فلکیاتی اظهار و افهام ایتمشدر . » سوزلرینی سویله یور ، و شاعریتی حقننده بیان مطالعه ایدرکن « اول فیض بخش و حالت انکیز موعظت مأل آتش ریز متصوفانه ابیات شیخانه مواعظ ، هر بری آدمه غنا و قفا ویرر ، کلمات که مومی الیهک کتاب مستطابنده در ، مثنوی کویان رومدن برینک نظمنده واقع اولمه مشدر . » دیور .

اوائل عمرنده کر میان زاد لرک مظهر التفاتی ، مرغوبی اولدیغی کبی بالآ خرده امیر سلیمانک مادحی در . کندییی سرای سلطانیده احمد حمزه برادر لرله بولینیور ، امیرک فوق العاده توجهنه نائل اولیوردی . مع مافیه عزلتکار بر روحی واردی ، سربایرک ، شهرلرک دغدغه سندن اوصاندیغی ، بیقیدیغی ویا کندییی دیکله مک ایستدیگی زمان کشیش طاغنه چکیلردی . کشیش طاغنک سمالره قرین تپه لرله یشیل اتیکلری بوتون علمای متصوفه کبی اونک ده روحنه بر تازکی ، بخش ایدیوردی . امیر سلیمانک وفاتندن صکره تکرار چکیلمش ، بر آرزو صکره کر میان بکسکه کیتمش ، نهایت چلبی سلطان محمد بعض انفعالات نفسانیه دن متولد مرض عصبی دن بونک توصیه لرله قور تولمش ، اوزمان مکافات اولمق اوزره رئیس الاطبا یاپه رقینه حیات دبدبه یه اونی فیلا تمشدی . حیات انزوایه تمایلنک ، بالخاصه کشیش طاغنه مجدوبیتنک وثیقه سنی مامهر ترجمه سی برنجی جلدینک یوز آلتمش دردنجی صحیفه سنده بولیورز :

بروسه ، شیخینک علومه ، تصوفه اولان تمایل مخصوصنی تطمین ایدہ جک درجہ وماہیتدہ اولمادینی ایچون ایرانہ کیتمش ، اورادہ « مشایخ کباردن بی حد عزیزلرہ ایرشمش ، طریق تصوفدہ ولایتہ قدم باصوب توحید صرفہ یتشمش » [۱] ، زمانک علم طبنی دہ اورادہ اوکر نمشدر .

شیخ بایرام آنقرویدن اخذ انابت ایتمش ، مشار الیہک خلفاسندن اولمشدر . بایرام آنقروی جدآ عالم وممتاز بر شخصیت اولوب انکوریدہ مدرسلکدہ بولنش ، بالآخرہ طریقت صوفیہ یہ داخل اولوب کندوسندن بر چوق کرامات صادر اولمش ، بر چوق کیمسہ لر کندیسنک مریدی ، تابعی بولنش ، طریق بایرامی بی طرق صوفیہ یہ علاوہ ایلہ مشدر [۲] ہرنہ قدر شیخی اخذ انابت ایتمش ایسہ دہ عبداللطیف افندی « اما کیمسہ بی ارشاد ایتک وطریق زرق وطاماتہ کیتمک اولمامشدر . » دییور .

اصل اسمی سناندر . بونک ایچون وطبدہ معلوماتی بولندیغنہ نظر آ کندیسنہ « حکیم سنان » دیرلر . طبدہ ملکہ سی اکزایدہ کحالیدہ در ، غریبدر ، کہ کندیسنک کوزلری سقط ومعلول ایدی . شیخک علم وعرفانی زمانجہ پک مهم ، پک عالی ایدی .

تذکرہ لطیفی دہ علمی حقندہ شو سوزلرہ تصادف ایدیورز : « علم ظاہر وباطندہ یدعلیا وفن توحید وتصوفدہ قسمت عظامسی دہ واردی . » فی الحقیقہ آثار ی اوقوندینی زمان تصوفک تاثیراتی و

[۱] تذکرہ لطیف .

[۲] مجدی افندیکنک شقائق نعمانیہ ترجمہ سندہ تفصیلاتی .

« بوامام مسجد قاره بولود
 « کر ایدرسهك سال هجرتدن سؤال
 « صای سکنز یوز. ایله داخی یدی سال »

سوزلرندن آ کلاشیله جنی وجهه سلیمان چلبی فاصله سلطنتک
 ابتدالرنده وفات ایله مشدر : چونکه بر اثره تزییلاتک اجرا ایدیله
 بیلمسی ایچون مبدعندن آرتق استفاده احتمالک مرفوع بولندیغی وارد خاطر
 اولور. باخصوص تاریخلرده اونی سلطان بایزیدک امیرسلطانک دوری
 شاعری دییه کوسترملری ، موسی چلبی زمانه قدر حیقماملری
 بوادعامنک اولدقجه بر قوی دلییدر . هاندر کرک چلبی موسانک ،
 کرک چلبی سلطان محمدک زمان سلطنتده سلیمان چلبی نک اسمنی تکرار
 ایتمه مکده در .



شبنی . — متصوفه دن اولوب سلطان مراد وییلدیرم بایزید، فاصله
 سلطنت ، چلبی سلطان محمد [۱] دورلرینی ادراک ایتش بر شاعردر،
 کنیدیسی کوتاهیله لیدر . سلطان مراد خداوندکار حضر تلرینک زمان
 سلطنتلرنده بروسه یه گلش و اوراده بالاخره حلبده « پوستن »
 چیقارتیلان شاعر متصوف نسیمی ایله برله شمشدر. بورفاقت، زمانک
 تأثیراتیه اوله جق، هرایکی روحده یاشایان رشیات تصوفی تقویه ایتش،
 حس شاعریتک انکشافه سبب اولمشدر .

[۱] اصل اسمی حکیم سنان در قردمان سفرنده . سلطان محمدخسته لندیغی
 زمان اطبا حیاتندن قطع امید ایتیمینه کر میاندن دعوت ایدلشددر، که فاصله سلطنتدن
 صکره کر میان بکنه کیتدیکی آ کلاشیلور .

ایتمشدر. عصر لردنبری جوامع شریفه و اولرده اکثریا ربیع الاول، ربیع الآخر آیلرنده و بعضاً سائر زمانلرده بالجمله مؤمنین و مؤمناتدن مرکب ترک روحلری بونی دیکله مشلر، ملذذ و متذوق اولمشلر، صنعتک قانادلریله دینک یو کسکلرینه حیقهمشلر،

« هم سلیمان فقیره رحمت ایت »

« همدمن ایمان، یرینی جنت ایت »

سوزلری طویلیر طویلماز بویوک شاعرك روحنه فاتحه لراتحاف ایتمشلر در .

بوآنه دکین برچوق مولدلر یازلدینی حالده هیچ بری بو قدر قیمته مالک اوله مامشدر . قسطنیونیلی عبداللطیف افندی تذکره سنده « بو فقیر و حقیر بو زمانه دکین یوز عدد مولد کوردم و نظر التفاتله هر برینی کوزدن کچیردم . برنده بوسوز و حالی و بوشوق و حرارتی کورمه دم . وهم بو مرتبه ده بریسی مقبول و مشهور اولمادی . بین الناس بری اعتبار و اشتهار بولمادی » سوزلرینی سویله یور .

مولدنده بعضاً شکلی نقصانلر وار ایسه ده دینیه بیلیرکه بونلر لسانک هنوز تشکل ایده مه مسندن ، وزن عروضه تطابق ایده جک قدر تکامل ایده مه مسندن نشأت ایتمکده در . یوقسه اثر، اثر صنعتکارانه، لسان ساده و هیجان صنعتکارایله ممتازدر . فائق رشاد بکک تدقیقاتنه کوره « فاطمة الزهراء » [ر . ع] نک واقعه وفاتی الحاق ایله مک صورتیه اثری ادرنده « قاره بولوت » مسجیدی امامی خلیل تزییل ایتمشدر . بوائزک تاریخ تحریری اولان :

« بونی ترتیب الیدی ، دوزدی امام »

« بوضعیف و عاجز احقر وجود »

- « مرحبا أی شمس تابان مرحبا
 « مرحبا أی جان جانان مرحبا
 « مرحبا أی آفتاب عاشقان
 « مرحبا أی ماهتاب صادقان
 « مرحبا أی بلبل باغ الست
 « جمله عالم عشقکله اولدی مست
 « مرحبا أی جان باقی مرحبا
 « مرحبا أی عشق صافی مرحبا
 « مرحبا أی بلبل باغ جمال
 « مرحبا أی آشنای ذوالجلال
 « مرحبا أی رحمة للعالمین
 « مرحبا آه أی شفیع المذنبین
 « مرحبا أی عاصی امت ملجأی
 « مرحبا أی چاره سزله آشفی
 « مرحبا أی عالی سلطان مرحبا
 « مرحبا أی کان عرفان مرحبا
 « مرحبا أی ذات حقک مظهری
 « مرحبا أی أنبیانک رهبری
 « مرحبا أی صفیانک سروری
 « مرحبا أی آفتاب بی زوال
 « مرحبا أی ماهتاب لایزال
 « مرحبا أی طوطی باغ جهان
 « عشقک ایله حیران اولدی جمله جان
 « أی کوکلر دردینک درمانی سن
 « أی قامودوشمشرک سلطانی سن »

مولدک بوساده ، نفیس ، پر حیات لسانی حتی عصرلره تحکم

« بوکلان عشقنه دور ایدر فلک »

« یوزینه مشتاقدر انس و ملک »

*
* *

« دیر امینه چونکه وقت اولدی تمام »

« کیم وجوده کله اول خیرالانام . »

« صوصادم غایت حرارتدن قتی »

« صوندیلر بر جام طولوسی شربتی »

« قاردن آق ایدی ، هم صوئوق ایدی »

« لذتی آنک شکرده یوق ایدی . »

*
* *

« الوداع ای جان جانان الوداع »

« الوداع ای ماه تابان الوداع »

« الوداع ای پادشاه عاشقان »

« الوداع ای سرور شاه جهان »

« الوداع ای بلبل باغ جمال »

« الوداع ای آشنای ذوالجلال »

« الوداع ای کوهر دریتیم »

« الوداع ای باعث نور عظیم »

« الوداع ای شاه سلطانم بنم »

« الوداع ای درده درمانم بنم »

« مصطفی دن عبرت آلك سزدخی »

« برمنز قالمیسر تکرری حق »

« هر نه دکاو چوق یاشارسه بر کشی »

« عاقبت اولمک درر آنک ایشی »

« آه آلکدن موت شیون آه وواه »

« نه کدا قورتیلور الکدن نه شاه »

*
* *

« جمله ذرات جهان ایدوب صدا »

« چاغر شوین دیدیلر کیم مرحبا »

« اولمايوب عيسى کؤکه بولديني يول
 « امتندن اولق ايچون ايدي اول
 « چوق تمني قيلديلر حقدن بولر
 « تا محمد امتندن اوله لر
 « کرچه کيم بولر دخی مرسلدر
 « ليک احمد افضل واکل درر
 « آني اويله بيلمه ين احق درر . »

سليمان چايي نك مولدي جدی بر تترك ، بر تهيجك اثريدر .
 اثرده حضرت فخر کاشنات حقنده شديد بر عشق موجوددر ، چلي
 سلطان انبيايه محبتی بوتون روحيله ، بوتون موجوديتيله حس ايتمش
 اوندن صكره بزه نقل ايله مشدر . اثر صنعت حساسيتك محصولی در .
 يوقسه فكرك دكل . فكر بيله اولسه آنجق حساسيتدن كچد كدنصكره
 بر قيمت صنعتكارانه يه مالاك اولور . عاشق پاشاده ، سلطان ولده
 بر شاعر دن زياده بر متفكر روحی كور مشدك ، حالوكه سليمان چايي ده
 بر متفكر دن زياده بر شاعر روحی ياشايور ، او بزه حضرت پيغمبرك
 مناقب ولادتي سويلر كن تماميله تاريخه رعايت ايتيور ، بعضاً مخيله
 سيله ، قلبنك آتشيله اونى تغير ايديور . او هر شيدن اول شاعر ،
 حقيقت خارجيه ايسه هيچ بر زمان حقيقت شعريه دكلدر .

اثر مشوى طرزنده يازلمشدر . ذاتاً اوزمانك اك زياده جالب دقت
 ائارى مشوى طرزنده يازلديني كې بو طرز اودورك اك زياده مرغوبى
 ايدى . اثرده كى زندكى حياتى ، سحر بيانى ، سادكى يى تبليغ و احساس
 ايچون شو سطرلرى آليورز :

« بوكلان علم لدن سلطانيدر
 « بوكلن توحيد عرفان كانيدر

خلق نزدنده انتشار ايتمش، فوق العاده رغبته مظهر اولمشدى . بوقدر نازك بر دورده بويله بويوك بر شاعرك اونودماسي امكان خارچنده ايدى .

آلتیوزسنه دنبرى ممالك عثمانیه آفاقنده طيندار اولان مولدنبويسنك يازماسنه سبب اولمق اوزره صاحب تذکره عبداللطيف افندى کتابنده غريب بر حادثه کوسترييور : بر واعظ بر کون بروسهده وعظ ونصيحت ايله مشغول ايکن « لاتفرق بين احد من رسله » آيت جليله سنه استتادله « بن حضرت محمد مصطفى ي عيسى نبين [صلوات الله عليهما] تفضيل ايتزم . » سوزلريني سويله مش . اوئانده وعظ ديكه مكله مشغول عرب قومنه منسوب بر مردغيور بوا دعايي رد ايله مش . علم فقهه ، تفسيره زياده سيلاه واقف اولديني جهتله « هاى نادان و جاهل ! سن بوعلم تفسيرده قاصر و راجلسك . آيات عظيمه نك ناسوخندن و منسوخندن و تشابهندن غافل سك . رسل بيننده فرق يوقدر ديمكدن مقصد امر رسالته و خصوص نبوتده در . مراتب فضيلته دكل ... اكر آيت كريمه نك معناسي جميع الوجوه ديمك اوليدى « تلك الرسل فضلنا بعضهم على بعض » نجه راست كاور . » سوزلريه الزام ايتمش ، اوراده بولمقده اولان سليمان چلبى بووقعه دن فوق العاده متأثر اوله رق مولدنبى يازمشدر . مذکور ذات ايسه شهر خلقنى واعظ ايله برابر بولنجه عرب اولديغندن عربستانه كيده رك كندى لهنده فتوالر آلمش ، ديار رومده اوکا طرفكيير آنجق سليمان چلبى اولمشدر [۱] .

از جمله مولد نبين شو مثنوى افضليت حضرت محمد عليه السلام حقهده ترتيب اولمشدر :

[۱] تذکره لطيفى : صفحه « ۵۶ » .

ياش فرق اولسه بيله عطايي نك او ائئاده لاقول قرق ياشنده بولمهي
اقتضا ايدردى . بناءً عليه بوا دعا ياكلش وى معنادر .

شيخ محمود قيزى اوغلى اولمهي ، شيخك سلطان اورخانك
سلاح آرقداشي بولمهي سليمان چلبى نك بر موقع مخصوص صاحبي
اولمهي امضا ايدن اسبابندرد ، هاهمهر شيخ محمود سلطان اورخان
غازينك سلاح آرقداشي اولديغى «امام سليمان چلبى كه اورخانك سلاح
آرقداشي اولان بويوك پدرى محمود [۱]» سوزلريله بيان ايديور .
سليمان چلبى ييلديرم بايزيدك ديوان هايونى امامغنه نائل اولديغى كى
مير سليمانك ده فوق العاده مظهر التفاتى اولمش ، نديمى بولمشدرد .
اساساً زمانده فوق العاده مساعددى . بحث مخصوصنده برتفصيل
كوستريله جي اوزره سلطان بايزيدك دور سلطنتى ميله وانا مننده كى
صربستان پرنسك ووزير على پاشانك عثمانى سلطنته ادخال ايتدكارى
ذوق وسفاهت دورى وعينى زماندهده علم وعرفان دورى ايدى . زمانك
شاعرلىرى فوق العاده مظهر رغبت اوليورلردى . امير سليمانك دور سلطنته
كلنجه اوده سفاهتله مالى اولمله برابر تجليات مدنيه وفكرية اعتباريله
نظردن دور طوتيه له جق بر زمان دكلدى . هاهمهر بودور حقنده
«سليمانك كذارش حياتى واقعا صوك زمانلرده لىكدار اولمش ايسهده
بوسبوتون شاندى عارى دكلدر . روم ايلي طرفنده اون سنه سورن
مدت سلطنتهده صناعاتى تشويقندن خالى قالمادى ، شورا سنه دقت
اولماليدر ، كه احفاد عثمانيدن حقنده بويله برمدىحه ايراد اولنه بيله جك
ايلك حكمدار بودرد . سراينده عصرينك اك بويوك شاعرلىرى بولنوردى .
دييور . سليمان چلبى ده بولنلردن برى ايدى . باخصوص «مولدى بوتون

موادینی تحلیل ایلله بيلمشدر . شیخ محمود سلطان اورخان غازی
حضرتلرینک مظهر توجهی اولمش ، پادشاه کندیسنه ازینقده بر
مدرسه نفیسه انشا ایتدییره رک فضلندن ، علمندن خلقی مستفید
ایتدکاری کی مشار الیهی ده تلطیف بو یورمشدر . بو ذات سلیمان
پاشانک روم ایلله مرورنی :

« یا قاسن روم ایلینک دست تقوی ایلله آلمشک
کرامت کو ستروب خلقه صویه سجاده صالمشک »

سوزلریله تسعید ایتمشدر .

سایمان چلبی بروسده سلطان اورخان زماننده دنیایه کلمش ،
دهده سنک حیاته یتشمش ویا اونک علم و عرفانندن مستفید اولدینی کی
موقع اجتماعیسندن ده استفاده ایتمشدر . [بلیغ بروسوی کلدسته سنده
یازارکه : « مشار الیه سلیمان پاشانک هم مشربی و احیاناً سر حلقه بزمه
داخل اولوب مصاحبتیله شرف کسب ایدن همنام مؤدبی ایدی [۱] .
لطیفی افندی تذکره سنده عوض پاشانک مخدومی و شاعر عطایینک
برادری بولندیغنی یازیورسده بو حقیقت اولمهسه کرکدر . زیرا
عطایی سلطان مراد ثانی شعراسنددر . ینه مذکور استخراج ایتدیگمز
عطایی حقنده کی « روایت ایدرلرکه پدرلری فوت اولدقده مشار الیه
جمال و کمال ایلله آراسته صاحب حسن و تازہ جوان و نازک طبع و نکته دان
بیلینوب » سوزلری بزه کوستریورکه عطایی سلطان مراد ثانی زماننده
پک کنج ایمش ، سلیمان چلبی نک دوغدینی زمان ایلله بونک آره سنده
بر عصره قریب مدت واردر . نه اولورسه اولسون آره لرند آلمش

«۷۳۳» سنه هجریه سی نك اون اوچ صفرینه مصادف صالی کیجه سی وفات ایتمش اولوب قیر شهرنده غایت مزین و مکلف بر تر به ده مدفوندر. تر به یی کندیسسی یاپدی رمشدر. تر به زیارتگاهدر. مشارالیه اولیاء الهدن در. عثمانلیر اوزرنده حصوله کتیردیکی تأثیر حالا دوام ایتمکده در. مجدی افدینک شقائق ترجمه سنده «قبر شریفی مخزن اصابت اجابت اولدینی مقرر اولغین اول دیار با اعتبارده اولان اصحاب حاجات آنکله تبرک ایتمکدن خالی دکلمدر. فی الواقع مقام مذکورده صدور ایلین دعوات مستطابه مستجاب اولوب روحانیتندن مستفیض اولدقلمی محل کمان دکلمدر.» سوزلرینه تصادف اولینیور.

۳

سلیمان هلی، مولد. — سلیمان چلبی اورخان غازی زماننده شهرت بولان شیخ محمود نام فاضلک قیزینک اوغلیدر. وراثتک تأثیری غیر قابل انکار اولمه سنه نظراً مشارالیه حس علم و فکر عرفانی بویوک دهده سندن اخذ ایتدیکی کبی قابلیت شاعریه ده ینه اوندن کندیسسه انتقال ایتمشدر. بویوک پدری محمود حقنده مجدی افدینک شقائق ترجمه سنده «مولانا شیخ محی الدین عربی حضرت تلمینک فصوص نام کتابنی شرح ایلدی. اول خاتم انکشت ولایت وفص نکیکن کرامتک فصوصنده اولان نقوش و همیه معکوسه یی فص ظن و کاندن حک ایدوب فص قاطع، تبیان ساطعله مداد منازعاتی قطع ایلدی.» دییور. مشارالیه ایسه بو کتابه یازمش اولدینی مقدمه ده «اصول علم تصوفی نوخامه فولاد رنگله» او قدر متین بر صورتده نقش ایتمشدر، که اک مفصل

« هر كوك كم پروبالی عشق اولاً
 حاشا كم اول كیمسنه یولدن قالا »

خلاصه اثر باشند نهایتاً قدر حیات و حادثاتی ، طبیعی ، روحی ،
 هر شیئی تصوف کوزلکی آرقه سندن کورمك ، تحلیل ایتك صورتیه
 او قویانلری حسن خلقه ، حقنه مربوطیته ، عشقه سوق ایدر .
 مختلف موضوعلر هپ بونقاط نظر دن کچمك شرطیه کوسترملش ،
 حل ایدلمشدر . اثر عثمانلی ذهنیت اولیه سنك نصل اساسات فکریه
 استناد ایتدیکنی کوسترمنه سنه بناءً تاریخ ادبیات نقطه نظر دن غایت
 قیمتیدر . مجدی افندینك ترجمه شقاقتده شوسطرلری کوریورز :
 « لسان عثمانیده عاشق پاشا دیومشهور بر کتاب بدایع مکنون و حقائق
 مکمون نظم ایلیوب احوال سالکینی و اسرار عارفینی اول کتابده
 درج ایلدی . » کتابك یدیوز اوتوز ییلنده ختامه ایردیکنی شو .
 بیتدن استخراج ایدیورز :

« یدیوز اوتوز ییلنده هجرتك
 « سوزی ایردی ختمنه فکرتك »

عاشق پاشانك لساننده بر تشوش واردر ، بوده هنوز لسانك
 تکمل ایتهمش اولمسننددر . مع مافیه لسانی سلچوقی ترکیه سی ،
 یعنی غرب لهجه لرندن بریدر . حتی اثرنده اماله ، زحاف پك چوقدر .
 مع مافیه بونلر ، بوکی خطا لر یکی تأسس ایدن ملتلك هپسنده
 کوریلیور ؛ قافیه لره کلنجه اوقافیة سمعیه یی دکل قافیة نظریه یی قبول
 ایتمشدر . امالاری اعتباریه موافق کلن کلماتی تلفظلری باشقده اولسه
 ینه قافیه یاپار .

« اود کوردم يور کوکده يانه در
 « اسی لکون اود دکلی يانه در .
 « معده کی کرم ایلین اودر سنک
 « آنک ايله قائم اولور بوتنک
 « هم کونش اوددر طغر [۱] هرکون کلور
 « قاره کویکن اوکی آیدین فلور
 « یل دخی کلدی سکا اولدی نفس
 « کم انکله دیری یورر بوقفس
 « صوی [۲] کورکم طاموکده قاندر
 « صورتک هم آنوکيله خوش کچر
 « هم یونر هم آبدست آلیر هم ایچر
 « دین و دنیا اهلنه هم ساقی در
 « هم جلب دیدارنک مشتاق در
 « هم بوطور بگردن صورت وردی سکا
 « کم کورن حیران الر قالر طیکا
 « سن دخی شکر وشنا قلسک کرک
 « اشبو لطفک شکرنی بیلسک کرک .»

مع مافیه بوتون بونلر انسانه قوللق ایتمکه کلشلر در ، انسان اونلره
 قوللق ایتمک ایچون کله مشدر ، اونک وظیفه سی جمال مطلقه مربوطیتده در .
 عشقده در ، اوکا واصل اولمقده ، اونک عارفی بولتمقده در ، بناء علیه
 بونکته بی آکلاملی ، اوکا کوره حرکت ایتملیدر :

« اول عقل کیم عشقه یولداش اولدی
 « حکمت واسرار آکا اش اولدی
 « حقلادر در لکی عشقک تمام
 « حقدن آیرق یوقدر عشقه مقام

- « سازی ایلکین اول ایشندی صالیدی باش
 « فا ویا وکاف ونونه اولدی باش
 « قوللغه طوتدی حقه قارشو بونی
 « آنک آردنجه ایشندی نفس کل
 « اول ایشیکده اولدخی هم اولدی قول
 « عقل کل باش اول آکا خوش ایلدی
 « نفس کل قاتلانمادی جوش ایلدی
 « نفس کل طوردی وچرخ اوردی سماع
 « جوشه کلدی بیر وکوک طوتدی سماع »

عاشق پاشا کائناتک نه لر اوزرینه مؤسس اولدیغنی ایضاح صد دنده ده
 بزه بعض معلومات ویریور :

- « کورکیم اول الله نه لر قلمش درر
 « قدرت آلدن نه لر کلش درر
 « دیلیدی کم کندوزخی بلدوره
 « ملک یراده مخلوقله طولدوره
 « کورکه نه قیلدی ونتدی نیلیدی
 « نه یراتدی نایی نادن ایلدی
 « بواشی واجب درر بلمک سکا
 « دیکله ایمدی ایدهیم بتغل طسکا
 « الک [۲] یراتدی قدرتدن عقل کل
 « عقل کلدن ایلدی درت درلوقل [۳]
 « قلدی اول دردی جهانهدرت ستون
 « آندن اولدی جر ونصب رفع وسکون
 « آب وآتش ، باد و خاک آد ایلدی
 « بنلری [۴] بوملکه بنیاد ایلدی

« وار ایدی اول پادشاه بی نیاز
« قنده سه نه ناز وار ایدی نه نیاز »

شو سوزلر بزه عاشق پاشا مرحومك اثرینی تصوف اوزرینه
وضع ایتدیکنه اك بویوك دئیلدر . چونکه اهل تصوفجه شو عالم
بر عالم خیالدر، بوراده بولان هرشی کاذبدر، یکانه بر وجود واردر.
اوده وجود مطلقدر، وجود مطلق، عالم خیال موجود دکل ایکن
کون، یعنی مبهیات عالمده موجوددی، بوکا، قدرت ازیلیه مقابل
« عدم مطلق وار ایدی، اوده اصل داخلنده نابید اولمشدی .
عاشق پاشا بونلری قصد ایدیور، بونلرله کائناتی، آفاقی وانفسی بر
طرزده، ایضاح ایتدیکنه قائل بولینیوردی .

دها سوکره وجود مطلق، اهل تصوفجه کمال مطلق، بناءً علیه
جمال مطلق [۱] دیمکدی، جمال مطلقك تظاهراتی ایسه غایت ضروریدر،
جمال مطلق کندینی پرستش ایتدیرمك ایچون بو عالمی یار اتمشدر :

« کندوسینه کندیسی ناز ایلدی
« کافی نونه اوردی بر ساز ایلدی »

عقل کلک، نفس کلک کاف ونوندن نغمات و اصول قوپار
قوپماز، اك اول قوللغه یوز طوتدیغنی سویله یور، که بونلرده
تصوفك اساساتنددر :

« کیم ایشمدی آنی ایلک اول اولو قول
« عقل کلدر آدی معروف اول قولک
« قامو قولدن ایلک کلوبدر اول بیلک
قال النبی اول ما خلق الله العقل

« انس وچندن کیمسه لر کورمش دکل
 « کیمسه اول ایلدن خبر ویرمش دکل
 « فکری عقلک ایرده من اول منزله
 « آدی اولملکک دخی کاز دله
 « چون آنکدر هر یوغی وار ایله مک
 « هرکز آنک حکمنه یوقدر امک
 « اون سکرز بیک عالمک قدری آکا
 « یوقدر بر ذره جه اوندن صوکا »

آفاقی انفسی مطالعاتی احتوا ایدن بو اثر قیمت صنعتکارانه دن
 زیاده بر قیمت فیکریه بی حائزدر. عاشق پاشا اثرینی یازارکن هیچ بر
 هیچان طویمامش، آنجق کرک دنیایه، کرک معنویاته عائد بعض حقایق -
 اوزمانه کوره - توضیح و تعیین ایتکی دوشونمشدر. حتی فکرلری
 اعتباریله ده بر اثر ابداع، بر اثر فلسفی دکلدر، تصوف نظریاتنک
 وزن داخلنده، ساده بر صورتده تکررندن عبارتدر :

« الله آدین ایدلم اول، ابتدا
 « که آندن اولدی ابتدا و انتها

« اولک اول اولیدر بی کان
 « آخرک هم آخریدر جاودان

« جمله عالم یوغیکن اول وار ایدی
 « شویله اکسیکسز غنی جبار ایدی

« اول زمانده کیم هنوز یوقدی زمان
 « بی زمان و بی مکان واردی همان

« هر دو عالم اول عدمده غرق ایدی
 « هم عدم اول اصل یمده غرق ایدی

أک مهم اثری « عاشق پاشا » دیوانیدر . بونک سائر دیوانلرله هیچ مناسبتی یوقدر . ائرده بر نقطه نظر فلسفی کوزه تیلمش ، اوصورتله یازلمش ، اک زیاده تصوفک نشر وتعمیمنه دقت اولمشدر .
 ائزک اصل اسمی « غریبنامه » ویا « معارفنامه » در .

« غریبنامه » ویا « معارفنامه » اون بابنه منقسم اولوب هر بابده اون دستان موجوددر ، مشوی طرزنده یازلمشدر . وزنی « فاعلاتن ، فاعلاتن ، فاعلن » در . بزده نظر تنقید وتدقیقه مالک اولانلرک اک اسکیلرندن صاحب تذکره قسطنمونیلی عبداللطیف افندی کتابنده بو اثر حقنده شو مطالعهده بولینیور . « علم باطنده ، علم تصوفده مرشد ، مرید آدابین وطریق سلوک اسبابین بیان ایدر منظوم تألیفدر . اون فصل اوزره ترتیب اولمش بر کتابدر وهر فصلی اون بابدر . ارباب زهد وصلاح مابیننده استعمال اولنور مفید ونافع نسخهدر . حقیقت انسانی آفاق وانفسی تشبیه وتمثیل ایدوب علم باطنی آیات و اخبار وکلمات مشایخ اخیارله جمع ایتمشدر . اما نظمی اوقدر نازک ورنکین دکلدر . وهم اهل الله نظمنده قبول خلق ایچون تصنع وتخیل قصد ایدوب افتخار واشتهار ایچون تزین الفاظ مراد ایدنمز لر . بو بر قاچ ابیات مشوی صنعت تکوینده وقدرت خدای جهان آفریننده اول کتاب مستطابندندر :

نظم

« کلی عالم بر اشارتدر همان
 « نیجه بوز بیک ملکی وار حقک عیان

وتورکجه یازمق مجبوریتده بولندیغی ایچون شوصورتله اعتذارده

بولنمشدر :

« تورک دیلنه کیمسه لر باقماز ایدی
 « تورکلره هرکز کوکل آقماز ایدی
 « تورک دخی بیلمز ایدی بودیللری
 « ایجه یولی، اول اولو منزللری.»

بوندن باشقه عاشق پاشایه درویشانه برتربیه ویرلمشدی، هر نه قدر
 زنکین، دبدبیلی، طنطنه لی برحیاته مالک بولینیور دیسه ده کنیدیسی
 غایت نازک، اهل دل، متواضع ایدی. تذکره لطیفی ده طرز حیاتی
 حقنده شومعلوماته دسترس اولیورز: « مشایخ کبارک اغنیاسندن
 و صاحب دنیا سندن ایدی. شاهانه عزوجاهی و پادشاهانه قدرت
 و دستکاهی واردی. بو صورت شاهانه ایله سیرتی درویشانه ایدی.
 هم بویورمشلرکه درویش اولدر، که دنیایی ترک ایده؛ کدا اولدر، که
 دنیا آنی ترک ایده.»

بویوک پدری، پدری نصل درویشلرکه سیفی مزج ایده بیللمشلرسه
 عاشق پاشاده درویشلرکه سیفی مزج ایتمش، بر چوق غزالرده بولنمشدر.
 مشار الیه حاجی بکتاش ولینک احباسندن اولوب هرایکیسی ده سلطان
 اورخانک ندیملر ننددر.

کنیدیسنه عاشق دینمسی عاشق بالله اولدینی ایچوندر. پاشا لقبی
 ایسه وزارتله، میر میرانقله بکام بویورلدینی جهتیه دکل صاحب
 دارات بولندیغنه بناءدر. پاشا کله سنک اصلی باشادر، که رئیس
 دیمکدر. هاهمه ایسه علمادان اولمسنه بناء بولقبک سلطان عثمان
 طرفندن ویرلدیکنی ادعا ایدیور.

صوفیه بی سلطنت حقیقه‌یه تبدیل ایتمک ایچون غیاث‌الدین کیخسرو
ثانی‌یه عصیان ایتدی ، نهایت مغلوب اولدی ، ابتدا مغلوب غالبک
روحی تسخیر ایله سرایی‌ده آله کچیردیسده بالآخره قتل ایدلدی.
فقط شیخک شو نفوذ و قدرتی زنکین اولمسنی‌ده بادی اولمش ،
اوغلی مخاص پاشایه هم ثروت مادیه ، هم‌ده ثروت معنویه بر اقمشدی.
کندیسنی کبی مخدومی‌ده خلق اوززنده پک بویوک بر تأثیره مالک
اولمش ، حتی قره‌مانده آلتی آی قدر شیخانه اجرای حکومت
ایتمش ، نهایت موقعی یکی تأسس ایدن قره‌مان امارتنه ترك وتودیع
ایله عثمان غازی‌یه التجا ایله‌مش ، قیر شهرنده توطن ایله‌مشدر .

شوویریلن معلومات تاریخی‌یه کوره عاشق پاشا کبار ، ظریف ،
متصوف ، زنکین بر محیطک محصولیدر . چوجق دنیا‌یه کوزلرینی
آچدیغی دقیقه‌دن اعتباراً اطرافنی درویش‌لرله ، اهل تصوفله محاط
کورمش ، بوتون چوجوقلغی ، کنجلیکی هپ تصوفی تلقیاتی ، نقاط
نظری دیکله‌مکله ، ایشتمکله ، کچمشدر .

کندیسنه زمانک مودا تربیه‌سی ویرلمشدر . کوچک عاشق پاشایه
عربجه ، فارسی اوکرده‌لمش ، بونلرک اساس اولدیغی کوسترلمشدر .
حتی غربنامه نامنده کی اثری ، که عاشق پاشا دیوانی نامیله مشهوردر ،
اونک دیباجه‌سنی فارسی یازمش ، وشو سوزلری سویله‌مشدر :

« کرچه کیم سویلندی بونده ترك دلی

» لیک معلوم اولدی معنی منزلی

» چون بیله‌سک جله یول منزللرین

» یرمه‌ایله ترك وتاجیک دیلرین »

اونجی هجری ده یاشایان تذکره لطیفی صاحبی بو حقیقتی کوره رک
 شعرى تعريف ایدرکن اُك اول شوسوزلری سویله مشدر : « شول
 شعرای فضیلت شعار، ونظاماء حقیقت کفتار ، که لسان الشعر مفتاح الجنة
 مقتضاسنجه مفتاح زبانلری کایده وکنجینه کشف و بیان و مفاتیح ابواب
 جناندر. صنایع اشعار و بدایع اسماره که کنوز حقایق اشعار و رموز و دقایق
 اضمار ایدوب گاه نظم معنوی برله مقامات توحیدالواصلین و کاه ابیات
 معنوی برله تهیدالغافلین ایدرلر . « دیمشدر . ایشته شعرك تصوفه
 او زمانده بر آلت اولدیغنه بو بویوک بر دلیلدر . بناءً علیه عثمانلی
 تاریخک مقدمه سنی دور تصوف آچدینی کبی تاریخ ادبیاتی ده ینه
 دور تصوف آچیور .

۲

عاشق یاشا؛ غریبنامه . — عثمانلیلرک ایلک شاعری عاشق پاشادر..
 عاشق پاشانک اصل اسمی علی در . « ۶۷۰ » سنه هجریه سنده
 مخلص پاشانک صلبندن دنیایه کلشدر . بویوک پدری بابا الیاسدر .
 مغول استیلاسی باشلادیغی زمان بابا الیاس مولدی بولنان خراساندن
 طبق مولانا بهاءالدین ولدکی فراره مجبور اولمش، آناتولی سلچوقیلرندن
 بویوک علاءالدین کیقبادک سسنگاغی آلتنه النجا ایتمشدر . بابا الیاس
 ایچون آناتولی طوپراغی بر زمین مساعد ایدی ، خلق دائمی جدا -
 لاردن طولای تصوفه آقین آقین قوشیور ، هرکس اونک سینه سنده
 رفاه وسکون بولیوردی . بابا الیاس پک آز زمان ظرفده پک زیاده
 توجه مظهر اولدی ، هرکسی اطرافنه طوپلادی ، حتی سلطنت

۹ . — قره مان امارتي

۱۰ . — قسطنموني امارتي « قزيل احمدلي » حکومتي . .

بوکوچوک حکومتلر آره سنده اُک زياده واسع اولان قره مان اوغللري ایدی ، فقط اُک زياده تازہ ، قوي بولنان عثمان غازينک تشکيل ايتديکي امارت ، حکومت بولينيوردي . في الحقيقه عثمانلي امارتي دها صاغلام بر نسلي احتوا ايدييوردي .

عثمانليرک اناطولويه کلدکاري تاريخ مغوللرک آسيياي تخريب ايتدکاري تاريخه مصادف اولديغي جهته بديني زماننده بولنش ، و اناطولينک بر قييسنده بولملرينه بناء تصوف ايله تماسلري پک زياده اولمشدر . او ائنده اناطولينک هرجهتنده تککله بولينيور ، خلق شيخلرک ائنده اويونجاق کبي ياشايوردی .

بناء عليه کرک ارطغرل بک ، کرک عثمان غازي بوتأثيردن کنديلريني آزاده قيله مديلر . هر نه قدر ارطغرل غازي — علي روايه — دين اسلامک هانکي کتاب مين اوزرينه مؤسس اولايغي بيله مه يورسده اوکامر بوطيت قويه سي طولايديسيله تصوفک تأثيرندن آزاده قاله مامش ، هله اوغلي عثمان غازينک شيخ ادبالينک قيزي مال خاتوني آلمه سي قايي خان سلاله سي آره سنده فکر تصوفک بوتون قوتيله کيرمه سنه سبب اولمشدر .

حکومت عثمانيه ، او ائنده کي بوتون طوائف ملوک کبي ، شيخلر ، وتصوف اوزرينه تأسيس ايتمشدر . برنجي پادشاهک قاشن پدری شيخ ادبالي ، ايکنجی پادشاهک دعا کوسي حاجي بکتاش ولي وسائر مشايخ و درويشان ایدی . بناء عليه بدایت سلطنت عثمانيانده اشعار تصوفيه کوريليور ، يازيلان آثار آنجق بر مقصد ديني وفکري تعقيب ايدييوردي .

دور تصوف

حکومت عثمانیه نك تشكلى وتصوفك تأثيراتى، دينى شعرلر . — عاشق
پاشا: غريب نامه . — سليمان چلبى، مولد . — شيخى . — احمدى . —
قاضى برهان الدين . — اجمال سياسى و اجتماعى نظم و نثر، ترقیات فكريه؛

۱

حکومت عثمانیه نك تشكلى وتصوفك تأثيراتى، دينى شعرلر . —
سلطان علاء الدين بن فرامرز مغوللرک أله دوشوبده وفات ايتدکدن
و اونی متعاقب اوغلى غياث الدين ده مقتولاً ترك موجوديت
ايلدکدن صوکره آناطولى ساحهسى شوترتيب اوزره اون حکومت
آيرلمشدى .

- ۱ . — عثمانلى امارتى
- ۲ . — کرمان امارتى
- ۳ . — قره مى امارتى
- ۴ . — صاروخان امارتى
- ۵ . — آيدىن امارتى
- ۶ . — منتشا امارتى
- ۷ . — تکه امارتى
- ۸ . — حميد امارتى

حیب خدا هادیء طرق وهوا اولوب ارواح انبیا قرین وهمت اولیا
 ضمین و اصحاب کرامک طریقهٔ حسنه لری شعار و فعال طیه لری
 دئارمز اولوب اعدای بد رأی منکوب و مغلوب واقع اوله لر .
 بغایه الله تعالی اگرچه بروسه جانینه توجه اقدم کورینوردی لکن
 یکیشهرک ضبطنه ازنیق کفساری لعنهم الله مانع اولدقلری اجلدن
 حضورمزده اولان ارباب رأی مسلمانلر آنک تقدیمک افضل کورمکین
 مبادرت اولندی، که « مانصرالله من عندالله » باقی حالاتی مزبور
 چاوش قوللریله کوندریلان طورغود آلب غازی بندهٔ کینه لرندن
 تفحص و تفقه بویوره لرکه اخبار خفیه و اطوار حبیه مزه بالجمله واقف
 اولوب تقریرمزدن سوکره فرمان پادشاهمز کدر .

لسان عثمانی بوشکده سلچوقیلردن بزه انتقال ایدوب زمان ایله
 تکامل ایتمش، حال حاضره قدر کلش، شمیدی ده دها زیاده ساده لکه
 میال ایلروله مکده بولنمش در .

عرض بنده قدیمی بودر که حالیا قدوة الاعاظم والاعیان قره جه بلبلان
چاوش زید قدره قوللریله بوجانسبار قوللرینه توغ صبح طراز ،
مهر علم وطبلخانه محتشم و خلع شاهانه و سمند سود مند جندیانه و ساز
وسلب اوچ بیگدن زیاده اسلحه متنوعه دن جبه خانه و یوز بیک درهم
تقدیه مفصل و مشروح دفترله کوندریلوب و منشور مستوجب الحبور
زرنکارده دخی اسکی شهری خطه بیره و نواحیسنه ضم بویوروب
بالجمله بر سنجاقلی یر اولمق اوزره تفویض و تقلید قیلوب بین الاقران
سرفراز و ممتاز بویورلمش .

حق سبحانه و تعالی حضرتی اول برهان امیر المؤمنین لازال مؤیداً
و منصوراً جنبانی جمیع سلاطین اهل اسلام ایچره سربلند قیلوب
دارینده مقام رفیع ارزانی قیلویرمک اوزره سایه سعادتلرین
مفارق انامدن الی یوم القیام دور و مهجور ایتمه یوب نیجه بزم کبی
خالص بنده لرینک وارلغی راه شریفارنده مبذول اولوب اول دولتلو
پادشاهمزی اکسیکلوکن کورمیه وز . بحرمة سید المرسلین یارب العالمین .
وبعد الوصول بودیارده بندکان مقبول صفای قلبه سنجاق همایونه
استقبال ایدوب و بیکلکمزی طوپلایوب کمال اطاعتله فرمان قضا جریانده
مشروح اولان مواد علی رؤس الاشهار او قوندقده سمعاً و طاعة
دیو انقیاد کوستروب دوام دولت پادشاهی به اتفاقزله دعا و ثنای قیلوب
کلبانکدر چکیلیدی . و غزاة رفیع الدرجاتک لوازمی انعام و ارسال
بویوریلان تقدیه و اسلحه دن تکمیل قلنوب بعبایة الله و توفیقه ازینق
نواحیسنه جهاد اکبره عزم و توجه قلندی . او مرهم که دولتو پادشاهک
خلدظه خیر دعا لری رفیق طریقمر اولوب عون رهنما و معجزات

جلدنده سکسان دردنجی صحیفه ده تصادف ایدیورز . هانمه رقره مان
 سلاله سی رئیس اولان محمد بکک عزالدین اوغلی نامیله میدان آندیغی
 بر سر سری ایله قونیه بیضبط ایتدیکنی سویلد کدن صوکره «قره مانی
 محمد بک ویرکو دفترلرینک اصولنجه تعدیلات مهمه اجرا ایلدی .
 اوزمانه قدر بودفتلر بوتون سلچوق حکومتده لسان فارسی اوزره
 طوتیلیوردی . قره مانی محمد بک فارسی به - انتظامسز بر صورتده -
 ترجه بی ده قارشیدردی . ایکی لسانک کله لرینی انتظامدن محروم فقط
 بعض قواعد تابع اولمق اوزره بر برینه قارشیدرمقدن عبارت بولنان
 شو اصول عثمانلی قیودنده الیوم جاریدر . دییور . شومعلومات تاریخیه
 بزه عثمانلی ترجه سنک سلچوقیلرک زمان اداره لرنده تشکل ایتدیکنی
 کوستردیکی کبی حکومتک لسانک فارسی ، اهانلنک لسانک ده ترجه
 اولدیغی آکلا تمقده در .

ایران مدنیت وشعشعه سیله آز چوق کندی محیطدن کچلری
 ضبط وتسخیر ایدیوردی . قوی مدنیتلره شهه سز ضعیف مدنیتلر
 دائما مغلوب اولورلر . فی الحقیقه اوزمانلرده ایرانده حاکم اولانلر
 ترکلردی ؛ لکن غالبلره مغلوبلر لسانلریله ، مدنیتلریله عاداتا تحکم ایتمشلردی .
 لکن تحکم ایده مدکاری بر قسم واردی ، اوده مدنیت قارشو لاقید
 طبقه عوام ایدی .

بوکونکی عثمانلیجه نك پک اسکی اولدیغنه ، عثمانلیقدن اول
 بولندیغنه بر دلیل ، فریدون بک منشآتنده مذکور عثمان غازی
 طرفندن سلطان علاءالدین بن فرامرزه کیندریلان شوتشکر نامه در :
 « سده سنیه حضرت خداوندکاری ابقاء الله الملك الباری ترابه

زمانی مغول استیلا سیله خوارزمی لرك سقوطنه تصادف ایتمش اولمغه ادبیات ایرانیه و تصوف جیحون قیلرندن قالقهرق بحر سفید ساحلدرینه انتقال ایتمشدر . موغول استیلا سندن ماللرینی قورتارامایان علما ایراندن فراره باشلامشلر ، قارشولرنده کندیلرینی حمایه ایده جك ، علمه محبتکار سلطان علاءالدین کیقبادی بولمشلر و اوکا التجا ایتمشلردر . علمه او قدر دوشکون ایدی ، که مولانا جلال الدین رومی یه خداوندکار لقبی ویرمش ، خلیفه ناصرالدین اللهک کوندردیکی فقیه شهاب الدین سهروردی یه نه صورتله التفات ایده جکینی بیله مه مشدی . مشار الیه ده بوالفاتلره مقابل سرایده بولنان ادریسک مرصادالعباد نامنده کی اثرینی تصحیح ایتمشدر .

شومطالعاندن آ کلاسیله جنی وجهله سلچوقیلرك زمان سلطنتلری تمامیه بوش کچمه مش ، بوتون تشوشاته رغماً ینه علم و عرفان ، صنایع نفیسه ترقی ایتمش ، ایران ادبیاتی ، علمی بیله بونلرك بایراغی آلتنه التجا ایتمشدر .

سلچوقیلرده لسان رسمی فارسی ایدی . اساساً اونلرك بویوک پدرلری عراق و ایرانه حکمدار اولمش ، و خلیفه نك و کیلی تعیین اولنماشمیدی ؟ . فارسی کلماتک ، بالاخره عربی کلماتک غربی ترکیه یه نه صورتله فارشدیغی حقه ده کی تدقیقات بزه ایکی منبع ویریور . بونلردن بری خوارزم ترک لریدر ، بونلر یاری فارسی ، یاری ترکیه کلماتله اسکیدن بری تکلم ایتمکده درلر . آناطولی سلچوقیلرینک لسان رسمیلری اولان فارسی یه ترکیه نك قارشمه سی دیمک اولان ایکنجی شعبه یه کلنجه . . . اوکاده هاهمه ر تاریخی ترجمه سنک برنجی

فکریه سیله ده تمایز ایتمش بر سیما ایدی . سیواسده انشا ایتدیرمش اولدیغی خسته خانه ، اوستی قبه لی تربه سی حالا موجوددر . علاءالدین کیقبادک زمان سلطنتی ایسه مدینت وتعالی اعتباریله سلچوقیلرک واصل اولدیغی دوره کمالدر . هاهمه ر ترجمه سنک یتمش یدنجی صحیفه سنده مشار الیه حقنده « علاءالدین دائره حکومتنده طقوز بلده یی- که سیواس ، آماسیه ، آنامور ، قونیه بونلردن در- جامعلر ، مدرسه لر ، تکیه لرله تزین ایلدیکی کبی اقامتکاهی اولان قونیه نک اطرافنه یوکسک دیوارلر بنا ایتمشدر . » سوزلرینه تصادف ایدیور . : اولیا چلبی ایسه سیاحتنامه سنده قونیه حقنده « بش یوز آلتمش طقوز تاریختنده سنک تراشیده ایله سلطان عزالدین قلیچ آرسلان بن مسعود انشا ایدوب متانت ویره رک بانی رابع اولمشدر . بر ایوان ودیوانخانه سلطانی یاپدیرمشدی ، که اول ائنده ایوان کسرادن نشان ویرردی . زلزله دن منهدم اولدقده کیقبادساجوقی تعمیر وترمیم ایده رک برخندق عظیم انشا ایتمشدی که عمقی اون بر ، عرضی الی ، قدسوری اوتوز ذراع ملکیدر . طشره قاتنده کی حصار استوار دائره مادار اون بیک کر مه آدیمدر . » دیدکن صوکره شوتفصیلاتی ده ویریور . : « ایچ قلعه سنک جرمی معلوم دکلددر . بوقلعه زمان سلچوقیده اون ایکی قپولی ایدیسه ده عثمانیلر ائنه کچدکده دردی بر ایلدی . دیگرلری سد ایدلمشدر . جمله چار گوشه سی رخام ابیض ایله کونا کون هندسه فروشانه زه لرله مزین مقرنسلی مصنع بر قلعه در . » دیور . ده صوکره « سلطان علاءالدین اول جامعدن بحث ایدرکن » دیلرله تعبیر وقلملرله توصیف اولنه مایه جق درجه ده مصنع بر جامعدر . » سوزلرینی یازیور .

وفن صوك درجده مظهر رغبت اولديغي کي شاعر خيامده مشار -
اليهك زمان وزارتنده يتشمش ، پك چوق التفاتلره مظهر اولمش ،
«تقويم جلالی» يي تنظيم ايتمش ، بغداد رصدخانه سي مديري اولديغي جهتله
«زيچ ملکشاهی» دنيلن جد اول رصدیه يي ايجاد ايله مشدر . هاهمه ر ،
نظام الملك حقنده شوسوزلری سويله يور : «نامنی الى الابد بر حیات
بولندي ره جق اوصافی : سلچوقيلرك أك بويوك پرنسی اولمق ، اصلاح
اولمش يکي بر تقويم وضع ايتمک ، علوم وصناعاتی حمایه ايله مکدر .
شعرا حقنده احسانی اوغونه پرنسی طانماج زاده حضر خانک آثار
سخاسيله رقابت ايديوردی . »

محمد شاه کنديسي شاعر اولديغي جهتله شاعرلری مدافعه ايتديکي
کي سنجرک سلطنتی ده ايران شعر اسندن انوری ، و عبدالواسع ايله
ترين ايتدی . تفسير صاحبي علامه زمخشری ، تصنيفاتی اليوم اهل
سنه اساس اولان نسفی بو حکمدارک زماننده وفات ايتمشلردر .
مقامات حریری ده سنجرک زمان سلطنتنده همشيره زاده سي شرف الدين
خالد نامه يازلمشدر .

آناطولی سلچوقيلری ده علم ومعرفتی ، صنايع نفيسه يي بوتون
محاربات و تشوشاته رغماً حمایه ايتمشلر ، بر چوق نفائس صنعتک بزه
انتقاله وسيله اولمشلردر . آناطولی سلچوقيلری حکمدارلرندن مسعود
حقنده هاهمه ر «بوزات عادل ومتقی بر حکمدار ایدی . تکیه ومدرسه لر
انشا وآماسیه قربنده سامارا قصبه سی بنا ايله دی ، که اوراده کوزل
بر قبه يي حاوی تر به سی حالا مشهود انظار اولمقده در . » دييور .
عز الدين کیکاوس ايسه شجاعت ومتايله مشهور اولايغي کي اوصاف

طبیعی ایدی . دها صو کره تصوف قلت منامی ، قلت طعامی ، ریاضت بدنیه یی ایسته یوردی ؛ سفالتک چوغالدینی بر دیارده هانکی نظریه ، هانکی فکر بونلردن دها زیاده اجرای احکام ایده بیلیردی ؟

باخصوص تصوفک باشقه سنک موجودیتنه انتقالی ده امر ایتمه سی سرعت انتشارینه وسیله اولان اسباب وعواملدن بری در . تصوفده فنا فی الشیخ اولق ، فنا فی الله اولق واردر ، حیاته قارشو بوقدر پرکین ، حیاته قارشو بوقدر بدین بر خلق ایچون بوندن دها بویوک بر سعادت اوله بیلیرمی ؟ بن بن ایم ، ینه بن دکل ، بونه درین بر سکوندر . عصرک شو حالتندن ، شو مرضیتندن حکمدارلر بیله قورتیله مامشله ، سلطان علاء الدین کیقباد مولانا جلال الدین رومی حضر تلرینک مرید ارادتیزیری اولدینی کبی غیاث الدین کیخسرو ثانی ده کندیسنه بویوک بر غائله احداث ایدن الیاس بابانک ألدده اونی افنا ایچون هر نوع وسائط اولدینی وغالب کلدیکی حالدده ینه اسیر اولمشدر .

مغوللرک ظهوری و اوکنه کلن بلادی یغما ایتلمی یورغون موجودیتلری دها زیاده یورمش ، بتیرمش ، تصوفه هرکسک شتانی مؤدی اولمشدر . مولانا جلال الدینک ، سلطان ولدک ، یونس امره نک حصوله کتیردکلری تأثیرات عظیمه ایشته بو حالت روحیه نک نتیجه سیدر .

کرك ایران ، عراق سلچوقیلری ، وکرك آناطولی سلچوقیلری بومشوش ، پر جدال و پر فاجعه سلطنتلری اثناسنده علوم ومدنیته خدمتندن ده کری طورمه مشلردر . طغرل بکک حفیدلرندن آلب ارسلان ، ملک شاهک حکومتی اداره ایدن نظام الملك زماننده علم

تمایل حسی اویانیر . بو احوال ، خصوصیه مملکت داخلنده بولان
متعدد فرقلرک جنایاتی خلقی حقیقه الیم بر سفالته ، الیم بر بدینی
سوق ایتشدی .

حیاتده قادن ، جدالدن ، احتراصدن باشقه برشی کوره مه یورلردی .
بو قاریشیق ، انتظامسز ، ظلمه مقترن سیاستله ، بو حرب وجدال
سیاستیه نصل اولوردی ، که حیاته بر مربوطیت حس ایدیه بیلسون ..
بو ایکی عصر طرفده یاشایانلر طبیعتیه عمری بر یوک ، بر عذاب
تلقی ایتدیلر ، بناءً علیه هر نه اولورسه اولسون موجودیتی متمادی
تعذیبلرله ، تضییقلرله یوران وجوددن قوتولمق ، اونو ترک ایلر بر
عالم خیال داخلنده یاشامق احتیاجی حاصل اولدی . اوزمان تصوفک
سکون و تسلی ویرن موجودیتی بوتون قوتیه نظرلر اوکنده تجسم
ایتدی . تصوف کنار و میانی یعنی وجودی ترکی آمر بولینوردی ،
بناءً علیه بر واسطه عذاب اولان وجوددن تجرد ایتک مقتضیدی ،
همان اوکا شتاب ایتدیلر .

دها صوکره اعتراف ذنوب کیفیتیه ده بویوک بر تسلیدی . تصوف
شیخه ، ویا مرشده هر دقیقه ، هر ثانیه اعتراف نواقص و خطیئاته
روحی تنزیه صرف و غیرتی امر ایدیوردی ؛ بونه بویوک تسلی ،
بونه بویوک بر سکون ایدی ! باخصوص روحی تنزیه ، احتراصات عادیه
بشریه دن تبعید دیمکدی . ایکی عصر ائساننده احتراصات فورطنه لرله
چالقانان ، هپ احتراصاتک زبونی ، بازیچه سی اولان ، محترصلر آنده
چالالانان بر اقلیمده احتراصه قارشو کین ، و اوندن اوزاقلاشمق
طبیعی بر کیفیتدی . بناءً علیه خلقک تصوفه شتابی غایت

کیخسروی قتل ایتدیرمش اولمقله مسعود وارث سلطنت اولدی .
ارتق ظاهرآ مترقی ، فقط داخلآ متفسخ ، بدبین ، خسته ، انقسامه
میل بر حکومت واردی . مسعود به انقاض اوزرنده اون بش سنه
سلطنتدن صوکره برادری فرامرزك اوغلی علاءالدین ثالث جالس
سلطنت اولدی .

واقعا تورکمن بککری بونی طانیورلردی ، لکن هربری - کرمان ،
قره مان ، منتشا اوغلاری وسائر بککری . - کندی ولایتلرنده توسیع
نفوذ ایدیورلردی . او ، بوتورکمنلره عثمان بکک معاونتیه غالب کله بیلدی
ایسه ده مغول خانی غازان ایله واقع اولان محاربه ده بر درجه یه قدر
نائل ظفر اوله سنه رغماً بالنتیجه دشمنی طرفدن اعدام ایلدی .
اوغلی غیاث الدین ایسه پدرندن بر قاچ کون صوکره مغوللرک
آلنده مقتول اوله رق آناطولی سلجوقیلری ده بوصورتله نهایت
بولدیلر « ۶۹۹ » .

کک ایران وعراق سلجوقیلری ، کک خوارزمیلر ، کک
آناطولی سلجوقیلری حقنده ویریلن معلومات مختصره تاریخیه آسیای
غربی نک هجرتک بشنچی عصرندن یدنجی عصرک صوک سنه قدر نه قدر
مشوش ، نه قدر مهالکله ، نه قدر ظلملرله آلوده اوله رق
یاشادیغنی کوسه تره جک بر ماهیته در . متماًدیاً بر مملکتده
حکمدار قرده شلر ، عموجه لر ویکنلر آرسنده محاربه اولور ، هرکون ،
هر ساعت دینیله بیله جک قدر یکی بر حکومت تشکل ویا افول ایدر ،
خارجی دشمنلرله متماًدیاً اوغراشیلیرسه شبهه سز اودیار و اقلیمده
یاشایان انسانلره بر بدبینی ، بر ضعف اخلاقی ، حیاتدن زیاده موته

اورادن مغول خانسه اطاعتنی اعلان ایلدی . شوصورتله آناتولی
 سلچوقیلری استقلاللرینی غائب ایدیورلر دیمکدی . امرا ، ذاتاً
 بابا قاتلی اولان بو حکمداری شمعی برده خیانتله اتهام ایدرک بوغدیله ،
 یرینه اوغللری رکن الدین قلیچ ارسلان ایله عزالدین کیکاوسک
 ایکسینی بردن حکمدار نصب ایتدیله . بو ایکی برادر بغداده هلاکونک
 نزدینه کیتدیله ، کوچک اولملری طولایسیله وزیر سلیمان پروانه بونلره
 وصی تعیین ایلدی ، مع مافیه یه ایکی برادر آرمه سنده مجادلنک
 چیقمه سنه هیچ بر شی مانع اوله مادی . رکن الدین غالب عزالدین
 مغلوب اولدی ، قسطنطنیه کیتدی ، اوراده حبس ایلدی ، نهایت
 جنکیز خانک حفیدی معاونتیه یاقه یی قورتاره بیلدی ، قریمه کیتدی ،
 اوراده خانه داماد اولدی . بو ائنده آباقه خانک امریه قونیه حکمداری
 سلیمان پروانه طرفدن اخناق ایدلمش ، یرینه غیاث الدین کیخسرو
 ثالث پک کوچک اولدینی حالد حکمدار نصب اولمشدی . اوکی پدری
 اون سنه حکومتی اداره ایتمش ، بوده بالا آخره آباقه خانک امریه
 قتل ایدیلنجه بو حادثه قاریشیق قلقلرک دها زیاده شدت پیدا ایتمه سنی
 موجب اولمشدی . بو ائنده قره مان عائله سنک رئیس محمد بک اسافل
 ناسدن برینی عزالدین کیکاوسک اوغلی اولمق اوزره اعلان ایله
 حکومت وپای تختی ضبط ایله دی . غیاث الدین کیخسرو ایله عزالدینک
 اوغلی مسعود آباقه خانه مراجعت ایله مشلر ، اوده اوغلی اوغوزخان
 واسطه سیله تکرار قونیه یی استرداد و حکومتی ایکی یکن آرمه سنده
 تقسیم ایتمش ، قونیه یی کیخسروه وجهت شرقیه یی ، ارزنجانی ، سیواسی ،
 ملاطیه یی مسعوده ویرمشدی . بالا آخره آباقه خانک خلفی غیاث الدین

خوارزمده نهمدرسه ، نه مکتب ، نه عالم ، نه ده جان براقیوردی .
حتی خربه طوغری ده هجوم ایتمش ، علاءالدین کیقباد بونک قهار
عسکرینک انتقامندن آنجق ارطغرل بکک معاونتیه قورتیله بیلمشدی .
اون یدی سنه سلطنتدن صوکره اوغلی ایکنجی غیاثالدین کیخسرو
طرفدن زهرلهندی .

غیاثالدین کیخسرو ، اخلاقسز ، ضعیف الاراده ، حتی ذوقی
ایچون سلطنتی بیله فدایه حاضر ومهیا بر ذات ایدی . کرجستان
پرنسک قیزی اولان ایکنجی زوجه سنه حصر موجودیت ، حصر
روح وحیات ایتمش ، حکومتی کندی هوساتیه اونک هوساتی
آره سنده بیتکین ، الم بر وضعیته ادخال ایلمشدر . حتی پرنسک
رسمی پاره لر اوزرینه وضعی ، بوصورتله عشقنی تقدیس وتغزیزی
دوشونمش ایسه ده بونک پک فنا نتیجه لره منجر اوله جنی آکلاتیلیر
آکلاتیلماز ، واز کچمش ، یالکز سکه نک اوزرینه بر ارسلان ،
برده کونش رسمی یاپدیرمشدر ، که کونشک ، یعنی قادینک ارسلانی
یعنی حکمداری تنویر ایتدیکنه رمز اولمشدر . بونک زماننده بابائیلر
مسئله سی ظهور ایتمش ، بابا الیاس نامنده بر ذات نقاب قدسیت آلتنده
خلق ، خصوصیه درویشلری آیاقلاندیرمغه موفق اولمش ، بوفرقه
عاصیه عسا کر سلطانیه طرفدن پریشان ایدلمش ، بابا الیاس آله
کچمشه ده مغلوب ، حکمداری فکر آ مغلوب ایتمش ، اوقدر ، که
مولویلر سرایی ترکه مجبور اولمشلردر . حکومتک یدنجی سنه سنده
غیاثالدین کیخسرو مغوللرک استیلا سنه اوغرا دی ، اولرله محاربه
ایتدی ، عسکرینک فرارینه بناء اوده فرارله بر قلعه یه التجا ،

قیامی و کندیسنی حکمدار نصب ایتسیله قونیهدده جالس سلطنت اولدی. یکنی عالیه سیله برابر حبس ایتدی. زماننده ارمنستان ایله، روملر ایله، ایوبیه عالیه سیله محاربه اولدی. فوتنده اوغلی عزالدین کیکاوس حکمدار اولدی ایسهده آنجق ازضروم امیری عموجه سی و برادری علاءالدین کیقباد ایله سلطنت محاربه سنه مجبور قالدی. نهایت عموجه سی خارچک معاوتیله مغلوب ایدرک بوتون امراسیله بوغدیردی، برادری علاءالدین کیقباد ایسه آنقردهده مغلوب اوله رق حبس ایدلدی، امراسنک صقاللرینی کسیدیره رک «خائیرک جزاسی بودر» نداسیله اردوگاهده کزیدردی. ارمنستان ایله، قبریس حکومتی ایله، حلب حکومتی ایله محاربه ایتدی. حلبی ضبط ایدمه مدیکی ایچون بوتون امرای بر اوطیه حبس ایله اوطیه ی آتسه ویردی. علاءالدین کیقباده کلنجه بش سنه محبوسیتدن صوکره جالس سلطنت اولدی. زمانی جنکیزخانک ظهورینه مصادف اولوب سلیمان شاهک یعنی ارطغرلک پدرینک و بویله جه خاندان سلطنت عثمانیه نک تاریخده میدانده چیقماسنه مصادفدر. دوری سلاجوقیلرک اک مسعود، اک فخور دوری در. خوارزم حکمداری جلالالدین ایله محاربه ایتدی. یکنی اخلاط والیسی کوچک بر پاره مقابلنده اخلاطی جلالالدینه صائمشدی. یکنی اک قانلی بر محاربهده مغلوب ایتدی.

علاءالدینک علیمه اون یدی حکمداردن مرکب بر هیئت اتفاقیه تشکل ایتدی، بونلرله محاربه ایدلدی. برکت ویرسون، که ایرتسی سنه اتفاق بوزولمشدی. خلیفه ناصرالدین الله سلطان علاءالدینی «اعظم السلاطین» نامیله توقیر ایتدی، بو ائنده جنکیزک عسکری

خطایه دوشدی. دیگر اوغللری هپ بردن عصیان ایتدیلر .. اوغلی محمودی ده اوغللرینک اُک مدهشی اولان خسروک اوزرینه سوق ایتدی . عاصیلر محاربات ایله مشغولدی ، بوتون مملکت قان ، کریه ، سفالت ، حرص و انتقام ایله مالیدی . عزالدین قلیج ارسلان ایشته بوانئاده وفات ایتدی . محاربه بوتون شدتیه محمود ایله قطب الدین آره سنده دوام ایدیوردی ، محمود بر طوزاغه دوشدی ، برادری طرفدن اولدیرلدی . اونی متعاقب اوده وفات ایتدی . نهایت بوتون شدتیه جدال رکن الدین ایله کیخسرو آره سنده دوام ایتدی . نهایت قونیه کیخسرودن آئندی . اوده ممالک اجنیهیه فرار ایله اون بر سنه ، برادرینک وفاته قدر اوتوده ، بری ده طولاشدی . رکن الدین بوجدال متمادی نتیجه سنده غالب کلش ، میراث پدره تمامیه مالک بولنشدی . رکن الدین او قدر ظالم ، او قدر قهار ایدی ، که «السلطان القاهر» اسمیه یاد اولنوردی ، براختیار قادینک یوغوردینی چالیدی جهتله ندیمی کوزل آيازك قارننی کوزی اوکنده دلیرمشدر . برادرلریله محاربه ده بولندقدن ، هپسینی مغلوب وتباه ایتدکن صوکره قرده شنک اوغلی آنقره بکنی قارشوسنده مدهش بر رقیب بولدی ، اونکله ده اوغراشدی ، آنقره بکنی نهایت کنیدیسنه برشی یاپمیه جغی وعدیله اغفال ایده رک ائنه کچیردی ، بوتون عائله سیله برابر اعدام ایتدیردی ، بو وقعهدن بر قاچ کون صوکره وفات ایتدی . اوغلی عزالدین قلیج ارسلان ایسه بر قاچ آی مقام سلطنتنده قالدی . قسطنطنیه ده بولنان عموجه سی غیاث الدین کیخسرو کلهرک واقع اولان محاربه ده یکنی طرفدن مغلوب اولدیه ده قونیه ، آقسرای اهلینسک

بوصورتله دوام ایتدی، سلیمان مغلوب اولدی، عموجه سنك
 انه دوشمه مك ایچون اتحار ایتدی « ۴۷۹ ». اوغلاری داوود،
 قلیج ارسلان ملك شاهك سراینه کوندرلدی. ملك شاهك
 وفاتيله برادرلر، عموجه لر بیننده منازعه باشلار باشلاماز، بونلرده
 استفاده یی دوشونه رك دیار رومه، یعنی آناتولی یه کلدیلر، شوصورتله
 روم سلجوقیلکینی تأسیس ایتدیلر « ۴۹۷ ». ابتدا داوود، صکره
 قلیج ارسلان حکمدار اولدی. بونلر روملرله ودانشمندلرله
 محاربه لرده بولندیلر؛ قلیج ارسلان وفات ایتدیکی زمان ملك شاه
 ومسعود اسمنده ایکی اولاد براقدی. ملك شاه تحتة جیقدی، ایران
 پادشاه سلجوقیسی محمد شاهك نزدنده بولنان مسعود ایسه میراث پدری
 آلق مقصدیله، مساعده ایله دیار رومه توجه ایتدی. برکت ویرسون، که
 ملك شاه وفات ایتشدی. یوقسه ینه عائله آره سنده یکی بر نزاع
 باشلايه جقدی. مسعود قولایقله حکومتی انه کچیردی. اوتوز طقوز
 سنه حکومت سوردی. اوغلی عزالدین قلیج ارسلان ثانی ملاطیبه ده
 محاربه ودانشمندلرک صوک پرنسیله جدال ایده رك مومی الیهی تسمیم
 سیواس وقیصری یی ضبط ایتدی.

قلیج ارسلان خلقی بیزار ایله هرکسه بدینی و یأس القا
 ایدن عائله حکمداری غوغالرینه باشقه بر رونق، باشقه بر حیات
 ویرمک ایسته یورمش کبی اون اوغلی آره سنده مملکتی تقسیم ایتدی.
 و اهل صلیب بومعنا سز حرکتدن استفاده ایده رك قونیه یی ضبط
 یلدیلر. بالاخره خطاسنی آکلایه رق شو حاله نادم اولدیسنده مملکتی
 اوغلی قطب الدینک اداره سنده یکیدن برلشدرمک آرزوسیه یکی بر

آذربایجانی وقسم غربی بی اوکا ترک ایله مهیه مجبور اولدی . شو برنجی تقسیم وقتسز برشی ایدی . نظام الملکک بش اوغلندن بری پادشاهک بالذات ایله ، بر دیکری متبوعنه خیانت ایتدیکی جهته ضربه قانونه ، دیکر ایکی اوغلی ده حسن صباح فرقه سی فدا کارلری واسطه سیله اولدرلمشیدی . اک صوک قالان اوغلی عزالملک ایسه صوک درجه عدم اقتداری طولایسیله محافظه حیات ایده بيلمشدر .

محمد شاه اهل صلیب ایله ، بت پرستلره محاربه ایتمش ، سنجر محمدشاهک وفاتنده خراسان حکومتی اله کچیرمش ، کندی خادم لری بولنان اوغوزلرک عصیاننده اسیراولمش ، اوغوزلر بومظفریتدن ممنوناً خراسانه یاییلمشدر ، جوامعی کول حالنه قلب ، علمایی قتل ، اهل اسلامی قلیج قوتیله بت پرستلکه دعوت ایله مشلردر . سنجر بونسلکه قالمادی ، عاصیلرک الدن فرار ایله ترمیز بکنک معاونتنی طلب ایله تکرار مظفریت قازاندی . حکومتی تکرار اله آلدی ، ایران سلچوقیلری شو صورتله ختام بولدی ، سنجره فتوحاتنک کثرتیله اسکندر ثانی عنوانی ویرلدی .

بونک مملکتی عراق حکمداری ملک شاهک اوغلی محمدشاهک اعقابی تقسیم ایلدی .

شو تشوش ، شو مجادلات متادیه عراق ، ایرانده دوام ایدرکن آناتولیده نه اولدی ؟

ملک شاه آناتولی بی یکنی سلیمان ویرمشدی ، دیار رومک رئیس او ایدی . ملک شاهک سوریه عائله سلچوقیه سنی تأسیس ایدن برادری توتوش سلیمانک اوزرینه یورودی ، سلچوقیلرک عائله غوغالری

ترك حيات ايتمشدر . كرك كندیسنك سلطنتی، كرك اوغلنك دورینی وزیر نظام الملك اداره ایتمشدر ، كه حشیشیه لره مقاومتیه ، علوم و ادبیاته محبتیه ، صناعتیه رغبتیه تاریخده پك بویوك برنام براقمشدر . آلپ ارسلانك اوغلی ملك شاه حفیدی سلیمان آسای صغرایي ترك ایله مشدی .

شونقطه ده توقف ایله روم سلچوقیلرینه چمك اقتضا ایدیورسه ده آسای غربینك او آئنده کچیرمش اولدینی بحرانك ، وبو صورتله حس تصوفك سرعت انتشارینك آكلاشلمه سی ایچون بر آ ز ده ایشاحانده بولمق مقتضیدر .

ملك شاهك درت ، نظام الملكك بش اوغلی واردی . ملك شاهك اوغلاری محمد ، محمود ، سنجر ، برکیاروق ایدی . والدلری توركان دیگر قرداشلرك ضررینه اوله رق محمودی حکمدار یایمق ایسته دی ؛ نظام الملك کبی بر وزیرك سقوطنه سبب اولان بوسحار ، حیلہ کار قادین محمود چیچکدن وفات ایتمه مش اولسهیدی شهسز موفق اوله جقدی . بوكا موفق اوله مادی ، فقط قرده شلرك دماغنه حرص سلطنتی القا ایتدی . برکیاروق قرده شلر ایچنده اك جسور ، اك قوی چقدی ، هجومه اوغرا دینی ایکی عمو جهسندن برینی مغلوب ایله حبس و کوزلرینی اویدی ، دیگر عمو جهسی ایسه اتخار ایتدی . اوچنجی عمو جهسی خراسان وغزنه والیسی ایکن کوله لری طرفدن قتل اولدینی جهته اونك یرینه برادری سنجر ی تعیین ایتدی . محمود نوشتکینی خوارزم حکومتنه کوندردی ، دیگر قرده شی محمدله واقع اولان مجادله ده ، یالکز خطبه لرده نامی اوقونمق شرطیه

عباسی‌لر سلطنتی ایفا ایدمه‌یه جک برحاله کلشله، شکلی قورتارمق ایچون شرق و غرب حکمدارلغنی قوی حکومتلرک رئیس‌لرینه تودیع ایتمه‌یه باشلامشلردی . او ائئاده عربستان ، ایران ، آناتولی بر هرج و مرج دائمی ایچنده بولنیوردی . زمام حکومتک اللرنده بولندیغنی بویه عائله ایرانیه‌سی‌ده آرتق خلافتی محافظه و صیانت قوت و اقتدارینه مالک بولنمهیوردی . بوتون آسیای غربی مذهب و حکومت اختلافاتیه چالقانیوردی . خلیفه روی زمینه کوله‌لری بیه آرتق عصیان ایدیور ، اونک انتقامنی آله‌جق اورتده کیمسه بولمایوردی . باخصوص ملوک فاطمیه‌دن مستنصر بالله بغدادی و بوتون عراقی ضبط ایتمش ، کندی نامنه خطبه اوقوتمه‌یه باشلامشدی .

او ائئاده خلیفه خراسان جوارنده بولنمقده اولان سلجوقک حنفیدی طغرل بکدن امداد طلب ایتدی . طغرل بک مستنصر بالله‌دن بغدادی و عراقی قورتاردیغنی کبی کوله‌بزازیردن ده انتقامنی آلدی . و بالنتیجه خلیفه طرفندن ، مراسم مخصوصه ایله کندیسنه ایران ، عربستان تاجلری و یریلرک ، حکمدار عمومی تعیین اولندی . طغرل بکه اداره حکومتده خلیفه‌نک وکیلی ، بالمله ممالکک امیر اعظمی ، مسلمانلرک حامیسی اولمق اوزره فرمان ویرلمشدی . فقط مشارالیه بک چوق زمان یاشامایه‌رق وفات ایتمش ، یرینه یکنی آلپ ارسلان خلیفه طرفندن حکمدار تعیین اولنمشدر . آلپ ارسلانک زمانی حرب وجدال ایله ، شجاعته کچدیکی کبی حشیشیه فرقه ملعونه‌سی رییسی حسن صباح جنایتلریله بونک زماننده بوتون قوتیه کورلمش ، و نهایت کندیسی‌ده پای‌تخت حکومتده یوسف نامنده برینک خنجریه

آكلایورسه قده بو خصوص ده تماميله تعین وتوضیح ایده مه مشدر .
 بوکا دائر معلومات ومطالعاتی طاهر بکدن عیناً آلیورز : « بروسه لی
 لامع چلبک نفحات الانس ترجمه سنده یونسک یورصوق صوینک
 سقاریه قاریشدینی محله مدفون اولدینی مذکوردر . بروسه ده
 سلطان محمد ایله امیر سلطان آره سنده کی شبلی محله سنده طریقت
 سعیده دن عبدالرزاق درکاھنده یونس ایله شیخی نامه برر مزار
 موجود اولدینی کبی ارضرومه بر ساعت مسافه ده طوزجی قریه -
 سنده ده کذلک هر ایکسی نامه برر قبر زیارت اولتمقده در . بونلردن
 باشقه صاروخان سنجاغنک قوله وصالحلی قضالری آره سنده امره
 نامنده کی یتیم خانلی بر قریه ده اخیراً زیارت ایتدیکم بر تر به ده
 طایبق امره نك اولاد واحفاديله تر به دروننده ، عاشق یونسک تر به
 قاپوسنک اشیکی اوکنده مدفون اولدقلری منظورم اولدی . مزار
 طاشلرینک هیچ برنده یازی یوقدر . یالکز عاشق یونسک ، سنک
 مزارنده اوافق بر بالطه رسمی محکو کدر . « فقط بزجه اک زیاده
 قوی اولان بروسه لی شیخ اسماعیل حق افندینک ادعالیدر .

۸

حکومت عثمانیه نك تشکندنه اول آناتولی ترکی ، سلجوقیه ،
 مریت ولساندی . — حکومت عثمانیه نك تشکندن اول آناتولی
 ترکلکنک نصل احتیاجات معنویه ایله چیرپیندینغی آکلامق ایچون
 هجرتک بشنچی عصرینه ، خلیفه قائم بامراللهک زمان خلافتنه حقیقمق
 مجبوریتی وارددر .

[*] یونس امره ، حیاتی وآثاری : کوپرلی زاده محمد فؤاد [تورک یوردی]

« شول جنتك ايرمقلري آقار الله ديو ديو
 « هم ايچنده براقلري بقار الله ديو ديو
 « صالينور طوبى داللى تازہ آچيلور كللى
 « هر دالنده بلبللى اوتر الله ديو ديو
 « كيى يوب كيى ايچر مڪانه كوهرلر صاچر
 « ادريس نبي حله يچر ديكر الله ديو ديو
 « يونس ايدر بنده وارسهم حڪك جاللى كورسم
 « نوردن براقلره بينسهم كزسم الله ديو ديو »

انهيسى كېي كه بو عصر لر دنبرى ممالك عثمانيه نك افقنده طيندار
 اولمش ، ايكله مشدر ، بونلرله روحنى نسلدن نسله نقل ايتمشدر .
 يونس اساساً عثمانلى شاعرى دكلدر ، قيزيل احمدلورله تابع
 ايسهده عثمانلىق ، دها بر چوقلرى سلچوق ترككى انقاضى
 و بناء عليه بوكونكى عثمانلىقنى تشكيل ايدن تركك داخلنده بولمهنه
 بناء شايان قيد و تذكاردر .

يونسك وفاتى « كلشن توحيد » تركينك دلالتنه بناء بعضيلرى
 « ۸۴۳ » تاريخنه چيقار يورلرسهده « ۷۰۷ » تاريخنده طريقت تصوفه
 داخل اولان بر ذاتك « ۸۴۳ » سنهنه قدر ياشامهسى عديم الامكان
 اوله جنى بديهى و آشكار اولديغندن وفاتى دها كريلرده آرامق
 مقتضيدر . لكن ماضى هانكى تاريخنده ديار آخرته انتقال ايتديكى
 حقنده بزه تام و قطعى معلومات ويره مه يور . زرده وفات ايتديكى
 حقنده كى معلوماتى ده « شيخ اسماعيل حقى انزينك » آنا توليده
 اسپارطه جوارنده كچى بور لونام قصبه قربنده كى غدير عظيمك جانب
 شرقيسنده وپشته طرفنده بر قريهده طوغرب اولمش « سوزلرندن

شيخنك وفاتى يونسك صيت وشهرتك برقاتدها ترايدىنى موجب
اولمىددر . شيخنك وفاتنه :

« يونس سنده اولورسك ، قره يره كيررسك »

« مرشدلرك اولوسى امره سلطان ياتور »

بئيله اشارت ايتديكى كى مرشديك زاويه سندن كنديسنه
درويشلرك التحاقنى ده

« دوست باغچه سى كلندن شكر آنك ديلندن »

« يونس شيخنك ايلندن بزه درويشلر كلور. »

بئيله آكلاتيور .

عاشق يونس بر طاقم مثنويلر يازهرق خلقى دنيادن ، حرصدن ،
بخلدن تنفره ، قناعتنه ، صبره شتابه سوق ايدييور . اومتصوفدر ،
تصوفك بوتون ايجاباتنه ، قيد شكن ، تسلى آور ، عشق نثار قوانينه
هر كسى دعوت ايمىنى وظيفه بيليور . اساساً زمانكده بوكى
فكرلره احتياجى پك زياده اولديغى جهتله هر يرده طنينلر ، عكسلر
حصوله كتيرييور . همان قبول اولونييور . باخصوص تركجه يازمه سى ،
خلقك لسانى استعمال ايمه سى بوتأثيرك شدتى تزييد ايدييور . يونس
فى الحقيقه جلال الدين رومى حضرتلرى كى دكادر ، فقط خلق اوزرنده
اوندن دها زياده نفوذ وتأثيره مالكدرد . يونسك بوكون بيله روح عوامده
نفسلرى ، آلپلرى ياشامقده در . آلتبوز بو قدر سندهر برشخصك
افكار عموميه ده ياشايه بيلمى ايچون حالت روحيه عموميه يى حالا
اوقشايه جق درجه ده قوته مالك اولمه سى مقتضيدر .

« عشق سلطانی طید قدر یونس کدا اول قاپوده
 « کدارله لطف ایله مک قاعده در سلطانه »

*
 * *

« یونجه بیک اولیا عشقه کرفتار
 « یر و کوک طویطلو بو عشق آلدن
 « یونس سن طایدغکه قیل دعا لر
 « ایچمه سن زهر قاتل عشق آلدن »

عاشق یونس شیخنک زاویه سنده سنه لرجه چالشدق دن، سنه لرجه
 کالات معنویه بی آله ایتمه که اوغراشدق دن صو کره ینه شیخنک اذنیله
 اورادن آیرلدی. اساساً کړک طایدق امره نک توجهنه مالک اولمه سی، کړک
 منظوماتی خلق آره سنه یاییلمش بولمه سی و مناقب کر اماتنک طویولمه سی
 طولایسیله باشقه بریره کیدوب سجاده نشین اولدی.. چله چیقار مق ایچون
 مختلف مملکتلره کیدوب کیتمدیکی بزه ماضیدن منقول دکلسه ده :

« وارد یغمز ایلرله شول صفالی کلرله
 « بابا طایدق معناسن آلدق الحمدله
 « آشدق آوی قشلاق چوق خیر لر ایشله دک
 « اوش بهار اولدی کری کوچدک الحمدله »

*
 * *

« ده ریلدق پیکار اولدق آیریلدق ایرماق اولدق
 « شول آقار صولر اولدق شکر الحمدله
 « طایدقک طاپوسنده قول اولدق قاپوسنده
 « یونس مسکین چیک ایدک پیدک الحمدله »

بیتله سیاحت ایتدیکنی آ کلاتیور .

عزالت وانقطاع اوزره اولوب سلاح صلاح ايله جبل علاقه يني قطع ايتمش
وشيمه کريمه اقطاب اوزره سجاده ارشاده جلوس ايله يوب کرامات
عاليه يني اظهار ايله مش اولان « طاپدق امره » يه مرید اولمشدر .

« چراغ ياندي دليل طوغري بولندي

« آيدين او ايجي اوغري بولندي

« تاريخ دخی يدي يوز يدي ایدی

« يونس جانی بويولده قودی ایدی . »

بو طريق تصوفه کيرديکي تاريخدر . ايشته بوآندن اعتباراً
يونس امره بويوک بر عشق ايله ، بويوک بر صداقت ايله شيخنه
مربوط اولمش ، نو افلاطوني نظرياتی بويوک بر وسعت روح ايله ،
بويوک بر وسعت ادراك ايله هضم ايتمش ، آثارتده هپ اونلری نشر
ايله مشدر . شيخنه او قدر مربوط ايتمش ، که حرمتسزلك اولور
احتمالی دوشونه رك تکیه يه هيچ بر زمان ا کرى اودون دن کتير مزمش ،
برکون شيخ افندی صورمش :

— طاغده هيچ ا کرى اودون قالمامشي ؟

— طاغده ا کرى اودون چوق . لکن سنک قاپوکده اودونک

بيله ا کرى ياقشماز جوابيله قارشو قارشويه بولنمشدر .

ديواننده شيخندن پک حرارتلی بحث ايدر ؛

« يونس ينه اسردی طاپدق يوزين کورلدن

« مکر آنک آلندن بر جرعه شربت ايجمش

آلديني يأس وکدر حمله سنی سوزلریله ، نورلریله ، اولدیره جک بر رهبره ، بر شیخه احتیاج واردی . او بو ، احتیاجی شو مغناسز کورون ، فقط پر معنا اولان آتیده کی بیتده نه کوزل ایضاح ایدر .

« چقدم اریک دالنه آندیدم اوزومی »

« بوستان ایسی قاقیوب دیر نه یرسک قوزومی »

بوراده کی مقصد اوزومی آغاچندن طلب ایتدیکیدر . آغاچندن طلب ایتسه یدی اومیوه یی بیه جکدی . دهاصو کرده بوستانجینک نه یرسک قوزومی دیعه سی ده حقسزاق ایتدیکنه ، یا ککش یوله کیتدیکنه بر دلیلدر . خلاصه الخلاصه بوندن مقصد یونسک بر شیخه ، بر مرشده واصل اوله دن نافله ویهوده کندینی اوزدیکنی اعترافدر .

شیخ محمدالمصری بو مسئله یی حل ایدرکن « اریک و اوزوم وجویز ایله شریعت و طریقه و حقیقه اشارت ایدرلر . زیرا اریکک طشره سی ینور ایچی ینمز . جمله اریک کیسلرک عمللری ظاهره مثالدر . و اوزوم عملک باطنه مثالدر . زیرا هم ینلور و هم نیجه درلو نعمتلر آندن ظهوره کلور ولیکن ایچنده بر مقدار ریا و سمعه و یا عجب و تزکیه چکرده کی اولمغله عمل باطن دینیلور ، حقیقت دینلمز اما جويز صرف حقیقه مثالدر . جويزك ایچنده اصلا یابانه آتہ حق یوقدر هم ینور هم نیجه امراضلره ، علتلره آندن شفا حاصل اولور . » دیور . دیمک که شو بیتدن مقصد حقیقه یالکمز باشنه واصل اوله مادیخی اعتراف الیمیدر .

نهایت حقیقه وصول ایچون سقاریه نه ری جوارندد بر زاویه ده شیخ ، شقائق مترجمک قولنه کوره « مدت عمرنده خلق عالمدن

بدین روح لرہ ایسہ علمای ظاہریہ نك قاطع ، انحنای پذیر ، متانت -
آمیز سوزلری تأثیر ایدہ میوردی . باخصوص او زمانہ کی ترکر
ہنوز اسلامی قسماً قبول ایتملر ، تمامیلہ مربوط اولمہ مشلر ،
قیدشکن اسکی غنغہ حیاتیلرینی ، غنغہ تعصب ناپذیرلرینی محافظہ
ایدیورلردی . شو ادعای تاریخ ابوالفاروق یکرمی آلتنجی
صحیفہ سندہ کی شو مطالعہ دہ تأیید ایتکدہ در .

« اسلامی بیلہ حقیلہ وعمومیتلہ قبول ایتدکاری یوقدی . واقعا
ناقللر بوبایدہ برخیلی فضائل عطف ایتکہ جہد ایتملر در . فقط
ارطغرل بک آرقہ دہ براقلہ می جاڑ اولیان کتابک نہ اولدیغی
صورمہ سی وکیجہ او کتابہ قارشو صافیانہ تعظیمدہ بولینشی بوبایدہ
چوق شہہ وترددلرہ محل برامایور . » شواسباب وعوامل طولانیسیلہ
ہر کس تصوفہ ، نوافلاطونیلکہ شتاب ایدیوردی . چونکہ او نہ
دونی ، نہ بوکونی دوشونییور ، چونکہ او تجردی ، اعتکافی ،
شیخ محمدالمصری نك تعریف ایتدیکی وجہلہ « ترک دنیا ، ترک عقباء ،
وترک وجود » ی آمر بولنیوردی . باخصوص بر مرشدہ احتیاج
و اوکا دائمی اعترافادہ بولمق بو نہ نفیس ، نہ کوزل بر تسلی ، بر
سکوندی .

یونس کی حساس بر شخصیتک بو تأثیردن آزادہ قلمہ سی
امکان خارجنده در . اودہ حقہ وصول ایچون چابالادی ، چالشدی ،
ریاضت بدنہ ایلہ اشتغال ایتدی . فقط قلبندہ یانمہ سی اقتضا ایدن
موم یانہ میوردی . او جلال الدین رومی کی اسرارکائنات قارشوسندہ
بوتون حساسیتیلہ ، بوتون روحیلہ ، بوتون موجودیتیلہ صارصیلیر
بر شخصیتک صاحبی دکلدی . اونی ایقاز ایدہ جک ، اونک زماندن

المصری « علم باطنك حصوله اولاً خلوص قلب ، دائماً مرشد کاملک نفسی ، ذکر الله ، قلت طعام ، قلت منام ، قلت كلام وعزلت عن الانام » مقتضیدر دیور . ایشته یونس بویله جه مرشد کامله واصل اولمقله علم باطنه واقف اولمشدر . رضا توفیق بك ده عینی مسئله یی ، عینی ذاتی تدقیق ایدرکن « تصوف نظرنده اوقومق بیلیمک دکلدر . حقیقی بیلکی عرفاندرکه آنجق مرشدك تلقیناتی ایله تلقی اولنور ومنبعی الهامدر : حس ، عقل ویا نقل دکلدر .

بو علمه واقف اولانلره عارف دیرلر . بونلرك بیلدیکی شیرلرك بوبوك علمای ظاهر عندنده بيله سردر . ایشته شو معنایه کوره حکم ایدیلیرسه یونس اوقومش آدم اولمادیغی حالده بحق عارفان زمیره سندن معدوددر . « سوزلرینی سوبله یور .

یونس امره یدنجی عصر هجریده برروایت کوره سقاریه جوارنده برقریه ده تولد ایتمش ایسه ده تاریخ ولادتک هانکی سینه یه مصادف اولدیغنه هیچ بریرده تصادف ایدیلهمامشدر . تولد ایتدیکی عصر شرق ایچون بر فلاکت ، بر اضمحلال عصریدر . عینی عصر داخلنده دولت عباسیه بغدادده دولت سلجوقیه قونیه ده منقرض اولیور . ترك و مغول مهاجماتی ، جنکیز خانك ، هلاکو خانك کولککلری غربی آسیا سمالرنده بوتون دهشت هراس آوريله یاشایور . قسطنطنیه فرنسکلر طرفندن ضبط ایدلیدیکی جهتله اسکی یزانس حکومتی ده ولایاتده دهشتلی بر صارصینتی یه اوغرامش ، هریره کوچك کوچك ، بربريله مجادل حکومتلر تأسس ایتمشدی . خلاصه بر تشوش ، بر ضعف و انحطاط عصری ایدی . (بحث مخصوصنده تفصیلات ویريله جکلدر .) بناء علیه روحلرده بدینندی .

امی اولدینی حالده افکار متصوفانه بی خارقه دینیه جک صورتده بلع و تمثیل ایتمش، ترکیه ایله، قلندرانه بر لسانله نقل ایله مش، واکثریا هیجانی، ربانی بر طرز تعقیب ایله مشدر. امره نك معناسی عاشقدر. یونسك امی اولدیغنه دائر مختلف تذکره لرده قید واریسه ده بو ادعانك مبالغه کارانه اولدیغنه هیچ شبهه یوقدر. عاشق چلی تذکره سنده «... اکرچه امیدر اما دبستان قدس سبق خوانیدر، لسان قالی لسان حاله ترجمان ایتمش آبدال و ابراردندر. ولسان عینیه اظهار مافی الضمیر ایدن اصحاب اسرار دندر. مرویدر که هر بار که او قومق قصد ایتمش، حروف تهجی بی اکمال ایتمه کی دلی دوئمه مش، دیدیکی کبی شقائق صاحبی ده «ظاهر حالده او قومیه دلی واریوب خامه کی حروف تهجی نك اداسنده قاصر ایدی. اما دبستان قدسك حروف معارف لدنیه سنده لسان ترکیده نکات ورموز و مزایای شامل وار. صاغی اسلوبنده سویلیدی کلماتدن اسرار اسماء الهیه ده معرفت تامه سی اولوب علم توحیدده مقام عالی صاحبی اولدینی ظاهر و باهر در.» دییور. مع مافیة بو امیلك کیفیتك نه درجه لرده طوغری اولوب اولمادیغی محتاج ایضاح و تدقیقدر.

حقیقه یونس امره، یاخود عاشق یونس حرفلری فرق ایدمه یه جک درجه ده جاهل میدر؟ بو قدر جاهل اولمادیغنه اك بو یوك دلیل دیوانیدر. فقط او جلال الدین رومی کبی بر عالم، بر فاضل دکلدی. او یالکزجه بر عارف ایدی. اهل تصوفجه او قومق، او کر نمك، بیلمك دکادر. اونلرجه علم ایکی نوعدر. بری علم ظاهر که بو او قومقله، چالشمقله آله ایدیلیر. دیکری ده علم باطنسدر که یونك حقنده شیخ محمد

فارسی آثارندن :

هرچه هست اندر جهان ای نامور
 « از بدی و از نیکی وز خشک و تر »
 « اندر او شکر و شکایت مضمر است
 « نیم کامل نیم دیگر ابتر است
 « نیمه آن ذوق و شادی و طرب
 « نیم دیگر غصه و درد و کرب
 « نیم شادی هست شاخی از جنان
 « نیم غم از دوزخ نارودخان
 « چاشنی از هر دو حق اینجا نمود
 « تاشوی واقف تواز خسران و سود »

مشار الیه فکر تصوفك تركك آردسندۀ انتشارینه اُك زیاده
 چالشانلردن بری در. ربانامه سی انکلیزجه یه، آلمانجه ترجمه ایدلمشدر.
 حسین دانش بك «سرآمدان سخن» نامندۀ کی اثر نفیسندۀ ربانامه نك
 بر قسمنك انکلیزجه یه نظماً «کیب» طرفندن ترجمه ایدلمش اولدیغنی
 سویله یور.

۷۱۲ تاریخندۀ وفات ایتمشدر، قونیهدۀ مدفوندر. حین ارتحالندۀ
 « ۸۹ » یاشندۀ ایدی . .

۷

یونس امره — . ترككك روحنه ، بناءً علیه عثمانلی حكومتك
 مایه و اساسنه نفوذ ایتمش ، وزمانك حالت روحیه سنی بوتون بدهات
 و وضوحیه کوسترمش اولانلردن بری ده یونس امره در . یونس

« بن سنا ایچرم که قرتلسن [۱]

« تکرری یولک آتن کی بلسن » [۲]

بواثرنده جنتک تعریفاتیله مشغولدر . او جنتده کی قوشلری ، آغاجلری ، یاپراقلری ، ساقیلری ، هرشیئی آیری آیری تعریف اییدیور ، نتیجهده « بکا کل ، سنک کوکلک نه ایسترسه او اولور » دییور . خلاصه بواثرده ربانامه کییدر . یالکز آرده کی فرق ربانامک مولانایه دعوتی متضمن اولمسی ، بونک ایسه شاعرك کنیدیسنه دعوتی احتوا ایتمه سیدر .

سلطان ولد سلطان عثمان زمانه یتشمش ایسهده اونک تابعلرندن دکدر ، بناءً علیه هیچ بر وجهله کنیدیسنه عثمانلی دییه مهیز . لکن عثمانلی ترکلسنک ، عثمانلی ترکجه سنک ایلمک ناظملرندن بریدر . کنیدیسی شاعر بر ذات ایسهده اقتدار صنعتکارانه سنی فارسی لسانیه یازمش اولدینی آئارده کوسترمشدر . بوکاده سبب اوزمانلرده کی ترکجه نك وزن عروضیه کیرمک خصوصنده ترددی ویاتعندی ، لسانک بر لسان شعر و ادب اوله مامسی ، اساساً شاعرك بر مقصد و غایه مادییه هیجان بدیعی فی فدا ایتمش بولمیه سیدر .

لطیفی اقدی تذکره سنده « جذبات الهمیه ایله اکثر اوقاتده واله و مجتدوب و مطلب حقد هه طالب ، هم مطلوب ایدی . حالات غلبات شوق و جذبه دن صانمه که بر یرده طورردی . متصل زمین اوزره فلک وار چرخ اورردی . کیفیت جام عشق دن مستانه صفت و آشفته حال و ارادات قدسیه ایله منبع زلال مقال ایدی . » دییور .

- « قارائکوده کوردلر حق نورنی
 « دیو ایچنده بولدیلر هم حورنی
 « کفر ایچنده دین وایمان بولدیلر
 « کندولردن الدلر حق اولدلر
 « طامله بیکی اول دنکیزا کردیلر
 « کندولرینی دنکیزا ویردیلر
 « طامله دیمه اونلره دنکیز دیغل
 « آنلری دوتغل قلایینی قغل » [۱]

ربانامه نك خلاصه فلسفیه سی ایشته بودر . ربانامه ایله سلطان
 ولد اساسات تصوفیه نك ، طریقت مولویه نك تركك آره سنده
 انتشارینی دوشونمش ، وبو مقصدی تعقیب ایله مشدر ، اثر بر اثر
 هیجان ، بر اثر حسن دکلدر ، یالکوز وزن و آهنگ داخلنه قونمش
 بر اثر فلسفی ، بر اثر فکری در .

مشارالیهك ابتدا نامه سی ده ترکیه یازلمش ، خلقی حقیقت
 تصوفیه دعوت ایچون قلمه آلمشدر . بوده ربانامه ده کی نظریاتی
 سرد ایدر، اسرار کائناتی کلیکوز سوزه بن ویرهیم، بن کوسترهیم دیر:

- « کزلرک بن آچم که کرسن [۲]
 « دکلدن نیچا نیچا سرسن
 « نه که واردر جهانده بلورن
 « سنی حقدن تمام طلدرن [۳]
 « اول بزدن که خضر صو ایچدی
 « دری اولدی نفنی ییچدی

أثرده عريض وعميق ايضاح ايتديکي ، هر فرصتله اوزرينه
دوشديکي بر شی وارسه جان ، یعنی روحدر . اونجه ، باباسی کبی ،
خلاصه بوتون متصوفین کبی جسمک اهمیتی یوقدر ، جسم هیچ بر
شی در . جان هر شی در . جان ، روحه اهمیت ویرمک مقتضیدر .

« ایقدا [۱] کور جانکی قندا کیدر

« سنسز آندا جان نجا ایشلر ایدر

« سن یاتحق کوددن جانن اجر [۲]

« قش بکی [۳] قندا اولورسه یر ، ایچر

« کندوزندن یوز صورت بر جان الر

« شهرالر ، بازار الر ، دکان الر

« کندودن هم یر الر هم کوک الر

« جان ایانقدر [۴] اکر کودا یر

« جان یوزینا جانلا باقماق کرک

« جان دلرسن کوددن جقماق کرک »

وبوتون بونلر تکرریه ، آلهه و صول ایچوندر ، آلهه و صول
ایچونسه ، اونلرک طریقنه سالک اولمق ، اونلره تبعیت ایتمک مقتضیدر .

« کوردلر بونده ارنلر ناکه وار

« نقد بوکن یارنا بقمادیلر

« سن دائمی اوجاغی بونده استقل

« اوجاقیچین دنیا یی الدن قوغل

« بونده بولدیلر ارنلر بل بونی

« دون [۵] ایچنده کوردلر بللوکونی

[۱] اویقوده [۲] اوچار [۳] قوش کبی [۴] اویانقدر . [۵] دون = کیجه

- « کوزمی آچ کیم سنی بللو کورم »
 « طامله کیبی دنکیزا کیرم درم [۱] »
 « نیته کم دامله دنکیزا قارلر [۲] »
 « ایکی قالمز طامله دنکیز برالر »

*
* *

یاخود :

- « تکرری پیغمبرندن استغل [۳] »
 « زنهار آتی حقندن آیری ستمغل »
 « اول که بولدی تکرری بی کی طوت آتی »
 « آتی بولبیجق دیمه تکرری قانی »
 « تکرری آندن آیری دکل آچ کزنک [۴] »
 « اول ویرر سانکا همیشه اوروزنک »
 « کم که بری ایکی کورورشاشی در »

اُرده سرد ایدیلن افکار تصوفیه دن بری ده عشقدر ، تصوفده
 عشق بصیره تک ، جان کوزینک آچلمه سی دیمکدر ، عشق اولمه نیجه
 حساسیت یوقدر . حساسیت ایسه حقیقته ایصال ایدن اُک طوغری
 یولدر . سلطان ولد حضرتلری ده عشقی عشق الهی بی توصیه
 بویورینیورلر ؛ دیورلرکه .

- « عشق سز جانی الو [۵] بلاق کرک »
 « اول که عاشقدر آتی بلاق [۶] کرک »
 « کم جانکی عشقلا دیری ایدا »
 « هم نورندن یوقرائکولق کیدا . »

[۱] طورم [۲] قاریلور [۳] ایسته غل [۴] کوزونک [۵] بیامک [۶] بولق

ایله، ترکی لسانله منظوم سوز سویله مشردر. ترکیه آثارنده هیجاندن زیاده بر غایه مادیه تعقیب ایدنلرک آثارنده کوریلن برودت ویبوست موجوددر. اثرلری اوقوندیغی زمان کوریلیر، که افکار تصوفیه عدسه حساسیت و شخصیتدن کچیرلمه دن نقل اولمش، صرف نشر و اشاعه مقصدی تعقیب ایدلمشدر.

از جمله «۱۶۰» بیتدن عبارت ربانامه سی :

« مولانادر اولیا قطبی بلنک [۱]

« ناکم او بویر دسا آتی قلنک [۲]

« تکریدن رحمت در ائن سوزلری

« کورلر اقرسا [۳] آچلا کوزلری »

سوزلریله باشلار :

« فاعلاتن، فاعلاتن، فاعلن » وزن عروضیه یازیلان بو اثر تصوفک اساساتنه، وحدت وجود « نظریه سنه خلقی دعوت ایدر » اُک اساسلی نقطه اونجه اودر، بو حقیقه، پیرک، استادک واصل اولدیغی بو حقیقه واصل اوله مایانلر هیچ بر شی دکلدرلر، حتی مال و ثروت صاحبی اولسه لر بیله . . .

« اسلو کیشنن مالی سوزلر الر [۴]

« مالی ویرر بوسوزلاری الر [۵]

« مال طوپراقدر بوسوزلر جاندرر

« اسلولر آندن قاچار بونده درر

وحدت وجود : حیات ذاتاً بو مقصده خادم دکلر، بو مقصده یارادلامشمیدر ؟ .

[۱] بیلک [۲] قیلک [۳] اوقورسه [۴] اولور [۵] آلور .

حصوله کتیرمسنه، دائره شعرك بوتأثیردن قورتيله مامسنه بناءدر.
اصل عثمانلی تركجه سنك اساسيله، یعنی سلچوق تركجه سيله اك اول
وزن عروض اوزره سوز سويله ين وتاريخك قيد ايتديكي سيما جلال الدين
رومی حضر تلرينك مخدوملری مولانا سلطان ولد حضر تلیدر .

۶

سلطان ولد . — لالا شرف الدين سمر قندی نك کریمه لری
کوهرخاتون ایله مولانا جلال الدين رومی حضر تلرينك مخدوملریدر.
کندی لری « ۶۲۳ » سنه هجریه سنده تولد ایتمش اولمیرینه نظراً حین
تولد لرنده پدر لری اون طقوز یاشلرنده بولینیور لردی .

سلطان ولدك حساسیتی اوزرنده پدرینك شدت حساسیتك پك
بویوك تأثیری اولدیغی کبی ذکاسی اوزرنده ده تازه بریووانك محصولی
اولمه سی آریجه اجرای تأثیر ایتمشدر. بویوك پدر لری مولانا بهاء الدین
حضر تلی وفات ایتدکلری زمان سلطان ولد آلتی یاشلرنده ایدی .
مولانا ولد حضر تلی پدری کبی محیطنده علم و عرفان کورمش ،
شعر و حسن کورمش ، دها پك کوچك یاشدن اعتباراً حساسیتی
بر تربیه مخصوصه و بدیعیه اکتساب ایله مشدی . تصوف اونك
روحنده ، اونك موجودیتده پك کوچك یاشدن اعتباراً بر
طوتمش ، فضله حساسیتلری ، شاعریته میل طبعیلری بومسلکی
مص و تمثیل ایتلمیرینه اك بویوك سبب اولمشدر . مشار ایله پدر لرينك
طریقتنه سلوک ایتمش ، اونك تأسیس و تأبیدینه بذل همت ایله مشلر
وبو طریقك نشو و نما سی ، توسعی ایچون اك اول وزن عروض

اسباب وعواملندن اولدینی کبی زمانک ده بر انتقال اداری وفکری دوره سی اولمه سی آریجه بو سرعت وانتشارک عامللرندن بریدر . سلجوقی دولتنک سقوطه یاقلاشدینی ، عرب مدنیتک اسکی شععه و دبده سنی غیب ایتدیکی ، خلقک متمادی جنکیز احضادی هجومیله ییزار اولمه سنه بناء ده حیاته مربوطیتک آزادینی ، قیودات فکریه و ذهنیه دن تباعد ایتک احتیاجنده بولدینی بر زمانک محصورلیدر . زمان بر داهی بکله یوردی ، اوده مولانا جلال الدین رومی حضرتلری اولدی . زمانک حس و روحنه اونک لسانی ، اونک فکرتی ، اونک جواب ویره بیلدی .

جلال الدین رومی حضرتلرینک چیغاناتایجه یازلمش بعض ترکیه بیتلری وار ایسه ده بونلرک نادر اولمه سی ، بویوک بر قیمت صنعتکارانه یه مالک بولنماسی اعتباریله ذکرلرینه لزوم کورولدی . اساساً مولانا جلال الدین رومی حضری عثمانی شاعری دکلددرلر . بوتاریخده ذکرلری عثمانی ادبیاته تأثیرلری طولایسیله در . مشارالیه حضرتلری «۶۶۸» سنه هجریه سنده وفات ایتمشلر ، پدرلرینک مرقدلری اوزرینه علاء الدین کیقباد طرفدن یاپیلان تربیه دفن اولنمشلر در . مولانای مشار الیه حضرتلرینک ترکیه برقاچ بیتلری وار ایسه ده اساس اعتباریله عثمانی ترکیه سندن آری اولمه سی ، آکلاشیلمه لرینک کوچ بولنمه سی ، بونلرده فارسیده کی روح و حیات بولنمه سی اعتباریله ذکرندن واز یکیلیمش در . باخصوص بز مولانای مشار الیه دن شو . مقدمه تاریخ ادبیاتده بحث ایدیشمز مشار الیه عثمانی شاعری اولسنه بناء دکل ، آناطولینک روح و موجودیتده بویوک بر انقلاب اعتقادی

« نقشه‌ای کاندین کرما بهاست
 « از برون جامه کن چون جامه‌است
 « تابرونی جامه‌ها بینی و بس
 « جامه برون کن درای هم نفس
 « زانکه باجامه درون سوره نیست
 « تن جان جامه زتن آگاه نیست »

« بوحامک ایچنده بولان نقشلر جامکانک خارچنده البسه لره بکزلر .
 مادامکه لباسلرک خارجنی کورییورسک ، بونکله مقیدسک ، اشکالی
 کورییورسک دیمکدر . جامه‌یی آت ، یرت ، ای هم نفس . . زیرا
 لباس ایله باطن جانبنه یول یوقدر . تن جانندن ، جانده تندن خبردار
 دکدر » دییورلر . شوصورتله کائناتی بر حممه بکزه تیور ، که خارجدن
 باقیدینی تقدیرده لباسلره بکزه یور . لباسلر نصل اشکال خارجه
 ایسه ، یالکز بونلره باقمق انسانی اوکره تمه یورسه کائناتنده نقوش
 خارجه سنه خارجیات ایله باقمق کفایت ایدمه یور ، بناءً علیه وجوددن
 مجرد ایله باقمق اقتضا ایدر .

شو اساسات داخنده اولمق اوزره مولانای مشار الهک بوتون
 روحی ، بوتون افکار وفلسفیاتی تدقیق اولنه بیلیر . ذاتاً بر سیما
 تاریخینک مساند روحیه‌سنی تحری ایتک ، بولمق فکرلرینه نفوذ
 ایتک دیمکدر .

مولانا جلال‌الدین رومی حضرتلری لسان جذبه داریلره ، وسعت
 دکا ومعلوماتیله ، خصوصیلره قناعات آتشداریله آناطولیده بویوک بر
 انقلاب تصوفی حصوله کتیرمشدر . باخصوص سلچوقی حکمدارینک
 مریدانندن اولمه‌سی ، صیت وشهرتی ، ویردیکی درس‌لر طولانیسیله
 قازانمش اولدینی حرمت وتقدير مسلک مولانانک انتشارینک ال‌بویوک

اونك نورندن بر ذره در، هرشی اونی تقدیس و تعید ایچون دنیا در،
 هرشی اوکا اونك سوزلرینی نقل و اعاده ایدر. خلاصه هرشی وحدت
 داخلنده در: «آله سن قدوم چالیجی سك، بز سنك وورارق چالیدیك
 قدوملرز. بز نیلرز، سن نفخه سك - سن بزده ترنم ایدن روح سك،
 بز سنك سوزلرینی عیناً سكا تكرار و اعاده ایدن عكس صدایز.» [۱]
 مولانا حضرتلری ینه مثنویلرنده شو صورتله سویله یورلر: «وحدت
 مطلقه بك سری عیانه كلدكده آنی مشاهده قیلان سالكك وجودی
 قالمز، كنار و میانی محو و فنا اولور، وكل شی هالك اولوب وجه باقی
 ظهوره كلور.»

بناءً علیه هرشی عشق ایله، حسن ایله، بالنتیجه الهه منقلب
 اولیور، بالنتیجه وحدت تولد ایدیور.
 بونك ایچون ایسه علائق دنیادن، خارجیات و ظاهریاتدن تباعد
 ایتك، دوشونمه مك، یالكز عشق الهی ایله روحك یاندیغنی
 ديكه مك مقتضیدر. وجودندن تجرد ایده مهینلر، زمان و مسافه دن
 علاقه سنی كسه مهینلر بوتون حقایق كائناتی ادراك ایتمه دن یاشارلر،
 اولورلر. آكلامق ایچون وجودی اونو تمق، حیاتی اونو تمق، اونك
 لوازم و مقتضیاتندن تجرد ایله مك لازمدر:

« صوفی ابن الوقت باشدای رفیق

« نیست فردا گفتن از شرط طریق »

« صوفی، ای ارقداش، ابن الوقت اولمیدر، یعنی نه كچه شه،
 نه ده كله جكه نظر قیلمیدر. طریقتك شرطنده فردا سویله مك یوقدر.
 بو یوریورلر. تجرد، دنیا لباسنی چیقارمق حقیقته، حقیقت وحدت
 مطلقه یه نفوذ ایچون شرطدر.»

زین شعالی اوله جق . بن نصل خلق ایتدسه سن ده اوپله خلق
 ایت ، بنم سودیکم کبی سو ... » دیدی . در حال بر سیل خروشان
 کبی اشتیقلرینک عظمتی و بوتون مخلوقاتک معظم قافله سی کونشک
 روحدن فشقیردی . [۱] شوسوزلرله لاپلاس نظریه سی آره سنده
 فرق یوقدر . یالکیز مولانا نهایت النهایه ینه جناب حقه واصل اولیور .
 بو طرز ادر اده غایت طبعیدر ، چونکه مولانا اُک اول روحنی ،
 حساسیتنی اشیا و حادثاته آچمشدر . ذاتاً فکر دینیلن شی ندر ؟ .
 حسلرمزک عدسه دماغیه ده تعین و توضحندن باشقه بر شیمی ؟ .
 صنعت نقطه نظرندن اُک طوغری حقیقت بو حقیقت حسیه ، بو حقیقت
 روحیه در . . او روحیه حس ایدر ، اوندن صوکره اینانیر ، اوندن
 صوکره باغیریر ، سویلر .. حسن و عشق ؟ نرده اولورسه اولسون ،
 نرده بولورسه بولسون ، اولنری بلع خصوصنده روحی ، موجودیتی
 صعوبت چکمز . او بعضاً بر اپیکور قدرده قوتک ، حتی قوه تخریبیه نک
 مقتونیدر اورعد و برقی ، روزکار و فورطنه نی ، یرتیجی قوشلره
 بکزه ین قاصیرغعلری ، عسکرلری یوتان سام روزکارلرینده سور ،
 اوکاده مفتوندر .

کائنات و حیاته ده هیچ بر شی یوقدر ، که او ، اونک حسننی
 کورمه سون ، آکلامه سون ، اوهرشیدن اول شاعردر ، بلکه شکله
 اهمیت ویرمز ، فقط طویمش ، حس ایتمش ، یازدقلرینک اساسنده
 هیجان تیتره بر شاعردر .

« بوتون بو تقدیرادن ، بو کوروشلردن ، بوسویشلردن صوکره
 او صووک نقطه تصوفه چیقار . هر شی آلهدن بر عکسدر ، هر شی

ایدیورسک.. عینی وجهله روحلرک کونشنهده طوغریدن طوغری به باقامازسک. فقط کوزل بریه ز اوزرینه صاحیلان نورینی تماشایدرسک. متأثر اولور، آغلارسک، قارشوسنده روحک تحسر واشتیقلر ایچنده بونالیر. « [۱]

او عشق حسن طولایسیله اولومهده مربوطدر. او ذاتاً هر شیدک حسنی کورمش، حس ایتمشدر، اونک روحی، خزینه حساسیتی اوقدر ایجهدر. ذاتاً اوکا مخزن الاسرار دیمشدر. او « سن بر حرب کوننده اولوم قدر کوزلسک. « دیور. سومک، حسن؟ اوت. . . لکن حرص ونفسانیت.. خایر.. او وجودی دکل، روحی سور، ذاتاً وجود دهنیلن شی محدودالنظر اولانلره کورینور، اهل بصیرت، جمال مطلقه مالک اولانلر اونک آلتنده نه وارسه اونی کوریرلر، اوکا مفتون اولورلر. یوقسه ظاهریاته دکل. . . سنک روحک ییلاندر، وجودکه مفتون اولان عاشقلری اولدیرر. . . سوزی بوکا دیلدر. اورو حک متمادی اهترازاتی داخلنده بعضاً او یله شفقلم، او یله نورلر، او یله حقیقتلر بولور، که بوکون، فن بوتون آلات و وسائطیله آنجق پک یکی زمانلرده بولمش، پک یکی زمانلرده کورمش، آکلامشدر. فقط اونک، مولانانک بو حقایق کورمه سی آنجق بویوک روحیله، آنجق ممکناته، عالم مثاله صعودیلهدر. « و قتیل بر سما چولنده کونش منفرداً یاشایوردی. و عشق ایله بی قرار برمنزوی راهب کبی محزونانه طولاشیور و آغلایوردی. الله او زمان اوکا «روحکی صاچ، سنک محبت کوزیا شلرک، مخلوقاتی اروا ایده جک اولان

ایکیشر ایکیشر دور ایدرلر: روحلر، باش دونمه سنه طوتولمشلردر.
 محبت کردبادینه دوشرلر. « محبت ای قادر کل بورا، هر کسه
 قوتکی حس ایتدیریورسون، بنی آل، بنی یاق، بنی تولدیر،
 شمشکله لرکله بنی وور. » « کجه نك کوکسندە فسونکار برنی ایکله یور.
 دکزک دالغەلری قر آلتندە رقص ایدیور.

بو آقشام بوتون جهان محبت نغمه لری «نی هوالریله تیتره یور» [۱]

« مذهب عاشق مذهبا جداست
 « عاشقنرا ملت ومذهب خداست »

دها صوکره حسن واردر، حسن؛ حسن مطلقک عکسیدر،
 حسن عینک عکسیدر، حسن سیاده هر شیده، حتی سسده بینه
 واردر؛ حسن اسرار کائناتک آناختاریدر.

او حسن ده بوتون کائناتی کوریر، او اونک ازلی، ابدی
 معشوقیدر.

« من عاشق حسیم عشقست مناجاتم
 « از صومعه بیروم در کوی خراباتم

« بر چهره نك کوزللیکی اوکنده نیچون تیتره یورسک. بر
 سسک صداسیله نیچون صارازیورسین. اوح، قالدین کوزلرینی
 تماشا ایدرکن نیچون باش دونمه سی حس ایدیورسک. فانی دوداقلری
 اوپرکن نیچون اولیور کی اولیورسک. حسن بشریتک شعشعه سی
 دیمک که مدهش سرلری فاش ایدیور. « دوغرودن دوغرویوه کونشه
 باقامازسک، فقط کونشک قره حسن ویرن عکس ضیاسنی تماشا

اهل تصوف بواساسلر اوزرنده حرکت ایدرلر، و بونک منبع اساسیمی
اسکی یونانیلکک نوبونانیلک طرزنده شرقدہ تجلیسندن عبارتدر .
بر آزده خداوندکار حضر تلیزینی کائنات روحیه لریله قارشو قارشویه
کورهلم ، تدقیق ایدلم . واقعا « ۳۰ » بیک بیت دیوان اشعارنده
« ۳۷ » بیک بیتدن زیاده مثنویسنده بولنان بر شاعری ، بر فیلسوفی
اوزون اوزادی تدقیق ایتمک جلدلرله کتاب یازمه یه متوقف بر کیفیتدر .
بز یالکز بوراده حیات حقنده کی بعض کوروشلرینی کوستره جک ،
بو قدرله اکتفا ایله یه جکز .

مولانا جامی حضر تلیز بو بویوطلکه ، بو وسعت ادراک ورؤیتیه
قارشو :

« آن فریدون جهان معنوی
« بس بود برهان قدرش مثنوی
« من چه گویم وصف آن عالی جناب
« نیست پیغمبر ولی دارد کتاب

بو یور مشلردر .

جلال الدین رومی حضر تلیز نجه عشق هرشیدر ، کائناتده هر شی
عشق وعاشق قدر ، کائناتده هیچ بر شی یو قدر ، که ازلی ، ابدی ،
عشقه کرفتار اولماسون ، حقیقی ، « افلاطونی » بر عشق هرشیئی
تنزیه ایدر ، حقیقی بر عشق انسانی اللهنه ایصال ایلر . اونک نظرلری
طاشده ، طوپراقده ، آغا جده ، صوده ، ییلدیزده ، سماده ، خلاصه
موجوداتده درین ، ایکلین ، فی اوفله یین بر عشق کوریور . « قر ،
هرکسه دیور ، که : او یانیک ؛ « باغیر ارق سزه محبت بو یو کدر ،
سویکز ، سویکز ، جمله کز یانیکز ! « دیور . » یا خود روحلر

یا صورتی متحد اولمقلقله نته کیم صونک مثالی عالم مثالده سود اوله . .
 و اخلاق مرضیه و اعمال صالحه نك مثالی بساتین ریاحین و اثمار و انهار
 لذة الشاربین و اخلاق ردیة و اعمال سیئه نك مثالی ظلمات و غیاهب
 و حیات و عقارب و غصاق اولور . پس ارباب سلوک بومقامی ایکی
 قسمه منقسم ایتمشدردر عالم ارواحه تعلقی جهتندن خیال مطلق و عالم
 مثال دخی دیرلر . عالم اجسامه تعلقی طرفندن عالم خیال مقید دیرلر که
 بوناسک وجودنده اولان خیالات و دخی عالم رؤیاده کوردکاری
 خیالاتدر . آنقروی : شرح المثنوی . »

مولانا جلال الدین رومی حضرتلرینک متصوفه دن اولمق اوزره
 فلسفه سنی استناد ایتمدردکاری نقاطدن بری ده بودر . حقیقی
 کورمک ، بولمق ایچون خیال مطلقه ، عالم مثاله یتشمک ضروریدر ،
 چونکه جهانده هرشی خیالدر ، چونکه او عالم مثالده کینک عکسیدر .
 بناءً علیه بر شیئه باقیدینی تقدیرده کوزله کورینه نی دکل ، اونک
 عالم فکریده کی ، عالم مثالیده کی تجلیاتی کورمک مقتضیدر .

مولانای مشا الیه حضرتلری کائناته ؛ اشیا ، حادثاته ، وقایعه ،
 بشره ممکناتی ادراک ایتملری طولایسـیـله یکرمنجی عصرده کشف
 ایدیه بیلن بر چوق حقایق ده اوزمانلرده سویله مشلدردر . ده
 ذاتاً هرشیدن اول بر عالم امکان یاراتمقدن باشقه ندر ؟ .

» ذره ها دیدم دها نشان جمله باز [۱]

» کر بکوم خردکی باشد دراز «

شومطالعات مولانانک سالک اولدینی تصوفه عأددر ، ذاتاً بوتون

[۱] ذره لر کورددم ، آغزلرینی آچمش ، بربرلرینی افنا ایدیورلر ، فقط بن

سزه بونلری سویله یهم .

ایشته جلال الدین رومی حضرتلرینک بر نقطه فلسفیه سی دها ! روح
ا کر تنزیه ایدله مشسه ، الهام خدا واقع اولمازسه حقایق اشیا به نفوذ
ایدله مزه .

دها صوکره اونک اعتقاد اتندن بری ده بوتون متصوفه کبی بر
عالم مثالك موجودیتدر . اوحیات و کائناتک خارجنده بر عالم فکر ،
بر عالم تمثالی کوریر ، عالم فکر ، عالم خیال اونجه هرشیدر ، یوقسه
کوریلن شیر هپسی ظاهری ، هپسی غلط رؤیتدر . مشویلرنده شویله
بووریورلر :

« می رسید از دور مانند هلال

« نیست بود وهست بر شکل خیال

« نیست وش باشد خیال اندر روان

« توجهانی بر خیالی بین روان »

« اوزاقدن هلال کبی ضعیف ونحیف ایرمشدی ، آنحق خیال
اوزره موجودی ، ظاهر آ یوقدی . روح ایچنده خیال یوق کبی
کورینور . لکن سن جهانی خیال ایچنده روان کور . »

اهل تصوف تزدنده خیال هر شیئه متصرفدر ، اونلر ،
متصوفه ، عرفا ، مشایخ عالم مثاله مسمی بر عالمک ، بر عالم فکرینک
موجودیتنه قانع اولوب شوصورتله بیان مطالعه ایدرلر . « عالم اجسام
مادیه ، عالم ارواح مجرد مابیننده بر عالم وارددر ، که اجسام کشفندن
لطیف ، و ارواح لطیفه دن کشف ، قابل تجزی و انقسام اولمقده
اجسامه مشابه ، وهیولی و صورتدن مجرد اولمقده ارواحه مساویدر .
هر شیکه بو عالمده موجوددر ، البتده اونک مثالی او عالمده مشهوددر .

یرینه. ضیا و یرن مطلع الانوار انبیاء المرسلین دئمیدر، یوقسه اولیاء اکلیندئمیدر، که جناب حقّه بو قدر قربتی و عرش معلاده عالی منزلتی واردر. حضرت جبریل و میکّ ربّ جلیل بو وجهله خبر و یردی، که بودر دریای تحقیق کهر صدف صلب ابوبکر صدیقدر. اونک انبیاء عظامندن، و اولاد کرامندن اول ملای مولوی و شیخ معنوی مقرب حضرت قیومی جلال الدین رومی اوله جقدر چونکه رسول رسالت پناه بوسردن آگاه اولدی. بو اشارتک بشارتندن جصرت صدیق بشاشت بولدی. (ع) « بشنوا زنی چون حکایت میکند » آکا اشارتدر . . .

تفکرات و تحسسانده حاکم اولان نقاطه کلنجه . . . یونی قدما تک علم کلام ایله علم تصوفی آیرمه لرندّه بولورز. آنقروی شرح متوینسندّه « علم کلام باصره استدلالیاتدن در. آنکچون بو علمک اصحابی بر یرینه مجادله و مدافعه دن خالی دکدر. پس بو علوم استدلالیه نک اصولی مستلزم - اصول ایمان، اخلاص، یتدر . - حق الیقین اولان علم کشفی و وحی قلبیدر. دیور. جلال الدین رومی حضرتلری علوم استدلالیه نک بو ایکنجی قسمنه قانع و مطمئن در. او، کوزله کورینه نی دکل، قلب ایله، روح ایله کشف اولتانی، وحی اساس اتخاذا یدر. اونجه حیات و حقیقت کائنات روحیه ده کی انطباعات، انعکاساتدن عبارتدر. اونجه دین بیه آنجق وحی قلبی عدسه ندن کچمکه بر قیمت مخصوصه نی حازدر، یوقسه آکلاشیه مامش، کوریه مامش دیمکدر. علم کشفی الهام ایله در، تعلیم و تدریس ایله دکدر؛ بناءً علیه اسرار و حقائقه مطلع اولمق ایچون قنای الله اولمق، عشق الهی ایله روحک، قلبک طولمه سی مقتضیدر.

قلبی اونلری نزاہت اخلاقیہ ایصال ایتشدی . لکن مریدانی
اونک طاغلوہ چکیلیمہ سندن شکایت ایتشلر ، قونیہ دہ بر عصیان چیقمش ،
شمس الدین تبریزی نک وفاتہ یا خود تبعیدینہ سبب اولمشدر .

قسطنونیل لطیفی افندی تذکرہ سندہ «سلطان علاء الدین سلجوقی
مریدارادت پذیری اولوب خداوندکارلنی آکاویرمشدر . خداوندکار
کامکار ، ملا خداوندکار دیدکلرینہ وجہ اولدر .» دیور .

مشار الیہ روحندہ عشق الہی یاندینی زمان آغاچلوہ صاریلیر ،
دور ، فی وچنک ودف ایلہ اوینارمش .

«تذکرہ لطیفی» حضرت خداوندکاردن بحث ایتدیکی زمان شو
معلوماتی دہ ویریور :

«والدترینہ سلطان العلماء بہاء الدین ولد دیرلر . حضرت ملادن
اوتنجی آتا اول صادق صدیقہ یعنی ابوبکر صدیقہ چقیر (رضی اللہ عنہ)
مناقب العارفین ومسالك السالکین تسمیہ اولنور بر کتاب کہ حضرت
مولانا نک مناقب کشف و کراماتن ومأثر خوارق عاداتن بیان ایدر ،
جلہ مناقبندن بری بونی یازار کہ اول زمان کہ حضرت رسول ختم
الرسال معراجہ عروج ایتدی ، سیر ملک ملک وتفرج عجایب فلک
ایلرکن ساق عرشہ سماع ایلر بر شخص پر شوق کوردی . آفتاب
تابان کی نوردن طلیسانی ، میان کلاہندہ خط استوی کی چکلیمش
بر نشانی وار . فلک دوار کی متصل کردشدہ وچرخ بی قرار کی
مدام جنبشدہ . . شور سماعندن فلکلر رقصہ کیرمش وندای نای
شوقندن فلکلرہ ، ملکلوہ حیرت ایرمش . رسول جمیل جبریلدن سؤال
ایتدی ، کہ بوچرخ اوزرہ چرخ اوران قطب فلک مدار وعرش

« ۶۳۱ » تاریخنده وفات ایدہ رک کرسی تدریس مولانا جلال الدین رومی حضر تلرینہ انتقال ایتمشد .

مولانا حضر تلری معمای کائناتی رؤیتلرنده کی نفوذ وقوت ، معلوماتنده کی وسعت ، حساسیت وخیله سنده کی ثروت ، لساننده کی بلاغت طولایسیله پک آز زمان ظرفنده تدریساتی اطرافه بیکلرجه کشی طولامش ، هرکسه کندینی سودیرمشد . درسنی بیتیردکن صوکره اؤینه کیدرکن اطرافنی حقائق اشیایی اوکرئمک هوسيله چیرپینانلر احاطه ایدرلر ، سؤال سؤال اوستنه تمادیاً صورارلرمش . لکن علم ظاهری اونک ایچون کفایت ایدہ مه یوردی . اودماغک شعرسز ، بلکه یا کلش ادعالرینه متابعتله یاشامازدی . . اونک واسع روحنی تسکین ایدہ بیله جک تصوفدی . اساساً اونک تمللری ، اساسلری روحنه پک کوچوک یاشنده ایکن نقش اولنمشدی .

بناءً علیه چلبی حسام الدینه انتساب ایله صوفیه طریقه داخل اولمش ، « مردان خدادن » شمس الدین تبریزی حضر تلرینک قونییه ورودلری موجودیتنده پک کوچک یاشدنبری بسله نن حسیاتک بردنبره بوتون شدتیه انکشاف ایتمه سنه ، آلولمه سنه سبب تشکیل ایتمشد . شمس الدین تبریزی حضر تلری مشارالیه کجان کوزینی بوتون بوتون آچملردی .

مولانا حضر تلری بونک اوزرینه تدریساتی براقملر ، شمس الدین تبریزی حضر تلیله طاغلره چکیلملر ، عشق الهییه وصول ایچون ، هر بری طریق حقدہ ، بر برینه عاشق ، معشوق اولملردی . حیات آرتق اونلر ایچون بیتمشدی . اونلر عینه واصل اولملردی . کشف

همان همان اونك روحندن ، اونك موجودیتندن انتشار ایتشدی .
تصوف حسن مطلقه ، کمال مطلقه تنزیه روح ایله یتشمکدن ، اونکله
مزاج اولمقدن عبارتدر . تصوفده اُك زیاده عامل اولان روحدر ،
منطق متصوفهجه کافی دکلدر ، یاکلیتیجی بر آلتدر، حیات، وقوانین
حیاتییهی آکلامق ایچون روحه احتیاج واردر . جان کوزی، بصیرت
آچیلمايجه اسرار حیاتی ، اسرار کائناتی ، حتی الوهیتی آکلامق
ممکن دکلدر .

بوصورتله دوشونیش، حس ایدیش ، کوروش مولانانك قابلیتته
دها زیاده موافق کلیوردی . چونکه او هرشیدن اول حساس ،
رقیق الروح ایدی . بوتون حادثات و وقایع اونك روحنده اهتزازلر،
فورطنلر، طنینلر حصوله کتیریور، ایزلر براقیوردی . باخصوص
سید برهانالدینك پدریله برابر شامه سیاحتی ، او اوزون مسافیهی
برابرجه طی ایتلمی اوراده دایما برابر بولنملری بوروحك انکشاف
وتعالیسی ایچون نه بویوک برعامل اولدی . لکن برهانالدین شامده وفات
ایتدی و وفات ایدرکن مولانا بهاءالدین ولده دیاررومه کیتمه سنی توصیه
ایتمشده مشار الیه بونی دیکله مهیه رك ارزنجانه کیتمش دها صوکره
لاراندیه کلمشدر، وبویکی سیاحتده مولانا جلال الدین رومی حضر تلمی
اوزرنده پك بویوک بر تأثیر براقشدر . بوتون بوسیاحتلر بویوک بر
شاعری ، بویوک بر فیلسوفی یتشدیرمك ایچون نه مهم برر سبیدر .
لارنده ده بولندقلری اثساده مولانا بهاءالدینك شهرت علمیه
ووقوفه سنی طویان علاءالدین سلجوقی قونیهیه دعوت ایتمش ، مشار
الیده اجابتله محل مذکور کلمش اختیارا قامت ایتمش، تدریساته باشلامشدر .

متين، اُك قطعي ايزلر براقق خصوصنده بر مؤثر، بر عامل اولمشدر. چوجق طبيعتك محاسن متخالفه سييله، شدائد متخالفه سييله قارشو قارشويه بوليئور، هر ديار، هر اقليم اوکا باشقه باشقه تحسسات اعطا و اهدا ايديئوردی. باخصوص چكدكلى يوللرده اُك ممتاز، اُك عالم، اُك متفكر ذواته تماس، اونلر ك تلقیات حیاتیه لريله طبيعتك توديع ايتدكلى مزیج، قابليات اساسیه سنك نشو و نماي خارق العاده سنه يك چوق يازديم ايديئوردی.

طبیعت والہ ؟ .. بوتون بو عظمت خلقت و اونك مؤثری ؟ . چوجك دماغنده یاشایان بوایدی .. علمای متصوفدن سید برهان - الدینہ تصادف ایتدیلر . کوچك مولاناك دماغنده ، روخنده برر عقده شكندنه یاشایان بو سؤاللره اونك تصوفی آز چوق جواب ویره بیله جك بر ماهیتده ایدی . کوچك مولانا برهان الدینی بوتون روحیله ، بوتون موجودیتیه دیکله یوردی . طاش ، طوپراق ، سما ، ییلدیز ، جسم ، روح هر شی اونك دوداقلرنده اریئور ، بر بریله مزج اولیئور ، نهایت بر نقطه وحدتده توقف ایديئوردی . اونك سوزلری یالکیز ذکائی ، دماغی دکل ، روحی ایدی . تصوفدن دها اوزمان ذوق آلهیه باشلادی . چونکه معمای کائناتی بر عدسه وحدانیت و روحیت داخلدن کورمك آنجق اونکله ممکنیدی .

آرسطونك حسن مطلق، کمال مطلق نظریه سنك مولودی اولان بومسلك آسیاده اقليم و اراضی ایله امتزاج ایتمش ، آسیائی بر طاقم عناصری ده روح و موجودیتیه قلب ایتمش ، دینی بر طاقم اسباب و عوامل ایله برله شمشدی، [۱] آسیا اعتقادلر دیاریدی . بوتون ادیان،

[۱] نوافلاطونیلكك مؤسسسی یهودی «فیلون» بو نظریه نی ابتدا موسویلکله مزج ایتمشدر .

«لاروس» ك ادعاسنه كوره مولانای مشار الیه حضرتلری منقرض بر عائله حكمدارینك انسال و احفادنندن در . اصللری اعتباریله خراسانی اولوب بلخ شهرنده ، «۶۰۴» تاریخ هجریسنده ، افاضل علمادن مولانا بهاء الدین ولدك صلبندن دنیایه ككشلدرد .

كوچك مولانا كوزلرینی دنیایه آچار آچار ، نور انور ، خیالات شاعرانه یه معكس ایرانك سماسنی كوردیکی کبی محیطنی ده علم و عرفان ایله ، علما ایله مستور و محاط كورمشدر . كندیسنك اسکی بر نسل کبارانه یه منسوب اولمه سی رقت حساسیتنی تولید ایتدیکی کبی ایران سماسی ده مخیله سنك ایلك قندیللرینی ، ایلك ایشیققرینی یاقشدر . پدری زماننك اُك بویوك عالملرندن بولندیغی جهتله خلقه تدریسده بیکلرجه شاگرد بولنور ، بر چوق ذوات مشار الیه كدرسنده بولتمق ایچون مسافهلری ، فرسخلری طی ایدردی . منقرض بر نسل سلطنته منسوب اولمه سی ، علم و عرفانیله اطرافنه بیکلرجه وجود طوپلامه سی ، خوار - زمشاهیلردن جلال الدین محمدك نظر دقت وعداوتی جلب ایتمش اولمغله مولانا بهاء الدین ولداوغلیله برابر ترك دیاره مجبور اولمش ، یوله حقیقه رق حجازه توجه ایتمش در . اوزمان كوچك مولانا پدرینك یاننده برذکا پاره کبی یانیور ، هرکسك توجه ودقتی جلب ایدی - وردی . حتی نیشاپور شهرینه اوغرا دقلری زمان فرید الدین عطار حضرتلری چوجغك پك بویوك بر سیمای استقبال اولدیغی تبشیر ایتمش ، حتی كندیسنه بر خاطره اولمق اوزره «اسرار نامه» نامنده کی کتابی هدیه ایتمشدر .

بو اوزون سیاحت چوجغك میال انكشاف روحنی آچق ، یوكسه لیمك ، اونك بالاخره اسرار کائناتی كشف خصوصنده پك زیاده متجسس اوله جق دماغ ، عمق موجودیتنده طبیعته عائد اُك

تورك هیئت اجتماعیه سنك چوق دوغرو تصویر لرینه تصادف اولونیور .
 علملر ، قوماندانلر ، صنعتکارلر ، مأمورلر ، طبیبلر ، افسونچیلر ،
 خلق ، حکمدار ، بونلرک هپسی حقنده اثرده چوق شایان دقت
 تصویرات و مطالعات وار . بوتورك شاعر طبقی بر چینی کبی حیات
 ارضیه قارشیسینده وجده کلیور . آسیای و سلطانک سیسلی و ایصسر
 داغلر ، اوزون یایلالرله مالی بر اقلیمنده بهارک ورودیلر مرعالرک
 یشیللندیکنی ، بوزلرک اریدیکنی ، متبدل رنگلی لاله لرک آچدیغنی ،
 قازلرله اوردکلرک چیچکلر کوللر اوزرنده کزیندیکنی کورنجه
 اونلری ساده و صمیمی بر صورتده ترنمه باشلایور . هجا وزننک
 اون برلیسیله یازلمش و عرب و عجمدن زیاده چین تأثیراتی آلتنده
 وجوده کلمش اولان بو اثرک مکملیتی ، اوندن اول زنکین و اسکی
 بر ادبیاتک موجود اولدیغنی آکلاتیور ؛ اساساً محرر ، مقدمه سنده ،
 اوینورجه بوکی بر طنم کتابلر بولندیغنی و فقط کندی اثرینک
 سائر بو طرزده کی تألیفاته فائق اولدیغنی سویلیور . ینه بوتاریخلرده
 کاشغرده یازلمش اولان « دیوان لغت تورك » نامنده کی اثر مهمده ،
 بو حقیقت تاریخیه یی تأیید ایدر . دلائلندر .

۵

مولانا بهلول الدین رومی . — مولانا جلال الدین رومی حضرتلری
 یدنجی عصر هجری ده آناطولینک قونیه سنده بر نور وضیا شکلیله
 پارلامش ، قابلیت خارق العاده شعریه سیله ، وسعت معلوماتیله ، ذکاسنک
 شدت فلسفیه سیله بویوک بر انقلاب اجتماعی ، فکری و اعتقادی یی
 تولید ایتمش بر داهیدر .

ترجه اولونا بيلمه سندن ، لسانمزك او ائئاده کی تکاملی حقنده بر فکر آله ایديله بیلیر . تورك اسانك عرب و عجم اسانلریله اختلاط ائتمه دن اول یوکسك و متکامل بر لسان تحریر و ادب حالی آلمش اولماسی ، اودورده کی تورك مدنیتك درجه تعالیسی کوسترییور . « فون لوقوق » ، « اشتاین » ، « موللر » ، « رادلوف » کی ذواتك بومسئله حقنده کی آثار و مقالاتی خصوصات آنفه حقنده تفصیلات لازمه بی حاویدر .

شیمدی یه قدر ایلک تورك اثر مدون ادیبی کی تاقی اولونان و قیمتی بوتون مستشرقلرجه چوق یوکسك طوتولان « قودا تقوبیلک » = سعادت ویره ن بیلکی « صاف او یغورجه ایله » ۱۸۶۲ « سنه هجریه سنده « کاشغر » امیری « بوغرا » خان نامنه « یوسف خاص حاجب » طرفندن یازلمشدر . « ۱۸۶۷ » بیت ایله منشور بر مقدمه بی احتوا ایدن بو اثر ، « سیاستنامه » یاخود « پند نامه ملوک » طرزنده یازلمشدر .

عربی و فارسی آنجا ق دو قسان کله قوللانماسی و تورکلکدن دائماً شوق و حراز تله بحث ائتمه سی اعتباریله حقیقی بر تورك ملیت پروری اولدیغنی کوستره ن « یوسف خاص حاجب » ، اثرنده ، ملکات بشریه بی عدالت ، اقتدار ، ادراک و قناعتدن عبارت بولار ق عادلّه « کون طوغدی بک » ، اقتدار و دولته « آی دولدی بک » صاحب ادراکه « اوکتولش » عنواتی ویریور ؛ و زیرک اوغلی نامنی ویردیکی بوصو کنجیه « قناعت » ی قرداش یاپیور ؛ صو کرا اونلر آراسنده درلو درلو مباحثه لر یاپدی ریور .

« قودا تقوبیلک » ده اسلام عادات و آدابندن باشقا ، اودورده کی

حکمدار دائماً ملتدن ، ملتدن کمال عشق و حرارتله بحث ایدرهک ،
کندینک بر خدمتکاردن باشقه بر شی اولمادیغنی سویلر . بویوک
و نجیب تورک ملتک نه نجیب و نه علوی خاقانلر یتیشدیردیکنی
کوسترمک ایچون محکوکات مذکوره اوزرندهکی یازیلری اوقومق
کافیدر . بونلر مؤثر برفریاد ایله ملتی اویندیرمق ایسته یورلر .

« کول تکین » ستونلرندهکی محکوکاتدن صوکره اُک اسکی تورک
آثار ادبیهسی « طورفان » ده میدانہ چیقان و قسماً حل و قرائت
ایدیان برطاقم آل یازمهسی کتابلردر . قسماً خراب اولمش ، بوزولمش
اولان او وثیقه لر بالخاصه ایکی جمعیت دینه نک یعنی بودیستلرله
مانیخه ئیستلرک محصولاتیدر . « مانیخه ئیزم » میلاددن ایکی یوز التمش
یدی سنه صوکره « مانی » آدلی تنصر ایتمش بر ایرانلی طرفندن
میدانه چیقارلمش و فقط خرستیانلرله زردشتیلرک مهاجمات و تعقیباتیله
بوکون ایزی بیله قالماش بر دیندر . اوکا عاند اثرلرک تورکستانده ،
یدی قوت شهرینک خرابهلرنده شیمدییه قدر بقایاب اوله بیلمهسی
چوق غریب بر شیدر . مع مافیہ اوینغور ایمراطورلنی پای تختنده
میدانه چیقان اثرلر یالکیز بو ایکی دینه عاند دکلدر : اوراده نسطوری
راهبرینک نشر ایتدیکی خرستیانلق آثارینه ده تصادف اولونیور .

طورفانده آلدہ ایدیلن آثار یالکیز دعالر ، اعترافلر کی آثار
دینه دن عبارت دکلدر ؛ تورکلرک جسارت و شجاعتنی کوسبترن
قهرمانانه حکایه لرده تصادف اولونیور . هر حالده بو قدر مختلف
موضوعلر حقه ده اوقدر مختلف اثرلر یازماسندن ، اینجیلاک تورکجه یه

حکایه لری کبی بر شخص معلومک اثر صنعتی اولمقدن زیاده بر قومک محصول مشترکی عد ایدیه جک آناری احتوا ایدهرکه بودور حقنده کی تدقیقات قومک روحنی دهها زیاده کو سترمکه بر ابر لسانی و تاریخی بر ماهیتی حائر در . ایکنجی دورده کی آثار ایسه معلوم شخصیتلرک محصول فردیسی اولمق اعتباریه دهها فضله بر قیمت ادبیه یی حائر اولماسنه رغماً تورکلرک روحیاتی کو سترمک نقطه نظرندن برنجی دور اثرلرندن دهها قیمتسزدر . موضوع اساسیمزی تورک لهجه لرینک اک زنکین و متکاملی اولان عثمانلی ادبیاتی تشکیل ایده جکی جهته ، بوراده تاریخ اعتباریه عثمانلی ادبیاتندن مؤخر اولان بر طاقم آثار ادبیه یی ده موضوع تدقیق اتخاذا ایله یه جکزر .

اسکی تورک آبدلرینک اک مهمی « ۷۳۳ » تاریخده بری تورکجه و بری چینجه اولارق موغولستانک شمال غربیسنده « قوشوچایدام » کولی ایله یوقاری « اورخون » آراسنده کشف ایدیلن وابتدا دانیمارقه علماسندن « طومسن » طرفندن حل و قرائت اولوناندر . « کولتکین » اسمنده غایت شجیع و بهادر بر تورک خانی نامنه قرده شی « بیلکه قآن » طرفندن رکز ایتدیریلن و شهزاده « یولوغ تکین » طرفندن منشور و منظوم اولارق یازیلان بوستونلر برنجی و ایکنجی عصر هجریده کی تورک جماعتی و اوزمانکی تورک دولتی حقنده اُی تفصیلاتی حاویدر . عرب اردولرینک نشر اسلام مقصدیه هر طرفه هجوم ایتدکلری بر ائنده ، اونلری « سمرقند » قربنده کی « دمیر قانی » ده محو و منهزم ایدهرک اسکی تورک عنعناتی ، ملیتی محافظه ایدن بو قهرمان حقنده یازیلان سطرلر، جداً چوق یوکسک افکار و حسیاتی محتویدر .

عبارت صانمالميدر : عجم مدنيتني احيا ايدن ، هندستانده بر مدنيت اسلاميه و بي نظير آبدات معماريه وجوده كتيرن ، اسلاميتي اهل صليبه قارشى محافظه ايله ين هپ توركلر اولديني كي ، اُك بويوك متفكرلر ، شوكت ، مولانا ، ظهير كي اُك بويوك شاعرلر ، حتى علوم فقهيه و قواعد عربيه يي تدوين ايدن اُك بنام علماده هپ تورك نسلنه منسوبدرلر . بواعتبار ايله تورك دهاى مليسك شرق مدنيتك تأسس و تكاملنده نه قدر مدخلدار اولديني و بو وظيفه معنويه نك توركلرك سائر خدمات ماديه سيله متناسب بر درجه ده بويوك و ذى شرف بولنديني لايقيه تظاھر ايديور .

۴

تورك ادبيات قديمه سى . — كرك « اورخون » ده كرك « طورفان » ده الله ايديلن مهم وثيقه لر دلايتيله پك اسكي بر لسان تحرير اولديني ا كلاشيلان توركجه نك ماضيده زنكين بر ادبيات وجوده كتيرديكي محققد . آنجاق بر چوق اسباب و عوامل تاثيراتيله اونلرك قسم اعظمي محو اولمش ، حتى ميدانده هيچ بر ايزلري قلامشدر . اويغورلرك پك اسكي زمانلردن برى بر طاقم آثار وجوده كتيردكلري ، شعرلر ياردقلري حقائق تاريخيه دن ايكن ، مع التأسف او آثاره دسترس اولونا مادي . بناءً عليه آنيده كي مختصر خلاصه ده يالكز بو كونه قدر ادامه حيات ايده بيلمش قيمتدار اثرلر حقنده معلومات عموميه ويرمكله اكتفا ايده جكز .

اسكي تورك ادبياتي — آزچوق عالمي بر اساسه استناد ايتك شرطيله — اولايكي دوره آيره بيليرز . برنجي دور اورخون و يكي چاي كتابه لري كي ، صوكر ا طورفان ده الله ايديلن دعا كتابلري ، قهرمانلق

تأسيس ايدلمش، مناقلات منتظم صورتده تأمين اولمئشدي . بو مراق و اعتناي صنعت تيمورك اولادي زماننده ده دوام ايتدي : سمرقنده باب فيروز جاده سي، ديوارلري تيمورك هند سفرلريني مصور لوحه لرله مزين كوشك ، اولوغ بك رصد خانه سي ، قرق ستونلي جسيم بر بنيابي حاوي باغ ميدان اك مهم آبدلردن عد ايدليوردى . «هرات» اك كوزهل مبانيسي شاعر شهير على شيرك باغچه سي، كاغد خانه ، سراي تخت ، سراي بلور ، زبيده باغچه سي ، اون ايكي قوله، بازار شاهي، بازار كبير كي شيلردى . بالخاصه هرات بر مدينه صنعتدي : سلطان ابوسعيدك ضياقتلرنده مكمل موسيقي هيئي بولنوردى . هرات خواننده لري شرقي اوقومقده فطري بر استعداد مالكديلر . اساساً موسيقي دينآده ممنوع اولماديني جهتله ماوراءالنهرده بوشعبه صنعت چوق ترقى ايتمئشدي .

اون بشتجي عصرده مينياتور وبالخاصه انسان رسملري ابي رواج بولمئشدي . على شيرك آثاري نفيس مينياتورلرله مزيندي . ماوراءالنهر رساملري آره سنده بالخاصه بهزاد بويوك بر استاد تلقى اولنيوردى . قول محمد ، شيخي ، شاه قولي حسين ، ابوسيد كي معروف بسته كارلرده يتشمئشدي .

تورك مدنيتي حقنده ويرديكمز شومعلومات مختصره ، بو بويوك قومك يالكيز بر قسمك ياپدقلى شيلري كوسترييور . قومانلر، بلغارلر ، وداها سائر تورك قوملرينك مدنيتي حقنده حتى معلومات مختصره ويرمك بيله موضوعمزدن بالضروره خارجدر . ديكر طرفدن تورك دهاسنك وجوده كتيرديكي شيلري يالكيزبوندن

عسکری کی بلامناقصه قبول ایتمشلر، و تام بر عصر بخاراده یتیشن علما و کلامیون احکام اسلامیہ نی تورکلر آراسنده تعمیمه چالیشمشلردی. بوصورتله ماوراءالنہرده دور انتباه عاداتا قرون وسطانک باشلامه سندن عبارت اولمش و بوتون فعالیت اسقولاستیکه، بلاغتہ، ادبیاتہ منحصر قالمشدی. تورکلر مساعی فوق العادہ لریله اوقلیدی، بطلمیوسی، ایپوقراتی احیا ایتمشلر، فقط افلاطونہ پک کوچ چیقہ بیلمشلردی. فقط هر حالده بو اون بشنجی عصر، تورکلرک ترقی عصری ایدی. آرتق بویوک بنالر انشا و هیکل تراشی به متعلق آثار اعمال ایدیلوردی. بالخاصه تیمور زینت و ثروتدن، علوم و ادبیاتدن، صنایعدن، بدایع معماریه دن پک محظوظ اولیوردی. تیمور اجرا ایتدیکی محاربانی متعاقب «سمر قند» و اوقدر صنعتکار کتیرمشدی که اونلری اسکان ایده جک یر بولنه مادیغی ایچون جمله سنی شهر اطرافنده کی باغلره یرلشدیرمک مجبوری حاصل اولمشدی. او ائنادہ «کشن» ده تیمورک باباسنک مزارینی، سرایلری، باغچه لری، حرم دائره سنی و یکرمی سنه دن بری انشا ایدیلن سائر مبانی بی کورهن براجنبی، موزاییقلره، مرمرلره، چینیلره، خلاصه او دبدبه و احتشامه حیران اولمشدی. مع مافیه سمرقندک احتشامی بوسبوتون باشقه ایدی. «مسجدشاه»، اوفرحقزا باغچه لر، فیلملر، سوکولونلر، جیلانلرله دولو باغلر، دروننده هر کون بیک عمله چالیشان دارالصناعه لر، اویمه لرله سوسلنمش حاملر، خسته خانہ لر، اطرافنده کی اولرک استملاکیله آچیلان کنیش و منتظم جاده لر شهره باشقه بر حشمت و یریوردی. مملکتده زراعت ترقی ایتمش، هر طرفده قاناللر آچیلمش، سمرقند جوارنده کاغد فابریقه لری

بر پای تخت وجوده کتیرلیدیکنی پک کوزل آکلاتیور . اونی اُک مزهر زماننده کورمکه موفق اولان بر سیاح ، سرای حکمداریده دنیانک هر طرفدن گلش صنعتکارلره ، راهبره ، سرسریلره تصادف ایدلیدیکنی ، حتی قره قروم باغچهلرینک ، چشمه لرینک تنظیمنده بر پارسلی نك بیله خدمت ایتدیکنی سویله یور . مورخلرک متفقاً قبول ایتدکری وجهله جنکیز ایمراطورلنی اوילה ضبط وربطدن محروم ، مدیتسز بر حکومت دکل ، بالعکس نظامات ملیه و مدنیه سی پک دوزکون واسع بر اداره ایدی . تحریر نفوس ، ویرکو معاملات ، ژاندارمه پک مترقیدی ؛ عمله دن ویرکی یرینه ایش ایسته نیر ، وتورک صنایعک ترقیسی ایچون ایراندن ، هندستاندن ، قافقاسیادن بیکلرجه اهل صنعت کتیریلیدی .

علم و مدنیته چوق حرمتکار اولان « تیمورلنک » ک زماننده ماوراءالنهرده پک مهم بر « تورک - اسلام » مدیتی انکشاف ایتش و اولاد و احفادینک ، بالخاصه « حسین بایقرا » نك دور سلطنتنده بومدنیته حد غایه سنه واصل اولمشدر . فی الحقیقه ، آسیای وسطی تورکلری چین غنماتندن قطع علاقه ایدهرک ماوراءالنهر مدیتی قبولدن صوکر اتمام بر عصر اسلام فلسفه و ادبیاتیه مشغول اولمشدری . حتی بو انجذاب و مفتونیت بر درجه یه کلمشدی که اوز اوچنچی عصرده کی ماوراءالنهر تورکلری غیر اسلام ملتداشرینی طانیدقلری حالده تیمور زماننده کی تورکر او دینسز عرقداشلرله مناسباتده بولمهی اصلا آرزو ایتمورلردی .

تورکستان ، ماوراءالنهر ، خوارزم تورکاری اسلامیتی بر امر

تورک مدنيتي حقنده «شايان حيرت» صفت تقدير کارانه سنی استعمالدن
 کندنی آلامايان فون لوقوق اوراده بولونان کتابلردن بحث ايدە رکن
 دييورکه : « حروفاتی کوزدل ، مکمل اولان بو کتابلرک تحریرنده
 درلو رنکالر قوللانيلمشدر . کتابلر کاغد ويا دري يه يازيليدر . دريلر
 شيمدی استعمال ايتديکمز بياض کوده ری الديو نلر مز کي اينجه وناز کدر .
 صحيفه کنارلرينه کمال اعتنا ايله کتابه لر چيزلمش ، صحيفه باشلرينه تزینات
 وتصاوير ترسيم اولتمشدر . بو کتابلردن اوزمان تورکلرنده حس
 بدايعک يوکسک بر درجه ده اولديغی آکلاشيلير . رنکلر دائما آهنگدار
 بر امتزاجله قوللانيلمشدر . بو کتابلرده اصول تقیطده موجوددر .
 ميلادک اون ايکنجی عصر نده کی تورکلر حقنده بيان مطالعات
 ايدەن بر چين مورخی اويغورلرک شاعر و مورخلری اولديغی ،
 مکتبلرده اوقويان کبرا چوجوقلرينک انشاد شعره بيله کسب اقتدار
 ايتدکلرينی ، حتی بر زمان چين مشاهير علماسندن بر ذاتی تدریساتده
 بولونمق اوزره تورکستانه يوللامه سی ايچون چين امپراطوری نر دنده
 تشبثاتده بولندقلرينی کمال تقديرله قيد ايدیور . فی الحقیقه بشننجی
 عصر هجریدن اعتباراً دوام ايدوب کلن اعصار ديدە تورک آثار
 ادبيه سی ، تورک مدنيتک شکل و حالنی ، اسکیلکنی پک اعلا اثبات
 ايدە بيلير .

اورخون قیلرنده قره قورومی پای تخت اتخاذا ايدەن جنکيزک
 اوغلی اوکتای خان زماننده ، اوراسی زنکین و پر حیات بر مرکز
 مدنيتدی . قره قورومک اليوم مشهود اولان بقایاسی اوراده نه محتشم

هجرتك برنجی یاخود ایکنجی عصرلرینه متصادف اولان «اورخون» و «یکی چای» کتابه لرنده کی یازیلرک مکملیتی ، لسانک مترقی وادیبانه بر صورتده اولیشی ، افاده ایدیلن افکارک علویت و عظمتی تورک قومک داها اوندن اپی اول مستقل و مترقی بر مدنیتی موجود اولدیغنی اثبات ایدیور .

اسکی تورک مدنیتلرندن بری ده ، آنجق بوندن دوقوز اون سنه اول میدان چیقارلمش اولان شرقی تورکستانده کی اوغور مدنیتیدر . میلادک سکزنجی عصرنده تشکل و اصل تورکستاندن باشقه مونغو-لستانک بر قسیمله چینک « قان - صو » ایالتی ده احتوا ایدن بومعظم اوغور ایمپراطورلغی اوراده معظم بر تورک مدنیتی تأسیس ایتمش ، بر جوق مآثر مدنیه وجوده کتیرمشدی . بومدنیتهک مرا کز مهمه سندن بری اولان «طورفان» شهرینه ایکی دفعه ایکی هیئت علمیه ایله کیده رک بومسئله ده اُک زیاده حائز صلاحیت اولدیغنی اثبات ایدن مستشرق «فون لوقوق» تورک مدنیتی حقنده شو صورتله بیان مطالعه ایدیور : «بویاغمورسز و قوملق قطعده عصرجه اورتولوو محفوظ قالمش اولان معظم بنالر ، هیکلر ، دیوار رسملری ، جانفس و کاغده ترسیم اولونمش تصویرلر ، کتابلر و زنکیکن بر ادبیات بقایاسی عالی بر مدنیتهک وجودینه قطعی شاهدلردر .

فی الحقیقه اوغور ایمپراطورلغنک مقری اولان طورفان قریبنده کی « قره خوجه » شهرنده معظم و حیرت بخشا بر مدنیت واردی . انکلتره ، فرانسه و آلمانیا ده بویله شیلر یوقکن کوزدل و بویوک بر مدنیت صاحبی اولان جدلریله تورکر اقتخار ایده بیلیرلر . بواسکی

عرب یازیشنی قبول و استعمال ایتدیلر . فقط بالخاصه او یغور یازیشی
اوزون مدت محافظه حیات و موجودیت ایلدی . بوکون او یازیله
یازلمش بر چوق مؤلفات قدیمه ادبیه مالکیتمز بوجهتی ساحه ثبوته
چیقارییور . اساساً تورک و موغول خاقانلرندن بر چوغی ده محررات
رسمیه ده، اصدار ایتدکری فرمانلرده او یازیشی استعمال ایتشلردر .

۳

مدینتری . — « اورال — آلتای » عنوان علمیسی آلتنده
طوپلاناتان اقوام تورانیه ، آسیا تاریخ مدینتنده پک مهم وظیفه لر
ایفا ایتشدردر . میلاددن اوچ بیک سنه اول عراقده « سومر — آقاده »
مدینت معظمه سنی تأسیس ایدن بو تورانیلر آره سنده تورکلرکده
بویوک بر تاریخ مدینتی موجود اولدینی شیمدی یه قدر مع التأسف ارباب
اختصاصدن باشقه سنه معلوم اولماش و بوندن تورکلر حقه ده پک
یاکلاش فکر لر حاصل اولمشدر . حال بوکه تورکلر جنکا ور اولدق لری
قدر مدنی بر قومدر ؛ او هر وقت نهایتسز چوللرک زائر سیاری کی
دولاشماز ، مناسب بر محل و موافق بر زمان بولنجه در حال شهر لر
تأسیس ایدرک مدینله شیر .

اوزون عصر لر دائمی محارباته جلوه گاه اولان و هنوز علمای
حاضره طرفدن لایق له تدقیق ایدیله مین آسیاده شیمدی یه قدر اولدینی
کی بوندن بویله ده تورک تاریخ مدینتی حقه ده طبیعی بر طاقم و ثائق
الده ایدیله جکدر . بزم بوراده بحث ایده جکمز اک اسکی و ثائق
مدینتمز ، اون دو قوزنجی عصر انساننده میدانه چیقارلمش اولانلردر .

دقت ايکي نقطه دها وارد درک بونلردن بری تورکلرک محافظه لسان خصوصنده کی فرط تعصب لری، دیگر ی ده غایت مختلف جمعیتلر تشکیله قابلیتلی بولمه لریدر. تورکلر هر زرده و نه کی مؤثرات آلتنده اولورلر سه اولسونلر آنالسانلرینی شدتله محافظه ایتدکلری کی اسکی عالیه خاطر اتی، عنعنات ملیه یی ده اونو تمازلر. دین، محیط جغرافی، اجنبی قوملرله اختلاط بو خصوصده تأثیر سزدر. سلجوقیلر ایکی عصرلق بر مدت ظرفده بترستلکدن نسطوریلک و اوندن اسلامیه کچدکلری حالدله لسانلرینی حفظ ایتملردر.

تورکجه نك پك اسکی زمانلردن بری برلسان تحریر حاله کلدیکنی و کندیسنه مخصوص بر الفبا ایله یازیلدیغنی سویه مکده ییزانس و چین مورخلری متفقدر. میلادی آلتنجی عصرده تورک خاقانی ییزانس ایمپراطورینه بر نامه مخصوص کونده رمش و استانبولده اونی اوقویه جق آدم بولمشدی. اون دو قوزنجی عصر ظرفده «نیسه ئی» و «اورخون» ده بولنان بر چوق تورک آثار قدیمه سی و بالخاصه اورخون کتابه لری بومسئله یی میدان ثبوته چیقاردی. او کتابه یی رکز ایدن «توکیو» لر یعنی تورکلر کندیلرینه مخصوص بر الفبا قوللانمشلردی. اسکی اسقاندینا لورک Rune یازیلرینه بکزه یین بواسکی تورک یازیسنگ منشای حقتده مختلف مطالعه لر در میان ایدلمشسه ده، بو الفبانک تورک فلسفه لسانیه سنه کوره موضوع اولمه سی اونک ملی بر یازی اولدیغنده و پک اسکی زمانلردن بری استعمال ایدلدیکنده شبهه بر اقایور.

تورکلر بو اورخون یازیلرندن صوکر صیراسیه اویغور یازیسنی، و نهایت اسلامیتک تأثیرات مدیده سی نتیجه سنده

مختلف لهجه له آیرلماسی غایت طبعیدر . لسانیات متخصصلری بو اعتبار ایله تورکجه بی بش لهجه یه آیریورلر : شرقدن غربه و شمالدن جنوبه دوغرو یاقوت ، اوغور ، نوغای ، قیرغیز و اصل تورک لسانی استعمال ایدیلور .

بولهجه لر آراسنده اؤک مهملری اوغورجه ایله تورکجه در . اوغورجه اؤک اسکی بر تورک لسان ادبیسی اولق و تورکجه بوکون اؤک متکامل بر رتبه ده بولونق نقطه لرندن دیکرلرینه تفوق ایدرلر . فی الحقیقه اوغورجه نك بر لسان تحریر و ادب اولماسی تخمیناً اون بر ، اون ایکی عصرلق ، بلکه ده دها اسکی بر مسئله در . اوغور لهجه سی ده آیرجه چغتای ، تورکمن ، اصل اوغور قسملرینه آیریلرکه اسکی اوغورجه تکامل ایده ایده نهایت چغتایجه اسمنی آلمش و ماوراءالنهرده زنکین بر ادبیات وجوده کتیرمشدر . تورکمنجه ، بزم آناطولی ده قونوشولان لسان یعنی عثمانلی [اصل تورک] لهجه سنه چوق یاقیندر . ایوم اؤک متکامل تورک لهجه سی عثمانلیجه یعنی آناطولی تورکلرینک لهجه سیدر . آذربایجان ، قافقاس ، قریم لهجه تحریری بزه اؤک یاقین لهجه لر عد اولنور . «تاتار» نامی آلتنده کی شمال تورکلرینک لسانی بالخاصه شو صوک اون بش یکریمی سنه ظرفده شایان دقت بر اثر تکامل کوسترمکه برابر ، لهجه مزه هنوز آپی یابانجیدر . اوزبک و چغتای لسانلری یعنی تورکستانده متداول لسان عثمانلیجه یه همان همان داها یاقین عد اولنه بیلیر .

ایشته شو صاییلان اسملردن تورک اقوامنک نه قدر واسع بر منطقه اشغال ایتدیکی پک قولای آکلاشیلیر . بوندن باشقه جالب

بوتون مجاور قوملر تورک اسمني دهشته آکارلردی . چونکه حال صلحه قوزی کي مطيع و عالی جناب اولان تورک حرب امريني آلوب آتیه بینه هر شئي اونوتوردی . بونوزدن یایلری، کسکین قیلجیلری، قارغیلری، ایصلق کي وحشی سس ویره اوقریله اطرافه خشیت سالان تورک جنکاورلری وجودلرینه کوسکک قورلر، کمرلرینی قبارتمه لرله سوسلرلر، یایراقلرینک اوچنه اتوندن بر قورت باشی و آت قیللری طاقارلردی . رئیسلر انتخاب ایدیلیرکن یمین ایدهر، حکمدار «قورولتای» دینلن بویوک بر مجلس ملی نک قراریه انتخاب اولنوردی . فقط انتخابدن سوکره آرتق نفوذی مطلق و نامتناهیدی . تورکلرک بوتون حیات اجتماعیه لری « یاساوتوره » یعنی « عرف و عادت » اوزرینه مبتنی ایدی : فساد، عصیان، آدم ئولدورمک، اولی بر قادینه تسلط اعدام ایله مقابله کورور، سرقت اولونان شی اون مثلیله تضمین اولونوردی . سلسله مراتب و انضباط فکرلری حیاتک هر ساحه سنده کنديسنی کوسته ریر . بالخاصه جنکیز خان زماننده تشکیلات اجتماعیه و عسکریه پک مکمل بر حال آلمشدی .

۲

لسانلری . — السنه التصاقیه نک مهم بر قسمی اولان «اورال-آلتای» لسانلری بش قسمه آیریلورکه بواقسامک اک مهمی «تورک» لسانلدر . بواهمیت تورکجه نک پک اسکی بر لسان تحریر اولمه سندن منبعث اولدینی کي تورکجه قونوشان قوملرک کثرت و تخالفندن ده منبعثدر . فی الحقیقه شرقی بحر سفید قیلرندن سیبریاده لهنا ساحلرینه قدر آسیانک چوق واسع بر ساحه سنی اشغال ایدهن بولسانک بر طاقم

هر شیدن اول جسور و عالی جناب اولان تورکلرده تعصب و یا یابانچی ملتله قارشی دشمنلک حسی یوقدی . تشکیلات اجتماعیهلری رئیسک قدرت مطلقهسی اوزرینه مؤسس اولان تورکلر ، هر هانکی دینه کیرمشلرسه اونی صفوت و جدیتله قبول ایتمشلردی . آل جنکیزدن «منکوقاآن» آداب و اصوله موافق اولمق اوزره اسلام ، بودی و خرستیان علماسنی یانه طوپلایوب مباحثه لر ایتدیریر و فقط هپسنه قارشی عین بیطرفی حکمداران ايله حرکت ایدردی . جنکیز خان ، تورکلر هر نه دینده اولورلرسه اولسونلر اهمیت ویرمز ، یالکیز تورک وحدت ملیهسی هر شیئک فوقده طوتاردی . تورکلرده حکمدار دائما بر قدرت لاهوتیهیی حائر عد اولونور .

توکلر هر نروده بر زمین مساعد بولورلرسه اوراده بر مرکز مدنیت تأسیس ایدهرک او یغورلا شیرلر یعنی مدنی اولورلردی ؛ فقط هر هانکی بر محاربه ده مغلوب اولنجه تکرار چوللره ، بوز قیرلره دوشهرک اورالرده بر سرسری حیاتی کچیریرلر ، و انتقام امیدینی ، اسکی کوزهل یوردلرینی اصلا اونوتمازلردی . بوکوجه قبیله لر دائما سورولرینک حاصلاتیه کچینیرلر ، اولری دیگر متمدن اقوام ايله پاره ویاخود قاش و یا ارزاق مقابلنده مبادله ایدرلردی . لکن وسائط معیشتی هر هانکی بر سبيله اولورسه اولسون التدن کیدنجه ، عزمکار تورک قبیله آرقاداشلريله برابر آتنه بینر و اوزمان تورکک نظرنده زروسیم ايله مالی کورون چین و ایران شهرلرینک ایصمیز یوللرنده ، تورک اتلرینک آياقلرندن قالقان توزلر سمانک دهرین مائیلکلرینه دوعرو یوکسه لیردی .

پك اسكيدر : چين و بيزانس مورخلرينك وقايعنامهلری ، ايران عنعناتنك جمعی اولان « شهنامه فردوسی » باشند باشه توركلردن ، « توران » پادشاهلرندن باحذر .

فطرةً مرد و جنكاور ، ساده و بسیط پر حیات ايله مألوف اولان توركلرده تخیلات و تمایلات دینیہ عربلرده ، ایرانلیلرده اولدیغی کبی شدید و حرارتلی دکلدی . دائماً بر اردو کبی ، یالکنز قوماندانلرینک امرینه تابع اوله رق یاشادقلری ایچون مختلف دینلری مثلاً بودیلکی ، مانیلکی ، نسطوریلکی ، حتی صوکر اسلامغی عین صورتله هیچ تدقیق و مناقشه ایتمه یه رک حکمداره اتباعاً قبول ایتشلردر . توركلرك اسکی دینی ، کندی بنیه اجتماعیه و روحیه لرینه پك موافق بسیط بر دین ایدی : اسکی چینلیلر کبی اولنرده ارض ، آغاج ، معدن ، آتش و صودن عبارت عناصر خمسیه قائل اوله رق اولنلری تقدیس ایدیورلر و بو عنصرلری ریوزنده بش پادشاهک تمثیل ایتدیکنه قائل بولونیورلردی : شرقده كوك خان ، مرکزده صاری خان ، جنوبده قرمزی خان ، غربده آق خان ، شمالده قره خان . صوکرالری بومسلك ایکی اصله انحصار ایتشدرکه اوده « یر » ايله بر ثنائیت تشکیل ایدن « تا کری » یعنی « كوك » دن عبارتدی . غربده کی چره میسلر و شرقده کی التایلیر حتی بو کون رسماً خرسیتیان اولدقلری حالده حالا جدلری کبی تا کری پی تقدیس و اوکا قربانلر تقدیم ایدرلر . توركلرك اسکی مذهب لرنده اك چوق حرمته مظهر اولان عنصر اسلحه اعمالنه یارایان معدن یعنی دمیر ایدی . توركلرك اصللری حقنده کی بالجمله روایاته مطلقاً دمیر داخل اولور .

توركلر

توركلر - لسانلرى - مدنيتلىرى - تورك ادبيات قديمهسى - آناطولیده.
توركلر - حضرت مولانا و سلطان ولد - يونس امره - حكومت عثمانیه نك
تشكلندن اول آناطولى توركلرى: سلجوقيلر . - مدنيت و لسانلرى .

۱

توركلر . — وسطى آسياده ، دكزله هيچ رابطه يى اولمايان
اطرافى يوكسك داغلرله محاط اوزون چولار و بوز قيرلرده ياشايان
توركلر ، ميلادك ايلك عصرندن صوك زمانلره قدر آسياده چوق
مهم بر وظيفه ايفا ايتمشلردر . پك اسكى دورلردن برى آسيانك
غربنه ، فرات و دجله حواليسنه دوغرو مهاجرتده بولنان توركلر
معناً عرب ، چين ، و ايران افكار و مدنيتنى نشر ايتمشلر ، اونلرك
يكدىكريله مناسباتده بولماسنه چوق معاونت ايله مشلردر . فقط ماده
ايفا ايتدكلرى وظيفه دها بويوك و شايان دقتدر : اوزون عصرلر
توركلر آسيانك حاكم مطلقى كسيلدكلرى كې متمادى آقنلر و مهاجرتلره
اوروپايه بيله القاي دهشت ايله ديلر . هندك ، چينك ، ايرانك بو .
جسور و بهادر حاكملى بر چوق قيله لره ، قسملره آيرلدقلى
واكثريتله حكمدارلرينك اسميله تلقيب اولندقلى ايچون اونلرك
تاريخنى تدقيق ايتك چوق اوزون وزحمتليدر ؛ آنجق شـوجهتى
بالخاصه اونوتماق ايجاب ايدركه توركلرك آسياده اشغال ايتدكلرى
ساحه پك واسع و چين ، بيزانس ، ايران ايمراطورلقلريله مناسبتلىرى

صنایع نفیسه سائره نك ده ادبیات ایله نه درجه مناسبتدار اولدیغی اولجه سویله نمشدی. بر دورك مجموع محصولات صنعتکارانه سنی نظر دن اوزاق بولندیر ماقله ادبیاته ده زیاده نفوذ ایدلش اولور.

خلاصه، بر دور ادبیاتك انشای تدقیقنده محیط جغرافی واجتماعی، شرائط اقتصادی، حیات عائله و کبارانه یی، حیات سیاسی، اخلاق واعتقاداتی، صنایع نفیسه یی آری آری تدقیق ایتك تاریخ ادبیات تاریخ مدنیتك بر جزئی اولمه سنه، و شوسرد ایدیلن اسباب ومطالعه بناء ضروریدر.

جدی بر تدقیق آنجق بو صورتله اولور. فقط، مع التأسف، وثائق مجهولیتی بو صورتله مکمل، بوتون شرائطنه تابع بر تاریخ ادبیاتك تحریرینی، شمذیلک، غیر ممکن بر حاله وضع ایدیور. لکن بو نظریاتك سردی آتی ده کنجلك تحریاتی تسهیل ایچوندر. کنجلك کندی تاریخ مدنیتی ایچون چالشمازه کیم چالشیر؟



زمانلرنده ادبیاتلر آز چوق ساکت ، ویامشوشدر . ظلم واستبداد زمانلرنده رمزی وقور قاقدر ، حکومت مطلقه ده ادبیات ده مرکز ی در ؛ حکمدار زمانک تمایلاتنه تابعدر . بویوک مظفریتلرک غروری ، شرفی ؛ بویوک مغلوبیتلرک آجیسی ، املی ادبیات ده حس اولنیور . اداری بر اضمحلال جمعیه ، جمعیتدن ده ادبیاته سرایت ایدر . بیک سکز یوزیتمش بر محاربه سندن صکره فرانسه ده مریض برنسل ، مریض بر ادبیات یتشمشدر .

اعتقادات و اخلاق مسئله سی ده آریجه شایان دقتدر . کرک سیاسی ، کرک اجتماعی ، کرک علمی عقیده لرک روح بشری تشکیل خصوصنده نه درجه مهم برر عامل اولدینی معلومدر . وجدان ده نیلن اعتقادات و اخلاقیاتک هیئت مجموعه سندن باشقه بر شی دکلدر . هر شخصیت ، زمانک افکار و اعتقاداتیله بسله نیر و تشکل ایدر ؛ زمانک افکار و اعتقاداتی کندی شخصیتدن کچیرمک شرطیله نشو و نما بولور . اعتقادات اسلامییه ، اخلاقیات تاریخیه ترکیهیه واقف اوله نیجه تاریخ ادبیات عثمانیه بحق حس اولنه ماز . اعتقادات و اخلاقیات تصوفیه بیلمنینجه روحی بغدادینک ترجیع بندی آکلاشیله ماز ، حس اولنه ماز . . ندیم دورینک حیات اخلاقیه سی ، باخصوص کبار قسمنه عائد اولانی بیلمنر سه دیواننک روحنه تمایله کیر یله مز . . واقعا دیوان بزّه زمانک اخلاقی کوستیرر ، لکن زمانک اخلاقی خصوصنده تدقیقات خصوصیه ده بولمق ینه بزّی دیوانک روحنه ده ها زیاده نفوذ ایتدیرر . جمعیت ایله ادبیاتک تأثیرات متقابله سنی ده ها زیاده نفوذله آ کلامه مزه وسیله اولور .

عائله‌نك ، بر محیط عائله‌نك ده محصولیدر . بناءً علیه صنعتکارك عائله‌سنی تدقیق ایتك اونی تشدیدن اسباب و عواملی آکلامق دیمکدر . دها صوکره هر مملکتده عائله‌نك استاد ایتدیکی بر پرنسیپ ، بر اساس موجوددر . اوده شرایط عمومییه مربوطدر . اونی ده تدقیق ایله‌مك دها زیاده آثار ادبییه‌نك روحنه ، جمعیتك روحنه نفوذ دیمکدر .

حیات کبارانه‌نك تدقیق ده ، صنعت ابدی استنا اوله‌سنه بناءً ، ضروریدر . صنعت اکثریا حیات کبارانه طرفدن مدافعه ایدلمش ، اونك تمایلاتنی قبول ایله‌مش ، اکثریا اونك مناقیله ، اونك آمالی قید و اظهار ایله‌مشدر . چونکه صنعت ، اینجه‌لك ، استنا ، نزاهت ، شخصیت ، افاده دیمکدر . حیات اجتماعی تدقیق ایتدیکمز کی اونك بر شعبه‌سی اولان حیات کبارانه‌نی ده تدقیق ایتلی‌ز . باخصوص حیات کبارانه ، کرک وراثت ، ثروت ، کرک معلومات و اقتدار طولاییسه ، هیئت عمومییه‌نك حیات مستقبله فکریه وحسیه‌سنك بر مبشریدر . بناءً علیه اساساً متفکر ، حساس اولان شاعرلرده ، اکثریا ، وراثت طریقیله اولماسه بیله فکر و معلومات اعتباریله کبارلردن معدوددر . شو سببیه حیات کبارانه‌نی تدقیق ایله‌مك ده فائده‌دن خالی دکدر . فضله اوله‌رق لسانك تکاملاتی مسئله‌سی ده حیات کبارانه ایله‌علاقه‌داردر . نفعی آکلامق ایچون زمانك حیات کبارانه‌سنی بيلمك ضروریدر . حیات سیاسییه‌نی ده تاریخ ادبیات تدقیق‌اتنده نظر دن دور طوته‌مايز . حیات سیاسییه‌نك ادبیاتلر اوزرینه پك بویوک تاثیراتی وارددر . اشکال حکومته کوره ادبیاتلرده آز چوق شکلیرینی دیکشیررلر . انقلاب

دوشونجى بريدندن غىرى بريدنه محتاج دىلر. خرىستانلق حلیم مغنویاتيله بوحالت روحیهیه موافق کلدی. هرکس اونك اطرافنده طوپلاندى. او، سکون وسعادت ابدی وعد ایدیور، اُك بویوک کناھکارلری بيله عفو ایدیوردی . .

آرتق ماضینك كوچك، دار معبدلری کفایت ایتمه یوردی. قادینی، چولغى، چوجنى، ارکكى خلاصه بر محله نك، بر كویك ساکنلرنى استیعاب ایدهك بویوک بنالره احتیاج واردی. دهها صوكره ماضینك آیدینلق، منتظم، ساده، منطقى بنالری بومأیوس روحلرك احتیاجاتنه جواب ویره مزدی. اونلر لایتناهیته اصغرىتی، اشكال متعدده یی، نیم ظلمتی، قیریق کمرلری موجودیتده بولندیره حق، دیوارلری، ستونلری بیکلرجه سوسلرله، رسملرله، هیکلرله طولو بولنه حق بنالر ایستیوردی. غوتیک بوحالت روحیهیه جواب ویردی، چونكه اونك مولودی ایدی. چونكه بوحالت روحیه نك، اوشراط اقتصادیه نك ایستهدیكى هر شیئه مالکدی: قیزیق کمرلر، روزاسلر، سهاره قدر یوکسه لن چاتیلر، قلعه لر، بونلره مقابل اصغرىتی کوسترن اُك كوچك شکلر؛ رنكلی جاملر، بر مشوشیت ایچنده انتظام، سهاره یوکسه لن امید، ازیلن بوزیلن نومیدی . . ایشته غوتیک .

دیمك كه شرائط اقتصادیه یی ده، تولید حالت روحیه خصوصنده بر مؤثر وعامل اولمه سندنناشی تاریخ ادبیات تدقیقاتنده دور طوتماق مجبوریدر. ندیمك مبدعى ابراهیم پاشا زمان صدارتیدر. حیات عائله و کبارانه کله بنك ده آثار ادبیه یی تدقیق خصوصنده اهمیتی درکاردر. هر ادیب بر هیئت عمومیه نك، بر کلک محصولی اولمقله برابر بر

شرائط اقتصاديه يي تدقيق ده لازمه دندر. غوتيك طرز معماريسندن شرائط عموميۀ اقتصاديه تولد ايتمشدر. روما حكومت عسكريه سي ضعيف دوشمش، هونلك هجومى هر یری، هر شينئى آتش، قان، دهشت طالغه لریله اورتمشدى. اسكى، يورغون، ضعيف حكومتك اهالي سي بودهشت آلتنده ازلكجه ازيليور، صحت عموميه يه باقيله مامه سي يوزندن آوروپانك هر طرفده مستولى، ارايجي خسته لقلر حكمرما اوليوردي. اوزمانى قيد ايدن بر محرر انسان آتنيك كال عافيتله ينيلىدىكنى سويله يور. حتى انسان آتى صايدىغندن دولايي بر قصابك ديري ديري يا قيلديغنى ديكر بر محررده قيد ايدىيور. مهاجرلك رئيسلرى ملتك صاحب يكانه لرى اولمشلر، ايسته دكلرى كبي آت اوينا دپرلر، ايسته دكلرى كبي كسر بچرلردى. زو حله بر نوميدى، درين بر يأس، درين بر كدر دوشمشدى. حيات هر كسك نظرندۀ عاداتا جهنم كيدى. بو آغير يوكى يوكله نوب طاشيمق نه قدر كوجدى. ميلادك بيكنجى سنه سي عمر ارضك نهايتى تلقى ايدلمش، هر كس مالى، ملكنى كليسالره سويجمله ترك ايتمشدى. اك زنكينلر بيله مناسترلره چكيلدى. حياتۀ وداع ايتمه يي اك بويوك سكون تلقى ايدىيورلردى. بو بويوك يأس، نظرلرى قادينۀ چويرمش، قادين هرشى تلقى اولمش، ازدواج قيريلدرق سفاهت اونك يرينه قائم اولمشدى.. بو حالت روحيه نك مولدى شرائط اقتصاديه ايدى؛ سفالت و ضرورت، قحط و غلا...

بناءً عليه بو حالت روحيه داخلمندۀ بولنان بشریت، بشریت قديمه كبي منفرد، شخصى معبودلره پرستش ايدۀ مزلردى. تهلكه وصيقتى بوتون بشریتى بر لشدير مشدى. دهاصو كره پهلوانلغى، جدالى، شخصيتى

بیله او یله در. حالبو که اطنه خلقي سا کندر ، حزیندر . حتی موت
قارشوسنده بیله اونلر سکونی ، اعتدالی محافظه ایدر لر . مثلاً
آطنه لیلرک :

یاصلان حشم یاصلان
قره طویراقده یاصلان
هر آنا طوغوره ماز
سنگ کبی بر آرسلان

*
**

یا تدیغک یر طاشمیدی
کلن دشمن بشمیدی
نیچون چکوب وورمدک
آتی باطلار بوشمیدی ؟

*
**

ایوالقده کل بیتر
دالنده بلبل اوتر
آبدال حالینک اوغلی
ووردیغک خنجر یتر

شرقیسیله ؛ لازلرک لاعلی تعیین بر کفته و بسته سنی قارشولاشدیر سه کز
آرده کی فرق سکون و استعجالی آکلار سکز . رقصلر بیله
تصویر محیط جغرافی و اجتماعی محصولی اولدقلرینی کویستر لر . .
بناءً علیه تاریخ ادبیات تدقیقاتنده محیط جغرافی و اجتماعی یه ، کرک
هیئت عمومی و کرک شخصیت واحده یی نظر مطالعه یه آلدیغمز زمان ،
عطف اهمیته مجبورز . ندیم ، اونو تماملی ، که هر شیدن اول بر
استانبول چوجغیدر .

قار، یاغمور، فورطنه، صوثوق، حیوانات وحشیه نك هجوملری،
 طوراغك تودیع ارزاق خصوصنده کی خستی، هر شی اونلرك
 معیشتنی دها قاتی، دها آجی بر حاله وضع ایدر. بناءً علیه اونلرك
 روحلرنده اعتقادلر متین حرارتلرله یانماز، حلم وسكونك مخالفی شدت
 طبع، عادتا وحشت اونلری استیلا ایدر، قورقوسزلق، حیاتك
 قیمتسزلکی اونلری تهلكهلی، قیوراكلغه محتاج ایشلره سوق ایلر.
 بونلر اکثریا یایلا خلقنی اضرار ایله یاشارلر. تهلكهلی ایشلره
 اشتغال، دائما تهلكهیه معروض قالمق اونلری قیوراق، متیقظ، لازم
 اولان زمانده کستاخ اوله حق بر حاله وضع ایتشدرد. اونلر
 دها زیاده متین، دها زیاده حدید وعصبی، دها زیاده روحلری
 چالا کدر.

شمدی طاغیلرله یایلا خلقك موسیقیلرینه، شعرلرینه بائیکز.
 آره لرنده نه درین فرقلر کوریرسکز.. یایلانك حزنلرنده بیله بر آز
 سکون، بر توکل، بر قناعت، بریکنسقی موجوددر. اونك محصولی
 اولان آثار صنعتده بر بطائت روحیه حس اولنور. حالبوکه طاغیلرك
 سوزلرنده، موسیقیسینده دها زیاده شدت، دها زیاده چالاکی، دها زیاده
 قیوراقاق موجوددر. چونکه صنعت، محیط جغرافی واجتماعینك ویرمش
 اولدینی شکل روحیه تبعیه مجبوردر.

ممالك عثمانیهده یاشایان اقوامك شرقیلری تدقیق ایدیله جك
 اولورسه محیط جغرافی واجتماعینك تأثیراتی بوتون وضوح وقوتیه
 کورولیر.. لازلری دکز و طاغلر چالاك وعجول یاپمشدرد. بناءً علیه
 اونلرك شرقیلری، یعنی ربابی شعرلری چالاك وعجولدر. تکلملری

اوزرینه واقع اولان تأثیراتی اینجه دن اینجه یه تدقیق ایدیه بیلیمک خیلی مشکل بر مسئله در. باخصوص بزم کبی کرک ادبی، کرک تاریخی و ثائقی یک آزا اولان مملکتلرده به مشکل ده ازیاده کنیدی احساس ایدر. لکن ممکن اولدینی قدر بونقاط متقابله نظر اعتباره آلتیق شرطیله محرر لر، آثار، ادوار ادبیه نظر اعتباره آلتیرسه ده ا ساسلی، ده ا منطقی بر اصول تعقیب ایدلمش اولور.

۹

محیط جغرافی و اجتماعی، شرائط اقتصادی، حیات عالم و کبارانه، حیات سیاسی، اعتقادات، اهنور؛ صنایع سائر نفیسه. — تاریخ ادبیات تدقیقاتنده حائز اهمیت اولان مسائلدن بریده محیط جغرافی و اجتماعی در.

نصل اقلیم، وضعیت جغرافیه حیات اجتماعی، حالت روحیه بشریه بی تعیین و تشکیل ایدیورسه، ینه اویله جه، حیات اجتماعی، حالت روحیه طولایسیله، آثار صنعتی، آثار ادبیه بی حصوله کتیرر... اووالرده، منبت یایلالرده یاشایان اقوام ساکن، ساکت، حضور و سکوندن متولد بر شکران ایله معتقد، آز چوق متوکل، قانعدر. چونکه اونلرک مصائب طبیعت و حیات ایله مجادله لری پک آز، وپک نادر در، آ ز ایش ایله چوق پاره قازانمق اونلر ایچون ممکندر؛ چونکه بو سهولت طولایسیله آ ز چوق ثروته مالک اولدقلرندن کوزل بنالری، محکم شهرلری موجوددر. . حالبوکه طاغیرلر یایلالده کیلرک وضعیت جغرافیه سنه مالک دکادر لر. اونلر مصائب طبیعتله ده ازیاده چارپیشیرلر؛

« مائی خولیالر ، صاری عشقار » کی بر چوق بی معنا ترا کیب دیزدیرمشدر .

دیمک ، که آثار ادبیه حیات اوزرینه اجرای تأثیر ایدیور . دیمک ، که ادبیات ایله حیاتک بر تأثیر متقابلی موجوددر . تاریخ ادبیات اعتباریله بر اثر ادینک وجوده کتیردیکی تأثیری تدقیق ایتمکده ضروریدر . چونکه تاریخ ادبیات ، تاریخ مدنیتدر . چونکه تاریخ ادبیات بر قومک اسباب وعوامل اجتماعی وحیاتیهسنی عریض وعمیق کوسترمک وظیفهسیله مکلفدر .

ذاتاً بر دورک معاقبی بولسان دور اوزرنده پک بویوک تأثیری واردر ، هر دور کنددن اولکی دورلرک او دورلرده تولد ایدن وقایع وحادثات اجتماعیهنک ، آثار صنعتکارانهک محصلهسیدر . « ۱۷۸۹ » اختلال کیرینی حاضر لایان حکومت مطلقهنک اسرافاتی ، مظالمی ، سفاهتی اولدینی کی وولتهر ، ژان ژاق روسوکی ذواتکده آتاریدر . بناءً علیه بر اثر ادینک یکی بر دوری احضار خصوصنده نه درجهلرده تأثیرکار بولندیغنی تدقیق ایلهمک او دورک روحنه دهها زیاده نفوذ ایلهمکدر .

دها صکره مسائل ادبیهنی یالکیز بر نقطهدن کورمک کافی دکلدر . یالکیز جمعیتک آثار ادبیه اوزرینه واقع اولان تأثیرینی دوشونمک ایله آثار ادبیهنک جمعیه ، جمعیتک آثار ادبیهیه تأثیرینی دوشونمک آرسنده پک چوق فرق واردر . بویزی حقیقتنه دهها زیاده تقریب ایتمش ، حقیقتی دهها مونس کوسترمش اولور .

فی الحقیقه سهویله نیلیدیکی کی جمعیتک ادبیات ، ادبیاتک جمعیت

رومانتیکلر اوروپاده افکار واحتساسات اعتباريله جنتی مؤمن ،
حال حاضرده یأسناک ، حقیقت حیاتیهدن متباعد برطاقم وجودلر
یتیشدیرمشلردر . چونکه رومانیزم اساس و مایه سی اعتباريله
هر شیئی ، هر نفاسی ماضیده ویا مملکتک خارچنده بولور ، وایله
یاشاتیر .

« فلوهر » ک مادام بوواریسی ده عینی تأثیری اوروپاده
اجرا ایتمش ، « نهما » نک روحی بوتون قادینلرک روحی طولاشمش
وکزمشدر .

جلال الدین رومی حضرترلری و مثنوی شریفلری آناتولینک
حیات اعتقادیه و فکریه سی اوزرنده بویوک برتبدل حصوله کتیرمش ،
اونک ضیاسیله تصوف او دیارک هر گوشه سی طولاشمشدر .
« نوافلاطونی » نظریات و افکار هپ اونک یادکاری ، هپ اونک
مولودی در .

ضیا پاشانک ترجیع و ترکیب بندلری ده عثمانلی مملکتنده فکر
و حریتک ، حس حریتک ایلك تخمیلینی وضع ایتمش ، کلاک آثاريله
برابربو کونکی انقلابک اساسلرینی احضار ایلهمش ؛ اوفدا کاراولادلر ،
حسن پاشا قره غولنده ایکله یین قربانلر هپ بو سیمالرک آثاريله تولد
ایتمش ، طوغمشدر .

خالد ضیا بکک « مائی و سیاهی » ده کنجلاک اوزرنده مریض بر
حیات شاعریتک انکشاف و تظاهرینه وسیله اولمشدر . ذاتاً ادبیات
جدیده برچوق کنجلرده سنبولیزمک اک مفراط طغیانلرینی حصوله
کتیرمش ، اسملریله اثرلری نابدید اولمش بر چوق کیمسه لره

خلق اره سنده ملتصق يولي بزه شو يولي نورلو کوستير .

۱ . — داهي بي شهبه . مز کنديسندن اولکي زمان و محيط توليد ايدر .

۲ . — داهي و مبدعک مخيله سنده ياراتديني عالم امکان و عالم احتراض و خيال . . . و بونکله شکل سابق جمعيتک تعديل اشتياقي . . .

۳ . — داهي و مبدعک تقدير کار و پرستشکار لر ينک ، اونک ايجاد و ابداع ايتمش اولديني عالم امکانی حيات حقيقيه ده تقليده ميل ايتلري .

هر اثر دهاء ، هر اثر ابداع بونتيجهيه واصل اولور . ده قيديني بو بحثده متعدد دفعه لر ذکر ايتمکدن مقصد عادي محرر لرک سويه عموميه نك فوقه چيقا ماملري ، يکي بر حيات ، يکي بر محيط اجتماعي توليد ايدمه ماملري ، اولنرک اوزرنده محيط حاضرک دهـا زياده تأثير کار بولنمسي طولايديسيله در . محيط اوزرينه اجراي تأثير ايدن آثار ادبيه صاحب دهـا اولانلرله دهـايه يقين بولنانلرک آثار ايدر .

انسان دنيلن مخلوق اوصورتله يارادلمشدر ، که کنديسندن عالي اولانلرک افکار و حسياتي تحت تأثيرنده قالير ، تقليده ميل ايدر . چونکه تقدير بزي دائما تقليده سوق ايلر . بو خصوصده بعض امثله تاريخيه ده ذکر ايدمه بيليرز . « کوته » نک « ودرتهر » نامنده کي اثری اون سکزنجي عصرده انتشار ايتديکي زمان بوتون اوروپاده لتخار زياده لشمشدي . چونکه هر کس ودرتری تقليدايديور ، اونک کي سوه رک اتخاره طوغري کيديوردي .

آثاری قبول ایتدیکنی رد ایتمز. باخصوص تدقیقات حیاتیه « هه نه کن » ک نتیجه سنک تمامیه عکسنی کوستریور. بز صنعتدن حیات روز مره مزده اخذ ایتدیکنز تأثیراتدن، اعتیادادن باشقه برشی ایسترز. بزى حالت وجدانیه معتاده مزك غیری برحالت وجدانیه ایصال ایده جك صنعتدر. بز روح مزده غیر وجدانی، غیر ادراکی، اعتیادی برشکلده یاشایان شیرى، اعتیاداتی کوستریورسه نظردقتمزى بیله جلب ایتمز، ذوق تولید ایده جك یرده صیقیندی بی موجب اولور. اونک ایچوندر، که صنعت ممتازه، مستثایه قوشار، اونک ایچوندر، که صنعت حقیقی دکل، امکانی اظهار ایلر ..

بز حیات مزه تماس ایتمین دیگر حیات کوشه لرینی انحق صنعتک معاونتیه کوره بیلیرز، بز روح بشره انحق اونک وساطتیه کیره بیلیرز، کوزلر مزك اوکنده مدبب آراهه لر یله کچن زنکینلر، یاخود اوتده یرتیقلقلر ایچنده کزینن فقیرلر، ملکلر، شیطانلر، خلاصه حیات معتاده مزك زنجیرلرندن بزى قورتاران هر شیئی بز صنعتده بوله بیلیرز. او حالده « هه نه کن » ک نتیجه سى طوغری دکلدر.

مع مافیه شو مطالعه دن آثار صنعتک، آثار ادبیه نک حیات اوزرینه تأثیری یوقدر نظریه سنی استخراج ایتمه ملیدر. حیاتده ایکی صنف خلق واردر. بری مبدعلر، دیکری ده مقلدلردر. ابداعات داهیانه یه واصل اولانلر، پر حیات، زنده امکاناتی خلق ایله خلق اوزرنده پک بویوک تأثیر ایله اجرای نفوذ ایدرلر .. دها ایله

لكن بو حقيقتك بروجهي در، حقيقتي بر نقطه دن دوشونمكدرد.
 في الحقيقه صنعتكارك تولدى خصوصنده تأثيرات محيطيه نك براز سببدن
 خالى قالماديغي معلوم بر كيفيتدر. بر محرر، بر رسام، بر موسيقي شناس،
 بر هيكل تراش نه قدر شخصي، نه قدر ممتاز اولورسه اولسون، نه قدر
 عموميتدن اوزاق بولنورسه بولنسون ينه زمانندن بر تخمه، بر رشيমে
 مالكدرد. لكن يالكنز بر پنجره دن آثار صنعتي تدقيق ايتمك كفايت
 ايدمهز... چونكه آثار صنعتك ده زماني اوزرينه پك بويوك تأثيري
 موجوددر.

حتى حكمت بدائع ايله مشغول اولان علمادان موسيو
 « هه نه كن » آثار دهائي، وبونلرك قوت مخيله وحساسيت ايله ممكناتي
 ابداع ايتلريني، بر عالم خيال وامكان ايله بشريتي سوروكله ملريني، حيات
 مستقبه يي احضار ايتلريني دوشونهرك آثار ادبيه يي، آثار صنعتكارانه يي
 آكلامق ايجون حيات ومحيطي تدقيقه احتياج اولماديغي، بناء عليه
 آثار ادبيه يي تدقيق ايله حياتة نفوذ ايديله ميه جكني سويله مش، حياتك،
 محيطك ادبيات اوزرينه اولان تأثيراتي كلياً انكار ايتمشدر. چونكه،
 اوكا كوره، هر اثر ادبي يي اوقويانلر، يا هر اثر صنعتكارانه يي تماشا
 ايدنلر، استماع ايدنلر انجق اواثر ك عمقنده كي احتساساته روحاً اشتراك
 ايدنلر ديمكدرد. بر زمان معينده عمومك مظهر التفاتي اولان
 آثار ايسه هيئت عموميه نك حالت روحيه سني كوسترييور نتيجه سنه
 واصل اولمشدر.

بونظريه نك اولياتي حقيقتك جهت ديكريني كوسترييور سه ده نتيجه
 تماميله يا كلش و بي معنادر. چونكه هر كس روحاً اشتراك ايتديكي

بولندینی زمانده کی تأثرات و تحسسانی ، شو ویا بو قادینله ازدواجی دکل ، عشق حقنده مختلف زمانلرده کی طرور تلقیاتی ، شو ویا بو تاریخده یاشادینی دکل ، او تاریخنن نه کی حسیات ، افکار طویلادینی ، او زمانلرده کی وقایع و حادثاتی نه صورتله کوردیکی قیمتداردر . شو مطالعات بزه کوستریور ، که روحیات اعتباری ایله اثر ایله محرر آرسنده دائماً بر مناسبت بولمق ممکندر . چونکه اثر صنعت دیمک روحک حادثات و اشیا ایله قارشو قارشویه کلوبده طویدینی تأثرات و هیجاناتی خارجاً اظهار و افاده سی دیمکدر . اثرک روحنه نفوذ ایسه محررک روحنه نفوذدر .

بر محررک حیات خصوصیه سنده تدقیقات لزومی ایسه بو روحه ، درینلکه نفوذ ایچونددر . و بو حیات خصوصیه یی قاریشدر ، آراشدر بر ایکن دائماً محررک اصل روحه ، اصل هیجاناتی دها واضح ، دها آشکار بر صورتده کوستره جک نقطه لره شتاب ایتمی ، اونلرله اشتغال ایلمدر . صنعت و ادبیاتده عانیات حائر اهمیت دکلدر ، اوله ماز . تاریخ ادبیات تدقیقاتی ده عینی صورتله عامیادن ، حقائق ثابتدن مجتنبدر .

۸

بر اثر ادینک و هوره کتیر دیکي تأثیراتیک ترفیقی . — شو آنقدر زمان و محیطک آثار ادبیه و صنعتکارلر اوزرنده کی تأثیراتی ، بناء علیه آثار ادبیه تدقیقاتنده بولندینی تقدیرده بر زمان معین تاریخنیک روحه دها زیاده نفوذ ایدیه جکنی کوردک . بونلری بر چوق مثاللرله ایضاح ایتدک .

چوق کورولیر، آ کلاشیلیر .

اثر و محرر مسئله سینه کلنجه ... بونی ایکی نقطه دن دوشونمک مقتضیدر . بعض محرر لر واردر، که یازدقلری کبی یاشارلر . اونلر کندی حیاتلرینک ، ویا احوال و حادثاتک حصوله کتیردیکی تأثیرات روحیه لرینک اک صمیمی بر ناقلیدرلر . بعضیلری واردر، که یازدقلریله یابدقلری آره سنده پک درین فرقلر کوستیرلر . اونلرک کوستردکلریله فعللری یعنی حیات خصوصیه لریله حیات عمومیه لری آره سنده اوچوروملر موجوددر . مثلاً سروری یازیلرنده اوقدر آتشنزان اولدینی حالده حیات خصوصیه سنده غایت ساکن، و محجوب بر ذات ایمش . . نفی ایسه یازدینی کبی شدید المزاج ، کستاخ ، جسور ، قیریجی بر مخلوقدی . بناءً علیه بر اتردن محررینی کوره بیلمک ایچون اونک حیات خصوصیه سنی آ از چوق بیلمک مقتضیدر . بو خصوصده بزه بر لمعه ضیا ویرلمزسه بز طوغریدن طوغرییه اونی کورده میز . .

لکن مسئله یی شویله خارجیاتیه آ کلا دقدن صکره روحیات اعتباریه اثر ایله محرر آره سنده دائماً بر مناسبت بوله بیلیرز . چونکه آثار صنعتده حیات و حقیقت، حیات روحیه، حقیقت روحیه در . ادبیات و تاریخ ادبیات اعتباریه اک زیاده شایان دقت اولان جهت بودر . بر اثر، صنعتکارک بر آن تأثر روحیسنک محصولیدر . بناءً علیه اونک طرز تحسینی بزه کوستیرر . طرز تحسینی کوسترمک دیمک ایسه محررک روحنک فصل اولدینی آ کلا تمق دیمکدر . بر محررک ترجمه حالندن زیاده ترجمه حیات روحیه سی دفته شایاندر . بر محررک شو ویا بو مأموریتده بولنمهی دکل ، اومأموریتلرده

باخصوص شکل ایله اساس آره‌سنده بر فرق یوقدر . اکر یازیلان اثر بر حسك، بر هیجانك محصولی دكلسه نه‌قدر كوزل، نه‌قدر علوی ، نه‌قدر بالا پرواز افكاره مالك بولنورسه بولنسون ینه بزده بر تأثیر، بر تهیج حصوله كتیره مز .

ذاتاً بز بر هیجان داخلنده بولنورسه‌ق کله‌لر هیجانمرك رنگ وروحنی اخذه شتاب ایدرلر . کله‌لرك عصیانی آنجق حس ایتدیكمز دقیقه‌لرده‌در . حتی بو اوقدر طوغربدر، که کله‌لر هر شخصیته‌کوره رنگلرینی ، خصوصیتلرینی دیکشدرلر . نفعی‌ك لسانی ندیمه ویرسه‌دك ندیم معنائز برشی اولوردی . فکرتك کلماتی ولسانی روحی بغدادی‌ده نه شکلسز ، نه یچمسز کورونیر هیجاناتمزه کوره کله‌لر یا علوی ، یا عاجز ، بیتاب ، ویاخود شدید وعصبی‌در ، جمله‌لرده بویله‌در . « تن » « فلسفه صنعتنده » بوخصوصده « بیانك هر شکلی برحالت روحیه‌یی کوستیر : یا بو بر عصیتی ، سکونی ، یا حدتی ، لاقیدی ، یا وضوحی ، تشوشی اظهار ایدر . بوکا بناء طبایع واحوالك تاریخ تأثراتی بیانه کوره یا تشدد ایدر ، یاخود تناقص . . . دیور . . .

دیمك ، که شکل ایله اساس آره‌سنده فرق بولنمه‌سی قاعده‌سی تاریخ ادبیات نقطه نظرندن ده‌حائر اهمیتدر . بر محروك حس ایتمکسزین یازمش اولدینی بر اثرینك تمایلات خارجیه‌سیله اشتغال ایده‌جك اولورسه‌ق تاریخ ادبیات خصوصنده آله‌جغمز فائده هیچ دیمکدر . یالکز اساس وحس بولنمق شرطیله شکلك مکملیتی جای دقت اوله‌بیلیر . چونکه بواعبار ایله بر اثر ادبینك نه‌زمانه عائد اولدینی آز

معدنی، نه قدر سرت ایسه دیکری او قدر شوخ، او قدر رقیق، او قدر
اضحاحلیدر.

بر دور صنعتکارانه نك لسانتده او دورك خصوصاتی تماميله
کوزو کیر. مثلا نفی نك عاشقانه بر غزلنده بیله مرضیتدن زیاده بر
قهرمانلق موجوددر؛ مثلا :

« کوکل آشفته ، یار آفته ، چشم بخت ایسه خفته
عجب عاشق ، عجب دلبر ، عجب اولماز تمناور
نیجه کشف ایله سون دل را نی اول غمزۀ شوخه
که قت قت پرده ده پنهان ایکن بر مست رسواور
دیملک کوچ صافلامق کوچ غمزهدن حال دلزاری
بلای اهل عشق کور نه درد حیرت افزاور
بلا اندر بلادر داده درد عشق یار اما
یازیقلمر آکه کیم بر بویله سودادن میراور
نهانی بر نکهله چشمی بیک افتنه ایدر پیدا
آنکچون شهر دار الملک دل پر شور و غوغاور
تحمل هیچ ممکنمی غم مجرانه ای نفی
محبت غالب مطلق دل ایسه نا شکیبادر

بو بر متانت ، شجاعت دوری لسان عشقیدر . قهرمانانهدر .

حالبوکه ندیم اواسهیدی هیچ بویله سویله مریدی .

تاریخ ادبیات نقطه نظرندن بیانک ، لسانک بو جهته لک زیاده
اهمیتی واردر. بوندن باشقه لسانک تکاملاتی اعتباریله ده آیریجه دقت
شایاندر. لکن بر کله نك صحتۀ مالک اولوب اولمادیغی تدقیق ایتک تاریخ
ادبیات ایله مناسبتدار دکدر .

و طویلی ، که اثر لاله مؤثر لر آره سنده طوغری مقایسه لر یاییله بیلسین .

بونک ایچون تاریخ ادبیاته و بناءً علیه آثار اسلافه نفوذ مسئله سنده بویوک، جدی بر تربیه صاحبی اولق مقتضیدر . چونکه آثار صنعتک، آثار ادبیته نك روحنه کیره بیلمک، شو سرد ایدیلن مطالعاته بناءً ، بر حس مسئله سیدر . چونکه ادبیات و صنعتده اک زیاده حائز اهمیت اولان حساسیتدر . بر حسک مولودی ایسه ینه حس ایله آ کلاشیلر . شکه، بر اثر ادینک تحلیل خارجیسنه کلنجه بو نقطه ده لسان ده بزم ایشمزه یارار . چونکه لسان عضویت اجتماعیه یه تابع بر کیفیتدر ، هر زمانک ، هر عصرک کنديسینه مخصوص بر لسانی ، بر طرز تکلمی موجوددر . مراد رابع زمان جدالجوسنک ، قهرمانلغنک لسانیله ابراهیم پاشا دور صدارتنک لسانی آره سنده پک بویوک بر فرق وارددر . هر دور کندي حیات اجتماعیه سنه کوره بعض کله لر ، دیگر لر نك فوقه اصعاده ، بعض اشکال جملی دیگر لر ینه ترجیح ایله ، نفی نك، صبری نك لسانلرنده بر معدنیت، بر آهنگ درشت موجوددر ، کرزو سیف سبی وارددر .

مثلا : صبری نك :

کچدی قلیچدن فتن روز کار
سیف ید الله اولوب آشکار

بیتیه :

پنبه رخک تازه تراش ایتدی یار
کچدی قلیچدن فتن روز کار

بیتی آره سنده لسان اعتباریله نه قدر فرق وارددر . اولکی نه قدر

اولورسهق اترك روحنه، بناءً عليه محررينك روحنه، زمانك روحنه
نفوذ ايدمه يز. جالبوكه بو بز هييجان حسك ، وبرهييجان تقديركارك
مولودی در . زیرا ندیم دلداده سنك بر مجلسده شب زنده دار اولمسیله
متأثر اولقله برابر اونك تركس مستنده بوی خواب قوقه سیله ،
اویقوسزلغه تحمل ایتمه سیله فوق العاده محظوظ اولیور . چونكه او
دور بر ذوق وسفاغت ، بر ذوق ونشوه ، خلاصه بر تحمل اذواق
عصریدر . چونكه او دور شوخینك، ظلم شوخینك بر تجلیكاهیدر.
صنعتكارك روحنده تیره یین بر وحدت هیجانه ، بر آهنگ هیجانه
نفوذ ایتمه نیجه اثری آ کلامق، تقدیر ایتك ممكن اوله ماز .

روحي بغدادينك :

صانعك بزی كیم شیرۀ انكورله مستر..
بز اهل خراباندز ، مست الستر

بیتی معنای ظاهر یسله بزی یالکز ادرا کی ، دماغی بر ساحه ده
بر اقیق، فقط اساسی، روحی اعتباریله نه غیر ادرا کی، نه غیر وجدانی
نقاطه ، اعماق روحیه بزی سوق ایدر. بو بر بیت در، كه روحینك
بوتون روحنی كوسترییور ، چونكه اونك روحندن ، روحینك
درینلرندن، فورطنه لرندن قویمشدر. چونكه اونك رند مشربلكنك
اك زنده ، اك پر حیات ، اك پر حسن بر وثیقہ سی، بر دلیلدر .
چونكه زمانی مستینك حتی بوغاز ایچی ساحلار تده، قایقلردن قایقلره
كچدیکی زماندر ، چونكه سلیم ثانینك حیات نشئه و داراتی، وبونك
مولدی حیات رندی اونك موجودیتده یاشامقده در . آثار ادبیه
تدقیقاتنده بو درینلكره اینلی ، بو درینلكرده حسنی آراملی ،

ذاتاً الك زیادہ جانی و ذیروح اولان قسمده بودر. چونکہ روحدن، چونکہ عمق روحدن، چونکہ اصل حیاتدن نبعان ایدر. انسانلری شکل ظاهر یلریله آلتجه نه قدر آلدانیر سهق آثار ادبییه یی ده شکل ظاهر یسیله آلیر سهق، یالکیز خار جده قالیر سهق اوقدر آلدانیرز. انسان روحنده قویان فورطنه لرك، احتراصاتك، هیجاناتك النده اسیردر. . . - تربیه ده نیلن شی ده روحی تمیه ایتدیرمك، اونك تهیجانی بر حد معقوله ایصال ایتك دیمکدر.

ذاتاً حکمت بدایع تدقیقاتیله ده کورولدیکی وجهله آثار صنعتده کی وحدت، وحدت روحیه، آهنگ، آهنگ روحی، حقیقت، حقیقت روحیه در. هر کس، هر شخص حقیقتی کندی دورین روحیسیله کوریر، کندی نقطه نظرینه کوره ایضاح ایدر، آکلاتیر. بناءً علیه تدقیقات تاریخیه ادبییه ده بولنیرکن الك زیادہ اثرک تحلیل داخل یسیله اشتغال ایتلی، صنعتکارک طویدیغی هیجاناتی تمه امیله حس اتمیه چالشمیلدر.

بر اثرک روحنده کی وحدتی، هیجانی، آهنگ هیجانی اوقومق، حس ایتك صنعتکارک روحنه نفوذ ایتك، صنعتکارینی تمامیله آکلامق، بیلمك دیمکدر. صنعتکاری بیلمك ایسه طوغریدن طوغری په زمانی افکار واعتقاداتك، تمایلات و تحسسانك اونك اوزرنده حصوله کتیردیکی تأثیر ویا عکس تأثیره مطاع اولمق، شوصورتله او دوره نك روحنه، اساسنه نفوذ ایتمکدر. مثلاً:

عجب نه بزمنده شب زنده دار صحبت ایدك

هنوز نرکس مستکده بوی خواب قوقار.

بیتمی بسیط بر نظرله کوره جك، کلماتك معنالیله اکتفا ایده جك

آنحوق اونك نصل مأموریتلره تعیین ایدلیدیکی، نه کبی اثرلرنده صحت، سلاست، ویا صنایع لفظیه بولندیغی، نه کیلرنده بولمندیغیله اشتغال ایدر؛ اثرک روح و حیاته، زمانیه اولان مناسباتنه، محرریله اثر آره سنده کی ارتباطاته عطف نظر قیلماز؛ یاخود ویردیکی حکملرده سطحی، غندی اولوردی. زیرا اونلرجه تاریخ ادبیاتک نه اولدیغی، نه یه یارایه بیله چکی حقیقه، قطعی، تام معلومات یوقدی.

معلومات بدیعیه نك تدقیقه آ کلاشیله جنی وجهله ادبیات ایچون لسان هیچ بر زمان بذاته ادبیات اوله ماز. رسم ایچون الوان و خطوط، هیکل تراشی ایچون اشکال، موسیقی ایچون اصوات نه ایسه ادبیات ایچون لسانده اوله در. ا کر بویله اولماش اولسهیدی. . . . ضبط ورقه لر یله، شهر امانتی بیاناتنه قدر هر شی ادبیاتدن معدود اولق لازم کلیردی. وینه بویله اولمه مش اولسهیدی. . . . پک طوغری یازان، مع مافیه اثرلرنده کلفت و تصنعدن ماعدا بر شی بولنمیان کی مسهلری ادیب عد ایتک اقتضا ایدردی. بر چوق ذوات واردر، که قافیه ایله وزنه تصاحب ایتکله، لسانی طوغری یازمقله کندیلرینک پک بویوک شاعر اولدقلرینه قانع اولورلر. حالبوکه زمان اونلرک نه قدر عادی، نه قدر بی معنا اولدقلرینی کوستریر، نسیان ده نیلن شی اونلرک اتکلریتی تعقیب ایدر.

ادبیاتده اصل اولان اساس و روح در، و بو اساسک یالکیز حسی قسمیدر. بر اثرده فکر بولنه بیلیر، فقط بو فکر عدسه شخصیتدن کچیرلمزسه، بو فکر دماغی بر حالده قالیرسه ینه قیمتی حائر اوله ماز، چونکه بر هیجانک، بر هیجان بدیعینک محصولی دکلدر.

مسالك ادبيه بر عصرده بولنه بيلير، لکن حائز اهميت اولان اك
 زياده نظر فريب، عصرک تمايلاتی محتوی بولساندر. هر دورده بر
 جدولہ قيم واردر، بعض دورہ لردہ مسالك حیاتیه دن، افکار
 و تحسسات اجتماعیه دن بری دیگر لرینه کوره اک یوکسک بر نقطه ده
 بولنور. او عصرک رنگی، خصوصیتی ایشته بونده در. ناپولیون
 دوزینک بردور عسکری اولمہ سی دیگر مسالك اولو قالمہ سی انتاج
 ایتمه مشدر. دور سابق استبداده ریانک، خفیه لکک موجودیتی
 ناموسک، حیثیتک اولمہ سی مؤدی اوله مامشدر. بناءً علیه ناپولیون
 دورینه دور تجارت و ادبیات دیمک ممکن اوله مایه جفی کبی دور
 حمیدی یه ده دور حمیت دنیله مز. بونک کبی بر دور ادبی داخلنده
 دیگر مسالك ادبیه نک بولنمسی ده او دور ادینک عدم موجودیتنه،
 دیگر لرینه تفوقه دلیل اوله ماز. او حالدہ ادوار ادبیه یی عصرک تمايلات
 ممتازہ سنه، اوصاف ممتازہ سنه کوره تعیین ایتک اک طوغری، اک
 قطعی اصولدر.

۷

برائر ادبینک تحلیل دافنی و فارمیه سی: اثر، محرر. — آثار عتیقه یی،
 ادبای قدیمه یی تدقیق ایدن محرر لرک شمعی یه قدر ارتکاب ایتدکری
 خطا لردن بری ده نظر کاه تدقیقه وضع ایتمش اولدق لری ادبی سیالرک
 یالکیز ترجمه حاللریله و وجوده کتیردکاری آثارک شکل خارجیلریله
 اشتغال ایتمش اولملری در.

اسکیلر، از جمله معلم ناجی افندی برندی تدقیق ایتدیکی اشاده

خصوصی و شخصیدرلر، ويا مقلدك مقلدی باياغی و عادیدرلر . چونكه مؤسسات اجتماعیه آرتق اسکیمش ، شخصیت جمعیه تحکیم ایتیه باشلامشدر .

ایکنجی بویوک خطه کلنجه عا کف پاشادن باشلایه رق ادهم پرتو پاشالری ، رشید پاشالری ، ضیا پاشالری ، شناسیلری احتوا ایدن بر دور تردد و بی قراری ، دهها صکره حامد ، اکرم ، کمال ایله باشلایان بر دور تقرر ، ناجی ایله ظهور ایدن بر دور فترت، ادبیات جدیده ایله تعین ایدن . دور رقت و تکمیل کوستیر..

دور تردد و بی قراری ده تمامیه ماضیه و داع ایدیه مه مش، تجدد بایراغی آچیلیمش، بونی یاشانه حق قاعده لرك تحریسیله اشتغال اولنمشدر. دور تقررده ، خصوصیه بویوک حامدك دهاسیله بوسبوتون تعین و توضیح ایتیش ، دور فترت بر ارتجاع حصوله کتیرمش ، دور رقت و تکمیل بوسبوتون غربه نظرلرینی دوندیرمش ، ماضی ایله ادبیاتك علاقہ سنی بوسبوتون کسمشدر. بوتون بونلر جمعیتك تکاملیه حصوله کلش ، جمعیتك تحولاتی تعقیب ایله مشدر. ادبیات جدیدیه بوسبوتون غرب پرستی ایله اتهام ایدنلره قارشو او زمانده کی حالت روحیه نك ملتدن زیاده غرب پروریه میال اولدیغنی کوسترمك، ادبیات جدیده نك روح جمعیه موافق بر نتیجه اولدیغنی آ کلامق ممکندر .

مع مافیه شو تصنیفات الك زیاده خطوط و اساسات مشترکيه مالک اولان نقاط اعتباریله در. بو اساسلی ، بویوک خطرلردن ماعدا درجه نالته و رابعه ده قالان دیگر بر طاقم خطوط مشترکيه حاوی بر چوق

بولنردن ایلک قسمه عابد دور لر: برنجیسی، عاشق پاشا ایله باشلا یارق سلیمان دده لری، یازیچی اوغللرینی، شیخی لری اخذ ایدن، حسیات عوام ایله نوفلاطونی افکاری اوخشیان، اساسنی جلال الدین رومیدن اخذ ایدن برنجی دور ... ایکنجی حمزویلرله، احمدیلرله باشلا یان سنان، احمد پاشالری، نجاتیلری، ذاتیلری، فاتحیلری سینه سنده صاقلایان دور. اوچنجیسی باقیلری، فضولیلری، خیالیلری، روحیلری، یحیی بکلری، صبریلری، تفعیلری محتوی دور. دردنجیسی نابیلری، ثابتلری، نظمیلری یا شانان دور. بشنجیسی ندیمیلری، غالبیلری، راغب پاشالری، وهیلری، سروریلری، عزت منلالری سویله تن دور.

برنجیسه دور تصوف، ایکنجیسه سرای ادبیاتی دوری، اوچنجیسه دور کمال، دردنجیسه دور فکری، بشنجیسه دور شخصیت و انحطاط دیه بیلیرز.

دور تصوف دور تردد و بی قراریدر، لسان و ادبیات قاتیدر. کوزلدن زیاده متیندر؛ سرای ادبیاتی دورنده لسان اسکیسه نسبتله دهها متکامل، فکرلر، حسلر ده اینجه در. دور کماله کلنجه لسان عظمتلی، فکر عظمتلی، دبدبلی، طنطنه لی، کور و تولیدر. دور فکری ده ایسه حسن یالکز فکرلرده آرانیر. اؤ زیاده طاغینیق حادثات بر فکرده تکشیف اولنور، هیئت عمومیه نك حسندن زیاده بر مصراعده موجود بر فکرک حسنی نظر اعتباره آلیر بر حالده در. دور شخصیت و انحطاطه کلنجه آرتق بیتمک اوزره بولنان بر حیات جمعیتک بوتون امراض و علمی کورلمکده در. آرتق بو دورده شاعرلر یا فوق العاده

عظمتی تحمیل ایتمش بولنیوردی. دور کمال تمادی ایتدیکی مدتجه روحی، صبری، نفی، یحیی کبی شاعرلر، نعیما، قوچی بك کبی نثرلر یتشمش، ادبیات عثمانیه آبدلر وضع ایتشلردر. شورایه قدر کوسترینن امثله کوستریورکه ادبیاتلر دائماً جمعیتک تکاملنی تعقیب ایدیورلر. بناءً علیه ادوار ادبییهی جمعیه کوره تعیین ایتک اُک فنی، اُک قطعی برتصنیف اولور. دور ادیلرک متهاسی ده ینه جمعیه تابعدر، جمعیتی اداره ایدن مؤسسات فکریه، اعتقادات، افکار اختیارلادیغی، اسکیدیکی، چورودیکی زمان ادبیات ده چوروک، اسکی اولور، ادوار ادبییه نك ابتداسنه مخالف اوله رق بو دفعه شکل مکمل اولدیغی حالده آثار حسیاتدن معری اولور، روحسز، جانسز قالیر... عینی افکارک، عینی حسیاتک تکررندن عبارت بولور. سنبلزاده سروری، حتی عزت منلا دور ادبیاتی بر دور ادبی انتهاسی ادبیاتیدر.

بزشوسرد ایدیلن مطالعاته کوره تاریخ ادبیات عثمانیهی، درت سنه اول محررلردن برینک یازدیغی بر اثرده کی ادعاسی خلافتده اوله رق اولایکی بویوک دوره آیره جغز.. بری مایه شرق ایله بسله ن، غداسنی عجم، عرب ادبیاتندن اخذ ایدن عاشق پاشادن باشلایه رق، عاکف پاشا - شناسی دورینه کلن دور تاریخی ادبی دیکری ده عاکف پاشا ایله باشلایان، مایه سنی غریدن اخذ ایدن، حالا دوام ایدن دور ادبی تاریخی...

بویوک آنا خطلری آره سننده جمعیتک تشکلاتنه، تأسیساتنه، انقلاباتنه کوره افکار واعتقادات، نظریات اعتباریله بر طاقم خطوط مشترک یه مالک بولملرینه بناءً درجه ثانیه ده بر طاقم دورلر ده آیرمق مقتضیدر.

نظم ایتشدرد . و حمزوی اسکندر و حمزه قصه لرین نظم ایله نثر ایله جمع ایدوب محل محل کندی اییاتن ضم ایتشدرد . حمزه وینک کتابلردن نظمی معلومدر . و اما احمدی انشاء الله بحسب الاقتضاء الترتیب بو کتابده مرقومدر . و دخی شعرای عهددن احمد داعی ، شیخ اوغلی دیمکله معروف برکیمسه که فرح نامه دیرلر بر کتابی واردرد ، بونلرک جمله سی شرف صحبت و بساط بوسلریله مشرف ایلدیلر . بخشش و بخشایشلریله موظف ایدیلر . « دییور [۱] .

فاتح سلطان محمد زماننده بو افتراق کیفیتی شکل قطعیه اقراران ایتدی . فاتح اسکی بیزانسیک وارث دبدبه سی اولمش ، حیات کبارانه تأسس ایتمش ، ذوق اینجه لشمش ، صنوف و طبقات بشریه آز چوق واضح قوتلرله آیرلمشدی . شیخی نك خرنامه سنده کی لسان ایله ، خیالات ایله ، احمد پاشانک کرم قصیده سی آره سنده نه درین فرق واردرد ... حیات جمعیت فاتح زمانیه ده عثمانلی ملتنده حال تکامله واصل اولمایور ، بر ایکی پادشاهک ده ا مقام سلطنتده بولنه سنی بکله یوردی . عثمانلی دولتی مطلقیت اداره ایله یاشامه یه باشلامش ، لیکن بونک تجلیسی ایچون سلطان سلیمان قانونی دور عظمت و دور کمالنک ورودی . بکله مک اقتضا ایتمشدی .

سلطان سلیمان قانونی دوری عثمانلی حدود مظفریاتنک حد طبیعی آشدیغی بر دور اولمقله برابر ذوق ، اصالت ، کبارلق اعتباریه ده تاریخ عثمانینک قید ایتدیکی اک بویوک دورلردن بریدر . جمعیتک بو کالندن لسان ده استفاده ایتمش ، ادبیات ده ایتمش ، لطیفی کی نثرلر ، یحیی بک ، باقی ، فضولی ، خیالی کی شاعرلر یتشمشدر . ادبیات ده زمانک کبارلغنی ،

[۱] کوپرلی زاده محمد فؤاد : تورک ادبیاتی تاریخنده اصول .

مکمل اوله مادی . آنجق بر قیمت تاریخیه و قدیمه مالکیته قالدیلر .
عاشق پاشا ، یونس امره ، شیخی ، یازیچی اوغلی بودر ،
بونلرک لسانلرنده برتردد ، بر قرارسزلق ، برعجمیلک ، بر تأثیرسزلک
کورولیر .

«فاکه» بوکی دورلر حقنده بیان مطالعه ایدرکن «ابتدالری کوزلدن
زیاده غایت متین ، یوکسک اولمقدن زیاده کستاخ ، بعض خصوصاتده
متردد ، قرارسز ویولنی تعقیب ایتمه سی منتظم ، قطعی اوله جق یرده
غایت شدید هجوملرله مالی اولور .»

فی الحقیقه یونس امره لر ، عاشق پاشا لر ، یازیچی اوغلاری ،
شیخیلر اوقونه جق اولورسه بو تعریفک نه قدر حقیقت اولدینی آکلاشیلر .
سلطان بایزید اول زمانه کلنجه ادبیات ایکی یه انقسام ایدیودی :
بری سویه عمومیه ایله برابر کیدن ، بری ده سرایک حرکاتی تعقیب
ایله یین ... اوزمان ییزانس ، عجم تأثیریه ، خصوصیه نشوه غالبته بر
حیات کبارانه باشلامش ، خلقک طبقات مختلفه سی یاواش یاواش تأسس
وتشکله یوزطوتمشدی . هله دور فترتده ، شهزاده سلیمان چلبی زماننده
سرای کبارلغه ، سفاهته دها زیاده میال بر حال آلمشدی . سرای
ادبیاتی بونک تأثیریه ، دها زیاده قوتله تأسس ایتدی . اسکندر نامه یی
یازان احمد ، حمزوی تخلص ایدن احمد ، حمزه نامنده کی ذاتلر
سرایک فریدی اولدیلر . عاشق چلبی تذکرة الشعرا سنده سلیمان چلبی
حقته « غایت مرتبه عیاش و معاشر ایدی ، اول سبیدن شعر ایله
الف و عشرته مباشر ایدی . حمزه واحد نام قرنداش لر پیدا اولوب
حمزوی واحد تخلص ایدینوب اسکندر نامه یی بحر رمل مسدوده

انکلیزلرک برنجی فاجعه نویسی « مارلو » ، « شکسپیر » قدردها صاحبی ، اونک قدر حساس ، اونک قدر روحنده کائناتلر کزديرر بر آدم ایدی . حلبوکه « شکسپیر » اوله مامشدر . چونکه زمانی بر انقلابک بدایتی ، بر دور ادینک دورهٔ تمشقی بولینیوردی .

فرانسز ، انکلیز ، ایتالیان ادبیاتلری انقلابات اجتماعی نی نصل تعقیب ایتمشلر سه عثمانلی ادبیاتی ده اوصورتله انقلاباتی تعقیب ایتمش ، اوصورتله تکه-ملات وانقلاباته ینه انقلابات ایله واصل اولمشدر . عثمانلیلر آناتولییه کلدیکی زمان آناتولی ده بر دور انحلال باشلامش ، اسکی مؤسسات ، اعتقادیات ، عادات ، افکار برر برر ییقلمه یه یوز طوتمش ، یکیدن تأسس ایده جککلر رشیم حالنده کورونمک اوزره بولنمشدی . .

بویوک معافیله قاریشیق برسلچوق دولتی انقراض واضمحلاله اوغرامش ، اونک میراثی اوزرنده چارپشمه یه حاضر برچوق مختلف قوای ضعیفه تنبت ایتمشدی . مولانا جلال الدین رومی ایله ده نوفلاطونیلک ، نویونانیلک عجمک ، عربک روزکارلریله ده ییقاندقن صکره آناتولی طوپراغی داخلنه یاییلمش ، اک پست طبقه لره قدر کوک صالمشدی [۱] . بو دور حقیقهٔ بر دور انتقال ، بر دور تشوشدر . یواننده برچوق شاعرلر یتشدی . بونلرک حسلری مبذول ومتصوفانه ایدی . لکن هنوز لسانک میخانیکیتته ، تأثرات ونتایجه کوره عناصری مزجه واقف دکلردی . بونلرک آناری بالآخره یتیشنلرک اثرلری قدر مکمل ، هر زمان ومکانده یتیشنلره اساله تهییج ایده جک صورتده

[۱] بحث مخصوصنده سلچوق دولتنک فکر تصوفک انتشارینه نه صورتله

وسيله اولدینی ایضاح اولنه جقدر .

ایده بیلیمک صنعتده اُک بویوک موفقیت در . تن « فلسفه » صنعتده
 « صنعت ایکی کلمه ده خلاصه ایدیلیر : تکشیف ایله اظهار واره‌نه »
 دییور .

شو قاعده‌نی اساس آتخازیله ادوار ادبیه‌نک نصل تشکل ایتدیکنی
 مختلف مثاللرله ایضاح ایدرز . ینه تن « فلسفه صنعتده » هر دوره
 ادبیه‌نک بدایتده بر دور تمشیق واردر : اوزمان صنعت ضعیف ،
 وطفولیتکارانه در . زیرا تأثرات و نتایجک بر بریله ارتباطی اوزمانلرده
 غیرکافیدر . استعدادیک زیاده مبذولدر . فقط اصوللر اوزمان غیرمعیندر .
 فقط بیلنمه‌ین بر شی وارسه یازمق ، موضوعک اقسام مختلفه‌سنی
 تقسیم ایتمک کیفیتدر . قرون وسطاده یتیشن محررلرک خطالری بوندن
 تولد ایتمکده در . « دییور .

چونکه اوزمانلرده شکل جمعیت تأسس ایتهمش ، عادات و اعتقادات ،
 لسان ، افکار ، مؤسسات قارمه قاریشیق بر حاله کیرمش بولونیوردی .
 قرون وسطاده بولنان ذوات ادبیه‌نک ، قورنهی کبی علوی ، واضح ،
 نفیس ، مکمل آثار وجوده کتیرمه‌ملری جمعیتک تعین ایدمه‌مسندندر .
 راسین وقورانه‌نی مکمل یازمه‌یه سوق ایدزده بر دور کالک محصولی
 بولنملریدر .

جمعیت یکی بر انقلابه ، ویا یکی بر تأسس وتشکله تابع اولدینی
 زمانده ادبیاتک یول بولمق ایچون چالشدینی ، تیره‌دیکی ، قرارسنز
 اولدینی کورولیر . اوزمان ادبیات قراکلرده کزن آدملر کیدر .
 یولنی بولمق ایچون اللریله تمامدیاً برر استنادکاه آرارلر ، بولمه‌یه چالشیرلر .
 جمعیت تأسس وتکرر ایتدیکی زمان ادبیاتده تأسس وتقرر ایدر .

نظرلرمزى توجيه ايدەجك ، اونلرك روخنده تحرياته بولسهجق اولورسهق عصرينك علل و امراضيله متحسس ومتهيج اولديغنى كوريرزو. بر طاقم احوال والجات واردر، كه بر شخصيتى توليد ايتديكى حالده ديكر شخصيتى اولديرر، بتيرر. بوقاعدهدن صنعتكارلرده اوزاقلاشه مازلر . انكتردههكى اختلال ، انقلاب اولماش اولسهيدى « قرومول » ، حق وظلمك تلايقكاهى ، شديد المزاج بر پدر، بر عائله رئيسى، بر چفتيجى اولهرق قاليردى؛ اون التنجى لوئى قرال بولنماش اولسهيدى ، چالشقان ، زوجه سنه ، چوجغه ، ايشنه مربوط بر آدم اولوردى ؛ فرانسه اختلال كبرى تولد ايتمه مش اولسهيدى ميرابو بر سفيه، بى معناء سرگذشت جو بر مستحائئه اصالت حالنده قاليردى، بولدورى ، بوممتاز ، بويوك شاعرى مسصوله كتيرن آنجق اون طقوزنجى عصرك بر عصر انتقال اوله سيدر .

نديمده بويوك ابراهيم پاشا دورينك، واوئى احضار ايدن سنه لرك بر محصوليدر . غالبي بوقدر ممتاز ، بوقدر اينجه ، كريزان ، سيال ياپان عصرينك ايجاباتيدر . او حالده آثار نه قدر شيخصى اولورسه اولسون ، صنعتكارلر نه قدر ممتاز ، بى مثيل بولنورسه بولنسون ، مزاج وطبيعتلرينك تيميسنه مساعد بر زمانك مولودى ، واونك ايزلرينك حامليدرلر.

بناءً عليه ادوار ادبيهى انقلابات وتكاملات جمعيتة كوره تفريق ايتمك اك طوغرى در .

صنعت وادبيات بر تحليل وبر تعميم در . بر نتيجه وتأثره ايصال ايدەجك بوتون عناصر وموادى طوپلامق ؛ اونلرى بر برينه مزج

بر ذهنیت و حساسیتک مولودی و محصولیدرلر. حتی طبیعتده هرشی
هرشیئک ایچنده بولمسنه ، هیئت عمومیه آره سنده پک چوقلرینک
نابدید اولمه سنه بناء ادبیات، بوتشوشی ازاله ایتمه سی، عینی تأثر و نتیجه یه
ایصال ایده جک شیلری بر آره یه طوپلامسی اعتباریله، افکار و حسیات
عمومیه نك تحلل و توضیحه بر واسطه ، شو صورتله شکل جمعیتک
تبدیلنده کی بر چوق اسباب عمیقہ یی، عوامل روحیه یی کوستریر یکانه
بر مشعره در .

شوسرد ایدیلن مطالعاته کوره ادوار ادبیہ یی شکل جمعیتک تبدیلی
و تغیری ایله تعیین و توضیح ایتمه نك اُک اُنی ، اُک سالم ، اُک قطعی بر
یول اولدیغی آکلاشیلیر .

ادوار ادبیہ بو صورتله تفریق ایدیلیر سه طوغری اولور می اولمازمی؟
فی الحقیقه هر عصر، هر زمان، شخصیت یعنی تحسس، تفکر، اداء، خلاصه
اسلوب اعتباریله بر برینه بکزمه مین، اثر شخصیلری محتویدر؛ شخصی
اولمایان آثارک قیمتلری اوله ماز؛ غیر شخصی آثار، سویه عمومیه نك
فوقه چیقما یان آثار، ادبیاتدن معدود دکدر ؛ اولنری زمان ایرکچ
سیلکر، آثار. شخصیت منفردیه مالک اولما یوده بر قیمت صنعتکارانه یه
مالک اولان آثار ایسه غیر شخصی دکل، شخصیت قومیه یی حاملدر:
اسکی یونان ادبیاتی کی . .

لکن هر محررک، هر صنعتکارک، باشقه بر شخصیته مالک بولنمه سی،
باشقه بر لسان و روح تکلم ایتمه سی اونک عصرینک نواقص و مزایاسنی
حامل اولمه سنه مانع دکدر .

بالعکس اُک منفرد ، اُک شخصی کی کورینان محررلرک آثارینه

بر اصول معينه تابع اولمايان ، اسلافك ياپديغي کي صرف ذوقی ، شخصی بر صورتده آيريلان ، تقسيم وتصنيف ايدپلن ادوار ادبيه بزي شاشيرتير؛ بزي تاريخ ادبيات تدقيقاتيله آلد ايدجکمز فوانددن، بر قومك حالت روحیه ثابتہ سنی ، مختلف زمانلر ظرفنده کچيرديکي مختلف صفحات حياتيه وحسيه سنی ، تکاملات دماغيه واجتماعيه سنی ادرا کدن محروم براقير .

ادوار ادبيه تي تعين و توضيح خصوصنده آك زياده نظر دفته آله حق کيفيت وجهت جمعيتك تعاقبات شکليه سيدر ، جمعيتك تخالفيله ادوار ادبيه ده تخالف ايدر. جمعيتله صنعتك، ادبياتك تأثير متقابلي فرضیه ثابتہ سنی هيچ بر زمان اونوتمه مق مقتضيدر .

بر چوجق دنيايه کلدیکی زمان پدرندن، والده سندن، اجدادندن، رشيم حالنده ، بر درجه معينه ده ، بر طاقم ملکاته ، بر طاقم سوائق طبيعيه مالک اوله رق دنيايه کلير. پدرندن ، والده سندن ، اجدادندن اخذ ايتديکی، وقان واسطه سيله انتقال ايدن بوقوای مکتومه اونی ديکر معاصر لرندن ، وطنداش لرندن تفريق وتميز ايدجک بر نسبت ووسعتده کنديسنده موجوددر . بر روح اخلاقي وفطري بر مزاج جسمي يه مربوطدر. بوتون بونلرک هیئت مجموعہ سي ابتدائي برحالي تشکيل ايدر ، که تربيه ، کوره نک ، تعلم و تدرس ، چوجق قلک ، کنجکلک بوتون احوال وحادثاتي يابونلری اکمال واتمام ايدر، ياخود تغير وتبديل ايلر. بوتون بو مختلف قوا بر برينه انضمام ايدرسه بونلرک يکديکریله اجتماعدن انسانک روحنده بر ايز حصوله کلير ، وبو اوشخصک وصف ممتاز ونظر فریبي اظهار ايلر .

آثار ادبيه ده طبق بويه در: اونلر معين بر زمان تاريخيک، معين

تای مثناة ایله پاسپان وززنده افسانه ومثل و حکایت گذشتگان معناسنه در.». او حالده داستانی «épopée» مقابلنده استعمال ایده بیلیرز. داستانلرک بو قدر چوق قیمتلری اولدینی حالده عثمانلی تاریخ ادبیاتنده بونلر سونوک برر کولکه کبی کچمشلر، وقایع مهیجه اثناسنده یازیلان پک چوقلری نابید اولوب کیتمشلردر. دور سابقده وقوعه کلن یونان محاربه سنده یازیلان، آلدن آله طولاشان بیکلرجه نسخه ساتیلان داستانلر موجود اولمش اولسهیدی اوزمانده کی حسیات عمومی طانیق نه قدر قولای اولوردی. مع التأسف بونلر طویلا نیلما مش، هیجانانک حیاتله متناسب بر حیاته مالک اولمشدر.

۹

بر دور ادبیک صرددی نصل تعین ابریلور. — تاریخ ادبیات خصوصنده اک زیاده مشکل، اک زیاده تدقیق و احتیاطه محتاج بر شی وارسه اوده ادوار ادبیهنک تعینی کیفیتدر. بونی بر قانونه ربط ایتمز، کیفی، فرضی، ذوقی، شخصی اصوللره تابع قیله حق اولورسحق تاریخ ادبیاتی تاریخ مدنیتهنک بر جزئی اولمق اعتباریله حاز اولدینی اهمیتدن اسقاط ایتمش، آثار ادبیهنک تدقیق و مطالعه سیله حصوله کله جک فائده اجتماعی، فائده تاریخیه بی صفره ایندیرمش اولورز. ذاتاً علملرده اک زیاده شایان دقت و ملاحظه آله حق کیفیت اونک بر اصول فنی وثابته مربوطیتدر. اصول ذهن بشری حقیقه ایصال ایچون طوتیلان یولدر.

خلقتی مقتضاسندن در. حال هیجان ده ایسه افادات بشریه موزون ، مقفادر ، بر آهنگ داخلنده در . بناءً علیه هیئت عمومیه ایچنده اُک زیاده حساس اولانلر ، اُک زیاده قابلیت تهییجیه مالک بولنانلر تأثر عمومیدن، تقدیر ویاتقییح عمومیدن دها زیاده متأثر اوله جقلرینه بناءً سحیة لسانه کوره ، موزون، مقفأ، خیال وحس ایله مالی، غرور ویأس ایله مشحون آ نار ایله کچن وقایعی نقل و حکایه ایدرلر . ایشته بونلر داستاندِرلر .

داستانلرک اُک بویوک قیمتلری حسیات عمومیه دن تباعد ایتمه مه لرنده در . بونلر ده شخصیتک رولی پک آز اولمه سنه بناءً زمان تاریخی یی ، بر آن معینی بوتون روحیله ، بوتون زندگیسیله بزه نقل و ایصال ایدرلر ؛ یالکز اقتضا ایدر، که آثار شعریه دن استخراج تاریخی ده بولنه جق قدر تربیه بدیمیه مالک اوله لم .

جمله لرک طوغری اولوب اولمادیغیله ، معانی کلمات ایله امرار اوقات ایلر، اثرک روحنده تیرمین هیجانه نفوذ ایدمه مه جک اولورسوق هیچ بر شی آکلایه مایز ، بونلری قیمتسز برر شی تلقی ایدرز .

تاریخ قدیمه ، ابتدای بشریته یوکسه له جک ، نفوذ ایدمه جک اولورسوق داستانلرک ابتدا الهلر ایچون انشاد ایدلرکیرینی، اونلرک خارقهلرینی، خیرکارلقلرینی، سرپدکاری مصایب و بلا یایی نقل ایتدکیرینی کوریرز . هندک دینی « ودها » سی بو بویوک داستانلردن بریدر . داستانلر بالآخره اقوامک بری بریله واقع اولان مجادلاتنده بعض قهرمانلرک تصویر مزایاسنه حصر ایدلمش، نسلدن نسله انتقال ایتمشدر . داستان فرانسیزجه «épopée» مقابلیدر . «épos» روحه حکایه دیمکدر . برهان قاطع ده ایسه داستان شوصورتله تصویر ایدیلور : « داستان »

۴

تاریخ ادبیات و داستانها . — تاریخ ادبیات تدقیقاتنه شعله و راهبر اولان آثار شعریه دن بریده داستاندر . داستانلر بر قومک روح مشترکندن نبعان ایدر، اونک بر آن تاریخینسک، بر آن تهیجک، ویا بر آن قهرمانانهک و قایعنی نقل و حکایه ایلر.. شعر الهامیدن بونلر تمامیه آیری اولدقلری کبی دراملردن ده آیریدرلر . شعر الهامی آز چوق شرقی دیمکدر . او، روح بشردن بذاته حس حسنه تبعیتله تولد ایتمش، شخصی ، اولومی ، عشقی ، طبیعی مترنم ، احوال حاضرهدن، ابدی اسرار حیاتیهدن غدایاب آثاردردر، بونلر فلولره، ربابلره، سورتایلره اکثریا رفاقت ایدرلر . عادتاً عوامی شرقیلره الهامی شعرلر دیمک ممکندر .

حالبوکه داستانلر شرقی دکدرلر ، الهامی شعر دکدرلر، درامده اولمازلر، چونکه حرکت مالک بولمایورلر. تاریخده دکدرلر، چونکه تمامیه حقیقتک ناقلی اولمایوب خیال ایله ، حسیات عمومیه ایله ممزوج بولنمقده درلر . اوخارقه لرله طولو بر نقل ماجرا، بر حکایه مخصوصه در . و تاریخ ادبیات نقطه نظرندن بونلرک قیمتلری حقیقتی طوغری بدن طوغری یه آلوب افاده ایتهلرند ، مخیله قومدن ، حسیات عمومیه قومیه دن پک چوق نقاطی محتوی بولنهلرند در . بر حرب اولور ، بر فلاکت کلیر ، بوتون بر هیئت بشریه بو حادثاتک قارشوسنده تیره ، تهیجه کلیر، اوزمانلرده حسیات عمومیه حال غلیانده، حال تهیجده دیمکدر . بشرک ایسه حسیاتی کتم ایدمه مسمی خارجاً اظهار و افاده سی طبیعی،

« دوران آلتدن ایرسه كرك جام عیسه سنك
 « انسان اودر كه آینه‌وش قلبی صاف اوله
 « سیننه كده نیلر آدم ایسهك كینه پلنك
 « عبرت كوزنده نیجه یه‌دك غفلت اوینخوسی
 « یتز می سا كه واقعه شاه شیر جنك
 « اول شهسوار ملك سعادت كه ، رخشنه
 « جولان دمنده عرصه عالم كلوردی تنك
 « باش اكدی آب تیغنه كفار انكروس
 « شمشیر كوه‌رینی پسند ایلدی فرنك
 « یوز بیره قویدی لطف ایله كلبرك تركی
 « صندوقه صالدى خازن دوران كهر کی

دیمك كه ادبیات ایله آتار سائرۂ صنعت آردسنده بر زمانی كوسترمك
 اعتبار ایله مشترك بر وصف موجوددر . شو حالدده شعبات سائرۂ
 صنعت عائد آتاری ، تكاملاتی ، ترقیاتی تدقیق ایله تاریخ ادبیاته آیریجه
 برر مشعله ، برر رهبر احضاری ممكن اوله بیله جكددر . بز بوتقطه‌یی ،
 بودقیقه‌یی ده دوشونه‌رك تدقیقا تمزده صنایع نفیسه سائرۂ نك ده ملكمزده
 مظهر اولدقلى تجلیات و ترقیاتی نظردن دور طوتمه یه جغز .

صنعت عضویت بشریه‌نك بر نتیجه طبعیه سیدر : بشریت ترقیاتی
 اوکا مدیوندر ، اوده معكوساً ترقیاتی ترقیات بشره بورجلیدر .
 بناء علیه برینی تدقیق دیکرینه نفوذدر . تاریخ ادبیات ایسه تاریخ
 مدنیت اوله سنه بناء روح بشرك ، فكر بشریتك تظاهراتی كوسترن
 هر شیدن ، بونك میاننده صنایع نفیسه سائرۂ نك ده استفاده ایلر .

غروردن ، اسالہٗ اعتماددن بر آن خالی قلمادی .. فضولینک آناری
 اوقونیلدینی زمان یأس ونومیدی ایچنده انکساردن آزادکی حس اولینیور .
 مثلاً اُك زیاده سفالتندن بحث ایتدیکی بر ترکیب بندنده :

حسود صورت احواله نظر قیلمز
 جفا قیلور من بیچاره یه حذر قیلمز
 صانورکه ناله و زارم آکا اثر قیلمز
 آنی مرور ایله عالمده در بدر قیلمز
 زمانه ایچره مجربدر انتقام زمان
 همیشه یخشی یه یخشی ویرر یمانه یمان
 خوشم که خامهٔ تقدیر ایزدمتعال
 وجود لوحته تصویر ایدنده صورت حال
 رقم قیلوب اگر ادبار در اگر اقبال
 اولور تغیر آکا غیردن بر امر محال
 سعادت ازلی قابل زوال اولماز
 کونش یر اوستنه کردوشسه پایمال اولماز . «

دیور ... او دورك عظمت و دبده سنی ادبیاتك بوتون شككنده
 كورمك ممكندر . لسان بیله طینندار ، دبده دار بر حال آلییور .
 باقی ولی نعمت اعظمی سلطان سلیمان قانونینك وفاتنه آغلار كن نه مطمئن ،
 نه مغرور ، نه نشئه لی ، نه عظمتلی بر لسان قوللانییور . دورهٔ عظمت
 صنعت عظمتكارك والدی اولییور .

« ای پای بند دامكه قید نام و تنك
 « تاكي هوای مشغلهٔ دهر بی درنك
 « اُك اول كونی كه آخر اولوب نوبهار عمر
 « برك خزانه دونه كرك روی لاله رنك
 « آخر مكانك اولسه كرك جزعه كبی خاك

اوراده ینه رئیس لرینی تعقیب ایله یاشار اقوام و ملل ایله اختلاط پیدا ایتشلردی. بناءً علیه خاندان سلطنتدن کوسترینلن اُک کوچک برلمعه یه بیلله قوشمقله اونلر حیات و ذوق بولدقلرینه قانع اولیورلردی. حالبوکه خاندان سلطنت اونجی عصر هجریده ماضیدن متوالیاً، متماًدیاً آقوب کن سیل مظفریات و غالیاتله منون و مفتخر، و بوتون بونلرک ثمرات سکون و عظمتنی اقتطافه حاضر و مهیا بولینیوردی. . سلطان سلیم اولک و فاتیله جالس اورنک سلطنت اولان سلطان سلیمان قانونی بو احتیاج و ضرورتی تطمین ایده جک بر طرز حیات تأسیس ایتشدی.

دارات، عظمت و مراسم احتشامکارانه بوتون قوت موجودیتیه سرایه، و اونک طولانیسیله استانبوله کیرمشدی. . مجارستان سفری اردولرینک سوسی، عظمتی، احتشامی اوچیوز بوقدر سنه کچدیکی حالده حالا آفاق تاریخنجه ولوله انداز اولمقده در.

ایشته بودور تاریخنک تأثیراتی آثار صنعتده تجاوز ایتدی. . زمان، معماری ده سنان، شعرده فضولی، باقی کبی ذواتک مولدی اولدی. سلیمانیه جامع شریفنک، بو معظم، عالی بنانک روحلره ویردیکی حس خشوع ایله ممزوج حس غرور، حس ثروت و رفاه ایشته اودورک یادکاریدر. معمار سنان او عظمتی، او وقاری محیطندن اخذ و اقتباس ایتدی. محیط کبار و مغروردی. محیط زنکی و فخور ایدی، و اوکا آنجق بر سلیمانیه یاقیشه بیلردی.

شعرده عینی تأثیراته تابع اولدی. مغرور، متین، آتیدن امین بر طورله میدانجه چیقدی. . حتی منفرداً، مایوس، نالان بر فضولی بیلله اُک فریادکار منظومه لرنده زمانک بونشئه و اعتمادندن آزاده قالمادی. اوروح رفاه، اوروح غرور اونک نالان، کریه ناک روحنه اساله

ایده مه مشلردر . بوسونه ، پاسقال ، لافونتن ، مولییر ، قورنهی ،
راسین ، لاروشفوقو ، مادام دوسه وینه ، بووالو ، لابرووییر ،
بوردالوکی اعظم ادبا بوزمانده یتشمشلردر . یالکز بویوک ذوات دکل ،
بوتون هرکس آئی یازیوردی ، قورنهی بو دورده برخدمتچی قیز
دور اخیر مجلس دانشمندی قدر حائر معلوماتدی ، دییور . فی الحقیقه
اوزمانده حسن اسلوب سمالرده اوچیوردی . دوشونمکسزین اونقش
اولینیوردی . مکلمات ، ادبیات جاریه اونی نشر ایدیور ، وسرای
اوکره تیور و بذاته بو ، کبارلرک طرز حیاته داخل اولیوردی .
انسان ، اصالتی ، بوتون خارجیاتله مکملیتی تعقیب ایده رک یازی
وسوز دینیلن ظاهریات ایله اوکا واصل اولیوردی :

کورولیور ، نه دوره اصالتده صنعتده اصیل اولیور ، بوتون
شعبات صنعت خارجک تأثیراتندن آزاده قاله مایور ، عینی تمایلاتی
کوستریور ، بناءً علیه ادبیات ایله صنایع نفیسه سائر آره سنده ،
تاریخ ادبیات نقطه نظرندن ، پک بویوک برمناسبت و ارتباط بولونیور .
تاریخ ادبیات عثمانیه دن ده بوکا دائر مثاللر آله بیلیرز . عثمانلیلغک
دوره کمالی اولان اونجی عصر هجری بی نظر تدقیقه وضع ایده لم .
عثمانلیلق بودورده ثروت ، رفاه ، علم و عرفان اعتباریله شاهقه کماله
واصل اولمشدی . حدود عثمانی ایران اورتله رینه قدر کیرمش ، آفریقاه
طایانمش ، ویانه سورلرینه قدر ایلروله مشدی . بدایتدن بو آنه قدر
مظفریتدن مظفریته قوشمش ، مؤسسات اجتماعیه سی یاواش یاواش
تأسس وتقرر ایتمشدی . اساساً تورکلر رئیس لرینه مربوطیتله یاشار ،
اونک آرقه سندن عشق ایله ، روح و موجودیتله سوروکه نیر ، قوشار ،
کیدر بر ملت اولمق اوزره وطن اصلیلرندن آناطولییه کلشیر ،

ایدیوردی . مع مافیه بوقدر اینجه لك ، حساسیت داخلنده قرال ایچون ترك حیات ایتكده ایشدن دكلدی .. دور اصالت فداكارلق ، وقار ، رقت و ظرافت اوزرینه مؤسس ایدی . قرال بر خدمتچی قالدینه بیله لازمکلن حرمتی ایفا ایتمكله وظیفه سنی ایفا ایلشلره مخصوص بر حظ و سکون طویاردی . . .

تن « فلسفه صنعتنده » بو دوری تدقیق ایدرکن زیرده کی سوزلری سویله یهرك آثار صنعتك روح اعتباریله عینی تأثیره تابع اولدیغنی کوستریور : « بوسورتله یاشایان انسانلر کندی مزاجلرینه موافق اذواق تحریرینه مجبور اولدیلر . فی الحقیقه اونلرك ذوقی یالکز تولد طولایسیله دكل ، حسیات اعتباریله ده اصیل اولملرینه بناءً اصیل ؛ دائماً حسن معاشرت داخلنده بولندقلرینه بناءً طوغری و تام ایدی . ایشته بو ذوق اون یدنجی عصرده « پوسن » ك ، « له زوئور » ك جدی ، عالی ، افراطدن منزّه تابلولرینی ، « مانسار » ك ، « پهرولت » ك وقور ، احتشامكار ، مولود تدقیق بنالرینی ، « لونوتری » نك شاهانه ، انتظام مبالغه كاره مالك باغچه لرینی تولید ایتدی . بوعصر ك ایزلرینه موبله لرده ، قوستوملرده ، بنالرك تزیناتنده ، آرابه لرنده بیله تصادف ایدرسكز . ورسای ، آلهری مصور هیکلرلیله ، تناظره مالك كوچك آغاجلرلیله ، اساطیری فسفیله لرلیله ، صنعی وواسع حوضلرلیله ، بویوك ، منتظم کسيلمش ، معماری آغاجلرلیله ، او دورك بر شه آفریده سیدر : كرك بنا ، كرك طرحلر او زمانك حیثیتلرینه فوق العاده اعتناكار ، آداب معاشرته تمامیله رعایتكار انسانلری ایچون یاپلشدر . فقط ایز ادبیاتده کندینی دهها زیاده کوستیر ، اظهار ایلر : هیچ بر زمان نه اوروپاده ، نه فرانسه ده ، حسن تحریری بودرجه یه ایصال

پارته نون قومك روحی اعتباریله نه بی افاده ایدیورسه «سوفوقلیس»ك
 بر « اودیبروواسی » ده اوئی افاده ایدر، فیدیا سك بر هیكلی ده ...
 هپسند قوته ، حسنده سادکی یه ، حرکاته قارشو بر تمایل موجوددر .
 چونکه اسکی یونان قومی تشکلاتی اعتباریله بو مزایایه دوشکون ،
 واساس وروخده یالکز بونلرک رعشه سنه مالکدر . طبیعی حرارت
 مغنویه ، یعنی جمعیتک تمایلاتنه آثار صنعتده تابع بولینوردی ..
 بونک یرینه شرقک صنعی ، قاپالی ، کریزان ، بی حیات حسنلری
 کتیرملک ایسته نیلسه یدی... یاشاماز ، اولوردی؛ چونکه حیات جمعیتک
 تمایلاتی اوکا مانع اولوردی ، وبو حرارت اوکا کافی کلزدی .

بر مثالده اوروپانک اصالت دورندن آله بیلیرز . اصلتک بوتون
 اینجه لکلرینی ، بوتون نفاستنی ، بوتون کمالی اوروپایه احساس ایدن ،
 آ کلاتان فرانسه نك اون دردنجی لوئی سرائی وزمانیدر . اصلتی
 دره بکلکلری تولید ایله مشدر . دره بکلرک ایچنده آن زیاده ذکی و سیاسی
 اولان بر شخص چیقمش ، صلح عمومی بی تأمین ایچون دیکرلریله
 برله شمش ، اطرافه طولاملش ، یاواش یاواش اونلری برر ضابطی ،
 برر ندیمی شکلنه قویمه یه موفق اولمش ، کندینی قرال ومتبوع ،
 اونلری تابع قیلمشدی . فقط بوندیمک شرقک کنه هیچ بکزه مزدی .
 قرالده ندیملرینه ، دره بکی بقیه لرینه حرمت ایدردی . چونکه اونلرک
 جدلرینک کندیلرینه مساوی اولدیغنی ، یاخود مملکته ، کندیلرینه
 فوق العاده خدمت ایتدیکنی قرالرده بیلیرلردی . فقط بر افدینک
 اطرافنده ، مالک امتیاز اوله رق ، طولانان اشخاص حرمت ، اطاعته ،
 اونک طولایسیله ظرافته ، نازکی یه فوق العاده مربوط اولمشلردی ..
 نازکی ، شیقلق حیاتک ، حیات کبارانه نك اساس وروحنی تشکیل

اویویه بیلملری ایچون لازم کان تداییر نقصان براقلمزدی .. بوتون یونانستانده عینی حال بر آز دها خفیف بر طرزده کورولیوردی ؛ فقط بوتون یونان ذهنیتی عینی حاله مربوط ایدی .

اونلرک دوشونجهلری یکرمنجی عصرک تمامیه معکوسی بولنیوردی . اونلرجه فکر و معلومات ایکنجی درجهده ایدی . اُک زیاده حائز اهمیت اولان حسن وجود ؛ وجودک مکملیتی ... بونک ایچون کرک ارکک ، کرک قادین وجودنی چلاق بر صورتده تشهیر ایتمکدن اصلاچکنمز لردی . حتی کوزل وجوده مالک اولانلری نیم الوهیتلره قدر اصماد ایدر لردی .. اولمپیاد اویونلرنده یونانستانک اُک کزیده ، اُک قوی ، اُک چالاک وجودلری بر برلریله مسابقه ایدرلر ، قوت وحسنه قارشو هر طرفدن تقدیرلر ، آلقیشلر قوپاردی .

هیکلتر اشلر حرکاتک ، اوضاعک ، عضلاتک بوتون کوزل لکلرینی وضوح ایله ، طوغریدن طوغرییه کوریورلر ، اوصورتله نقل ایدیورلردی .

اولمپیاد اویونلرنده قازانانلرک مطلقا هیکلکلی یاپیلیر ، شاعرلر اونلره قصیده لر اوقورلر ، موسیقیشناسلر بسته لر یاغیدر لرلردی .

شاعر « سوفوقلیس » اولمپیاد اویونلرنده برنجیلک قازانان بر همشهریسنی لایموت دهای شاعریتیه تقدیس ایتشدی .

عریان وجودلری سیر و تماشا یونان آثار صنعتنده حسن مکملی ، غایه خیالی حسنی تحری ایتدیردی ، خیالا اولسون مکملیه صعودی تأمین ایتدی . یونان آثار صنعتنده بر وضوح ، بر سادگی ، بو وضوح و سادگی داخلنده عظمت ، علویت موجوددر . اوراده قوت ، سادگی ، حسن اساسدر . بناء علیه صنعتنده عینی تأثیرات کوریلیر . بر

حياتلرينك وجعيتلرينك تشكلنه، تأسسنه اساس ديه قبول ايله مشلردى.. يونانيلره كلنجه اولرده منفرد بر حيات قبول ايتديلر.. «سيتهلر» تكميل آرى آرى ايدى.. هربرى كندى قوانيننه، وكندى عاداتنه تابع بولينورلردى. يالكلز «سيتهلر» دل، سيتده هر وطنداشده ايرى ومنفرد ايدى.. هر كس كرك خارجه، كرك كندى همشهريلرينه قارشو كندى مدافعه يه مجبور ايدى..

تقريباً اوچ بيك سنه اول بحر سفيد سواحلنده طوغيورن قوم بوتون آطهلى، روما، تراكياء، مكدونيا سواحلى، حتى آناتولى يي بردن بره ساردى، زيرا تشكلى، تأسسى غايت قولايدي.. دهها صوكره غايت ذكى، قوتلى وكوزل ايدى..

اساساً جمعيتك شكل مخصوصى طولاييسيله يونانلى ايچون كوزل وقوتلى اولمقدن باشقه انديشه يوقدى.. حياتنه عائد بوتون امور وخصوصاتى اسيرلر كافى درجهده ايفا ايدييورلردى. قوتلى اولميه احتياج واردى. چونكه اطرافى غير مدنيلرله، وحشيلرله محاط بولينيوردي. حتى هر سيته، هر مدن ديكرينك دشمنى، معارضى، محاربه ايدى. بر يونانلى حياتندن قاريسنك، چولوغنك، چوجوغنك عرض وحياتندن، مالندن آنجق كندى مدافعه ايدميهلجك برقوته مالكيته امين اولميهليردى. بونك ايچوندره، كه اسكى يونانستانده، اسپارطهده كوزل چوجق يتيشديرمكه فوق العاده اعتنا اولتوردى. بونك ايچون معلول، سقط طوغان چوجققر كنارنده بولنان نهرده بوغولير، اختيار اولانلر كادينلرني كنجلره توديع ايتملى مجبورى بولتوردى. كنجلر، قيزلرده داخل اولدينى حالده، اك شديد، اك بى امان ادمانلره تابع طوتيلير، آزه قناعت ايتملى، راحتسيزلرده

بوحرارته کوره فیض بولور ، یاخود اولور . یأسناک ، بدین ازمان تاریخیده صنعتک هر هانکی شعبه سنه عائد اولورسه اولسون مسرور ، شن ، خنده ناک آثار تولد ایده مز ، ایتسه بیله یاشاماز ، اولور . مسرور زمانده ایسه یأسناک اولانلرینه تصادف اولنه ماز ، چونکه حرارت مغویه ، حرارت جمعیت اوزمان سروری ، نشئی کوسترمکده در . تن « فلسفه صنعت » نده بومسئله بی تدقیق ایدرکن شو سوزلری سویله یوز : « فی الحقیقه برحرارت مغویه واردر ، که بوتون عادتلرک ، بوتون روحلرک حالت عمومیه سیدر . نباتات اوزرینه حرارت خارجیه نصل تأثیر ایدرسه اوده اوصورتله مغویات اوزرینه تأثیر ایدر . »

ایشته بز بوراده آثار صنعتک شکلی دکل — چونکه شکل اعتباریله ده یکدیگریله آز چوق مناسبتی واردر — اساس اعتباریله مناسبتی نقطه نظرندن تدقیقاتده بولنه رق تاریخ ادبیاته برر مشعله ، برر رهبر ، برر معاون اولدقلرینی ادله سیله کوستره جکز . .

هر صنعتکار کرک آلدینی تربیه ، کرک تجارب ذاتیه سی اعتباریله بولندینی جمعیه مربوطدر ، نه قدر شخصی اولورسه اولسون دورینی آزچوق انعکاس ایتدیردر . بناءً علیه بر دورک ، بر ملتک ، بر زمانک مجموع محصولات صنعتکارانه سی آره سنده برقرابت ، برصهریت موجوددر . مثلاً اسکی یونانستانی ادبیاتیه ، معماریسیله ، هیکل تراشیسیله ، تشکلات حیاتیه سیله نظر اعتباره آله م . .

یونانیلرک تشکلات اجتماعیه لری اوزمانده موجودنه ایرانیلرک ، نه مصریلرک ، نه ده فیکه لیلرک تشکلاتنه بکزه یوردی . ایرانیلر بررئیس اطرافنده طوپلامش ، اوکا تابع بر مجموعه تشکیل ایتمشلر ، مصریلر دین قانونلریله یاشامه بی اساس اتخاذا یله مشلر ، فیکه لیلر ایسه تجارتی

آثار سائرۂ صنعت ده بزم ايچون بر رهبر ، بر شعله اوله بيلير . .
 بز اونلر طولاييسيله تدقيق ايلديكمز آتار ك تولد ايتدكلى زمانه ،
 وبونيكده اونك روحنه دها زياده نفوذ ايتمش اولورز .

رسم اولسون ، هيكلتراش اولسون ، معمار اولسون ، موسيقى
 شناس اولسون ، شاعر اولسون صنعتكار ناميله صنعتك سايه سى آلتنده
 برله شيرلر . . اساس وروح اعتباريله صنايع نفيسه يي بر برندن آيرمق
 ممكن دكلدر: هپسنگ افاده ايتك ايسته دكلرى حسن بديعى ، هييجان
 بديعيدر . . رسم بونك الوان وابعاد ، معمارى خطوط ، هيكلتراشى
 اشكال ، رقص اوضاع وخركات ، موسيقى اصوات ، شعر الفاظ
 واسطه سيله تعينندن عبارتدر . حالبوكه آثار صنعتك تحصيل وتولدلى
 ايسه شوقانونه تابعدر: اثر صنعت اونى محيط اولان عادات وروحياتك
 حالت عموميه سيله تعين ايدر . .

بونظريه يي ، بوقانونى ايضاح ايدى بيلمك ايچون صنعتى نباتاته تشبيه ايدى لم...
 هر نبات اساس اعتباريله بر تخمك مولوديدر . فقط اوتخمك ، اونوه نك
 حيات بولمى ، انتشار ايدى بيلمى ايچون بر طاقم شرائط خارجيه
 احتياج واردر . بعض نباتات معين بر عرض ، بر حرارت داخلنده
 يك زياده قوت وحيات بولدقلى حالده باشقه بز محله اولورلر ،
 بسترلر ، محو اولورلر .

مثلا پورتقال كى . . پورتقال آغاجلى صيجاق مملكتلرك ، يازى
 چوق مملكتلرك محصوليدر . صوثوق ، يازى آز مملكتلرده چورير ،
 محو اولور : ياشاماز . .

آثار صنعت ده طبق بويله در . نباتات نصل بر حرارت خارجيه
 محتاج ايسه اوده حرارت مغويه ، يعنى حرارت جمعيت محتاجدر .

« استانبول ، استانبول ويران قاله سي

« طاشني ، طوپراغي سيللر آله سي

« سنده بجلين يارسز قاله سي

« اويار اولمايجه كوزم قان آغلر »

في الحقيقة بومعناي تحقيري متضمن ايسه ده درين برنظرله باقيلديغي زمان بونك روح عموميدن نبعان ايتديكي ، بر طاقم اسباب روحيه مربوط بولنديغي تظاهر ايدر ، آكلاشيلير. استانبول ممالك عثمانيه نك منبع علم و عرفاني ، سعي و ثروت مركزيدر. طشره خلق عصر لرحه استانبولي بر معيشتكاه ، بر تعاليكاه تلق ايتمش ، اورايه آقين آقين كمش ، ياري ، اوجاغي اوضيا ايچون ترك ايتمشدر. في الحقيقة ثروتي ، غدائي اورادن طويلامقله برابر بو حال بر كين اويانديرمش ، وبوعصر لردن بري قبلرده ير طوتميه باشلامشدر. طشره لرده والدلر چوجق لريني استانبوله يوللار لاركن قورقارلر ، روحلرندن بر پارچه نك قويدغي حس ايدرلر .

مع مافيه ينه اوندن آيريله مازلر . .

شورايه قدر ويريلن معلومات آكلانيوركه شعري تدقيق حالت روحيه بشريه يي تدقيق ، بر قومك تكاملات مدنيه سني ، تحسسات وتفكراتي خطوه خطوه آكلامق ديمكدر .

۳

آثار ادبيه نك آثار صنعتي مناسبتي. — تاريخ ادبيات تدقيق يالكز بزي آثار شعريه اوزرنده توقيف ايتمز. آثار ادبيه يي ، بونلر واسطه سيله ازمان مختلفه تاريخيه يي نظر مطالعه دن كچير كن موسيقي يي ، معماري يي ، رسمي ، هيكل تراشي يي ، حتي رقصي اونو تماق اقتضا ايدر . حتي

« زينب بوزللك وارى صوينده

« الوان الوان كولر قوقار قوينده

« رمضان اينده بايرام كوننده

« زينم ، زينم شانلي زينم

« اوج كويك ايجنده ناملي زينم

ايشته بوشرقى كاحك روحنى، حسنى تماميله كوسترييور. كاحك يوللرى طاغدر كچيلمز دييور. بوسوزله مشكلات وصول وورودى آكلاتديغى كې يارى سوديكي ايجون فدا كارلق ياپه جغنى ده احساس ايدىيور. صولرينك صوئوق اولديغنى سويله مكله مملكتته مربوطيتنى آكلاتييور. آنادن كچيلر ، ياردن كچيلمز ديمكله ده صله احتياجنك قادين ، اوجاغه مربوط بولنديغنى ده بيان ايدىيور ؛ صكره بر زمان ايجون كويك بر حسن تيندن بحث ايدىيور ، اونك نام ايله ، شان ايله كوزللكنى تصديق ايدىيور. ذاتاً ابتدائيلرده ادراك حسن بيله شخصيت عموميه يه تابعدر .

شمشير ياراغنه كاح خلقنجه فوق العاده مفتونيت بولنديغنى آ كلا- تدقذن صكره ايجنك يانديغنى بيان ايدىيور ، عشقنى بوكله ايله كوستر- ييور ، وينه تمثال عمومى حسنه عودت ايله يور. دها صوكره « الوان الوان كلر » افاده سيله ينه قومى ، ينه ارثى بر احتياج پرستش وتقديرى آكلاتييور ؛ رمضان آي ايله ، بايرام كوننك اك زياده اجتماعتى ، مربوطيتى تأمين ايدن بر آي اولديغنى احساس ايله تمثال حسنه عودت احتياجنى بو آيلرده يالكرز قالدېغنى ذكر ايدىيور . بر باشقه مثال دها استانبوله قارشو كويليلرك روحنده ياشايان كينى ، فرقى آكلاتييور :

شرقیله کلنجه ... بونلر قومك روحندن نبعان ایدر، و اسلوب
 مشترك ده نیلن شیئه شخصیتدن زیاده مربوط بولنور. هر قوم یاشادیغی
 محیطك، دره لرك، باغلرك، طاغلرك، خلاصه محاسنك تأثیراتندن
 آزاده قاله ماز، و بوتأثری خارجاً اظهار مجبوریتده قالیر .. چونکه
 هیجان بدیعی شدتی نسبتده تظاهره میالدر . ثانیاً مبادی مدنیته
 بولنان، یاخود عصر لردنبری جهالته پویان اولوب برخطوه آته مایان
 اقوام شعر ایله موسیقی تردیف ایدرلر، اوصورتله احتیاج بدیعیلرینی
 تطمین ایتمش بولنورلر . حکمت بدایع مسائلنی تدقیق ایتدیکمز زمان
 آکلارزکه بر قومك، بر ملتك، بر زمانك احوال روحیه سنی اسلوب
 مشترك، سجه عمومیه نك ایزلری قدر هیچ بر شی کوستره مز ..
 بر قومك مبادیسندن نهایته قدر شرقیلرینی نظر تدقیقندن کچیره جك
 اولورساق اونك نه کی تکاملاته مظهر اولدیغنی آکلامش، بیلمش
 اولورز .. مثلاً :

« کحاک یولازی طاغدر کچیلمز »

« صوثوقدر صولری بر طاس ایچیلمز »

« آبادن کچیلر، یاردن کچیلمز »

« زینیم، زینیم شانلی زینیم »

« اوچ کویک ایچنده ناملی زینیم »

« شمشیرک یاپراغی ناریندر نارین »

« ایچرم یانیوز طیشارم سرین »

« کلیور یاعه عنادجی یارم »

« زینیم، زینیم شانلی زینیم »

« اوچ کویک ایچنده ناملی زینیم »

منطقی بر شکله وضع ایتدی . و اوزمان اسکی معبودلرده برر قهرمان
شکلنده تصور ایدلمه یه باشلادی . بونلردن شعر قهرمانانه تولد ایتدی .
بونلر حقنده شعرلر یازلدی ، بونلرک مدحیاتیه ، یاد مناقیله اشتغال
اولندی . حربده ، جدالده فوق العاده یارارلقلر کوسترنلر مافوق -
البشر برر مخلوق عد ایدیلور ، اونلره عادتاً تعبد اولینیوردی .
اومهر نامنده کی شاعر یونانینک تروا محاربه سنی کوسترن « ایلیدا »
نامنده کی اثری بوقیل ائاردندر .

امیل فاکه برأئرنده « قهرمانلر » دورلرینک نه صورتله تولد ایتدی کی
تدقیق ایدرکن طاغ خلقنک مصائب طبیعتله قارشو قارشویه بولنه
بولنه حر ، سربست ، جبار ، شجیع اولدیغنی ، اووالرده ساکن
اولانلرک حلیم ، سلیم ، ساکن بولندیغنی ، طاغیلرک مهاجمات دلیرانه ایله
اونلری تدهیش ایله قیلرده بر احترام ، بر حس تعبد او یانیدردیغنی
بیان ایدیور . ایشته تاریخ ادبیاتک قید ایتدی کی قهرماننامه لر بو کی
طاغیلرک صحرا خلقی اوزرنده او یانیدردیغنی تأثیرات مخوفانه ایله حس
پرستشدن تولد ایتمشدر .

حماسیات ایله اشعار قهرمانانه یی بر برندن آیرمق ضروریدر .
اشعار قهرمانانه آز چوق یاشامش ، مخیله قومده آز چوق یر ایدنمش
و آز چوق اساطیری بر سیمایه مالک اولمش تیلری کوسترن اشعاردر .
« کور اوغلی » حکایه سی کی . .

حماسیات ایسه جنک وجداله میال ، عسکرلکه عاشق ذواتک
یازدیغنی ، یاخود شعرانک حربه دائر ابداع ایتدک لری اشعاردر .

« رأیته میل ایده رز قامت دلجو یرینه »

« طوغه دل باغلامش زلف سمینو یرینه »

* *

« دشمن هلال رایت اسلامه حرمت ایت »

« طویلر بوغار خطابکی طاغلرده عاقبت »

انسانيتك مباديسنده هر شيئه مخصوص بر آله تصويري بو حالت
روحيه نك نتیجه سيدر . هر ملت تاريخنده ، حقيقته تقرب ايدنجهيه
قدر ، بويله خيال ، افسانه دورلري كچيرمشدر .

مثلا اسكي توركلر ؛ « ارض ، آغاج ، معدن ، آتش ، وصولدن
عبارت عناصر خمسهنك بش ذاتده تجليسنی قبول وبونلري تقدیس
ايدرلر ایدی . ذوات خمسده مر كزده كين خان ، « صاری خان » ،
شرقه كوك خان ، جنوبده قرمزي خان ، غريده آق خان ، شمالده
قره خان در . » [۱] وبومعبود تلقی ايتدكاري شيلره قارشو دعالر
اوقورلردی . اولجه ده سويله ديكمزكي ، مبدأ بشرده ابتدا كوريلن اشعار
دعالردر ، شعر دعا ايله باشلامشدر . مثلاً تركلر كو كه قارشو شويولده
تضرع ايدرلردی :

« ای كوك تكريسي اياشه

« یری يشيلدير ، آغاجلری يشردر .

« رزق ويررسك

« اولو تكري ، بر رئيس وير

« خالق خلق ،

« توره تكريسي . » []

ايسته بومصور بشر دينلردن افسانوي شعر تولد ايتدی ، هر-
قومك تاريخنده پك بويوك بر حصه ذوقيهيه ، بر قيمت بديعيهيه مالک
اولدی . . اسكي يوناني لرك اُكاسكي آتارنظميه وشعريه سندهده افسانوي
شعرلره تصادف ايدرر ، حتی اُكاول ، اُكاسكي بر موقعده اونلري بولورزو .
لكن زمان ايله بونلر قيمت الهيهلريني غيب ايتديلر ، ذكای بشر
ايلروله دی ، بو کي خرافات و اباطلی دهها بسیط ، دهها عقلی ، دهها

کوروليور ، که ادبيات حقنده تدقیقاتده بولنان ، تاریخ ادبیات دکلسه بيله قسماً تاریخ ادبیات ، قسماً ده تذکره الشعرا یازان قدمادن لطیفی افندی ده شعرك مبدائی خلقت آدمله برابر طوتیور ، حتی بونک بر تهیج وتأثر نتیجه سی اولدیغی سویله یور .

یالکز بوقدرله ده قالمایور ، ده ا زیاده تدقیقاتده بولنه رق اوکا افسانوی ، معظم بردوره تاریخچه آچیور ، شو سوزلری ده سویله یور : « وبر قوله کلام موزون یدنجی فلکده بر ملکن صادر اولدی ، رب عرش اعلايه یعنی حضرت حق جل وعلايه موزون ومنظوم تسبیح وتقديس قیلدی . دیو بیور مشردر . » دیور .

دیمک که لطیفی افدینک مطالعاتیله نظریات جدیده بدیعه آرمهنده کی فرق ، بونده حقیقتک افسانه ایله ممزوج اولمسی ، دیکرنده ایسه حادثات اجتماعی و تاریخیه ، علم احوال روحه ، علم وظائف الاعضایه استناد ایتمه سیدر .

شعر عضویت بشریه نك بر نتیجه طبیعیه سیدر دیمش دک ؛ بونظریه دن ایله ره لیه رك ابتدای بشریتده آثار شعریه نك نصل اولدیغی استخراج ایدیه بیلیرز . انسان ده نیلن مخلوق هر شیئی کندی شکلنده کورمک ایستر . او هر شیئه بر حیات ، بر روح ، بر اراده ویریر . . اساساً اونده اوچ شی واردر : مخیله ، حساسیت ، اراده . . آغاج ده ، یرده ، کوکده ، کونشده ، قرده ، کیجه ده ، کوندوزده ، ییلدیرمه ده ، یاغمورده ، دکرده خلاصه بوتون اشیا و حادثاتده کنديسنده موجود بو اوچ خاصه یی کوریر . . اونلری کندينه بکزه تمکله آکلایه بیلیر ، ادراك ایدر . بوتون علوم وفنونك منبع اساسیسی اولان خرافات و باطل بو طرز تفکر دن تولد ایتمشدر .

بر اقدینی زمان غیر وجدانی اوله رق دعالینه شکل نظمی ویرمش ، اوصورتله شعرك اساسی تشکل ایتشد .

شورایه قدر ویریلن ایضاحات بزه آکلاتیور، که شعرك مبدائی قبل التاریخك أك مظلّم نقطه لرندّه آراملی ، بشرك ارضه کوزلرینی آچدینی دقیقه ایله هم سن بولمیدر . شعر، اساساً، حساسیتک بر تأثر وتهیج خصوصیسيله غیله نك برعاسندن - نیم اختیاری ونیم غیراختیاری - hallucination عبارتدر . بر منظومه نك، بر اثر ادینك مکملیتی حاوی اولدینی حساسیتک وسعتیله ، خیالک حرارتیله متناسبدر .

أسکیلردّه شعرك مبدأ و اساسی آرایه رق اونی حضرت آدمه قدر کورتورمک صورتیله ایضاح ایتمشر، بوصورتله مبدأ بشره ربط ایله مشلردر . قسطمونیلی لطیفی افندی تذکره شعرا سنك سکنزنجی صحیفه سنده تدقیقات اخیریه مطابق شو مطالعه ده بولینیور :

« کتب توارینجده مسطور والسنة ارباب اسمارده مذکوردر، که حضرت آدم نبی و ابوالبشر صنفی ، که مسجود ملائکة مقربین ومحیط لغات اولین و آخریندر، شعر اول آندن صادر اولدی . اول زماندن بوآنه کلنجیه دکن تزايد بولدی . نه زمان که قابل هابلی قتل ایتدی ؛ آنی کوروب آدم صفینک سینهدن سکون وقراری کیتدی . نیجه روزکار واله وزار اولوب مرثیه طرزنده برقچ بیت عربی اوقودی .

اما بر سائل سؤال ایتسه که آدم علیه السلام خود لسان سریانی تکلم ایدردی . بومستند اولان ادبیات ومنظوم کلمات عربی اولق نه دن کلدی ؟ . معترضک سؤالنه ایکی درلو جواب وار : بری بودرکه « وعلم آدم الاسماء کلها » مفهومنجه یا حضرت حق و فیاض مطلق جمیع السنه یی علی طریق الالهام آکا بیلدیرمش اوله ویا خود فضلاء ارباب توارینخ لغت سریانیدن لغت عربیه یه دوندیرمش اوله والله اعلم . »

حالبو که بشر او صورته مخلوق بر حیواندر ، که بوتون حادثات
 اشیایی هپ کنیدیسی کی تصور ایدر ، اونلرک هپسنه کنیدیسنده
 موجود بوتون ملکات و خصائل تودیع ایتک خصوصده تردایتمز ، کچیکمز ..
 بونک ایچون در که بوتون بو حادثات وقایعی کنیدیسنه بکزه تدی ،
 اونلری اراده و اختیار صاحبی بر موجود عالی تلقی ایتدی . بعضیلرینی
 بدخواهان ، بعضیلرینی ده خیر خواهان زمره سنه الحاق ایلدی .
 بدخواهان زمره سنه الحاق ایتدکلرینک غضبنی ، انفعالی دفع
 ایتک ایچون قربانلر کسیدیکی کی بر طاقم دعا لدره او قودی . خیر -
 خواهان زمره سنه التحاق ایدنلره کلنجه .. اونلر حقنده تشکرینی ،
 محمدتی کو سترمک ایچون ادعیة تشکریه انشادینه باشلادی .
 اساساً بوفیزیولوژی یه عائد بر حادثه در : انسان متأثر ، متهیج
 اولدینی زمان حرکاته غیر ارادی ، غیر وجدانی اوله رق بر انتظام ،
 بر وزن ادخال ایدر . مثلاً فوق العاده صیقیدلیغمز ، فوق العاده متهیج
 اولدیغمز زمانلریر مزده اوطوره مه یز ، قالقار ، سریع عصبی خطوه لرله
 طولاشیرز ، دقت ایدیلیرسه کورولیر ، که بو خطوات غایت منتظم ،
 غایت موزوندیر . یا خود اوطوردیغمز یرده باجاغمزی ، قولمزی
 اویناتیرز ، بو اویناتیشلرده او قدر مکمل ، او قدر انتظام کارانه در .
 حرکت کلن اعضا دماغه نه قدر یاقینسه او قدر انتظام سریع
 اولور . سسمزده عینی صورته ، او آن تهیجده بر موزونیت مخصوصه
 اکتساب ایدر ، غیر اختیاری اوله رق بر اهتزاز منتظم آلیر .. اوزمان
 بیلیمکسزین ، آکلامکسزین منظوم سوز سویلر ز . بو حاته فنا انکار
 ایدیله مز بر ماهیته ، بر قیمتده در .
 ایلک بشرده حادثات و وقایع موجودیتده بر اثر تأثر و تهیج

موجودیتله ، بوتون قوتیه چالیشیر . فضولی کی بر داهی ادبک قومک روحنده یاقه جنی مشعله نه سوئمز بر مشعله ، نه حرارتلی بر مشعله در .

شونقطة نظر دده دوشونیه جک اولورسه تاریخ ادبیات جدأ بویوک ، جدأ مهم ، جدأ فائده لیدر .

وینه بونک ایچوندر ، که بز اثر مزده تدقیق ایده جکمز موجودیتلرک سیای مغویسنه ، شخصیتته پک زیاده اهمیت ویره جک ، اونلرک ایجادات و ابداعاتنه عائد احتراملر می کال تعظیمله سرد و اتیان ایده جکمز .

۲

آثار ادبیته ظهوری ، افسانه لر ، شریقر ، ماصالدر ، حماسیات . — صنعت ، حکمت بدایع مسائلنک تدقیقاتیه آکلاشیلدینی و آکلاشیه جنی وجهله عضویت بشریه نک بر نتیجه طبعیه سیدر . ادبیات ایسه شعر نام عمومیی آلتده — شعر ؛ معنای واسع و شاملیه ابداعات صنعتکا . رانه نک هیئت مجموعه سندن عبارتدر — صنایع تفسیه نک بر شعبه مخصوصیدر . بناء علیه او یله صنعی ، متفسخ بر جمعیتک محصولی دکل اساساً طبیعتک بشریه اهدا ایتدیکی بر ملکه ، بر خصلت ، بر اساس در . شعر نصل تولد ایتدی ؟ . . شعر ، علم احوال روح نقطه نظرندن باقیله جق اولورسه دین ایله برابر ساحه ارضده ظهور ایتمش ، وقورقونک و شکر پرورینک مولودی اولمشدر . آفاق کائنات و حیاته نظرلرینی ایلك دفعه آچان بشر بر طاقم حادثات و وقایع ایله قارشو قارشویه بولمش ، بونلرک بعضیلری اونک اوزرنده بر ذوق نوشین ، بر حس لطیف او یاندرمش ، بعضیلری ده اعصابی صارصمش ، ییقمش ، بیتیرمشدر .

« هر ملتده نظم ونثردن عبارت ادبياتك ابتدای شيوعندن حال حاضره ياخود معين بر زمانه قدر اولان احوال تاريخيه سنی بيلديرن بر فندره . »

بوتون صنعتده اولديني کي تدقيقات تاريخيه دهده حائر اهميت اولان خارجيات ، لسان ، موضوع دکل ، حسن بديعي ، وشخصيت صنعتکارانه در ، ايشته بونقطه طولاييسيله تاريخ ايچون اُک قيمتلي بر خزينه وثائق اولييور . تاريخ ادبياتدن بالذات تاريخ استعانه ايدر . نديمک اُک کوچک بر غزلی قدر لاله دوريني آلتی جلدن عبارت اولان راشد تاريخی کوسترمه ييور .

صوک زماندرده تاريخ ادبيات يازان ، اولجه ذکرى کچن معلم محترم اثرينک مدخلنده تاريخ ادبياتی شويله تعريف ايدييور :

بوتعريف يك نظرده تام اولمق اوزره کوريله بيلسه ده تدقيقات اخيره بديعيه وقوف ايله بونک نقصان اولديني تظاهر ايدر . تاريخ ادبيات يالکز نظم ونثردن عبارت ادبياتك احوال تاريخيه سيله اشتغال ايتمز . اوعده ادبيات ايله بر قومک ، بر زمانک احوال روحيه سنی ، تکاملات اجتماعيه سنی ، انقلابات فکريه وحسيه سنی ، صنعتکارلرک شخصيتی تمثيل ايدر . بناءً عليه معلم محترمک شوتعريفلرني توسيع واکمال ايتک مجبوري قارشوسنده بولونييورز ديمکدر :

« تاريخ ادبيات ؛ بر قومک ويا بر زمانک بوتون محصولات قلميه صنعتکارانه سنی کرک شکل ، کرک اساس اعتباريله تدقيق وتحليل ايدهرک اوقومک ، اوزمانک روحه ، تکاملات اجتماعيه سنه ، انقلابات متعدده ذهنيته وقوف ، وصنعتکارلرينک شخصيتلرينه ، حيات خصوصيه وادبيه لرينه نفوذ ديمکدر . »

بز بوتعريف ايله معلم محترمک نقصان بر اقدینی اُک اصلي ، اُک

اساسی نقطه‌یه ، حسن و هیجان بدیعی‌یه کیرمش اولیورز ، تاریخ ادبیاتی بر ترجمه حال ، بر تذکره شعرا شکندن قورتارمش ، اوکا اُک بویوک وظیفه‌سنی تحمیل ایتمش بولینیورز . قدمانک نقطه نظری هر نه اولورسه اولسون پک بسیط ، پک ابتدائی ، واساس وروحدن متباعددر. ایضاحات مبسوطه تاریخ ادبیاتک نه قدر مهم ، نه قدر عالی ، اولدیغنی ایضاح ایتمکه برابر بوتدریساتک حصوله کتیردکی فوائد بوندن ده عبارت دکلدر .

او، حسیات وطن‌پرورانه‌یی تقویه ایدن اسباب و عوامل داخلنده ده بولمقده در . بر قوم ادبیاتیه و اونک واسطه‌سی بولنان لسانیه ، خلاصه آثار ادبیه‌یی ایجاد و ابداع ایدن ، لسانی زنده و پرحیات قیلان ادباسیه بوتون صنعتکارلیله وطنه مربوط اولور .

منقد شهر « امیل فاکه » ادبا، شعرا بالذات وطن‌پرور و لاسه‌لر بیله تولید ایتدکلری آثار اعتباریه حسیات وطن‌پرورانه‌یی ایقاز ایدرلر دییورکه بو پک طوغریدر . بر قوم وطنه اوجاغنک دومانندن ، عالیه‌سنک اوجاغندن زیاده مفاخر مدنیّه ماضیه‌سیله مربوط بولتور . آثار مدنیّه قبلرده ، دماغلرده وطن مغوینک تولیدینه باعث اولور . ادبیات ایسه او آثار مدنیّه‌نک بر شعبه تظاهراتی دیمکدر . قوی بر ادبیاته ، واسطه‌سی بولنان قوی بر لسانه مالک ملل واقوام بر مدت اویوسه‌لر ، بر مدت یاتسه‌لر بیله بالآخره اویانیرلر .. بو کونکی یونانیلری یاشاتان پک اسکی بر ماضیدن منتقل آثار ادبیه‌لری ، آثار صنعتکارانه‌لری ، آثار علمی‌ه‌لریدر .

تاریخده فضولی‌یه ، باقی‌یه ، ندیمه ، حامده بر قیمت مخصوصه ویرن بر قوم استقبالی قصقنیر ، اونک محافظه‌سی ایچون بوتون

اختلال دوره لرنده حقیقی صنعتکارلرک ، حقیقی آثار صنعتک تولد ایتمه مه سی ده جمعیتک ادبیاته تأثیر ایتمه سندن طولاییدر . ادبیاتک نه صورتله تولد ، نه صورتله تکامل ایتدیکی ده دوشونیه جک اولورسه پول بورژونک فکرینک صحتی تمامیه آ کلاشیلیر . . شعر ابتدای بشریتده بر قومک محصول مشترکی ایدی . . ابتدای بشریتده نظم واردی ، نثر یوقدی ؛ اوده منفرداً بر شخصک مولودی دکل ، عمومک مولودی ایدی . چونکه اوزمانده حیات بشریه نک الجا آتی مشترکاً ، وبر رئیسک تحت اداره سنده یاشامه یی آمر بولینیور ، ادبیات ده جمعیتک تأثیریه او صورتله تجلی ایدیوردی . . زمان ایلروله دجه ، جمعیتر بوبودجه تقسیم اعمال قانونی ده کندینی کوسترمه یه باشلادی ، افراد بشر صنف صنف ، طبقه طبقه آیرلدی ، هر بری بر ایش ایله اشتغاله تمایل ایتدی ، شعرده بو حال اجتماعیدن متأثر اولدی ، اوده بر صنف مخصوصک مال مشترکی اولدی . . نهایت حس شخصیت بشرک حیاتنده بر احتیاج حاله کلدی ، شعرده شخصی اولدی . دیمک که ادبیات طوغریدن طوغری یه بر زمانک ، بر جمعیتک تأثیرندن آزاده قالمایور ، اونک ایزلرینی همان تحمیل ایدیور . شو صورتله تاریخک اک طوغری ، اک زنده ، اک روحی بر معاونی ، بر مجموعه وئائی اولیور .

فی الحقیقه تاریخ ادبیات تاریخک ، بالخاصه تاریخ مدیتک مهم بر جزئیدر ، فقط هیچ بر زمان قدمادن بر معلم محترمک دیدیکی کبی فرعی دکدر . بالعکس وئائق تاریخیه اساس ومنبعدر . تاریخ ؛ ادبیات ، صنعت قدر جانلی و قیمتدار معاونه مالک دکدر . چونکه اونک واسطه سیله بر زمان معینک ، بر جمعیت معینه نک روحنه نفوذ ایدر . .

بالاخره کوریه جکی وجهله غیر قابل انکار بر طرز وماهیته در .
بر ملتک ادبیاتی، تاریخ ادبیاتی او کر نمک، او ملتک حیات اجتماعیه سنی،
صفحات تکاملیه سنی خطوه خطوه تعقیب دیمکدر .

بر ملتک صورت تأسس وتشکلی ، دوره کمال وتوقفی ؛ دوره
انحطاطی ادبیاتده اوقونیر ، کورولیر ، آل ایله تماس ایدیلیرجه سنه
آکلاشیلیر . صوک عصرک ادبیات تاریخنده پک مهم بر موقعه مالک
اولان پول بورژوا «حال حاضرک احوال روحیه سی » نامنده کی اثرنده
اضمحلال زمانه عائد آثاری تدقیق ایدرکن شوسوزلری سویله یور :

«رفاه وسعادتک ، وراثتک تأثیری حیات شخصیه تمایلی زیاده لشدیررسه
عضویت اجتماعیه انحطاطه یوز طوتمش دیمکدر . لسان دهنیلن دیگر بر
عضویتک انکشاف وانحطاطی ده عینی قانونلر اداره ایدر . انحطاط دیمک
وحدت کتاب موقعی صحیفه نک ، صحیفه جمله نک ، جمله کله نک استقلاله ترک
ایتمه سی دیمکدر . »

فی الحقیقه بوبویه در ؛ هنوز تشکل ایدن ملتدرده هرشی متردد ،
هرشی سرعتله متبدل در . بویکی قوملرک لسانلرنده ، فکرلرنده بر
قارغه شلق ، بر عدم وضوح ، تردد ، بر تبدل حس اولنور .
سلطان عثمانک حکومت عثمانیه یی تشکیلندن قانونی سلطان سلیمان
دورینه قدر ادبیات عثمانیه ده بوسایدیغمز اوصافک ایزلرینه تصادف
اولنور . پادشاه مشار الیهک زمان سلطنتنده باشلایان دوره توقف
وکلاده ایسه ادبیات عثمانیه ده بر تقرر ، مقصد وغایه سنه واصل
اولمشلره مخصوص بر اطمئنان ، بر وقار حس ایدیلیر . جمعیتک
افکار و اعتقاد اتنده قرار سزلق ، تزلزل حصوله کلدیکی زمانده ادبیاتی
شخصیت پرست ، غرائب جو ، اک کوچوک بر هوسه بویوک بر وحدتی
تارک کوریورز . .

تأثر موجوددر . اساساً بوکا ادبيات ايله جمعيتك تأثير متقابل نظريه .
 سيديرلر .. هيچ بر اثر ادبي يوقدر ، كه بر زمان معينك ، بر محيط
 معينك ، بر شخصيت معينك محصولى اولماسون .. هر اثر ادبي
 اغديه اوليه سنى وسطدن اخذ واقتباس ايدر .. شواعتبار ايله محيطك
 اونك اوزرنده پك نافذ وپك جلي بر تأثيرى اولدينى كبي ايزى ده
 واردر . بر اثر صنعتكارانه قدر هيچ بر شى كچمش زمانك افكار
 واحتساساتى بزه بر حيات ، پر رعشه كوستره مز . بالاخره عريض
 وعميق تدقيق اولنه جنى وجهله برباقى ، بروحى ، برنفعى بزه بر اقدىنى
 آثار واسطه سيله ياشادىنى زمانى اُك قطعى ، اُك جانلى بر صورتده
 كوسترييور . باقىنك اثرلرني اوقويانلر بر كمال عهدنده بولنديغنه
 درحال اينانيورلر ؛ روحى يى ، نفعى يى اوقويانلر شان وشرفه
 مالك ، غرور ايله مالى ، زينت وسفاهتله پر روح برعصرك روحنده
 يشارلر . .

اثرلر ك طرز ترتيبى ، حسلر ، فكلرلر ، كلهلر خلاصه هر شى تولد
 ايتديكى عهدك برر نشانه سى ، برر مشعره سيدر . بوندن ماعدا آثار
 ادبيه ده جمعيت اوزرينه اجراى تأثيردن خالى قالماز . بر اثر ادبي
 بعضاً بر جمعيتك افكار واعتقاداتى دها واضح ، دها قطعى بردستور
 داخلنده وضع ايله اونلره بر شكل معين ويره بيلير... شرقك افلاطونه ،
 نويونانيلكه متوجه ، مىال حالت روحيه سنى خرستيانلغك سكونندن
 قورتاران ، اوكا بر جواليت مخصوصه ، بر انكشاف مخصوص ، بر
 شكل نوين وكزين ويرن ادبيات وشعردر . مولانا جلال الدين رومى نك ،
 يونس امره نك ، نسيمينك ، قايعوسز دده نك ، سنان پاشانك ،
 نديمك ، شيوخ غالبك ، كمالك ، حامدك زمانلرى اوزرنده كى تأثيراتى

مختلف مسالكك موجوداتی بر بریله مقایسه ایتلیدر؛ بوندرک خطوط مشترکه لرینی تعقیب و تفریق ایتک لازم و مقتضیدر. چونکه بوضورتله حرکت ایتیه جهك اولورسحق عندیات و فریادتدن تباعد ایدمه یز .. «فلسفه صنعت» محرری «تن» بونظریه یی وضع ایله صنعت و ادبیات تدقیقاتنه علمی و تجربی بر ماهیت ویره بیلیمشدر.

واقعا چیقاردیغی نتایج ایله مطلقیتدن قورتیله مامش ایسه ده حکمت بدایعك مسندلرندن بری اولان تاریخ ادبیاتك مفروضاتك ایادی اضلالندن قورتیلمه، ده افنی، ده قطعی بر شکل آله سنه بر دلیل، بر راهبر اولمشدر.

یز ادبیاتی عندی، فرضی و شکله عائد بر طاقم قواعد و نظریاتك بیلیمه سندن زیاده کچمش زمانلرک آثارینی تدقیق و هربری آره سنده کی مناسبات و ارتباطاتی درک و تیقن ایله اوکر نه بیلیرز .. تاریخ ادبیات دیمک، ادبیاته وقوفك اُک صحیح عاملی دیمکدر.

لکن بونی شمدی یه قدر تجارب و تدقیقات اوزرینه مؤسس بر علم حالنده اوکر ده جککری یرده بر ترجمه احوال شعرا طرزنده او قوتدقلرندن مطلوب نتیجه یه وصول میسر اوله مامشدر. یز حکمت بدایع ده، وبونک بر شعبه سی اولان ادبیات ده نصل فن و تجربه یه استناد ایله یورودیه ك بو اُترده ده عینی مقصدی، عینی غایه یی تعقیب ایده جکز. بوضورتله ممکن اولدیغی قدر عندیادتدن تبعا دایتمش اوله جغز .. آثار صنعت، بالنتیجه آثار ادبیه بذاته اجتماعیدر. بر دورک مجموع محصولات صنعتکارانه سیله افکاری، اعتقاداتی، احتیاجاتی، تمایلاتی آره سنده مناسبت بولماق عذیم الامکان کیدر. ادبیات ایله جمعیت، جمعیت ایله ادبیات میسانده بر جریان مخصوص

مقدمه

تاریخ ادبیات : تاریخ ادبیات تاریخ مدنیتك مهم بر جزئیدر . —
جمعیتده ایلک آثار ادبیهك ظهوری : افسانهلر، شرقیلر، ماصالار، حماسیات . —
آثار ادبیهك آثار سائرۂ صنعتله مناسبتی . — تاریخ ادبیات وداستان . —
بر دور ادبیتك حدودی فصل تعیین ایدیلیر . — بر اثر ادبیتك تحلیل داخلی
و خارجیسی : اثر و محرر . — بر اثر ادبیتك وجوده کتیردیکی تأثیراتك تدقیق :
محیط جغرافی و اجتماعی ، شرائط اقتصادی ، حیات سیاسیة ، حیات عائله
و کبارانه ، اعتقادات ، اخلاق ، صنایع سائرۂ نفیسه .

۱

تاریخ ادبیات : تاریخ ادبیات تاریخ مدنیتك بر هزیمیر . —
تاریخ کبی معنای حقیقی و روحیسی پک یقین زمانلرده تعیین ایتمش
شیلردن بریده تاریخ ادبیاتدر . اسکی زمانلرده تاریخ ادبیات دینلنجه
کلوب کچن اسانده شعرانك یا خود هیئت مجموعه شعرانك حالی دوشونیلیر،
اوصورتله صحیفه لر املا ایدیلیردی . بز بوکون بونلری «تذکرۃ الشعراء»
تسمیه ایدیورز ؛ بر قیمت علمیه و فیه یا خود بر قیمت مثبتہ ویره .
مه یورز . بونلر اشیانك روحنه نفوذ ایتکسزین خارجیاتنی کوسترن
بر مجموعه توصیفاته بکزه مکده درلر .

تاریخ ادبیات ، تاریخ تکامل بشر یعنی تاریخ مدنیت دیمکدر . بر قومك
ادبیاتنی مبادینسندن منتها سنه قدر تعقیب ایتک او قومك سلسله
ازمان آره سننده کچیردیکی بوتون انقلابات حسیه و فکریه یی ، بوتون
تکاملات دماغیه و روحیه یی آری آری کورمک ، آکلاویه بیلیمك ،
اک زیاده ، اک جانلی نقاطنه نفوذ ایتک دیمکدر . .

ذاتاً بر فکر ادبی ، بر فکر صنعتکارانه آله ایده بیلیمك ایچون
تحریات و تدقیقات صنعتکارانه ده بولنلی ، مختلف زمانلرک آثار صنعتنی ،

PL

205

K68

v.1



Köprülü, Mehmet Fuat

کوپرلی زاده محمد فؤاد — شهاب الدین سلیمان

Yeñi 'Osmanlı tarih-i edebiyatı

یٰحییٰ
عُثْمَانِی تَارِیْخِ اَدَبِیّاتِی

منأ لردنه نو شهرلی ابراهیم پاشا صدارتہ قدر

برنجی جلد

سلطانلرک اک صوک پروغراملرینه مطابقدز .

طابع وناشری:



— استانبول —

شرکت مہرتیہ مطبعہ سی باب عالی جادہ سندہ

۱۳۳۲

336

PL
205
K68
v.1

Köprülü, Mehmet Fuat
Yeñi 'Osmanlı tarih-i
edebiyati

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

